


IGNATI  
LOIOLÆ  
VITA,  
POSTREMO  
RECOGNITA.



ANTVERPIÆ,

Ex Officina Martini Nutij, ad insigne  
duarum Ciconiarum,

ANNO M. DC. V.



# CLAVDIO A Q V A V I V Æ

PRÆPOSITO GENE-  
RALI SOCIETATIS

I E S V.

Ioannes Petrus Maffei S. D.



*P*Ærens & conditor nostra So-  
cietatis Ignatius, auctore ac duce  
Deo gessit in terris; ea profectò di-  
gna sunt, in quibus commendandis  
immortalitati, scriptorum omnium  
certet industria. Id scilicet fuit caus-  
se, cum in eo munere alii non sine pi-  
satis & ingenii laude versati si-  
nt, cur ego quoque, delatam olim ad  
me à Patre nostro Euerardo nonnullam huiusce pro-  
uincia partem, neque ita grauatiè receperim; &  
receptam, si minus cum apparatu & copia, cer-  
tè cum fide curaq., Deo adiuuante confecerim. Nec  
sanè dubium, quin qui talem mihi laborem iniunxe-  
rat, huic potissimum laboris eius & opera fructus ac  
prima libamina debere rentur. Nunc, quando, prius-  
quam in vulgus exirent lucubrationes meæ, ad bea-  
tos ipsius Ignatii complexus, uti speramus, ille detes-  
sit;

4  
sit; ei nempe, qui in utriusque Præpositi locum &  
curas nutu diuino successit, optimo iure dicenda fue-  
runt. Ac tibi quidem, Pater humanissime & opti-  
me, in præclarum illud exemplar dies noctesque in-  
tuenti, minimè dubito quin opus hoc qualecunque  
gratum acceptumq; futurum sit. Cæteris ut perinde  
iucundum ac fructuosum accidat; nim. irum ab  
IESU, tuis incensis officio & ca-  
ritate precibus & sacrificiis,  
impetrabis.

IGNA-





# IGNATII VITAE LIBER PRIMVS.

*Ortus eius, & educatio.*

## CAPVT I.



In ea Hispaniæ regione, quæ ad Pyrenæum pertinet, ac vulgi sermone Guipuzcoa nominatur, in primis clara est Loiolcia familia. Eius familiæ princeps Bertramus, Ognis & Lorolæ dominus, quæ loca sunt in finibus vrbis Aspeithiæ, in matrimonium ducta Marina Sone, æquæ clari generis femina, quinque suscepit ex ea filias, filios octo: quoru[m] primus natus fuit Ignatius is, quem Societas IESV parentem agnoscit; cuius de vita & moribus, quæ nobis fuerint comperta, in vniuersis Dei gratiam gloriamque litteris mandare decreuimus. Hicce ergo parentibus natus Ignatius est anno post Virginis partum M. CD. XCI. regnantibus in Hispania Fernando & Elisabetha, cognomine Catholicis. Ac de prima ipsius pueritia id vnum constat, hoc ita seuera disciplina educatum à suis fuisse; atque ab ipsis incunabulis, vt in opulenta domo, profanos admodum hauissse spiritus: deinde litteris vixdum à limine salutatis, cum esset eximia & animi & corporis indole, continuò in Fernandi regiam à patre missum, veteri Hispaniæ more, quo in regno principum liberi ea ferè conditione ac iure nascuntur, vt maximus ætate dumtaxat in patrimonio imperioque succedat, reliquis, siue ad acuendam gentis industriam, siue ad familiæ splendorem in suo capite retinendum, portioncula quadam hæreditatis aspersi, quæ tenuem in victum cultumque sit satis, vel studiis doctrinæ militiæve dant operam, vel aula regumque præsidio ad opes gloriæque nituntur. Hic ille cum honorarios inter ephebos aliquandiu apparuisset, aulicis imbutus moribus ad Antonium Manricum

seſe contulit Naiarenſi ducē, ex iis, quos in Hiſpania magnates appellant, quo cū Loioleia gēti neceſſitudo vetus intercedebar. Atque apud hunc domi ſortique in honore habitus, rei militaris tyrocinia poſuit: & quod iis ferme vſu venit, qui nondum celeſtes delicias deguſtatunt, id ipſum Ignatio contigit, vt ardentī laudis humanæ ſtudio & communis conſuetudinis impetu abreptus, cū eſſet in corporis ornatu elegantiffimus, equorumque & armorum vſu præcelleret, quod ſibi datum fuerat temporis ad negotiationem ſalutis æternæ, id ille miſerabiliter, vt pleriq; mortalium partim in factionum ſciarumque periculis, partim in amatoria vaſania, & cætera ſæculi vanitate cōſumeret. Verū tamen inter eiſmodi vitia, & cæcos errores, præclara quadam emicabant bonæ ac religioſæ mentis indicia. Primum enim in rara licentia militari, tamque corruptis hominū moribus, quamuis a nuno cōſternatus eſſet interdum, & multis vndiq; cinctus anguſtis, nulla tamē ipſius atrocior vūquā audita vox eſt, quales multæ a nefariis hominibus in Deum, ac Dei providentiam vulgò iactantur. Nec ſolū ab omni verborū impietate ſemper abhorruit, ſed etiā ſæcra omnia ſactorumque auſcultres naturæ perpetuo inſtinctu admodum religioſè reueſtitus eſt. Erat præterea intactus ab auaritiæ ſordibus, & a lucri cupiditate vehementer alienus: quod cū alias, cum vetō in expugnatione urbis Naiaræ, quæ in Cætabriæ finibus eſt, perſpicui poſuit: quā iure belli cum ſux militi ditiſſimæ deditſet, Ignatius, quāuis ad ipſum victoriæ pars nō exigua pertineret, tamen nec præſentis prædæ ſulcedine, nec cæterorum exemplo adduci poſuit, vt ſeſe alienæ rei cōtactu pollueret; nō Chriſtianis ſolū, ſed etiam ingenuis nomine id indignum exiſtimans. Quæ ipſius altitudo animi in priuatis quoque diſſidiis ac ſumultibus enuſcebat, vbi ſi quando ex cæcitamine dignitatis (vt ſit) ad manus pugnamque veniſſet, ſi locus eſſet ciliationi daretur, illico vñ cū ſeruis odiū omne deponebat, & cum inimicis in gratiā planè bona rediret ſide. Neque vetō eide in magnis arduisq; negotiis capeſſendis alacritas, vt peredis cōſiliū & cautio deerat; quocirca inter quosdam Cætabriæ populos qui orta ſeditione legatus ad eos a duce Naiaræ, treui controuerſas omnes magno partis vtriuſque ſolaciu & approbatione direxiſſet ac licet iuuenis admodum eſſet, tamen in agendo tamē, recte agendūque hominu ingenius, iā tum ſentiri quædam in eo natiuitas apparebat; proinde vt negotiū nullū ferme ſulceperit, qd nō ad præteritū exitū ſua ſentitæ ac virtute perduxerit: quāquā ob imperiū nō reiū diuinarū, hæc tã egregia animi bona & quali talia non optime

optimè collocabat interdum: ad hominum videlicet gratiam, ac sui ipsius incrementa iis artibus vtens, quas ad vnius Dei honorē & gloriam omnino referri oportuerat.

## CONVERSIO EIVS AD CHRISTVM.

## CAPVT II.



**H**INC maxime in modum adolescentia atque ipso ætatis flore consumpto, cum annum ageret iam nonum circiter & vigesimum, à miserabili errore certoque æternæ vitæ periculo in rectum salutis iter summo Dei beneficio reuocatus est. Totâ autem conuersionis ratio fuit eiusmodi: Ardebat eo tempore Hispania intestini belli tumultibus; quam nactus occasionem Franciscus Gallia Rex, Navarræ Vasconumque Guipuztoan attingit, Henrico Alibretò cognato suo recuperanda, cuius pater ex eo regno Fernandi Catholici armis olim exactus fuerat; Andréâ Foxiû, cognomento Asparorum, cû exercitu iussit in eas regiones imperum facere: qui celeritate vsus, cû aliquot loca improuiso aduentu cepisset; cumq; nobilitas Hærici cupida ad Galum sese quotidie adiungeret; Nasara dux, qui Navarræ summum imperio præerat, eius rei fama commotus, in vltiorem Hispaniam ad auxilia conuocanda profectus est, Ignatio paucisq; præterea Pompelone custodiæ causa relictis. Ac ceteri quidem appropinquante Gallorû exercitu, magnitudine pedestrium & equestrium copiarum exterriti, & simul diffisi oppidanorum animis, tempori cedere & urbem relinquere cunctino decreuerat: Ignatius verò, multis verbis homines ab eo cõsilio reuocare conans, vbi se nihil proficere hortando perspexit, ardentibus oculis detestatus signauiam perfidiamque, spectantibus omnibus in artem solus introiit, paratus illam cum aliquot in præsidio relictis, omni ope tueri: quo virtutis exemplo permotus alius quidam Ignatii in studio bellicæ laudis amulus, eandem aleam subit: reliquis verò salus, quàm aut fides aut gloria fuit antiquior. Ventum deinde in consilium est à custodibus de summa rei: et inque in tanta propugnatorû paucitate contra tantas hostiû copias negarent plerique locû obtineri posse diutius, ac seniorû præsertim lentinitia ad profectionem inclinarent; Ignatius, quo erat animi & corporis robore, quàm acerrimè sese rursus opposuit, remque disiecit. Interea Galli, resistente nemine, propius ad urbem accedunt, & magna ciuium voluntate admissi, castris ad arcem po-

sitis, præfectum præsidii ad colloquium euocant. Ille accepta  
 de eum tribus duntaxit egreditur, in quibus erat Ignatius qui cum  
 ab hostibus proponi conditiones iniquiores vidisset, exaruit nimi-  
 rum, easque conditiones tantæ ac vehementi oratione commi-  
 lionibus dissuasit, ut ad extrema omnia perpetienda potius, qui  
 arcem deserendam cunctos accenderet. Nec mora: Galli omni  
 colloquio ætius insistere, tormentis acenia quaterere, atque dirute-  
 re, undique ascensum tentare: Hispani contra, Ignatii præsertim  
 exemplo atque adhortationibus incitati, fortiter sese defendere,  
 subuentem hostem gladiis, telis, contis arcere, quoad Ignatio, an-  
 te alios dimicanti, globi vi excussus è muro lapis laevam haud ita  
 graviter laxisit tibiam; globus verò ipse quamquam impetu refra-  
 cto sublevis, dextram aded labefactavit atque confregit, ut è ve-  
 stigio semianimis alienata mente corruerit. Tum verò debilitati  
 animis ceteri, & deditio facta. Ignatium porro stratū, vel ad col-  
 ligendam clementiam, vel etiam virtutem in hoste admira-  
 ri, Galli benignè suscipiunt, & in urbem ex arce translatū, in pri-  
 simo hospitio collocant, medicisque adhibitis, & rebus omnibus  
 necessariis diligenter curant. Huic Gallorum benignitati, pro  
 sua animi magnitudine, egregie respondit Ignatius. quippe tan-  
 tum aberat, ut eos odisset, a quibus in illam calamitatem vitæq;  
 discrimen erat adductus, ut cum in lecto decubaret, singulos bla-  
 de comiterque compellans, omnia ferè sua in eos amoris causa  
 diuideret; atque hunc clypeo, illum pugione, alium thorace dona-  
 rit. Interiectis deinde aliquot diebus, eum grauius laboraret, quā  
 ut breui tempore sanari posse videretur, ad ceteram humanitatē  
 illud etiam additum a Gallis, ut Ignatium Iulicia Losolam usque  
 (neque enim longè aberat) deportandum putarent: qui perma-  
 ner à suis acceptus, cum ingruente in dies morbo periculisque  
 agrotaret, accersit confectum vndique medici, cruce in pectore, se-  
 uerè pronuntiant, ossa illa, siue id prioris chirurgi vitio, siue in-  
 neris agitatione contigerit, nequaquam esse bene locata: neque  
 verò, nisi ea coagmentatione denuo resoluta frustisque suo loco  
 repositis, posse vilo modo fieri ut coalescant. Qua tam acerba de-  
 nuntiatione Ignatius minimè exterritus, non modo statim aro-  
 animo sese paratum ostendit ad omnia subeunda, sed etiam in  
 ipsam curationem, quamuis esset asperissima, nullum aliud iudi-  
 cium dedit doloris, nisi ut coactos in pugnum digitos valde con-  
 stringeret. Ex eo die morbus maiorem in modum est auctus: cum-  
 que iam Ignatius omnes ferè cibos haustusque stomacho sstien-  
 diente respueret, aliaque in eo cernerentur lethalia signa; fiorū  
 adno.

admonitu sacris, quæ ad expiandum animum pertinent, ritè procuratis, ipso B. Petri Apostoli peruigilio, cunctis mœrentibus, cò deductus est, vt medici prorsus ac lani affirmarent, nisi ante mediā eam noctem vis morbi remitteret. Venetabatur iam dudū Ignatius præcipuo quodam cultu principē Apostolorum: quin etiā eius laudes militariter olim carmine Hispanico celebrauerat: cuius profectò pietatis fructum non exiguum tulit: siquidem illa ipsa decretoria nocte per quietem videre sibi vilis est eundem Apostolum, optatam sibi valetudinem diuinitus afferentem. nec sanè in irritum ea visio recidit: quippe continuè leuari doloribus, ciboque refici est cœptus. Iamque Dei beneficio periculum mortis euaserat, magnaque suorum gratulatione melius habebat in dies: cum repètè animaduertit os quoddam genu sub ipso scædius prominere: quod quoniam præter cœtera incommoda impedimento etiā sibi videbāt fore, quominus graphiæ, quam soleret ac velleret, ocreatus incederet, (vt erat idem & patientiæ militari, & vrbana munditiæ & elegantia apprime deditus) percontatus est medicos, possitne vllò pacto deformitas tolli. qui cūm respondissent posse vtique, sed dolore omnium, quos ad eam diē sensisset, maximo & acerbissimo, propterea quòd in eā sedem fragmenta iam firmiter coaluerant, non dubitauit Ignatius, ingenti omnium vel admiratione vel metu, concionum ac decorū corporis habitum anteferre manifesto vitæ discrimini: secarique de sententiā medicorum os iussit, clariore etiā, quā antea, fortitudinis ac patientiæ documento: quandoquidem in ea carnificina (quæ quo lentior, eo fuit horribior) non modò ligari teneri se non est passus, verūm etiā iis, qui aderant, p. uote propemodum ex sanguibus, ab omni prorsus querimoniagemituque se ipse continuit. Post hæc, doloribus magna iam ex parte mitigatis, nondum tamen gressu recuperato, nec pedibus ad insistentū idoneis, interea dum iacentis corpus terrestres medici persasānare conantur, eiusdem animi vulnera curare medicus cœlestis aggreditur. Cū enim affixus lectulo Ignatius, fallēdi temporis causa, p. ophanū quempiā librū poposcisset ex iis, quos antea per oriū læsitare cōsueuerat, diuino planè consilio factum est, nullus vt eo tempore dōmi liber esset eiusmodi: at verò longè meliores alii duo reperi sunt, Hispanico sermone concripti; quorum alterius, Vita Christi, alterius (quo selecta virtutum exempla coninebātur) Sanctorū flores, erat inscriptio. Ea videlicet lectio salutaris initiū attulit homini. Dum enim oblatos sibi libros variis locis quasi aliud agens delibat, sensim capi cœptus est pulchritu-

dine corū, quæ scripta reperiebat; atque adeo inter ipsā lectionē, ubi quidpiam insigne cognouerat, subsistere, secum ipse deliberrans: Quid si præclarū hoc sancti Dominici facinus, quid si hoc sancti Francisci, Deo fretus aggrediar? Neque verò, cum hæc & alia sibi multa proponeret, res occurrebat vlla tam ardua, tamq̃; difficilis, quam non perficere sese posse generosa quadam alacritate consideret. Quæ cum apud se diutius agitasset, emergebant rursus rerum inanum voluntates, & sæcularia desideria: quorum sese nonnullis adeo inanciparat, ut dum totum vel adipiscendæ rationem exquirat, vel potiundi spem animo cōcipit, plures interim horas per imprudentiam in eā cogitatione defixus hæreret. Iamque priora illa propemodum exciderat, accensosque nuper igniculos pietatis, voluptatum illecebræ, & pernicioſa rerum fluxarum blandimenta restinxerant; cum periclitanti seruulo diuina bonitas opem celeriter afferebat, ex eorum videlicet recordatione; quæ legerat, meliorem ei mentem & consilia saniora submittens. atque in hac item commentatione tamdiu morabatur, donec interuentu cuiuspiam, aliò mentem animumque conuerteret. Hac ille vicissitudine & quasi conflictu dies aliquot mirum in modum exagitatus, cum in eius pectore voluptas & virrus pænè ex æquo certarent; contrarias in partes magna suā perturbatione distrahebatur, incertus animi, hancine viam an illā, cum primum posset, insisteret. Veruntamen inter alternas fluctuantis animi propensiones illud intererat, quodd blandis illis rerum fluxarum imaginibus, quamdiu præsentibus obuersabantur, tamdiu titillabatur Ignatii mens: abeūtibus vero succedebat illico amarus quidam torpor, & agritudo, & sibi met displicentis animi tædium. At contrā, præclari illi ad Christianam laudem impetus, cogitationesque de adæquanda vigilantia & sobrietate Sanctorum, de votiuis peregrinationibus, de victu cultuque in primis horrido & aspero; non modò cum aderant animum insolita quadam iucunditate inuolebant, sed in recessu quoque, tristitia subcunte nulla, securum hilaremque præstabant. Sed enim tantum hoc ille discrimen, sæculi tenebris occæcatus adhuc, habesque ad subtiliora hominis interni iudicia, quasi ignotum quidpiam præteribat, quoad elatione demum oborta sibi luce, mentis acie accuratius in eam varietatem cōpit intendere; ac denique non sine admiratione quadam animaduertit, ab illis cogitationibus, ut erant inanes ipsæ, sic se ieiunum & aridum, ab his autem, velut a pabulo salutari, latum vegetumque discedere: liquidoque perspexit, fucata & insidiosa voluptas quantum à vero & solido.

Solido gaudio & suauitate distaret. Atque hanc primam de intimis animi sensibus motibusque ratiocinationem habuisse fertur Ignatius: ad quam ubi maior deinde rerum diuinarum usus accessit, tantam in spirituum discretionem (quæ consummata sapiëntiæ virtus est) soletiam atque peritiam est consecutus, ut egregia etiam illius generis præcepta in eo libro, qui Exercitiorum appellatur, posteritati reliquerit. His ergo obseruationibus & assiduis librorum monitis à lethali animæ æterno excitatus, antea vitæ peccata & infinitam in se Dei clementiam aliquando cepit agnoscere; nec solum de mutandis in posterum moribus, verum etiam de expiandis omni ratione delictis, placando quænumine, seridè cogitare. Atque in hanc deliberationem ingressus, denuo sese ad Christi domini Sanctorumque sectanda vestigia occulto quodam instinctu acriter sentiebat impelli, & eorum præceptis, qui in se ipsi quam maximè duri ac seueri existissent; artium quippe spiritualium & Christianæ philosophiæ rudis & ignarus adhuc, omnem ferè sanctitatis & officii perfectionem in asperitate vitæ & in voluntaria corporis afflictatione statuerat. quocirca iam tum agitabat animo, simul atque per valetudinem liceret, nudis pedibus Hierosolymam perere, ac frequenti verberatione longoque ieiunio tantas peccatorum poenas vitro suscipere, quantas videlicet ab excelso magnòque animo, salutare odium sui. & ardens diuinæ gratiæ promerenda studium exigebat. Iamque rectis euntem sensibus, & optima quæque expetentem, longè vehementius incitauit diuina visio. Etenim nocte quadam vigilanti, augustissima specie ac beatissimo lumine fulgens, MARIA virgo vna cum paruulo IESV non modò sese palam ostendit, verum etiam incredibili benignitate spectandam aliquamdiu præbuit: quo viso mirificè recreatus Ignatius, tantum repente odium fastidiumque concepit eorum, quæ apud cæcos mortales prima putantur, ac præsertim quæ cum inhonestâ voluptate coniuncta sunt, ut omnes rerum illarum quàm diuturno usu ac vetustate corroboratas imagines ex hominis memoria confectum aspectus ille deterferit. Accessit ad hæc illud quoque non leue Dei beneficium, quod ei in omnem deinde vitam proprium ac stabile mansit: ut quotiescunque sublatis in cælum oculis astra suspiceret, quod tunc sæpe faciebat ac diu) mortalia cuncta illi repente sordescerent; & miro quodam æternæ patriæ desiderio raperetur.



AD MONTEM-SERRATVM RELIGIONIS  
CAVSA PROPICIISCVR.

## CAPVT III.



INTEREA simul & animo & corpore conualescens, è lectulo surgere, & intra cubiculi fines paulatim crura explicare atque ingredi cœperat; nihilque longius ei videbatur, quam vt de cognatione sua & de domo patris exire, & præteritæ vitæ peccata quam acerrimè vindicare sibi liceret. Sed quia nondum erat ad iter faciendum idoneus, constituit interim præclarissimas quasque Christi Domini Sanctorumque res gestas memoriæ causa describere; atque ad id ipsum exquisiti cuiusdam nitoris & elegantię codice comparato, quæ de virtutum exemplis præcipuè admirabatur, in eum codicem vario picturæ genere quam compositissimis & quâ clarissimis litteris ordine referebat. Atque huic operi dum insistit ardentius, quamquam sua de instituendo nouo genere vitæ consilia mortalium nulli aperuerat; hæc tamen tanta scribendi ac legendi assiduitas, cōtempus corporis, frugalitatis amor & parcimonia, sermo quotidianus non ad vrbauitatem, vel ad ambitionem, vt antea, sed ad modestiam pietatemque composuit: hæc igitur, & alia non obteura immutati animi indicia, celeriter illū domesticis prodiderunt. In iis Martinus Garzia frater natu maximus, qui de mortuo iam pridem Bertramo in domum suam rei que familiaris administratione successerat, suspicatus id quod erat, Ignatium vel morbi vexatione vel eorum quæ legerat admonitione compunctum, ac pertæsum vitæ prioris, nouum aliquid ac magnum moliri, atque etiam fortasse nuntium rebus humanis velle remittere, commotus animo vehementer, hominem seuocat, variisque interrogationibus blande pertentās, ad extremum per communes patres perque fortunas omnes obsecratur & obsecrat, videat etiam atque etiam quid agat, quod progrediat, ne quid noui consilii capiat, quod vel ipsi munus & exploratum ac gloriam & opes iter impediat, vel sempiternam Lotoleia familia dedecoris notam inurat. Ad quæ Ignatius breuiter, quod se quam primū a fratre expediret, satis memorem fore se respondit officii: & simul, quoniam de recuperata propemodum eius valetudine ad Najarz ducem nuntii venerant, in oppido iustitimo, cui



eui Nauarreto nomen est, eo tempore commorantem; veniam à fratre petiit ducis pro amicitia reuiscendi; ac peream causam, duobus dumtaxat assumptis famulis, eques in viam se dedit, ac breui Nauarretum peruenit incolumis. Ibi duce amicisq; ita salutatis, vt arcana consiliorum suorum quam accuratissimè regeret, simul etiam certa pecuniæ summa in vsus pios insumpta, Barcinonem perere, vt Hierosolymas inde contenderet, famulosque dimittere statuit, quo liberius remotis arbitris in suum sequere corpus, & debita vitæ licentiùs actæ supplicia à semetipso posset exigere. Solus ergo per summam dissimulationem Nauarreto profectus, primum omnium religionis causa celeberrimam Beatæ Virginis ædem adire decreuit, quæ in Monte-serrato à monachi Benedicinis incolitur, estque Barcinonem è Nauarra petentibus minime deuita. Deinde reputans apud animum suum partim voluptates, quibus antea indulserat, partim etiam periculosum & graue bellum, quod sibi rursus à carnis illecebris atque ab inferioris animæ viribus imminabat; omni ratione se contra domestici hostis insidias muniendum est arbitratus. Ergo non solum institutam, ex quo die Loiola discesserat, consuetudinem obfirmato retinuit animo, vt singulis noctibus penæ nomine se acerrimè verberaret; sed etiam ratus nullum continentiae præsidium posse firmitus inueniri, quam Dei matris eiusdemque Virginis perpetuæ patrociniū, recenti præsertim illius in se clementia ac benignitate inuitatus; in eius maximè clientelam fidemque confugit, ac studio virtutis incensus, illico fecit vt eidem Virgini Beatissimæ sese irrevocabili voto castitatis obstringeret. Quod religiosi animi obsequium & sacrificium pro sua infinita bonitate ratum & gratum Deus ipse videtur habuisse: quandoquidem, ipsa Virgine deprecante videlicet, ex eo tempore ad extremum usque diem Ignatius planè omni sensu libidinis caruit. Cæterum quo facilius omnes intelligant, quam sit periculosum & anceps, in Christianæ philosophiæ curriculo sine rectore ac magistro versari; non omitta hoc loco quod ambulanti in feruore spiritus per eos ipsos dies Ignatio contigit. Erant eo tempore in Hispaniæ finibus, Maurorum multæ reliquæ: quos nefariæ superstitioni Mahometis addictos, Fernandus Catholicus haud ita pridem è suo pepulerat regno. Ex ea igitur fæce quidam insidens mulo, Ignatium forrè affecutus, eomitem sese illi adjunxit; ac nonnulla primum (vt sit) de itinere sciscitantur, variis deinde sermonibus eò deuentum est, vt de singulari Mariæ virginitate differerent, quam cum nefarius ille ante partum quidem integram illibatamque fuisse fateretur,

à partu

a partu verò nequaquam; contra Ignatius ab eiusmodi errore quibuscunque poterat rationibus hominem reuocare contendere; post multam altercationem magis magisque obstinatus impius ille, cum oblatam sibi veritatis lucem intueri nollet, repente non sine rabie quadam subditis mulo calcaribus antecessit, seque celeriter ex Ignatii conspectu proripuit. Quo facto vehementius irritatus Ignatius, parum abfuit quin citato gressu persequeretur, abeuntem, & pugione confoderet; facinus indignum existimans non tam contemptum relictumque superbi se, quam de summa castimonia & sanctitate Regine Angelorum ausum fuisse vilissimum caput ore polluto detrahere: cumque militari etiam tum spiritum religionis officiique momenta perpenderet, sese vix pietati satisfacturum putabat, si tantas blasphemias pateretur inultas, neque ab impuro dæmonis mancipio pœnas petulantis linguæ reposceret. Verum itamen incitatum iam generosi pectoris impetum retardabat suspicio latentis in tam speciosa cogitatione piaculi; metusque probabilis, ne per hanc animaduersionem, & cœleste numen, & eam ipsam, quam defendere conabatur, Virginem offenderet. Cum igitur multa secum agirasset, motu corporis pariter atque animo varius; ad extremum, sanè quàm præcipiti consilio statuit ad biuium vsque procedere, vnde Maurum ex habito colloquio ad proximum pagum nouerat diuertisse: in eo biuio laxatis omnino mulæ, qua vehabatur, habenis, ita de re tota interpretari, vt si bestia ipsa per se Mauri vestigiis insisteret, nō dubitaret quin accepta futura esset ultio Majestati diuinæ: sin minùs, pro certo putaret, nequaquā id à se officii Deum Beatamque Virginem polulare. Hæc ille mente processit ad biuium: cumque pagus ille, quem diximus, abesset diuturno passuum non amplius quam draginta, via facili ac spatiosa; planè diuinitus factum est, vt sponte sua iumentum angustiore via Barcinonem versus iter arripere. Atque hunc in modum Ignatius in re tam graui, nullo pia ipsius studio recepto periclitatus, lethalis noxæ crimè feliciùs effugit, quàm sapientiùs. Inde progressus ad vicum à Monteferrato haud longè distantem, de peregrinatione Hierosolymitana, deque asperiore vita quam prius inueniendæ mirè sollicitus, viator um ibi coemito natum, spatiosos dilectos calceos, talarum è sacco tunicam, funemque, pro baltheo, cornatam baculum, & in usum aquæ cucurbitam. Quæ omnia, vt Christi paupertatem non erubescere, & peruersam vitam secundam deponere paulatim assuesceret; si penita propalaretur, ephippiis ad montem vsque letus aduexit.

## ACTA EIVS IN MONTE-SERRATO.

## CAPVT IV.

**Q**UOD simulatque peruenit, templum ingressus, ac numine salutato, nihil antiquius habuit, quàm vt per sacram totius antea actæ vitæ confessionem contractas animi fordes elueret. qua confessione in primis fideliter atque accuratè de scripto peracta per triduum, summa deinde cum veneratione ad Sacramentum altaris accessit. Contulit etiam cum eodem patre, qui sibi confitenti aures dederat, omnia sua consilia cogitationesque de imitatione Sanctorum, quæ ad eam vsque diem prorsus nemini patefecerat. præterea, quicquid habuit pecuniæ, totum id in Christi Domini gratiam pauperibus benignè diuisit. Dein silentio noctis eius, cui dies festus Angelicæ salutationis illuxit, prætiosa vestimenta, quibus erat ornatus, quàm occultissimè potuit, pannofo cuidam ex infima plebe largitus, confestim optato illo sacco sese alacer induit, ac tunc præcinxit; dextro pedi, quod ex reliquiis morbi singulis etiam cum noctibus intumesceret, calceum induxit è sparto; sinistrum vtique nudum relinquere, & capite itém nudo prorsus decreuit indecere. Sed quia non ignorabat plurimos pallio tenus esse philosophos, vestemque facilius inulto mutari quàm mentem; omni ope sibi enitendum existimauit, vt illa exterioris amictus insignia, ad intimos animi sensus occulta quadam affinitate pertingerent: Cumq; accepisset in more positum olim fuisse, vt nobiles equites, antequàm in ordines referrentur, in sacris ædibus noctem vnã armati excubarent, (quod in Hispania peruigilium armorum appellant) militarem illum ritum ad rudimenta Christianæ perfectionis in semetipso transferre constituit. Igitur gladio ac pugione, quibus antea nouo modo meruerat, è tholo insipientis, nouo instructus armorum genere, totam eam noctem peruigil ante altam sanctissimæ Virginis, modò stans, modò nixus genibus, prætorum veniam deuotè precari, diuino cultui deuotè se, ac beatam præcipuè Dei matrem impensa supplicatione propitiare non desistit. Atque hunc in modum Christianæ militiæ nomen ex antiquo dedit. Iunioris quoque Christi natorum M. D. XXII. quo ferme in hoc orbe, et a multis non sine admiratione quidem animaduertitur, Martinus Luther infamis hæresiarcha, magnis in Germania motibus excitatus, iussus a Carolo V. Imperatore adesse Vindobonæ, et ad prælium ad eam diem verus opinionum suarum effudit

effudit in illo conuentu palam, Sediſque Apoſtolicæ & Catholicę  
 veritati neſarium atque inipium bellum temulentus indixit; vt  
 ſatis appareat, cū maximè furiam illam contra omnia diuina  
 & humana iura legēſque ſacratas obarmaret Satanas; tum ex al-  
 tera parte, præter alia militantis Eccleſiæ robora, nouum etiam  
 hunc ducem excitatum diuinę prouidentię nutu, quem Chriſtus  
 Imperator & ipſum, & ſectarores ipſius, obligatos religionis ar-  
 chiſimæ Sacramento, adactosque nominatim in verba Romani  
 Pontificis, furori ac libidini hæreticę prauitatis opponeret.

## ARDORES EIVSDEM IN STUDIO

### POENITENTIÆ.

#### CAPVT V.



**S**ACRA igitur vigilia, quemadmodum dicebamus,  
 tracta, quo celebritatem hominum ſummaque  
 anſtitutis vitaret Ignatius, nondum certa u-  
 elicto monachis iumento, pedes ipſe obadulo  
 etiam tum ſaſciis altero crure claudicas, per ſum-  
 muum laborem a Monteferrato diſceſſit, & e-  
 militari paulo poſt deſcendit ad oppidum Barcinonenſis agri Mi-  
 noreſſum, (hodie Manreſam vulgus appellat) nouem ſere mili-  
 bus paſſuum à Monteferrato: vbi antequam longinquę & peti-  
 culolę peregrinationi Hieroſolymitanę ſeſe committeret, ſpē-  
 te præſertim Barcinone per id tempus peſtilentia, deuū & obſcu-  
 ro loco aliquandiu deieſſere, & humilitatis Chriſtianę, quę ex-  
 terarum eſt parens cuſtoſque virtutum, ſolida jácere fundamenta  
 decreuerat. Interea mendicus ille, quē Ignatius pridie ſui ve-  
 ſtimentis induerat, cū ex inſolito ornatu in furri ſuſpicionem  
 veniſſet, illico a loci magiſtraribus comprehenditur, & diu-  
 ſam humanamque fruſtra implorans fidem in vincla colligitur. Cant-  
 que inter quaſtionem ea ſibi a viro quodam nobili clariſſimo ſua  
 jureiurando affirmaret, norasque corporis, ignotus nominat, e-  
 deret; conquiritur ex templo diligenter Ignatius. cū nūquam  
 appareret, mittitur ad eum inſequendum ſeſtinē viator, qui e-  
 procedentē facile conſequutus, quaerit ex eo, num cuiuspiam  
 in Monteferrato donauerit. Ad eam vocem, id quod erat ſollicitus  
 Ignatius, ſubſtitit; coactusque innocentis periculo, pauperi  
 cuidam veſtimenta ſeſe pridie largitum eſſe conſeſſus eſt: eoque  
 viator porro inſtaret, quis tu, aut curas? nullum ſibi nomen  
 verbum

verbum Ignatius reddidit. sed itinere cæpto perrexerat tacitus, casum infantis apud se miserans, ac semetipsum incusans, qui ne benefacere quidem sine ipsius cui beneficeret damno, vel certe discrimine, didicisset. Vt igitur Minorellam accessit, oppidum ingressus quo dicebamus amictu, ad publicum infimæ plebis hospitium precariò sese contulit; ibique sanctæ paupertatis ac pœnitentiæ studio inter egentes ac sordidos quam exsequemur vitam exorsus est. Victum ostiarum precibus infimis emendicare quotidie: totam hebdomadam, excepto die Dominico, ieiunare; in ipso cibatu simplici pane contentus, atque ubi sitis urgeret, aqua profluente; somni parcissimus humo nuda cubare, auctoque supplicio, singulis diebus ter sese flagellis quàm acerrimè cedere. Ad hæc, horas quotidie septenas genibus nixus in oratione vocali persistere; nam eius quæ mentalis dicitur, vsum & consuetudinē adhuc ignorabat. Præterea sacrificio matutino; Vesperarum & Completorii officiis attentissima cura semper intererat; obibat etiam octauo quoque die sacra Confessionis & Eucharistiæ mysteria. Et quoniam superioribus annis (vt diximus) & humanæ laudis famæque appetentior, & munditiarum ornatusque fuerat studiosior: vt vitium vtriusque diligentia pari neglectu repēderet, natalium suorum generisque splendorem, ne quis illi honos haberetur, studiosè celare; & capillū, quem pro eius seculi more promissum impensius comere curareque consueuerat, relinquere cepit impexum & squalidum: quin etiam ungues ipsos excrescere per diuturnam incuriam pati: atque in hoc tam aspero tamque horrido vitæ instituto, constanter id omne refugere, quod vllam posset affictæ carni delectationem aut leuamen afferre. Itaque cum esset decoro vultu, & egregia totius corporis firmitate; detractis paulatim viribus, omnis ille vigor acerrimi bellatoris & forma viridis iuuentæ prorsus elanguit.

MOLESTIÆ SCRVPVLORVM, AC TENTATIONES EIVSDEM.

CAPVT VI.

**E**IVS MODI vitæ cursum aliquandiu securus Ignatius magno animi fructu sine vlla offensione tenuerat, nondum grauiora prælia & occultas dæmonū artes expertus, quibus incauta mens hominum ad præclara tendentium, si præsertim suis viribus ipsi confidant, facilè in fraudem inducitur; cum  
repente

repentè quædam illi objicitur species, cuius, quamuis identidem apparentis, formam & figuram satis explicare non posset, multis distincta luminibus, & grato quodam splendore collucens, quod spectrum diabolicum postea, ut dicemus, agnouit, iisdemque ferè diebus cum se illuiz & squalore oblitum animaduerneret, atrox illa cogitatio nec opinantem inuasit: Quæ, malum, ratio te, miser, impulit, ut relicta patria, cognatis, amicisque potentibus, pedore ac dira macie deformatus tristissimo & obsoletissimo vestitu, vel stipem in triuiv cortogares, vel inter infimas plebis minutæ quicquillas latères inglorius? nõne internissia militiæ honoratæ stipendia, dulcissimosque æqualium conuictus, & pristinæ fortunæ cultum victumque, maiore cum tua cuique sanguinis dignitate repereres? Hæc & alia id genus ubi animo vehementer obiecta; auctorem sensit Ignatius illico: & quauis initio paulisper ea recordatione commotus, tamen ut se collegit, illam ita cõstanter ab se reiecit ac repulit, ut ultro etiam familiariùs, quàm antea, sese cõtribus atque colloquiis egentium & mendicorum iolereret; qua submissione victus princeps auctorque superbiæ, rursus Ignatio templum ingredienti ad officia diuina celebranda, quibus mira cum attentione ac perseuerantia quotidie dabat operam, ut diximus; incæpti operis molem ac difficultatem ita repræsentauit, quasi eius ærumnas & incommoda miserans diceret: Hem infelix Ignati, annis utique septuaginta, quot ætas tua recipit, in tantis tibi laboribus in tanta vitæ asperitate degendū est: quos tu præsertim vrgente senio tolerare qui poteris? Tū ille fortiter, nec sine contemptu: Quasi verò, inquit, mihi tu vel vnus diei spatium præstare possis. Hæc duo prima post conversionem Ignatius de summa rerum certamina subiit: quorū utroque turpiter superatus humani generis hostis, ubi se irruptione & aperta vi nihil proficere intelligit, longè diuersa bellandi ratione, dolo cuniculisque grassari constituit. Neque abnuit Christus, pugnarum eiusmodi iustissimus arbiter: qui ut neminem supra id quodd potest oppugnari permittit, sic militibus suis, quos gratiæ diuinæ præsidio & liberæ voluntatis arbitrio ad omnem virtutē exercet, ne parua semel victoria per otium torpeant, nouam in dies gloriosi triumphi materiam deesse non patitur. Est igitur in dæmonis artibus, quas ad bonorum perniciem assidue meditatur, illa vel pessima; ut quos ita videt studio virtutis ac religionis addictos, ut inde terrestrium vel honorum spe vel commodorum & voluptatum illecebris auelli non possint, hos per speciem ipsiusmet honesti, quod adamarunt, ad immoderatam inedia

his macerationem acrioribus incitamentis impellat, eosdemque præteriti temporis piacula reputantes, ac cælestis iræ seruili metu perculsos, in singula momenta misero quodam angore sollicitet, id autem eo consilio, ut vel planè defecti viribus, per causam recuperandæ valetudinis paulatim ad socordiam atque ad ignaviā delabantur; vel assidua scrupulorum agitati molestia, dum se ipsi calumniari non desinunt, si minùs inertia, cerè defarigatione ac lassitudine ab incepto desistant; cuius utriusque cladis utinam ne tam multa nobis quotidie exempla suppetere. Hæc igitur eadem fraus Ignatium quoque in discrimen adduxit. Obtinuerat ille, (quemadmodum dicebamus) ex quo sese ad Christū adiunxit, in summa vitæ austeritate perpetuam animi tranquillitatem atque lætitiā; quam ne ex quotidiana copia vilem duceret, neu suis ipse meritis per insolētiā adscriberet, ab iis, quas diximus, tentationibus capiti illi Pater cælestis vniuersam repente subtrahere, sic ut interdum, cū maximè gaudens exultaret in Domino, tunc subitò nulla præcedente significatione, prorsus exui nudarique se omni gaudio & iucunditate sentiret: nec iā in precibus, neque in psalmis, neque in cæteris, quibus assueuerat, pietatis officiis vllam inueniret omnino delectationē aut requiē; idque cū ei frequenter accideret, attonitus rei nouitate, animo suspenso ac mirè sollicito, causas eius varietatis & immutationis inquirere, ac dubitare apud se, rectēne confessionem in Monteferrato, quam diximus, peregisset? quidquāne omisisset, quod ad integram criminum accusationem attineret? ac proinde num idcirco fortasse Deum adhuc iratum experiretur? Quæ ille dum anxius agitat, arrepta occasione diabolus perturbandi hominis, deq; suo statu dejiciendi, hanc ipsam suspicionem atque formidinem instilit illi vehementer etiam atque etiam incutere. Ex eo tempore tyro vanis agitati terroribus, dies noctesque steribus iungere, nullam capere patrem quietis. Itaque dum amissam recuperare conscientiæ pacem, & hærentem visceribus pestem omni ratione conatur euellere, non satis habuit peccata vetera, quorū de confessione ambigebat, irerum irerumque apud sacerdotem exponere; sed etiam cuiusdam concionatoris monitu, qui Minorellæ per eos dies agebat, totius vitæ noxas, quotquot reuocare in memoriam potuit, in libellum relatas, quod ad Monteferratum antea fecerat, quā accuratissimè rursus explicuit. Sed (quod sæpe contingit) quod sibi adiumento fore putabat, id erat ei contrarium maximè, si quidem ipsa commemoratione rerum, quas aliquando obliuisci oportuerat, fiebat ut, etiam si quid

ipsa die mitigatum fuerat, recrudesceret. Nec iam tantummodo superiorum annorum delicta occupatum animum amarissima superstitione torquebant, sed etiam præsentis temporis cura pauorque, ne inuisa Christo sua essent studia, neu Dominum suis omnibus dictis, factis, cogitatis offenderet. Quocirca multis iam rebus frustra tentatis, vnum dumtaxat occurrebat illi remedium, nec sanè spernendum; vt sacerdos pro potestate omnino sibi posthac eiusmodi suspicionibus ac recordationibus interdiceret. Sed id ipsum cōsiliū ad eum deferre non audebat, peruersa videlicet ratiocinatione delusus, ac veritus ne sibi minùs ea medicina prodesset, cuius auctor ipsemet extitisset. Inter has ergo curas, graui pressus mœstitia, cum ita iacérét, vt nulla iam res mitigare dolorem posse videretur; inuasit hominem atrox & sœua cogitatio, vt ad luctus miserasque finiendas è fenestra cubiculi (Dominicanorū hospitio tum fortè utebatur) semetipse præcipientem daret. Quam ille cogitationem ope diuina cum acerrimè repulisset, subiit animum firmitas & constantia cuiusdam anachoretæ, quem in Patrum historia legerat, impetrandi gratia nescio quid, quod vehementer optaret, omni cibo tamdiu abstinuisset, quoad per eam abstinentiam, propitiato numine, voti compos existeret. & quamquam periculosa admodum ea ratio videbatur, metusque suberat, ne tam audaci incæpto Deum irritaret potius, quàm reconciliaret sibi; tamen tota re apud se diu multumque agitata, ne quid omnino intentatum relinqueret, illum ipsum rigorem perseverantis inediæ sine vlla dubitatione experiri constituit, atque ita experiri, vt nihil interea de quotidiana precatione, verberibus, & cætera corporis maceratione remitteret. Dies igitur vnus, duo, tres, quatuor, nec tamen aut linqui animo, aut molestia liberari. itaque ad septimum vsque diem obfirmata mente ieiunium extendit, extendissetque porro, ni sacerdos idem, cui sua non modò vitia, sed etiam bona & intimos omnes animi recessus ac latebras diuino quodam instinctu nudas & apertas habebat, pro imperio vetuisset eum longiùs progredi, minis insuper additis, ni paruisset, illum à sacra corporis Christi communionē prohibendi. hac igitur tam seuera denuntiatione deterritus, cibum sumpsit Ignatius, & illo quidem ac postero die fuit illi quies: tertio verò eadem illa peccata rursum occurfare memoriæ. quarum cogitationum initia dum admittit incautiùs, ac species (vt fit) speciem adducit; sensim in pristinos fluctus æstusque sollicitudinum reuolurus; cum ex vna parte prorsus instaurandum Confessionis mysterium iudicaret,



ex altera verò id sibi non modò non profuisse, verùm etiam nouisse antea cerneret; ex vehementi fluctuatione tam graue tædium præsentis miseræ mentem eius inuasit, non quidem vt de morte oppetenda, sed vt de abjicienda seueriore disciplina, & seculi commodis repetendis magno quodam impetu cogitauerit. Verùm in tantis tenebris ac procellis nutanti, & in magnum adducto periculum, per opportunè radius diuinæ bonitatis affulsit, cuius beneficio diabolica discussa caligine, totius tentationis exordia progressusque attentè considerans, liquidò comperit, omnes illos conscientiæ stimulos, vanasque suspiciones, à malo spiritu fraudulenter immixtas; ac proinde sine vlla dubitatione constituit, præteritæ vitæ labe, quòd ad confessionem attingeret, perperua obliuione cõterere. Atque in hunc modum, singulari Dei beneficio, non modò infelicem illam sui calumniandi miseriam ac pœnam euasit ipse, verùm etiam alios curandi, qui eadem ægritudine laborarent, mirā à Patre luminum facultatem & scientiam est consecutus.

## IGNATII PROPECTVS IN SPIRITV.

## CAPVT VII.

**H**IS cæ igitur periculis perfunctus Ignatius, ac veluti a- uulsus ab vbere; maiores quotidie efficiebat in solida virtute processus: & quo acrior ac diuturnior probatio fuerat, eo magis idoneus euasit ad noua omnipotentis Dei charismata capienda: in quibus fuit illud eximium. Cùm enim religionis causa ædem Pauli Apostoli extra oppidum peteret, & in ipso itinere ad Rubricatum amnem, qui Minoresam interfuit, constitisset; nec opinanti repentè diuina quædam oborra lux est tanta, tamque mirifica, vt momento penè temporis nullo magistro quàm plurima clarè perspexerit non solùm de fidei Christianæ mysteriis, verùm etiam de aliis vel subtilissimis philosophorū quæstionibus atque decretis: quasi nitidissimo quodam in speculo perspicuè cerneret ea, quæ post multam accuratamque lectionem, maximosque labores ac vigilias, vix demum solèt homines intelligentia comprehendere: atq; in eo cælesti prorsus intuitu, non sine summa animi voluptate, diutius acquieuit. Quo tâto tamque insigni accepto beneficio, cùm ad agendas Domino gratias accessisset ad Crucem in propinquo defixam; oranti sese de- uo in aëre spectrum illud objecit, de quo diximus antea, sed

(quæ nimirum virtus ac potestas est Crucis) nequaquam pari splendore vel pulchritudine; itaque quod suspicatus pridè Ignatius fuerat, tum denique clarè perspexit esse idem monum̃ eodemque deinde sepius apparente, tantum abest vt moueretur, vt illud etiam baculo per contemptum abigeret. Atque eius terè generis per id tempus planè diuinitus alia multa percepit. Quodam die, dum indicta publica supplicatione Minotestæ religiosum agmen instruitur; & Ignatius interim beatissimæ Virgini psallit, insistens gradibus templi Dominican; subito in Deum ita raptus, mens eius est, quasi per appolita quædã, & maximè illustria symbola, Trinitatis ipsius numen angustissimum cerneret distinctū personis, vnum essentia. Qua visione tanto gaudio est delibutus, vt neque in ipso mox agmine lacrymis & singultui crebrò temperare valuerit, neque verò totum eum diem alia vlia de re, nisi de sanctissimò illo fidei Christianæ mysterio, disputare: neque tantà similium & exemplorum varietate & copia, vt cuncti obliuiscerentur: quum etiam per eos ipsos dies non dubitauit homo, litterarum propemodum ignarus, librum de Trinitate conscribere quoquo potuit stylo: vsque adeò cælestes typi, quos diximus, in eius memoria atque intelligentia diuinas illas rerum altissimarum notiones imprellerant. Ac licet antea quoque & monadem in triade, & in monade triadem sanctissimè coleret, suasque & naturæ diuinæ communiter, & separatim singulis personis præces hymnosque persolueret; ab hoc tamen raptu longè studiosior & ardentior euasit in eodem officio pietatis, eamque laudabile consuetudinem ad extremum usque vitæ retinuit, sic, vt præcipuam caperet voluptatem, & proprio quodam sensu rerum cælestium afficeretur, quotiescunque sanctissimæ Trinitati sacra perageret. Neque verò fuit hic finis mirabilium visionum: siquidem rursus per significationes arcanas, & mystica quædam exempla, oblatus est eius in eum modus ipse, quem in huius vniuersitatis molitione summius ille rerum opifex tenuit: quas illustrationes atque doctrinas, vt omnino vires naturales excedunt, sic postea negabat Ignatius posse verbis aduibrari, nedum exprimi. Præterea cum sacrificio Missæ in eodem templo Dominicano interesset, dum à sacerdote de more hostia salutaris attollitur, apertissimè vidit Ignatius illa specie Christum Deum eundem & hominè verissimè contineri. Factum est etiam aliquândo, (idque ipsimet, qui interfecit, testati sunt) vt alienatus à sensibus, a Completorio Sabbati ad alterum vsque proximi Sabbati Completorium in altissimo quodam excelsu perstitit; qua ipsa hora, multis adstantibus

bus qui rei totius euentu attentè expectabant, quasi è profundo somno excitatus, repentè sustulit oculos, Iesum perquam suauiter inuocans; atque interim pii quidam homines mortuum rati, vrique terræ mandassent, nisi contemplati omnia diligentius, ac pertentato corpore, latentem in eo vitam ex tenui cordis palpitatione sensissent. Ad hæc, intento precationi, sese non semel tū Christus Dominus tum Virgo mater ostendit. quibus, & aliis id genus clementiæ diuinæ subsidiis, in recta fide vsque adeo cōfirmatus est, vt etiam si nulla existissent Christianæ religionis monumenta vel testimonia, nequaquam tamen dubitasset, ex iustatūmodo quæ Deo sibi aperiente cognorat, mortem pro defensione catholicæ veritatis oppetere; & qui paulo antè vix vocalis nollit orationis vsum, paucis mensibus tantam rerum spiritaliū peritiam ac tantam Dei familiaritatem est nactus; vt quidam, eius omnia vel dicta vel facta curiosè obseruantes, intèpesta nocte supplicantem animaduernerint (eleuante spiritu sarcinā corporis) quatuor circiter cubitis à terra sublimem: & quidem ex consortio sermonis Domini (quod de Moyse scriptum legimus) rota facie mirum in modum radiante.

DE STVDIO COLLATO AD PROXIMOS ADIUVANDOS.

CAPVT VIII.

**Q**VÆ omnia, quamquam egregia atque expetenda per se, tamen eo pluris erant in Ignatio facienda, quo magis erant cum aliorum fructu & vtilitate conjuncta. Nam in cæteris ornamentis ac beneficiis, quæ in eū Deus plenæ manu concessit, illud equidè vel præcipuū duxerim, quòd in tanto perfectionis ardore non dedit illi spiritum solitudinis, animū vè vni sibi vacantem, sed Christianæ prodagandæ fidei cupidissimū, ac mirè studiosum diuinæ gloriæ saltusque cōmunis. Cū igitur acta eius in Montserratō (quamduam ea ipse occultissima voluerat esse) institutamque vitæ asperitatem ac sanctimoniā vicinis locis fama vulgaret, ac nobilitatē viri præcipuè, rumor (vt fit) etiam in maius arrolleret; ingens hominum concursus ad eū fieri cæptus partim visendi gratia, partim etiam cōsulendi; quos ille vt omni conatu quàm acerrimè ad Christum adiungeret, ne squalor ille nimius & diutina illuuiēs ad se adeuntibus terrorem incuteret; primū deponere sordes, & externum cor-

poris habitum capit aliqua ex parte componere: deinde cum intelligeret difficilem in primis & ancipitem esse curationem animorum; quo cautiùs rectiusque in re tanta procederet, ope diuina suppliciter etiam atque etià implorata, suæ conuersionis originem ac seriem, variasque tentationum procellas ac tenebras, & subsequutam mox tranquillitatem ac lucem, quam accuratissimè secum expendens, demum ex iis quæ partim cælesti magistro dictante perceperat, partim etiam ipsemet experiendo cognorat, de fructuosa ratione meditandi orandique præclaras obseruationes & saluberrima præcepta conscripsit: qui libet (vt antea dictum est) exercitiorum spiritualium titulo, tempore procedente deinceps ab eodem auctus atque recognitus, & Romani Pontificis iudicio ac testimonio comprobatus, ita multos omnis ætatis atque ordinis homines, tum in eligendo genere vitæ, tum in componendis moribus, perturbationibusque sedandis, ac præsertim in retinenda constantia saluari, mirum in modum iuuat, iuuatque quotidie; vt iure optimo videatur hoc non in postremis numerandum esse remediis, quæ diuina bonitas hac hominum ætate vel ad corrigenda sæculi vitia, vel ad renouandam veterem Ecclesiæ disciplinam clementer adhibuit. His ergo meditationibus, quos ad bonam perfectæ virtutis frugem Ignatius reperiēbat idoneos, paulatim & quasi per gradus capit excolere: ceteros interim precibus monitisque, prout sese dabat occasio, a vitiorum fœditate deterrens, atque ad studium æternæ beatitudinis incitans: idque eo libentiùs atque securiùs, quod communicandis iis, quæ à Domino acceperat, nihil interim sibi religionis ac spiritus deperire sentiret. Nec solum venientes ad se benigno excipiebat alloquio, sed etiam inuitatus interdum ab aliis ad prandium, minimè recusabat accedere; nimirum eo consilio, vt ex re & ex tempore sumpta occasione, qui se in Dei gratiam terrestri pauissent cibo, eodem ipse vicissim spiritualibus epulis & opportuna quapiam adhortatione reficeret. Atque in hunc ferè modum adiuuante Domino per multos ad arctam salutis semitam à via lata & spatiosa traduxit.

## DE GRAVI MORBO PERI-

### CLITATVR.

## CAPVT IX.

**S**ED in eiusmodi curam dum incumbit ardentius, nec tamen interea ferè quidquam de assiduitate precandi ac de quotidiana vitæ asperitate diminuit, morbum ex ingenti labore contrixit adde

adedò periculosum & grauem, vt fauiente atrociter feбри proximè ad mortem accesserit; quo tēpore & oppidi magistratus periculo viri petmoti, publicè diuersorium illi curarunt necessariis rebus instructum: & præter aliam amicorū turbam, honestæ matronæ, quæ vitandæ pestilentia causa Barcinone sese eò receperant, certatim ægrotanti assidere, & nocturnas agere excubias, perinde quasi in vnus vita salus omnium verteretur. Atque his populi officiis, ac pia sedulitate bonorum, ereptus è præsentī vitæ discrimine, in id ipsum iterum ac tertio recidit ob eam causam, quòd nondum planè confirmatis viribus (blandimenta videlicet carnis & veteris hominis malitiā veritus) præpropera festinatione ad pristinas occupationes corporis animique redierat: quarum pondere oppressus, denique didicit ipse, aliisque deinde præcipere solitus est, imbecilla valetudine minuendos labores, curandumque tali tempore, vt quantum de consuetis exercitationibus infirmitas demat, tantum ad Dei gloriam & proximorum ædificationem æquitas animi & exemplum Christianæ fortitudinis addat. Vetabat idem etiam corpus debito somno ciboque fraudari, multis eo tempore doctus experimentis, vt moderata sobrietate vegetatur animus, sic immoderata vigilia vel inedia vires adedò frangi ac debilitari, vt mens eatum ministerio destituta, vix munere suo fungi, aut ad contemplationē rerum diuinarum possit exsurgere. Vexatus igitur, vt dicebamus, diuturna & periculosa ægrotatione, demum ita conualuit, vt ex reliquiis morbi dolore stomachi molestissimo subinde cruciaretur: quapropter calceos induere, & panni crassioris tunica cinerea, & capitis tegumento contra sæuitiam hyemis munire sese priorum hominum benignitate præcibusque coactus est.

DE INANIS GLORIÆ VI-  
TIO SUPERATO.

CAPVT X.

**A**CESSIT ad illa corporis ægrotantis incommoda, grauis etiam animi cruciatus, ab importuna quadam inanī gloriæ tentatione profectus. Dum enim ingrauescente morbo conscientiam suam diligentius excutit, seque ad extremū comparat mortis agonem, subiit illi repentē, se iustum esse, neque ullo pacto sibi de sempiterna beatitudine dubitandum. Cui suasioni dum resistere vi summa conatur, intelligens vt quisque sibi

B 5 maximè

maximè placet, ita Deo maximè displicere; diuturnum & anceps intra sese certamen tanta tentatione meruèque sustinuit, ut miris modis quotidie torqueretur, maioremque ex offensionis diuinæ formidine, quam ex ipsa grassantis morbi vehementia, metum ac sollicitudinem caperet. Versabat videlicet in omnes partes hominis animum dæmon callidus, Christi permissu; & quem desperationis jaculis paulo antè superare nequieverat, eundem rursus nimie confidentiæ ac vanitatis elatione supplantare & evertere nitebatur. Sed contra eiusmodi cogitationes Ignatius, & in ipso (ut diximus) morbo, & recuperata postmodum valetudine, cum diutius dimicaret; partim agendis identidem Domino gratiis, partim naturæ humanæ fragilitatem apud se reputando; denique diuino præsidio detestabile hoc ingrati animi vitium, ita debellauit, euellitque radicitus, ut postea, quotiescunque salus animarum aut Dei gloria postularet, sua non minùs bona quam mala, sine vlla prorsus cenodoxiæ titillatione, palam & ingenuè expromeret.

## DE PROFECTIONE HIERO- SOLYMITANA.

### CAPVT XI.



**I**NTER hæc anni ferè spatio exacto, partim spiritualium rerum scientia instructus, partim etiam arte quadam & consuetudine regendarum animarum imbutus, cum nihil vulgare aut exiguum agitarer animo, sed egregia quædam & ardua in Dei gloriam ab ipso conuersionis initio concepisset; Hierosolymam, quod iamdudum habebat in votis, petere omnino constituit, non tam ut Christi Domini sacratissima incunabula cerneret, (tamen si id ipsum vehementer optabar) quàm ut in conuertendis ad Euangelii lucem infidelibus, qui ea tenent loca, vel operæ pretium faceret; vel certè martyrii palmam, cuius auidissimus erat, acquireret. Sed hoc suum de prædicando Euangelio consilium, vitandæ scilicet humanæ laudis causa, nemini prorsus aperiebat: peregrinationis verò propositum, cum necessariò amicis patefecisset, multi primùm id ei multis rationibus dissuadere, obtestari etiam & orare ne populum, ab se nuper è somno vitiorum excitatum ad studia virtutis pietatisque, repentè desereret, neu se ipse, affecta præsertim

valetu-

valetudine, itinere tam longinquo ac tam periculoso committeret. deinde cum nec precibus nec suasionibus eum de sententia demouere possent, iustare saltem & urgere, ne in comitatus abiret; multa polle in tam remotis ignotisq; sibi regionibus ac tanta rerum humanarum varietate contingere, quæ præsentem cuiuspiam fidelis opem solatiumq; requirerent. Omnino probabilia videbantur asserre, & humano iudicio rem astimantibus etiam necessaria: nec verò deerant homines impigri, peritiquæ linguarum, qui sese illi comites laboris ac periculorum libenter offerrent. Verùm Ignatius, quæ erat animi altitudine, in cælum semper intentus, atque a diuina providentia usquequaq; pendere mirabiliter cupiens, amicis cuncta sua in eum studia præstentibus ita remisit, ut diceret, in præcipuis hominis Christiani virtutibus non modò fidem & charitatem esse, verùm etiam spẽ. Eius porò comparandæ gratia certum sibi esse non modò sine viatico, sed etiam sine comite iter id ingredi; quòd clarè perspiceret, si, qualia multa possunt homini accidere, peregrinanti præsertim, sibi quidpiam, euenisset, fieri non posse quin aliqua saltem ex parte comitis præsidio fideiq; consideret: proinde quidquid in eo spei locasset, id utique ex ea detractum iri fiducia, quam totam in vno Deo clementissimo parente ac rectore vellet esse repositam.

## NAVIGAT IN ITALIAM.

## CAPVT XII.

**H**Ac igitur mente sub initium anni M. D. XXIII. magno omnium dolore Minorella profectus venit Barcinonem, ut in Italiam ex eo loco trajiceret. cumq; per opportunè paratam ibi nauem offendisset, egit cum nauarcho suppliciter, ut se mendicũ egentemq; gratis admittere ac transportare ne grauaretur. cui naulum quidem ille se remissurum promisit; ea tamen conditione, ut nautici saltem panis, quod erat necessarium, secum inferret. Eo responso cum vehementer angeretur Ignatius, quod cor meatus copiam, quamuis exiguam, cerneret inopiæ illius, quam sibi summam proposuerat, legibus aduersari; post multas anxiasq; cogitationes totam rem denique permittere statuit arbitrio Sacerdotis, quem sibi paucis illis diebus Barcinone tum suæ conscientiæ iudicem tum interpretẽ diuinæ voluntatis elegerat. Ille re cognita, Ignatio respòdit, æqua postulare

mauar-

nauarchum: proinde non resistendum esse, nec verò timendum,  
 ne si cibaria, tā vilia præsertim ac necessaria, sibi parauerit, quid-  
 quam idcirco contra consilium perfectæ paupertatis admittat.  
 Tum Ignatius quamquam soluto vixdum religione animo, tamē  
 partim sacerdotis impulsu, partim etiam metu occasionis eius a-  
 mittendæ; emendicata de more pecunia, panes in nauem impo-  
 suit, & ne quid præterea secum inferret, paucos qui superfuerant  
 nūmos reliquit in ipso littore: deinde solutis anchoris die quīn-  
 ta Caietam non minùs periculosa quàm celeri navigatione dela-  
 tus, Romā pedibus iter intendit, ac prima nocte diuertit ad villā  
 militibus refertam; quibus, nefaria quædam ac turpia molienti-  
 bus tanto animi ardore ac vociferatione se objecit, vt illi partim  
 verborum pondere, partim constantiæ miraculo obstupesci, à  
 flagitioso conatu destiterint. Inde laboribus maximis, cū sæ-  
 uiente per eos dies pestilentia luridus ipse ac macilentus rectis  
 ferè atque oppidis arceretur, denique in urbem Romam haud ita  
 acriter custoditam, lassitudine ac fame pænè confectus, introiit  
 ipso Dominico die Palmarum. cumque venerabundus religiosissi-  
 ma quæque loca obisset, Adriani VI. Pont. Max. pedes exoscu-  
 latur. Mox paranti Venetias ire, vt in Palæstinam inde transmit-  
 teret; rursus Hispani amici nonnulli, qui Romæ eo ipso tempore  
 versabantur, professionem dissuadere cū aliis rationibus, tum  
 præcipuè navigationis longæ & infestæ periculis proponendis:  
 quippe cū paulo antè, per summum nominis Christiani æquè  
 damnum ac dedecus, Turca Rhodum insulam expugnasset, quo  
 nuntio videlicet omnis Italia cohorrerat. Sed cū Ignatius ab  
 instituta peregrinatione nullo terrore posset abduci; illud saltem  
 hortari & orare institerunt, ne se daret in iter eiusmodi sine pecu-  
 nia, tum in alios vsus necessaria, tum vtiq; ad naulum pro trās-  
 missione solvendum. nam vt Venetias emendicato victu perue-  
 nisset, quæ deinde ratio quæ spes homini externo & ignoto foret,  
 in tam remotas regiones præjectum nanciscendi gratuitum? Pro-  
 inde rectè amiceque suadentibus ne resisteret, iuariq; se in Chri-  
 sti gratiam aliquo saltem viatico pateretur. Cū hæc & alia eius-  
 modi asseuerantes pariter ac miserantes ingererent; sapius eadē  
 iterando, cunctantem ac tergiversantē denique perpulerunt, vt  
 in ipso discessu aureos aliquot nummos acciperet. quo ille sub-  
 sidio oneratus veriùs quàm instructus, non multum processerat  
 viæ, cū rem totam attentè contemplans, seq; ipse accusans  
 grauitè, quòd de fiducia diuina humano metu se dejici, fixumq;  
 paupertatis propositum oblato auro passus esset infringi; parum  
 absuit



abfuit quin omnem pecuniam illico indignabundus abjiceret: sed quia id prodigum ac Deo ingratum fore videbatur, decreuit certe in obuios pauperes paulatim infumere. quod cum alacriter præstitiffet, breui & nummis omnibus vacuus & ftimulis cōfcientiæ liber euafit. Pergentem porrò Venetias, eadem quæ fuprà memorauimus incommoda & difficultates itinere panè toto vexarunt. Sæuebat etiam tum locis aliquot fœda lues atque contagio; difpofitique cuftodes aditus oppidorum affiduè tuebâtur. Ignatium verò ex ipfo corporis habitu vel in fuma cœli tempe-rie metuiſſes. Obſita erat ſqualore veſtis & horrida; color exſanguis, cauum macie caput, conditi introrſum oculi, & inanes faucium ſinus. quocirca fiebat, non ſolùm vt exclusus à diuerforiis omnibus pernoctare ſæpe cogeretur in publico, ſed etiam vt pallore & macie peremptum, rigentemque, prætereuntes aliquando nonnulli ceu monſtrum quoddam aut triſte ſimulacrum horrent. Ipſe verò linguæ imperitus, ignarus itinerum, cum præ defatigatione ſæpe deficeret; ad Foſſam tamen Clodiam Deo adiuuante peruenit, quo ex emporio breuis & quotidianus Venetias trajectus eſt. Ibi certior factus à viatoribus, obſeruari Venetiis omnia diligentiffimè, & è ſuſpectis præſertim regionibus venientes accèſſu prohiberi; flexit inde itinere terreſtri Patauium, quorundam conſilium ſecutus, qui idipſum periculi metuentes, faciliorem ſibi ex ea vrbe Venetias trãſitum fore ſperabant: iidẽque Ignatium adiunctum ſibi comitem, præ imbecillitate haud ita æquantem gradus, in campis circumpadanis repente deſtituunt, vnus ope Chriſti ſubnixum: qui ſanè pro ſua infinita clemẽtia laboranti ſeruulo in tanta ſolitudine minimè deſuit, ſed proxima nocte ſeſe illi, quemadmodum antea ſæpe fecerat, viſendum obtulit, recreatumque mirificè, intra ipſa Patauina mœnia primũ, deinde Venetias, ſine vllò errore aut difficultate perduxit. nemo quippe ex Patauinis cuſtodibus ad portas, nemo ex Venetis exploratoribus ad inſulas frequentiores appropinquantem (cum nauim ingreſſi de more ſingulos vectores diligenter excuterent) Ignatium, nulla munitum valetudinis teſſera, ne appellauit quidem: mirantibus, cognita poſtmodum re, Clodianis deſertoribus illis; quibus per adulterata videlicet ſymbola introitus in urbem vtramque non ſine magna vel ſolicitudine vel contentione patuerat. Venetiarum vrbs, in reſſu intimo ſinus Adriatici, ea regio ac ſitus eſt, vt leniter ſtagnantes ex alto aquæ illam ex omni parte circumluant. ea inclytæ vrbi & ad merces copiasque inuehendas opportuna receptacula, & contra hoſtiles incurſus muni-

menta

menta firmissima sunt. Ex iis porro æstuariis, maiores minoresq; euripi totam urbem intercurrentes, variis mæandris ac flexibus ita distinguunt, ut, quot in partes pedibus, in totidem ferè mari aditus sit; egregio sanè vel artis vel naturæ miraculo. Inde victorū, insularum, ac pontium ingens numerus: ut qui diutius ibi versati non sunt, viarum locorumq; modò varietate modò similitudine sæpe fallantur. Sed contra eiusmodi ambages certū paratumque remedium est maxima multitudo cymbarum, quæ usquequaq; dispersæ, nominatim ad omnia & publica & priuata loca quælibet haud ita magna mercede trajiciant. Ignatius naui Patauina, ex iis quæ per Medoacū flumen assidue cōmeant, in area Marciana sub noctem expositus; cū neque vias ad publica xenodochia nosset, nec portitori conducendo suppeteret nummi; assuetus longo iā vsu malè cubare, sub porticu Procuratoria, quam appellant, intendentibus iam se tenebris, vacuum opificis cuiusdam fulcrum elegit, in quo fessos artus utcumque reficeret. Tenet fama, litterisque multorum est memoriæ traditum, dum ille ibi noctem exigit, vicinum senatorem M. Antonium Triuisanum (quē ipsi multo deinde post eiusdem ciuitatis principem vidimus) cœlesti voce excitatum, increpirumq; quòd in multa veste molliq; strato decumberet ipse, cū interim Dei famulus peregrinus non longè à vestibulo illius ædium jacēret in publico pauper, & omni humana ope ac solatio destitutus. itaque ingenti metu & horrore persusum profiliisse confestim, & quæ firum diligenter Ignatium excepiisse perhonorificè. Sed ille postridie cū in amicum veterem Cantabrum incidisset, à lautiore hospitio sese ad eum familiariter transtulit.

## NAVIGAT IN PALÆSTINAM.

### CAPVT XIII.

**I**B r cū aliquamdiu morarerur, in omnem nauigandi occasionem intensus; ecce tibi nouæ amicorum pugnx, ( quos illi vbiuis breui conciliabar cognita viri virtus atque modestia) eū variis terroribus ab institura peregrinatione reuocare conantiū; quibus ille, Deo frerus, ita resistebat, ut diceret, pro certo habere se, ut cætera cuncta deficerēt, vel vna solummodo tabula quò cupiebat utique peruenturum. Nec eum fecellit bonitatis diuinæ fiducia. Cū enim eo anno formidine Turcarum, ut diximus, so-

lito

Ita minor esset in Iudæam peregrinâtium numerus, & quotquot erant, simul omnes paulo antè soluisſent; desperata iam à cæteris re, Ignatius repentè fit certior, nauem in Cyprum parari patricio Veneto, prætori eiusdem insulæ designato: cumque inde non ignoraret breuem atque facilem esse trajectum in Palæstinam; nullo adhibito deprecatore, cum tamen multi nec aspernandi suppeterent, ad Venetorum Ducem Andream Gritum adiit ipsemet, insigni non minùs humanitate quam prudentia principis: ac Deo fauente facilè ab eodem impetrauit, vt gratis in Cyprum vsque deueheretur. Sed interea dum prætoria ornatur nauis, in febrim Ignatius incidit, factum diuinitus est, probandæ scilicet eius constantiæ causa, vt quo die pharmacum hauserat, eo ipso nautæ signum profectionis ediderint. qua re minimè conturbatus Ignatius veniam petit ab hospite; qui pertinaciter ipsum etiam atque etiam retinere conatus, cum nihil omnino proficeret, consulitur medicus. ille verò sine cunctatione respondet, hominem ad interitum ruere. Attamen Ignatius nihilo magis immutatus, & cælestis nimirum medici ductum sequutus, felici sanè cōsilio (quod tamen admirandum potiùs quam imitandum aliis duxerim) fluctuante etiam tum in stomacho portione conscendit; factumque est Dei beneficio, vt ora soluta, inter nauigandum, ex ipsa maris agitatione tantam vim pestiferi ac vitiati humoris euomet, vt morbo planè leuatum sese celeriter senserit. Recuperata valetudine institit suo more, quoscunque poterat factis dictisque ad virtutem & pietatem adhortari. cumque in eadem nauis per summam impudentiam committi grauià quædam flagitia competisset, non dubitauit apertum dedecus detestari palàm; & impuros illos homines tanta orationis acrimonia reprehendere, vt ii facta cum nautis conjuratione molestum sibi monitorem in deserta quadam insula exponere, atque ab suo conspectu & consuetudine procul amouere decreuerint. quam rem odorati è vectoribus quidā Hispani ad Ignatium pro amicitia detulere, suadentes etiam atque etiam, vt in loquendo cautiore esset, sibiq; cōsuleret. sed ille nihilominus turpiter peccantes objurgare perrexit, diuinæ providentiæ ope subnixus: cuius beneficio factum est, vt ad insulam sceleri destinatam appropinquantibus nautæ, aduerso repentè vento reiecti, volentes nolentes Ignatium in Cyprum vsque peruexerint: vbi cum stare ad salinas peregrinam nauem, de qua suprâ diximus, audisset; illuc itinere terrestri se contulit: in eamque gratis admissus, nihilo plus viatici secum intulit, quàm in priores intulerat; Christo vno videlicet fræt<sup>o</sup>, qui tota illa nauis.

navigatione sese illi non semel ostendit; cumque magnopere confirmavit; ac denique incolumem ad portum Palæstinæ perduxit.

## PALESTINÆ LOCA SANCTA

PERLVSTRAT.

### CAPVT XIV.



**I**NDE cum cætera peregrinorum turba progressus, ut ad conspectum sacratissimæ vrbis est ventum, incredibilem ex ipso illius intuitu cepit animo voluptatem; ac deinceps partim in comitatu, partim etiam solus, loca illa Christi Domini, *MARIÆ* virginis, & Apostolorum nobilitata vestigiis, eximio quodam animi fructu venerabundus haud semel obiit: modò inclyti quòdam templi reliquias, modò sepulchra Prophetarum intuens: hîc nascentis & vagientis; illic docentis, & miracula patrantis filii Dei monimenta considerans. Vbi verò ad loca eiusdè acerbissimis pœnis insignia, & morientis in cruce sanguine consecrata, atque ad defuncti sepulchrum accederet; effusus in lacrymas, humo pia oscula imprimere, immortales agere Domino gratias, incredibili quadam spiritus dulcedine & suauitate compleri. Ad hæc, antiquum beatissimæ Virginis domicilium, itemque locum instituto primùm Eucharistiæ mysterio & sancti Spiritus aduentu memorandum, & alia eiusmodi quàm plurima, quæ per otium deinde reuiferet, à mystagogo quàm accuratissimè addiscere. Erat Ignatio iamdiu deliberatum, ut diximus, in angustis illis Iudææ sedibus pedem figere, atque ad conuertendos ad Euangelii lucem infideles totò pectore incumbere; quòd non reperiret vel ubi sanctius in terris vitam degeret, vel in quo munere fructuosius operam collocaret. Neque plurimis iam experimentis diuinæ bonitati confidere, & in diem paruoque viuere assuetum, rerum, quæ ad corpus pertinet, habebat cura vlla sollicitum. Id verò laborabat vnum, fragilitatis humanæ videlicet conscius, ne spiritui quotidie deficienti, & noxarum sordes aliquas contrahenti, opportuna sacræ pœnitentiæ ablutio & cœlestis panis alimènta deessent. Quam ad rem idoneum ratus ministerium fratrum è Franciscana familia, qui loca illa religiosa tuentur, & peregrinis aduenientibus præstò solent esse; adit ille ad custodem cœnobii, ac litteras ei, quas ex Italia commendatitias attulerat, reddidit; & quod ad conuersionem infidelium attinet, nihil ei suorum

suorum consiliorum impertit; voluntatem verò suam in eisdem sedibus commorandi habitandique demonstrat: rogar proinde, uti se fratres dumtaxat tecto recipiant, sibi que Cõfessionis & Eucharistiæ sacramenta ministrent: se, quæ ad victum cultumque spectent, nullo prorsus eorum incommodo curaturum. Custos, partim commedatione amicorum, partim postulari moderatione permotus, bene sperare iubet Ignatium, ita tamen, ut rem in aduentû Prouincialis Ministri differret, qui per eos dies in Bethleem oppido versabatur; nec dubitauit Ignatius, quin æquè facilem Prouincialem esset habiturus, atque custodẽ habuerat; itaque cum reditus iam peregrinorum instaret, litteras ad amicos in Occidentem scribere aggressus est, quibus eos de suo statu faceret certiores. Cum igitur maximè scriberet, quodd in posterum diem peregrinis erat indicta profectio; ecce tibi à custode nuntius, adesse Prouincialem, & Ignatium accersere; ad quem bonæ spei plenus cum extemplo adisset, collaudat ille primò piã hominis voluntatem; sed re apud se diligentius deliberata, videri sibi ait satius, ut recedat; idq; cum alias ob causas, tum verò quodd ante id tempus nonnulli eodem studio accensi, dum securius vagantur, à Turcis excepti, vel misere periissent, vel certè in acerbè seruitutis calamitatem incidissent, quos deinde propter officium ac vicinitatem Franciscani fratres non sine magno cænobii detrimento redimere cogeantur; proinde se in diem insequentem cum cæteris peregrinis ad iter accingeret. Ad quæ cum ita respondisset Ignatius, ut sibi certũ fixumque esse affirmaret, Hierosolymis omnino restare, simulque modestè significaret, se, quãuis aliter sentiente Prouinciali, nequaquam, nisi aliqua oblata religione, à proposito recessurum: tum ille potestatem se a summo Pontifice habere subiunxit sacris interdicens, si quis inuito se ibidem remanere conatus esset: iamque potestatis eius diploma proferre paranti confestim Ignatius, ut omnia ecclesiastica iura & imperia valde reuereretur, nihil prolato opus esse respondit, credere se quæ diceret; & quoniam ita iuberet, dicto audientem fore. Dum igitur ad hospitium tendit mœrens, ut se ad reditum compareret; acris illum incessit repentè cupiditas montis Oliueti illius celeberrimi reuiscendi, quo in summo cernuntur adhuc Iesus Christi ascendentis in cælum expressa vestigia: ac ne quis fortè in tantis temporis angustiis impedimento sibi esset, re nemini patefacta, & (quod periculosius est) nullo propter inopiã Turca secum adhibito ex iis, qui mercede conducti peregrinis in ea regione præsidio sunt; solus ad montem excurrit: cumque a

custodibus non admitteretur, cultellum ē calamaria theca detractum mercedis loco iis dedit, sacri montis cacumen subiit alacer, & diuinorum pedum notas multa cū prece & ingenti gaudio veneratus, ad Bethphage properauit: vbi dum singula curiosè perlustrat, subiit illius animum subitò, minùs diligenter in Oliueti fastigio sese animaduertisse, vtra ex cæli plaga dextrum vtra sinistrum esset Christi vestigium: qua dubitatione quasi quibusdam calcarijs incitatus, illico ad montem recurrit, adnotauitque intentis oculis vel minutissima quæque sic, vt locus in posterum dubitationi non esset: vsque aded inexplebile studium sacrosancta illa redemptionis humanæ monumenta & incunabula Christianæ religionis penitus etiam atque etiam cognoscendi recolendi que mentē eius inuasērat. Interea, cū abellet diutius, nec in turba peregrinorum appareret, ad Franciscanos deferretur desiderari ex eo numero Ignatium. Franciscani suspicati id quod erat, ac veriti ne per eā solitudinem Ignatius in aliquod vitæ vel seruitutis discrimen incurreret; Armenium quendam in eo cœnobio ministrantem ad illum perquirēdum celeriter mittunt; qui descendenti ex Oliueto commodū Ignatio factus obuiam, fuste primū ac truci vultu acriter minitari, ac temeritatem aspere admodum increpare; deinde immilla manu & brachio ferocius apprehensum, ad diuersorium trahere minimè sanè renitentem, quin etiam nouo cælestis gaudii rore perfusum, quod inter eas conuulsiōes Christum sibi præsentem, & vsque ad hospitium præcurrentem, incredibili quodam genere consolationis aspiceret.

## IN HISPANIAM REDIT.

## CAP. V. T. X. V.

**V**T igitur postera dies illuxit, cū reliquo peregrinorum agmine Ignatius abiit præ desiderio tristior, & relictam prouinciā sine fine respiciens: nec tamen, quoniam præsentis necessitate victus inde recederet, de muniendo in posterum sibi quandoque reditu ac mansione desperans. Cumq; primo traiectu Cyprum tenuisset incolumis, tres ibi onerarias in Italiam paratas offendit: quarum vna erat Veneti mercatoris, maxima, & omnibus rebus instructa; altera minor, sed bene firma, Turcarum; tertia Christianorum, parua, & malè compacta. Accereti peregrini, quod tempus erat hybernum & obnoxium tempestatibus, pro se quis que tendere, ac certa mercede pacisci,

ut in primam ascenderent: cumque Ignatius propter egestatem à nauarcho repudiaretur, iidem illum enixè precari, ut hominem sibi notum, probū; atque adeò sanctum ne recusaret admittere; quibus ille non minùs amarè quam ineptè facetus: Atqui sancto nihil opus est (inquit) naui; calcabit æquora multorum exemplo. neque unquam exorari se passus est: sed magno ei stetit euillus & contumacia. Cùm enim Ignatius inde per contemptum exclusus, facile obtinuisset iisdem deprecatoribus, ut in illam debilem gratis admitteretur: cumque simul omnia nauigia vento secundo soluissent; repentè cooritur atrox adeò ac sæua tempestas, ut Turcica naus in omnium conspectu miserandum in modum fluctibus hausta, nullo prorsus euadente perierit: Veneta verò in scopulos illisa naufragium fecerit, saluis tamen hominibus: tertia tantùm, qua vehebatur Ignatius, minimè valida, ventis ac fluctibus diu multumque agitata, altero denique mense in Apuliam lacera ac valde fessa peruenit: quo ex loco ipse deinde Venetias petiit, tam longa & periculosa nauigatione mirè vexatus. Etenim studio paupertatis, quæ fuit illi semper omnibus commodis & emolumentis antiquior, nudis, crustibus hyeme sæuiente conscéderat, femoralibus tantùm è tela, concisaque ad humeros aploide, ac scissili tunica breuiore semiamictus, cum è cælo densa caderet nix, ac tristi gelu cuncta inhorrescerent; atque ad has cæli iniurias accedebant quotidiana vitæ discrimina, vigiliæque, & cætera maris incommoda: quibus ille penè confectus cùm Venetias peruenisset Ianuario mense anni M. D. XXIV. ab hospite Cantabro clementer acceptus, nummisque aliquot ad iter faciendum, atque ad fouendum stomachum nimio frigore languentem pauci quodam frusto donatus, Ferrariam venit; ibi maximum vrbs templum ingressus, dum religiosè numen adorat, mendicus quidam ex iis qui sacrarum ædium vestibula cõterunt, precationi apprimè intentum intus, confestim ad illum accedit, manumque ad stipem porrigit supplex: cui cùm Ignatius ex ea quam habebat pecunia nummulum hilari vultu dedisset, atque is (ut fit) rem ad ceteros pauperes detulisset, alius aliisque deinceps ad Ignatium accurrere: quos illè cùm se per Christū obsecrantes frustrari fas esse vix duceret, à minoribus nummis ad maiores paulatim progressus, breui totam crumenam ita penitus exhaustit, ut sibi deinde ad cibum illo die capiendum ostiatum emendicare necesse fuerit; quam rem pauperes iidem mox cõspicati, & maxima quadam admiratione correpti, sanctam, sanctam illico exclamant; quibus plausibus

vocibusque nequaquam inflatus ipse, cum vno bonæ conscientie  
 testimonio niteretur, Genuam inde sine ulla cunctatione profe-  
 ctus est. Graue per id tēpus inter Christianos Reges vigeat bel-  
 lum; & præcipua quæque Cisalpina Gallia, loca vel Hispanicis  
 vel Gallicis præsidiis tenebantur: cūque ob id ipsum valde infe-  
 sta cædibus ac latrocinii itinera esse constaret; admonitus à bo-  
 nis quibusdam viris Ignatius est, vt per occultos tramites à via  
 regia declinaret, ni cum ingenti vitæ periculo in manus militum  
 vellet incidere. At ille, quem ardens odium sui & amor imitandæ  
 Christi patientiæ intrepidum redderet, rectâ nihilominus ire  
 petrexit; neque ita multum viâ processerat, cū ad oppidum ne-  
 scio quod in stationes circūfidentium Hispanorum incurrit, qui  
 tam periculoso ac suspicioso tempore exploratorē sine dubio ra-  
 ti, comprehensum Ignatium, & in domunculam quandam sedu-  
 ctum, blandè primū interrogant; deinde omni vestimento, &  
 ipsis denique calceis ferociter exuunt, singulas partes proteruē  
 simul & curiosè pertractant, numquid ad obsessos vel nuntii vel  
 litterarum afferat, diligenter exquirunt; cū nihil eorum quæ  
 putauerant, neque percunctandò elicerent, neque perscrutando  
 inuenirent; ira commoti: Atqui te Præfecto sistemus, inquirunt,  
 & confessionem, quam pertinaciter supptimis, exprimemus: cū  
 nihil recusaret Ignatius, ac tantummodo peteret, vt sua se tunica  
 tectum incedere paterentur; illi verò, ludibrii & ignominia causa  
 brachatum per media castra vulgo inspectante atque iridente  
 perducunt; quam ille tam insignē contumeliam excepit ac subiit.  
 alacer, cū aliis nominibus, tum præcipuè quodd interea sibi spe-  
 cies quædam est obiecta Christi Domini, cū a Pilato per mediā  
 urbem ad Herodis tribunalia missus esset, ab eo per summam in-  
 iuriā atque indignitatem spreto & illuso; & vniuerso iridente  
 ac sibilante populo, per hominum ora semel iterum quæ tradu-  
 cit: cuius opprobrii se quoque factum esse vtrumque participem,  
 mirificè lætabatur: sed ybi ad Præfecti diuersorium appropin-  
 quauit, repentino quodam timore peresus, caput subitò cogita-  
 re apud se, quonam modo ipsum alloqueretur. Etenim Ignatius,  
 quod olim in regia, sermonis flosculos & verborum elegantiam  
 nimium studiosè captasset, ad eam vanitatem expiandam, con-  
 sultò post conversionem instituerat rudi & agresti sermone cum  
 ijs quoque dynastis ac principibus agere; & quo magis vulgo  
 contemneretur, omne liberalioris educationis & nobilitatis in-  
 diciū studiosè cælare; tum igitur subiit illius animum, expedi-  
 rēne tali tempore quidpiam de suscepta seu tarditate seu rusti-  
 citate



citate deponere. Sed cū rem totam accuratiū intuens, ab humano timore profectam animaduertisset; vsque aded in semetipsum animo concitatus est, vt nulla habita ratione periculi, non modō mutata consuetudine, ad orationis lenocinia non descendere, sed nullum prorsus neque gestus neque verborum honorē habere Præfecto deceuerit. Quæ res cuiuspiam fortasse temeritatis potius quā consilii videatur esse: sed vtrique seruotum Dei, præsertim in ipso seruire pœnitentiæ, facta vel dicta ad cōmunem sensum ac normam exigenda non sunt. Cū igitur coram illo sterisset; vt erat seminudus & squalidus, ne aperto quidē capite, oculos humi defigit; multa ac varia sciscitanti nullam omnino reddit vocem, tantū ad illam interrogationem: Es ne speculator? non esse, respōdit; idque ob eam causam, ne si nihil cōtradixisset, silentio ipso, quōd aiunt, rem affirmasse, & meritō quæstorem in suam perniciem efferasse videretur. Tum ille insanum ratus Ignatium, acriter milites increpat, quōd in cōspectum suum, non bene cognita re, dementem adduxerint; & simul, Abigite hunc, inquit, liberumque dimittite; qua reprehensione magis magisque irritati, cū aduersus Ducem hiscere non auderent, sui doloris pœnas ab innocente Ignatio repetunt; nec modō iurgia & probra certatim ingerere, sed etiam impetu factō, pugnis, cubitis, calcibus hominis latera faciemque contundere, mirabiliter in ipso verberum dolore lætantis, quōd aliquid innoxio sibi ad Christi exemplum perpeti contigisset. Cumque verberando & conuitiando fessi denique destitissent, miseratus alius quidam miles excepit exanimem, ac fouis, ciboque recreatum insequenti luce tutum abire permisit. Sed antequam Genuā accederet, rursus in statua Gallorum incidit, verū euentu admodum dispari, siquidem Dux, vt eum in Guipuzcoa natum audiuit Vasco ipse eidem regioni finitimus, quasi popularem clementer agnouit, ac benignè tractari à militibus iussu postridie dimisit incolumem. Inde cū Genuam peruenisset, Rhotericum Portundum ibi offendit Cantabrum, Hispaniensi classi præpositum, in Fernandi quondam regia sibi notum; cuius beneficio dū Barcinonem trajicitur, nihilō pacatiori vsus est mati, quā terra paulo antè vsus fuerat. Etenim à piratis conspecta navis, qui valida per eos dies classe infestum habebant mare Ligusticum, ingenti nautatum labore metuque manus insectantium effugit.

## BARCINONE AD STVDIA LITTERA-

RVM AGGREDITVR.

## CAPVT XVI.

**I**NTEREA Ignatium, Hierosolymitana cōmoratione prohibitum, grauis coquebat cura, quid ageret, quodnam potissimum vitæ genus eligeret; ac multa secum agitantī venerat illi dudum in mentem, cœnobium aliquod ingredi, maxime dissolutum, vt ibi, dum lapsum religionis disciplinam & verbo & exemplo conatur ad veterum instituta recipere; & ceteris aliquate prodesset, & ipse interea (quod necessarid. futurum videbat) ab his, qui restringi se nollent, multa pro Christi nomine pateretur. Sed incertus nūp id maxime ad Dei gloriam pertrineret, quam videlicet vnā in omni actione speciare contue-  
nerat; multa ac diligenti prece & ieiunio explorat numinis voluntatē: ac diu perplexus, in eam denique mentem sese diuinitus planē sensit impelli, vt sine dubitatione statueret, primum operam suam, qualis qualis esset, nequaquam intra vnus familiaris cancellos includere; deinde, quo latius pateret utilitas ac fructus animorū, eiusdem consilii ac propositi idoneos aliquot adlegere socios atque adiutores; postmodō, vt sine hominum admiratione versari in adiuvandis hominibus posset ad sancti Spiritus vñctionem, doctrinæ quoque subsidium ac litterarum cognitionem adiungere, præsertim quod ea commēdatione facultatem etiam repetendæ atque obtinendæ Hierosolymitanae provinciae (cuius illi cura vivebat in pectore) facillē se ab ecclesiasticis magistratibus aliquando impetraturum sperabat. Et quidem quod ad litterarum studia pertinet, cū nēdum intelligeret quā illa sibi totum hominem ferē vindicent, ratus posse interim se animis quoque adiuuandis vacare, Minorem ad gregem illum suū reuerti decreuerat, vbi & sparsa in hominum micibus pietatis virtutisque semina ad bonam frugem perducere, & Cisterciensis cuiusdam monachi, spectatæ sanctitatis ac doctrinæ viri, tum consuetudine perfrui, tum industria erudiri magnopere cupiebat. Sed cū illum, contrā quam putarat, denortuum reperisset; Barcinonem sibi studiorum idoneam sedem putauit fore, propter eam maxime causam, quod cū paupertatem perpetuō colere, nihilque ab domo sua & cognatis accipere decreuisset; in ea vrbe multos habebat spirituali necessitudine sibi coniunctos; in ipsa Ardebalum quendam petrum, vt locis ac tēporibus illis, ludimagistrum; & Elisabetham Rosellam primariam feminam,  
quorum

quorum alter operam illi gratuitam in docendo, altera in quotidianis vsus quidquid opus esset benignè detulerat. Vt igitur Batcinonem reuertit, seque Ardebalò dedit in disciplinam, reueraſcere in gratiam Chriſti matuta iam atate vir (quippe tertium effecit ac trigefimum agebat annum) & elementarius promodum fieri non erubuit. Cæterùm ad illa spinosa rudimenta grammaticæ capienda, ediscendasque verborum inflexiones & nominum, cùm alia erant ei impedimento, tum illud præcipuè, quodd animi ad rerum celeſtium ſenſa concipienda longo iam vſu promptum & agilem, ſi amandi vocabulum vel alia quæpiam eiufmodi vox admonuiſſet eorum, quæ piè ac religioſè cogitare & commentari conſueuerat, ſubitò panè abſtractus à ſenſibus, in contemplationem diuinæ caritatis ac ſempiternæ beatitudinis tota mente raperetur. Ex quo fiebat, non ſolùm vt nihil noui mandare memoriæ poſſet, ſed etiam vt ſi quid antea impreſſum eſſet, id ipſum concurſu nouarum & præſtantiorum imaginum illico deleteretur, quâ ipſam ſem, quali futura præſagiens, pro ſua parte adiuuabat etiam vaſer humani generis inimicus, eo maxime tempore crebra intelligentiæ lumina eidem offerens, & recondita patefaciens ſcripturæ ſacrę myſteria. Quod ille cùm cerneret, cumque adhibito ſape conatu euagationem hanc fruſtra cohibere tenaſſet; pro ea diſcretionem ſpirituum quâ diuturna exercitatione parauerat, facile ſenſit diaboli fraudem ſeſe a litterarum ſtudio reuocare conantis, ac, quo conſilio Barcinonem ſeſe contulerat, id ipſum labore ac diligentia conſequi maiore in modum exoptans, hanc iniit rationem eius abigendæ moleſtiæ. Templum erat beatæ Virginis, cui a Mari cognomen eſt, gymnaſio proximum; in id templum fuſis ritè ad Deum eandemque Virginem precibus, Ardebalum pro amicitia accerſit; rem illi totâ, vt erat, exponit; deinde ſe ad pedes abjicit homini, etiam atque etiam obteſtans, ne ab inca pro deſiſtat, ſe vtrique, modò ſibi paris & aqua nõ deſit, in proximu biennium & eo ampliùs, ſi opus fierit, ad ſchoſas frequentem eſſe venturum, ſeduloque daturũ operam litteris; petere & rogare, vt ab ſe quotidie non minus quàm a cæteris penſum exigat; ceſſantem, quaſi quemlibet vnũ è gregepuerorum, arbitratu ſuo & vrbis & plagis accipiat. Muarus vir humilitatem ac probitatem Ardebalus, bonum animum inbeſſere, ſuamque illi operam denuò pollicetur. Atque hac ſubmiſſione victus denique dano abſceſſit, & importunis illuſi rationibus Dei beneficio recederet, operæ pretiu Ignatius facere, & liberius in gramaticę cognitione cœpit excurrere. Interea diſ-

cendi mirabiliter audio, & omnia studiorum compendia perquirenti, suaserē nonnulli, ad pietatem videlicet cum elegantiore doctrina jungendam, ut Erasmi Roterodami, qui ea tempestate Latinitatis auctor idoneus habebatur, Enchiridion multis Christiani studiosi perlegeret; quod ille facere cum cepisset, celeriter sensit ea lectione spiritus feruorem in se quasi frigida superfusa restingui: consultoque per preces Deo ita librum illum abiecit, ut neque in manus postea sumpserit ipse, & multo post, Generalis creatus, omnia scriptoris illius opera in Societate Iesv legi vetuerit, nō quod singula hæretico veneno infecta putaret; sed ne quis fortē captus facetiis ac diuacitate viri, sensim, ut sit, ab incorruptis ad vitiosa descenderet. Nec tamen eo tempore Ignatius, quamquam studio litterarum adedō intentus, conluera caritatis officia & studium pœnitentiæ omisit, quin immo cum Barcinonem valentiorē, quā inde abierat, stomacho reuertisset, nō ille quidem ad saccum rediit, neque orationi ita multum temporis tribuit; sed tamen vestitu admodum vili vsus est, & calceos ad ostentationem vitandam ita perforauit, ut soleis paulatim magis magisque discerpitis, hyeme iam sæuiente, nudis humi plantis incederet: atque etiam subsecuius operis, erepto ē scholasticis exercitationibus tempore, institit pia passim colloquia serere; plebē infimam doctrinæ Christianæ præceptis imbuerē; quosdam etiā spiritualibus exercitiis ad virtutem ac perfectionem informare. Quarum rerum admiratione permoti præ cæteris viri quattuor, sese ad Ignatii ductum atque institutum aggregarūt, (quibus tamen, ut suo loco videbimus, in proposito constantia defuit) Callistus quidam, qui auctore Ignatio peregrinationem Hierosolymitanam nuper obierat; alterum Artiagā cognomento appellabant; tertius fuit ē Gotholanæ Proregis familia, nomine Caceres; ad quos ultimo loco Ioannes adolescens natione Gallus accessit. His ille sociis auctus, tamen si studiorum metam quamprimum attingere optabat, quo liberius omnem curam atque operam in hominum salute consumeret; tamen quod sibi nōdum sã firma grammaticæ fundamenta jecisse videbatur, numquam adduci potuit, ut ab Ardeali disciplina discederet, (quãvis ad superiores artes vulgò idoneus haberetur) quoad insignis quidam Theologiæ doctor, cui sese excutiendum examinandumque tradiderat, factō periculo, ad reliquorum sententiam accessit. Cuius auctoritatem & iudicium ne contempnere videretur, licet ipsi sibi haud sanè placeret, ad grauiora studia Complutum vnā cum sociis abiit.

EIVSDEM COMMORATIO  
COMPLVTENSIS.

## CAPVT XVII.

**I**Bi cùm ad publicum xenodochium suo more diuertisset: artium, vt appellant, curriculum iniit non admodum felici successu: quippe qui eadem illa præpropere festinatione incitatus, nullo pænè seruato vel ordine vel discrimine disciplinæ, multa & varia vno eodemque tempore aggressus est; & in logicis terminos, quos appellant, in phycis Albertum, in Theologia Magistrum sententiarum (qui maximè libri tum in Hispania tenebantur) euoluere, & plures quotidie in scholis audire cœpit interpretes; quæ res in speciem utilis & compendiaria vel maximo ei in id ipsum, quod properabat, impedimento fuit. Etenim, quod in rebus humanis ferè sit, cùm auidè sequeretur omnia, nihil propemodum assequeretur: & ipsa varietas ac multitudo rerum tum intelligentiæ tenebras tum verò memoriæ perturbationem & confusionem afferebat. Ad hæc illud etiam accedebat incommodi, quòd in summa paupertate non solum ex emendato vivebat ipse cum suis, verum etiam aliorum inopiam ac difficultates, conquisitis vndique eleemosynis, magno labore & corporis & animi subleuabat. Præterea, quod eius cursum vel maximè retardauit in litteris, tanta cupiditate ardebat errantes animas ad bonam mentem atque ad legem Euangelicam reuocandi, vt se, quamuis alieno tum tempore, continere non posset, quo minùs & in scholasticorum circulis de vera virtute ac pietate sermones injiceret, & in tuius pueros plebemque fidei Christianæ præceptionibus erudiret, & omnium ordinum homines passim ad cultum Dei studiumque religionis acri ac vehementi oratione incitaret. Quibus adhortationibus cōmoti multi cùm ad sanitatem & officium redirent, & crebris altisque suspiriis veram cordis contritionem ac pœnitentiam testarentur; ab imperitis quibusdam Ignatius in suspensionem & crimen veneficii vocari est cœptus: quasi homines oratione sua cardiacos redderet. Præterea cùm insignes quædam in populo repentè morum ac vitæ mutationes existerent, & major in dies hominum concursus ad Ignatium fieret; breui rem ad sacros Inquisitores Toletū perulit rumor. Gliscebatur eo maximè tempore apud Germanos Lutheriana pestis, manabatque malum quotidie latius. Quin etiam

in Hispania ipsa, infani conatus eorum qui sese illuminatos ferebant, paulo antè magistratuum diligentia oppressi fuerant. Quocirca sacri Quæsitores in omne eiusmodi contagionis periculum excubantes animo, atque ex hac hominum frequentia & inusitato agendi genere veriti ne quod nouum incendium existeret, Complurum celeriter aduolant, in Ignatii doctrinam ac mores diligenter æquè ac dissimulanter inquirunt. cùm nihil neque in dictis neque in factis à recta fide alienum inuenirent, Ignatium ne appellant quidem; tota re delegata Vicario Archiepiscopi, Ioanni Figheroæ, qui deinde Regio consilio præfuit, Tolētū ipsi ad sua tribunalia reuertuntur. Neque ita multo post Vicarius ipse, magis vsurpandi iuris causa, quam quòd rem ulla animaduersione dignam putaret, ad Ignatii diuersorium adit quietè, & pauca quædam ab eo percunctatus, ad extremum exponit, inquisitū in ipsius & sociorum vitam esse acriter, neque inuentum quidpiā vitiosum; proinde more suo animarum saluti operam darēt, cum eo ramen, vt non vno eodemque omnes habitu incederent, ne tali tempore nouam aliquam sectam inducere viderentur. Natiui coloris lanæ veste cuncti utebantur. iussit ille Ignatium & Artiam nigro, Callistum & Cacerem rufo colore distingui, adolescētem Gallum nihil mutare. nec recusauit Ignatius, vt erat magistratibus apprimè obediens. Interjecto deinde quattuor ferè mēsum spatio, cùm nihil de instituta docendi ratione remitterent, nec persuadere sibi Vicarius posset, homines idiotas, in iis tractandis quæ ad Christianæ fidei dogmata pertinent, nusquā labi; rursus in eos clam insilit quærere. sed cùm nihilominus sana cuncta reperisset, rem totam sine vllō iudicii tumultu suppressit. Nec tamen ita multo pōst Vicarius idem tertiam in Ignatium quæstionem exercuit, quorundam calumniis ac suspitione compulsus. Confluebat ad nouum doctorem audiendum, vt diximus, populi turba promiscua, in iis semina duæ honesto loco natæ; grandis natu mater, & filia forma eleganti. hæ publicis Ignatii adhortationibus incitata, vt est sexus ad pietatem propensus, ad edexarsere, vt cuncta Hispaniæ valetudinaria peragrarè, & in Christi Domini gratiā totæ vitæ suæ tempore pauperibus ministrare decerneret. Hoc animi propositū Ignatio cū aperuissent, dissuasit ille magnopere cū alias ob causas, tū ne cuius oculos animūq; sollicitaret aspectus adolescentulæ; non deesse Compluri pauperes, quos officii causa, si vellent, inuiserent; posse etiam operā dare sacro Eucharistiæ serculo prosequendo, & aliā id genus obire pern. ultra, vniūsq; sexui, alij usque etiam a ratione magis congruentia.

Quibus

Quibus rationibus & simul auctoritate viri deterrita, cogitatam quidem illæ deponere prouinciam; verūtamen eadem agitata spiritus vi, temperare sibi postea nequiverunt, quo minus incōsulto atque inscio prorsus Ignatio, pedibus ac mendicantium specie aliud genus peregrinationis longæ difficilisque susciperent. Giennium in Bærica est vrbs, quam nonnulli Mentefam Oretanorum falsò putarunt, sacro Sudario in primis visenda, in quo crucem sibiliter bajulantis expressa Christi Domini adoratur effigies. Ad id Sudarium venerandum, pedibus, vt dictum est, paucis admodum consiciis profecta, duodecim ferme dierum itinere, cum in vrbe non apparerent, admiratio primùm affinium ac vicinorum orta: deinde vbi a familiaribus cognitu est peregrinatiū habitu petiisse Giennium, variè pro suo quisque sensu rem interpretari, nonnulli probare factum, pleriq; reprehedere quòd eo loco semina sine comitibus nullo apparatu se in iter periculosum dedissent. Doctor verò Cirolius, cuius in tutela erant mulieres, auctorem eius cōsiliū suspicatus Ignatiū, vehementer excanduit, facinus indignū exclamans, hominē externū & ignotum in aliena patria suis concionibus cuncta miscere, & ipsas matres familias a cura domesticarū rerū auocare, nobiles vetò puellas in pudicitia discrimen adducere. Atque his querimoniis Vicarium perpulit, vt Ignatiū in carcerem, misso repentē viatore, conjiceret. Erat æstiuum anni tempus, & satis laxa custodia, itaq; ad eum, totis iam illis finibus celebrē, vel spectandi vel audiendi causa plurimi ventitabant, quibus ille securitate mirabili tum Christianæ doctrinæ rudimēta, tum etiā, vbi res exigeret, spiritualium exercitationum præcepta more suo tradebat. Georgius quidē Nauerus, insignis ea tēpestate doctor, & magna apud Carolū Cæsarem gratia, cum ad eū visendū accessisset; animi magnitudinem & dicendi vim admiratus, vt primū ad suos domū reuertit. Hodierna die vidi Paulum (inquit) in vinculis. Iamq; septimumdecimū diem ibi transiegetat non solū innoxius, verū etiam prorsus ignarus cuius criminis nomine accerferetur; cum eius interrogandi gratia (multa quippe ad eum ab iniquis delata fuerant) Vicarius ipse cum scriba publico in carcerem venit. At primū (vt fit) variis quæstionibus versat in omnes partes Ignatii animū: dein sciscitatur ex eodem, obseruet ne Sabbata. cui ille: Vtique, in honorem beatæ **MARIÆ** Virginis (inquit.) nā cæteroquin & Iudaicos ritus tenoro, & verò Iudæum patria nec fert nullum. Postremò, nostin', ait, mulieres qualdā duas matrem & filiam? Cum Ignatius annuisset, Numquid auctor illis fuisti (adjungit) peregrinandi Giennium?

Nihil

Nihilverò minùs, ait Ignatius: quinimmo credas mihi iurato verum, eiusmodi concursationes & itinera in vniuersum utrique dissuasisse me: & si profectus sunt, me ignaro atq; adeò inuito profectas. Tum hilari vultu Vicarius, humeris Ignatii leniter apprehendens: Atqui ob id ipsum, inquit, in custodiam te scito fuisse cōiectum. His ita peractis, ac tota serie quæstionis per scribam in commentarios relata, Vicarius abiit. Interea peregrinatione confecta, secundo & quadragesimo denique die mulieres reuertuntur. è quibus Ignatii innocentia clarè perspecta, venit in carcerem scriba, & Vicarii sententiam Ignatio recitat: qua primùm jubebatur ipse cum sociis cæterorum scholasticorum habitu incedere, deinde quadriennii perfiniebatur spatium sacræ Theologiæ cognoscendæ, ante quod exactum spatium, de fidei Christianæ mysteriis ad populū verba ne facerent. Quibus auditis, quod ad habitum pertineret, nihil sanè recusabat Ignatius, dummodo in idipsum egenti sibi necessaria præberentur: illam verò temporis finitionem ægre admodum tulit, quòd ea re sibi viam ad procurandam animorum salutem obstrui cerneret. Itaque sine vlla dubitatione Salmanticam ad sua prosequenda studia migrare constituit, cum sesquiānum circiter Compluti moratus, inter eas ipsas difficultates & occupationes, non nihil tamen è logicis, physicisque, & ex ipsis Theologiæ fontibus degustasset. Sed interim, ad gloriam Dei, ne quid in doctrinā moribusque suis resideret infamiae, Toletanum Archiepiscopum (cuius in diœcesi Complutum est) sibi ex itinere adeundum, totamque ei rem gestam & omnem consiliorum suorum rationem explicandam existimauit. Is erat Alfonso Fonseca, morabaturque eo tempore Pintiae: à quo benignè acceptus, animatusque ad cœpta strenuè promouenda, nec non instructus viatico, Salmanticam venit, quò comites iam antè præcesserant; quorum ille diuersorium ignorans, primū omnium sacram ædem ingreditur, vbi orantem conspicata pia quadam mulier, instinctu videlicet numinis, ultro ad eū accessit, & sciscitata nomen, ad socios iam sibi notos læta perduxit. Verū Ignatio ne Salmanticæ quidem quiete se diutius licuit. Cum enim quod supererat à studiis otii, in cohortandis ad virtutē ac pietatē & priuatim & publicè nō modò plebeiis, verū etiā principibus viris insumeret; neque verò, adiuuante Domino, frustra operā collocaret; omnium in se oculos repentē conuertit, urbemque totam celeriter eius nominis fama peruasit. Erat omnino inuitata res, & ipsa nouitate valde mirabilis; laicos homines, & externa re nulla differentes à cæteris, (etenim eos Figheroa suo sumptu Cōpluti



pluri (scholasticorum vestimentis ornat) Apostolico ac pastoralis propemodum munere fungi palam, & sacerdotes ipsos ad partes suas ritè obeundas accendere. Et cum eiusmodi vitæ genus valde probarent, suspicerentque permulti, tum verò non deerant, qui totam rem secus interpretarentur, ac diligentius cautiusque examinandam putarent. In iis Dominicani fratres è diui Stephani præclaro cœnobio, quamquam eorum pro potestate non erat eiusmodi quæstio, tamen, quo erant caritatis ardore, sat suum rati quod communem ad rem totius Ecclesiæ pertineret; Ignatium noscere, spiritumque ipsius, & doctrinæ genus, & vitæ institutum expendere omnino constituunt. Interim ignarus huiusce consilii Ignatius confessarium ex ipso cœnobio sibi delegerat. Is igitur confessarius aduenam iussu Vicarii (nam Prior seu cœnobiarchatum aberat) in proximum Dominicum diem ad prandium inuitat, nec renuenti, Fac (inquit) paratus accedas; quærenda ex te nō pauca. Ac nihilominus, vbi dies aduenit, sine cunctatione promissa fecit Ignatius. Exceptus est cum vno è comitibus Callisto comiter. Sublatis deinde mensis, vtrumque Vicarius cum eodē confessario & alio è fratribus in sacellum quoddam seducit, cōsident omnes. Tum blando vultu Vicarius Ignatium intuens, gaudere se admodum inquit, ac valde probare, quòd ille cum sociis Apostolicum in morem peregrinando populos doceat, atque ad cultum Dei ac studium pietatis impellat. verumtamen auere se nosse quibus maximè litteris operam dederint. Cum id quod erat, Ignatius, minimè doctos fateretur esse: Quid igitur, inquit, expertes doctrinæ, conciones de rebus diuinis habetis? Nos verò nequaquam concionamur, ait Ignatius; verum de virtutis pulchritudine, de vitii sorditate, cum occasio sese dat, familiariter & ex quo loco differimus, atque homines ad odium peccatorum amoremque probitatis hortamur. Ad ea Vicarius: Sed vtrique de virtutibus vitiisque sine liberalium artium cognitione disputari nō potest, vel à magistris & libris accepta, vel infusa diuinitus: vos verò neque litteris neque doctoribus operam dedistis, vt ipsi fateamini: restat igitur vt Spiritu sancto vobis hæc tradita sint. atqui hoc ipsum est de Spiritu sancto, quod maximè quærimus. Tum Ignatius vt peti se vidit repentino dilemmate, cum aliquantulum substitisset: De his, inquit, hætenus. Cum nihilominus instaret ille, ac Spiritus sancti verbo hominem vrgeret, oppressus Ignatius tā perseveranti interrogatione, in eodem tamen gradu constantiæ perstitit, seque nihil præterea responsurum affirmavit, nisi quibus legitimè interrogandi jus esset. Quo loco Vicarius: Itāne verò?

inquit.

inquit. Cum nouæ impostorum sectæ quotidie pullulent, & in errorem ac fraudem ita multos inducant; vos in reddenda vestræ doctrinæ ratione tergiversamini? Atqui efficiam ut omnino reddatis. Triduum deinde in sacros cœnobii fines detinentur, atque humanissimè tractantur à fratribus. Eo spatio exacto, ecce tibi à Baccalaureo Frias, Vicario Salmanticensis Episcopi, notarius ambos perducit in carcerem, includitque separato à reliqua reorum turba conclaui, mirum in modum squalido ac peruetusto, odorisque deterrimi; cuius tectum medium stipēs ligneus falciebat, ac stipiti ferrea carena erat affixa dodrantium longitudine circiter nouem, bifida ad extremū serie. huic ergo carenæ altero utrumque pede adstringunt, sic, ut nusquam alter sine altero progredi aut loco penè mouere se posset. Igitur tota ea nocte, per summū corporis incōmodū nulla capta quiete, in hymnis & canticis persistere. postridie ut per urbē vulgata res est, continuò boni vitii complures cum stragulis, culcitrisque, & ciborū apparatu adfuerunt, quorum benignitate recreatus Ignatius, ac paulo clementius haberi deinde in ea custodiā ceptus est. Itaque, ut antè Complurī, sic eo tempore cōcursus ingēs hominum ad eum fieri. ad quos ille admirabili tranquillitate de contemptu rerum humanarū, de futuro extremō iudicio, deq; sempiternis præmiis atq; suppliciis differebat. In iis Frāscisco Mendozæ (qui postea S. R. E. Cardinalis & Episcopus Būrgensis est mortuus) miseranti casum ipsius, & amice ex eo querenti, grauitè ne ferret custodiam & vincula: Tātū malum tibi videtur esse carcerem inquit Ignatius. atqui, scito, urbe Salmantica tota non ita multas esse cōpedes, manicāsque, quin ego plures Christi Domini causa vehementer exoptem. Iterea Baccalaureus Frias ad carcerem accedit, Ignatiū & Callistū diuersos interrogat, ac variis percontationibus, quales haberent a iudicibus solent, utriusque sensus & animum diligenter explorat. Cum illi congruentia responderent, nec modò sibi, sed etiam inter se mirè constarent; denique librum Exercitiorum, de quo inaudierat, poscit: nec recusat Ignatius: quin etiam sibi præterea esse tres in eadem urbe sōtros aperit, editque diuersorii nomen, ac notas, quibus inueniri sine errore possunt: neq; verò supersedit ille nullis lictoribus eos in carcerem tradere inferiorem; ne quòd in colloquium cum Ignatio neu qua communicatio consiliorum esset. Post hæc, ablatum Exercitiorum librum & ipsemet accuratè perlegit, & examinandum præterea tradidit tribus Theologiæ doctōribus: qui dum singula diligenter expendunt, accidit incerta res ad innocentiam Ignatii & Sociorum declarandam

randam non levis momenti. Cùm enim cæteri, qui in vinculis tenebantur, per negligentiam custodum effracto carcere omnes repentinè dilapsi essent; Ignatius comitésque soli in summa fugiendi licentia postridie ibidem inuenti sunt, & cunctis admirantibus, approbantibusque, confestim in amplam domum & commodam inde magistratuum jussu traducti. Citatus præterea Ignatius ad Baccalaureum & reliquos libri sui recognitores, cùm & de Exercitiorum ratione & de præcipuis fidei Christianæ mysteriis multa ex eo quærentur, paucis ac demissè præfatus, neque se vacasse admodum litteris; & quæcumque sentiret, diceretve, Ecclesiastico judicio & censuræ cuncta submittere; ad singulas quæstiones de sanctissima Trinitate, de Incarnatione Domini, de Sacramento Eucharistiæ, aliàsque complures ita respondit, ut iudices ipsi pænè obstupescerent. Præterea è iure canonico proponitur ei difficilis quidam nodus, quem ipse, cùm item responsa Doctorum se ignorare dixisset, illico soluit egregiè. Postremò jussus primum Decalogi præceptum, uti consueuerant ad populum, sic ibidem repentinè explicare; in eam sententiam usque ad eò variè & copiosè dixit, ut omnem illis præterea interrogandi cupiditatem exemerit. His rebus ita peractis, cùm dies vinculorum esset secundus iam & vigesimus, vnà cum sociis euocatur ad iudicum sententiam audiendam. cuius erat summa, innoxios eos & ab omni hæretica labe intactos videri, ac proinde posse arbitratu suo in adjuuandos homines ac plebem erudiendam incumbere: tantùm ne intra quadriennium in Theologiæ studio exactum, quæ cogitatio lethali quæ veniali crimine teneretur (qui locus in toto pænè iure Pontificio ac Theologia difficillimus est) auderent ipsi per se definire atque statuere: id autem propterea quòd in Exercitiorum libro signa quædam tradita viderant iudices ad peccata capitalia à venialibus dignoscenda: quæ tamen, quòd nihil continerent à recta fide alienum, nominatim improbare nō audebāt. Recitata sententia; cùm honorificè tractatum ab se Ignatium putarent iudices, ille verò suis rebus è conscientia apprime confidens, vehementer indoluit, ab iis quos veræ & Catholicæ fidei tutores ac præfides agnoscebat, nullo in suis neque dictis neque scriptis deprehenso vitio, tamen in re tanta tamque necessaria sibi silentium imponi; atque iter ad excolendos ac pro viribus adjuuandos homines impediri. Quæ ipsa res inclinatū iam antè animū eius impulit, uti satius iudicaret ex hisce difficultatibus, quas in Hispania objici sibi subinde videbat, ad scholas Parisienses in Galliā ultro sese trāsferre:

vbi

vbi tū ob suam nouitatem & eius linguæ inscitiam sibi minùs interrim negotii putabat fore, tum propter illius academix celebritatem atque frequentiam non defuturos deinde, quos ad suum institutum, atque ad Apostolica vestigia sectanda perliceret.

## LUTETIAM PROFICISCITVR.

### CAPVT XVIII.

**E**T quoniam ad iter adeò longinquum & anceps non idem erat socii animus: atque etiam, vt maximè incolumes eò peruenissent, incertum erat, apud ignotas nationes quam copiam in studiis litterarum degendi essent habituri; communicato cum iis consilio statuit Ignatius antecedere solus ipse Lutetiam: & siquidem res facultatem habitura videretur, vt eos ibidē alere posset, ipsos euocare per litteras; sin minùs, tota de re facere certiores; vt quamquam diuersis locis, eadem tamen conjunctione animorum, emenso interim philosophiæ ac Theologiæ curriculum, intermissam ad tempus consuetudinem Deo volente deinde repeterent. Rebus igitur ita compositis, quāquam è præcipua Salmaticensi nobilitate multis ægre ferentibus, ac maiorem in modum renitentibus, vigesimo circiter die quā è custodia exierat, in viam se dedit Ignatius, onustum libris assellum præ se agēs; ac Barcinonem deuenit. Hic verò, vt inter veteres amicos ac familiares, omni ope certandum illi fuit, vt se à lachrymis atque à complexu carorum auelleret, etiam atque etiam deprecantium ne patriam cum externa regione mutaret, neu se tali tempore in manifestum vitæ periculum vltro demitteret. Vigebat adhuc bellum inter Hispanos Gallosque, & circa regni vtriusque præcipuè limites infesta latrocinii loca; & recentēs multorum cædes ad metum proponebantur. Sed ille nec terrore nec precibus de suscepto consilio demoueri se passus, certè illud resciscere nō potuit, quominus tum ad sumptus itineris, tum ad necessaria Parisiis comparanda, nummorum aliquid partim in numerato, partim in nominibus ab Elisabettha Rosella & aliis quibusdā amicis acciperet. Quibus ille subsidiis ac præcipuè diuinæ bonitatis ope munitus, hyeme summa, pedibus, vt solebat, nullo duce vel comite inde profectus est sub initium anni M. D. XXVIII. cumque Ianuarium totum in itinere posuisset, Februariō mense Lutetiam sospes introiit. ibi quod ad studia pertinet, respiciens petexiguū præteriti temporis fructum, rationibus suis accuratè sub-

ductis,

ductis, ad Dei gloriam statuit in litteras toto pectore incumbere; cumque experiendo iam cognouisset, eam esse humanæ mentis imbecillitarem, vt in plura vno eodemque tempore vix atque ægre sufficiat, damnata priore festinatione, in posterum, cōpendiis omiſſis, regia via procedere, & studiorum suorum nouum initium ordiri decreuit. Igitur ad Montis acuti collegium itare quotidie, ibique inter procacium puerorum greges, matura iam ætate vir, grammaticæ rudimenta repetere non dedignatus est. Simul etiam de stato precationis tempore, & vexatione corpusculi, quo plus orij ac virium studio superesset, multū imminuit, sic tamen, vt illa præcipuè tria nunquam omiserit: primum, vt quotidie sacrificio Missæ religiosè interesset; alterum, vt octauo quoque die post pœnitentiæ sacramentum cælesti pane sese reficeret; extremum, vt bis quotidie sua eius diei dicta, facta, cogitata quam diligentissimè recognosceret; conferensque hodiernū cum hesterno die, hebdomadam cum hebdomada, mensēque cum mense; suos in spiritu vel progressus vel regressus perquam accuratè exploraret atque perpenderet. Procurationem quoque alienæ salutis, & institutam consuetudinem agendi cum proximis, tantisper dum litteris ac præsertim philosophiæ vacaret, aliqua ex parte remisit, nunquam tamen omnino deposuit.

EXTREMÆ INOPIÆ INCOMMODA SUPERAT.

CAPVT XIX.

**I**AM verò satis vsu ipso edoctus, quantum detrimentum studiis afferat mendicitas, & cura tolerandæ in singulos dies vitæ, & nihilominus optans Christi Domini & Apostolorum exemplo nihil prorsus in hoc sæculo possidere; piorum benignitate ac facultaribus totam rem ira moderari constituit, vt neque in diem, vt antea, precario victitaret, & nihil idcirco de voluntariæ paupertatis proposito meritoque perderet. Sed ea res primis utique mensibus minimè cessit illi è sententia. Cū enim se in Hispanorum aliquot contubernium contulisset, qui plurimi Parisiis ipso belli tempore versabantur, & exactam è syngrapha Barcinonensi pecuniam cuidam ex eadem natione custodiendam dedisset, eam ille clā suos in vsus non optima fide conuertit; cumque postea reddendo nō esset, reliquis iam nūmis insumptis Ignotius, & à locupletibus amicis, quorū ope adiuuari posset, lō-

go intervallo disunctus, tanta subito rerū omnium inopia oppressus est, ut ei cibum ostiatim quæritate quotidie, & in hospitalem sancti Iacobi domum, infimis precibus exorato eius loci præfecto, demigrare necesse fuerit gravi sanè incòmodo. Quippe Lutetia Parisiorum, vrbs in primis Europæ totius & magnitudine & celebritate visenda, trifariam est diuisa, partem vnā, quam Sequana fluius insulam efficit, regia vetere, foro, & tribunalibus nobilem, vulgò Ciuitatē appellant; altera, quæ nouam regiam continet, Oppidum dicitur; tertia pars, iam inde à Carolo Magno dicata Musis, Vniuersitas nominatur; in hac, præter ceteram incolarum turbam, scholastici maxime inhabitant; ac numerantur ibi collegia permulta libero aditu, cum suis vnumquodque liberalium artium discipulis & doctoribus, & præfecto collegii, quem Primarium vocant. Igitur ex ea vicinitate in sancti Iacobi hospitium, quod procul inde est in suburbio, extrema necessitate compulsus Ignatius, in tanto locorū intervallo, cum alijs afflictabatur incommodis; tum verò quòd cum ante lucem in academia inciperent scholæ, nec nisi nocte desinerent; ipse, illius hospitij legibus, nec manè ante solis ortum egredi poterat, & vespere ante occasum regredi cogebatur, sic ut inter eundem & redeundum, quamuis industrio ac vigilantī discipulo, multum & de magistri dictatis & de tota scholarum exercitatione deperiret. Cui tanto detrimento cum in præsentia nullum aliud remedium occurreret, consilium cepit more scholasticorum egentium ea conditione locandi operam suam alicui ex academiæ Primariis, doctoribusve; ut quod sibi à rebus domesticis otij superesset, id totum in scholastica disciplina studiisque doctrinæ consumeret. Sed magis magisque probante Deo constantiam & patientiam viri, conditionem eiusmodi, quāuis magna adhibita diligentia, nactus est nullam. Itaque deiectus hæc spe, cum id ærumnosæ vitæ genus aliquandiu tolerasset, & quos in Hispania reliquerat socios, de statu rerum suarum per litteras monuisset, hortatus ut ibidem ex condito circulum studiorum absoluerent, rationem inuit multo còmodiorē, ut indictis vacationum feriis, in Belgium, atque interdum etiam in Angliā siue Britanniam, ad Hispanos negotiatores excurreret: quorum benignitate cum facillè obrinuisset annuam pecuniæ summam Lutetiæ toto studiorum tempore certis pensionibus exigendam, còmodius multo cepit in liberalium disciplinarum cognitione versari. Cumque octodecim ferè menses Latinæ linguæ tribuisset in Mōtis acuti collegio, in collegiū cui à sancta Barbara nomen est,

est, ad Philosophiæ studia transit alacritate mirabili: ac primum occurrantes denuo rerum caelestium importunas imagines, quam eximia cum animi delectatione coniunctas, eadem spiritus constantis, quæ superiores illas, iterum ab se resecit ac repulit; deinde magistris attentè audiendis, multa ac diligenti eorum quæ audierat cōmentatione, quotidianis denique gymnasii exercitationibus, triennio & mensibus sex (quod spatium temporis curriculo philosophiæ in academia illa tribuitur) ita profecit, ut honorifico magistri iudicio ac testimonio, (is erat Ioannes Pēna philosophus) post consueta certamina, ritu solenni, laurea cæterisque doctrinæ insignibus decoratus sit. Post hæc in cœnobii Dominicani gymnasio sacram Theologiam aggressus est, ingenti sanè labore & industria, cum præter cæteras lucubrationes, hyeme senescente, quotidie manè ante lucem ad scholās, quæ illa circiter hora ibi habebantur, accederet; atque ex eo studio tantum Deo adiuvante percepit, quod satis esset ad fidei doctrinæque suæ rationem, sine suspitione vlla novitatis, ex Patrū decretis atque auctoritate reddendam.

## VARIE PROPTER CHRISTVM EXERCETVR.

## CAPVT XX.

**N**E QUÆ VERÒ, quamvis interim à plebiſ catecheſi atque à publicis actionibus abſtineret, idcirco tamen, quoad per ſcholas licitum eſt, ab adiungendis ad Chriſtum hominibus animandisque ad ſtadium verę laudis & glorię deſtitit; quapropter multi nec infimę ſortis viri, priuatis ipſius colloquiis ac monitis incitati, partim caſtigato vetere luxu, Chriſtianę diſciplinę ſeueritatem induerunt; partim etiam ſoleni voto varia religioſorum inſtituta profeſſi ſunt; partim denique, ingenti academiciæ totius admiratione, in Chriſti gratiam pecuniæ egentibus diſtributa, pauperem vitam agere, atque adeo ad concuſcandum penitus omnem ſæculi faſtum, & expianda ſuperbię reliquia, palam per vicos & compita manum ad ſtipem ipſi porrigere, victumque palam emendicare cœperunt; quos tamen amici, rem indignę ferentes, cum neque precibus neque minis à propoſito reuocare valuiffent, facta manu denique ab hoſpitali domo ſancti Iacobi, quod ſeſe cõrulerat, vi atque in priſtinum academiciæ diuerſorium ad ſua proſequenda ſtudia refraxerunt. Ignatius vero tantam eiufmodi rerum inuidiam ſubiit, ut præter cæteras in-

iurias & maledicta, falsis etiam criminationibus ad sacrum Inquisitorem semel iterum delatus sit. Is erat ea tempestate Marthæus Ori, ex Dominicana familia Theologiæ magister, tum eruditione tum probitate conspicuus; qui accusatorum fraude comperta, Ignatium non absoluit modo, sed etiã miris ornauit laudibus, ipsumque Exercitiorum librum, qui præcipuè in suspicionem crimenque vocabatur, tantum abfuit vt damnaret, vt sibi etiã eiusdem exemplum Ignatii permissu desumpserit; præterea absolutionis ac sententiæ formulam, publici scribæ chirographo & signo munitam, quam contra iniquorum calumnias, quodocunque opus esset, proferret, tametsi minus gratum id potentibus quibuldam viris fore videbat, Ignatio petenti cõcessit. Neq; verò pro Christi nomine solùm hac falsæ accusationis procella defunctus Ignatius est; sed eorum ipsorum opera, qui illum deinde vel maximè dilexerunt, virgarum quoque publicè periculum adiit. Mos est Parisiis in scholasticos improbos ac seditiosos, ad sancientiam academici disciplinam, in hunc ferè modũ animaduertere: Dissimulato consilio, ad conditam diem in aulam collegii Primarij magistriq; nodosa instructi virga cõueniunt, comprehensumque repenti noxium, & in medio confessu nudatum, certo plagarum numero singuli afficiunt. Id supplicij genus cùm ad sensum corporis peracerbum est, tum verò ad ignominiam ac dedecus longè turpissimum, deque ipsius loci nomine aula vulgò appellatur. Hunc igitur cruciatum ac notam maleficis constitutam, Ignatio infonti, quod condiscipulos festis præcipuè diebus à schola ad oratorium & sacra mysteria Cõfessionis Altarisque traduceret, vehementer iratus magister ipse Ioannes Penna parauerat, Iacobo Gouea Lusitano Collegii Primario in suam sententiam facili adducto, quippe qui iam antè priuatim erat in sensus Ignatio, quod familiarem quendam suũ, Amatorem nomine, seuerioris vitæ præceptionibus imbuisset, atque (vt pietatem ferè interpretantur homines) infatuasset abductum à curis inanibus, & iucundo conuictu amicorum, atque à pristina consuetudine. Vt igitur dicta supplicio dies illuxit; aduentam iam ad scholas ab amico fidei maturè monetur Ignatius, ne intra collegii sepra vtrique illo die inferat pedem; cõcitatōs in eũ esse omniũ animos, pœnas aulae daturũ extẽplo, ni caueat. Ad cuius rei nuntiũ ancipiti deliberatione distractus Ignatius, quod & pro Christi nomine verbera & contumelias perpeti iuribicè optabat, & supplicij apud homines adedò turpis infamia metusbat, ne complures è iuuentute, ipsius opera iã ad meliora



fiora conuersos, nec dum in bono stabiles, à sua cōsuetudine atque auctoritate auocaret, iterque sibi ad alios etiam deinceps Christo lucrificandos abruinperet, totam rem ad ipsius Gouear arbitrium iudiciumque rejicere statuit: quod ille re cognita decreuisset, id ex diuina maximè gloria & voluntate futurum; neque de eiusmodi sententia ullis amici denuntiationibus precibusve demoueri se passus, quamquam horrenti pœnæ imminētis acerbiter & repitenti carni vim fortiter intulit: ingressusque collegium, & rectò Goueam petens nondum è cubiculo egressum, placido ac sereno vultu, & altam animi pacem ac securitatem indicâtes: Si mœx mihi (inquit) existimationis & incolumitatis, quæ diuinæ gloriæ salutisque animorū cura prior esset ac potior, nequaquam hodierno die pedē intra fines huiusce collegii posuissē; neque enim antequam huc venirem, ignarus eram Gouea, quantum è vestra omnium indignatione dedecoris, quā acerba, tormenta me maneant. Sed quoniam nihil omnino mihi vel ad meritum optabilius vel ad veram dignitatem præclarius ducō, quàm Christi Domini causa, tam grauia tãq; multa pro me perfuncti, vicissim probra, plagas, mortem denique perpeti; idcirco, nimirum ad scholas accessi, & vltro memet in tantum & corporis & famę discrimen obieci. Verum enim verò mihi non modò, quid votis meis ac desiderio, sed etiam quid proximorum rationibus & sempiternæ saluti conducatur, caritatis lege considerandum est. Mulros habeo adolescentes Dei beneficio nuper è cœnoflagitorum emerfos, ac vix dum auulsos ab improborum pestilenti consortio; hos ego vereor, ne si me in tam honesto conuentu publicè vapulasse constiterit, à meo sermone congressuque, protinus auocet infamię metus; ac proinde, vt sunt flexibiles hominum voluntates, ad eadem illa saxa, quibus paulo antè adhæserant, ingenti dæmonum gaudio, & feruor ætatis, & prauæ consuetudinis æstus abripiat. Simul etiam (verum vt fatear) tui me, Gouea doctorisque mei Pennæ mē miseret, qui Christianam pietatem ac fidem sacramento professi, cæterisque ad exemplū iustitiæ virtutisque præpositi; CHRISTI famulum, CHRISTI causam agentem, ad eò acerbè insectamini; & qui, qua pœna lex affici iubet eos, qui scholasticos deprauare, magistris illudere, seditiones conflare voluerint; eadē dignū iudicatis eum, qui iuuentutē à vitiis, doctores à iurgiis, academiam à tumultibus vindicare conatur: quæ quoniam mecum ipse reputans, non leuis momenti ducebā esse, quamquam cupidus inimicorū odii vel meo sanguine explendi, tamen pro nostra necessitudine deesse nolui,

D ;

quominus

“quominus eadem tibi quoque, integra etiamnum te, consideran-  
 “da proponerem. Mihi, ut dixi, pro Christi nomine vexari ac tor-  
 “queri optatissimum est; iamque si videtur, sponte ad patibulum  
 “pergo; tu, Luetiæ Parisiorum, à sanctæ Barbaræ collegio, in eius-  
 “modi causâ tale documentum vel pietatis vel æquitatis dari an  
 “expediat, pro tua sapientia ac religione constitue. Vixdum Igna-  
 tius dixerat, cum Gouea, vir & in concitaretur aliunde, suo pte  
 mitis ingenio & tum instinctu diuino valde compunctus, illico  
 cæpta damnavit, ac maiorem in modum detestatus est, apprehē-  
 sumque amicissimè Ignatium deduxit in aulam, quò iam collē-  
 gæ cum reliqua turba parati convenerant. Ibi silentio iudicō,  
 repente contra omnium expectationem de Ignatii laudibus o-  
 rationem instituit; viri fortitudinem, innocentiam, caritatē ex-  
 tollens; se ipsum & cæteros, qui innoxio periculum struxerant,  
 vehementer accusans; quam in sententiam cum multa dolenter  
 graviterque dixisset, ad extremum obortis lacrymis, ad Ignatii  
 genua procidit, precatusque delicti veniam, & apud cæteros illū  
 in admirationem gratiamque restituit, & ipse in omni deinde vi-  
 ta Ignatium & socios præcipuo amore studioque complexus est.

## DE SOCIIS AD IGNATIVM ADIVNCTIS.

### CAPVT XXI.

**H**ASCE igitur aliasque eiusmodi insectationes atque  
 pericula Ignatius Christi causâ contraxit, at tamen idem  
 plurimorum quoque sibi gratiam ac benevolentiam op-  
 primis artibus peperit. Fuit enim in illo, præter diuinitus infusa  
 charissimata, mirum etiam atque efficax ingenium & studium ad  
 animos hominum demerendos. In principum amicitias oppor-  
 tune influare sese, eademque obsequio & submissione tueri; pa-  
 res facilitate ac suauitate morum allicere; inferioribus & egen-  
 tibus auctoritate, opera, necnon è suis angustis etiam pecunia  
 præstare; morbo aliquo laborantes vel cum valetudinis & cō-  
 tagionis periculo adire, solarique amantissimè; eorum quibus  
 cum viveret, agerēve, vel difficultatem naturæ & arrogantiam  
 perpeti; vel ineptias ac stultitiam, quoad ita res ferret, exorbere  
 dissimulatione mirabili; ad aliorum arbitrium ac voluntatē, qui-  
 buscunque rebus honestè posset, semper accommodare se ac fle-  
 ctere; omnibus denique in Christi gratiam omnia fieri; ubi peni-  
 tas in hominum sensus ac voluntates irrepserat, tum demum offi-  
 ciis

ciis ac benevolentia comprehensos occupatosque, pro suo quæque captu, sensim & cautè progrediens, Christianæ religionis & officii præceptionibus excolebat. Atque his ferme artibus, & simul sanctimonix ac frugalitatis exemplo, multos, vt diximus, a turpi ac flagitiosa vita non modò ad sobrietatem & continentiam, sed etiam ad contemptum rerum mortalium, atque ad salutaria consilia Christi conuerterit. Complures præterea hæreticos, grassante iam tum peste Luteriana, tempestiuus disputationibus monitisque conuictos, ad sacra Quæstorum tribunalia volentes adduxit; & cum sancta Romana Ecclesia in gratiam secreta abiuratione restituit. Iam verò, quod ei vel in primis propositum initio fuerat, vt aliquos ingenio doctrinaque præstantes ad suum institutum ac vitæ rationem aggregaret; in id ipsum per Theologiæ maximè tempus incubuit: adiunxitque sibi, Deo bene iuvante, iuvenes nouem ex academia vniuersa lectissimos. quorum primus fuit Petrus Faber Allobrox, pago Villareto Gebennensis diocesis humili natus loco, sed egregiè pius, quippe qui duodecimo ætatis anno per summum sanctimonix studium virginitatē Deo vouerat; idemque ad litteras à vita pastoralis traductus, rætum ingenio industriaque profecerat, vt eum in locis Aristotelis difficilioribus magister ipse Penna consulere. Hunc igitur Ignatius & studiorum & contubernii communionem sibi coniunctum, licet socium gloriosi operis ipso initio destinasset, non tamen continuò illi rem aperuit, neque ad tantam perfectionem impellere confestim aggressus est; sed conscientiam excutere, & in se ipsum quotidie diligenter inquirere primum edocuit, deinde ad totius antè actæ vitæ noxas per sacrâ Cōfessionē expiandas adduxit, postremò, cum iam philosophiæ curriculum exegisset, spirituales exercitationibus perpoliuit; adeò propensum ad pœnitentiam, tantoque animi ardore succēsum, vt hyc me summa, cōcretū glacie flumē sequanā plaustris impunè premētibus, in separata Iacobqi vici domuncula propositas meditationes, & quidem insidēs niui, sub dio peregerit, sexque ipsos dies omni prorsus cibo potuque abstinerit, in mediam longius vtrique protrahiturus, nisi eum, re animaduersa, cōsultoque suppliciter Deo, vetuisset Ignatius; & sanè respōdit operi fructus. Cū enim antea in eligēdo certo vitæ genere Faber mira animi sollicitudine variisq; scrupulorū molestiis adeò torqueretur, vt præ nimio angore sese in auias abdere solitudines, ibiq; radicibus herbarū viciatè pœnè decerneret; ex hac spirituali exercitatione vocari se vnā cū Ignatio ad animorū subsidium non dubiè sentiens, tantā ipse pacem ac trāquillitatē

conscientiæ consequutus, ut ex vehementissima tanquam agitatione ac salo placidum tutumque portum se denique natum esse profiteretur. Ex eodem contubernio Franciscus quoque Xaverius nobilis Cantaber, idemque non vulgari eruditione, quippe qui laurea magistrali donatus Lutetia postmodum publicus Aristotelis interpretis existerit; quamquam principio ita non studiosus Ignatii, ut eius pietatem (ut sit) etiam procaciter irideret; tamen viri tum patientia tum obsequiis adeo delinitus est, ut ad illius ductum abitriumque sese omnino contulerit. Hinc & diuitiarum affluentia, & viuio ingenio, & viribus corporis præferocem, admirabili prudetia ac lenitate mansuefecit Ignatius, in eamque rerum humanarum despicientiam & caritatis ardorem paulatim adduxit, ut inter ipsa Exercitia spiritualia, tum a carnis macerationem quattuor dies ieiunus omnino transegerit; tum vero, quod inter iunenum greges delultor eximius, corporis agilitate sibi nimium placuisset; ad eius piaculum vanitatis, membris valido fune perstrictis, non sine acri sensu doloris dies aliquot in commentandi orandi que labore atque attentione perstitit. Hic est Xaverius ille, qui non multo deinde post, Ioannis Lusitanie regis rogatu, ex auctoritate Pontificis Romani missus in Orientem, plenus Apostolico spiritu, tota India maritima summis laboribus ac periculis peragrata, in ultimas Iaponiorum terras Euangelii lumen primus intulit, atque ingenti infidelium numero ad CHRISTVM adiuncto; multis claris miraculis, in ipso aditu Sinarum excessit à vita. Porro Xaverium & Fabrum imitati sunt Iacobus Laines Seguntinus, qui deinde Societate nostræ proximus ab Ignatio præfuit, vir de Christiana republ. in primis optimè meritus; & Alfonso Salmeron Toletanus, Græcis & Latinis literis admodum eruditus: uterque confecto Compluti philosophiæ curriculo, Parisiosque partim Theologiæ causa partim etiam Ignatii noscendi gratia profecti, cuius de laudibus iam tum in Hispania, constanti hominum sermone, multa cognouerant. Accessit ad hos etiam Nicolaus Bobadilla Valentinus, doctus iuuenis, & philosophiam publicè professus in oppido Hispaniæ Pintia: itemque præstanti indole Simon Roderigius Lusitanus; & post aliquanto Claudius Iaius Gebennensis, & Ioannes Codurius Ebredunensis, Paschasiusque Broetus Ambianensis, Fabri præcipuè (cuius iam erat nomen Parisiis celebre) monitis & exemplo permoti. Hi omnes, impulsu planè divino, cum alter alterius consilium ignorarent, post exactissimam

totius

totius vitæ confessionem spiritualibus exercitiis ab Ignatio perquam diligenter exculsi, vehementi quadam spiritus motione sese non quidem in vmbra ac solitudinem, sed in solem ac puluerem euocari ad prælia Domini prælianda senserunt. nec fuit enim nouem vllus ferè, quin ad propitiandum celeste numen, eiusque voluntatem suppliciter exquirendam, præter cæteram abstinentiam & incommoda voluntaria, tridui, vt minimum, totius inediam sponte pertulerit, nimis audaci fortasse consilio; nisi eos & multorum exèpla & feruor simul ætatis ac pietatis exeulet. Hosce igitur socios Dei beneficio nactus Ignatius, (quorum tres erant superstites hæc scribente me, Salmeron, Roterigius, & Bobadilla) quod iam diu moliebatur & agitabat animo, re ipsa aggredi primo quoque tempore statuit; vt Hierosolymam Pontificis maximi permissu repetetet, gentesque finitimas Christiana quondam religione præstantes, deinde Mahometis nefaria superstitione deceptas, vel à miserabili errore ad veritatem Euangelii reuocaret, vel certè (quod erat proximum) sanguinem ac vitam in causa ræpia tamque gloriosa profunderet. Neque sanè difficile fuit, ceteros iam sponte currentes, & Dei amore incensos, in eandem sententiam & propositum adducere, & quia plerique Theologiæ studia nondum absoluerant; ne interim conceptus ardor animi refrigereret, & simul vt ipsorum eo gratius diuinæ maiestati obsequium esset, quo maiorem sibi ipsi necessitatem seruitutis ac religionis imposuissent, implorato beatissimæ Virginis patrocinio, ac sancti Dionysii Areopagitæ, cuius in tutela Parisi sunt, in æde suburbana, quæ mons martyrum dicitur, sub Confessionis & Eucharistiæ mysteria sese voto obstrinxere singuli, emensis Theologiæ spatiis continuè mortalibus rebus nuntium remittendi, atque in paupertate perpetua seruiendi gloriæ diuinæ salutique animorum: ac nominatim, ad constitutam diem Hierosolymam eo cōsilio nauigandi, vt in conuersionem infidelium toto pectore incumberent; palmamque martyrii studiosè captaret, id consilium si qua re impediretur, anni circumacto spatio denique Romam adirent, suamque operam summo Pontifici Christi Vicario ad spirituale proximorum auxilium sine vlla vel præiudici actione vel temporum aut locorum exceptione deferrent. id votum in eo templo vouere ingenti consensu & alacritate, cum post Christum natum M. D. XXXIV. decimo. octauo Kal. Septembris, quo die Assumptionis Mariæ Virginis anniuersaria gratulatio celebratur. idemque votum eodem loco dieque pariter anno proximo ac tertio renouarunt, atque ea res tum ad con-

spirationem ac vinculum animorum, tum ad confirmandas in suscepto consilio mentes omnium, mirificè valuit. Incendebant præterea studium alter alterius omni genere officii & caritatis, duce ac moderatore simul Ignatio, quem omnes vt parentem eundem & vnice diligebant, & valde reuerentur. ac primū spirituales modò apud hunc modò apud illud agitare cœtus; ibiq; suauissima de rebus diuinis habere colloquia, & sese mutuo ad Christianam laudem & decus hortari; deinde in studiorum difficultatibus locisq; obscurioribus adiuuare inter se; & lucubrationes quisque suas, lumenq; doctrinæ & ingenii, cum res exigeret, in commune conferre: præterea inuicem sibi omnibus in rebus adesse certatim: denique à frequenti Sacramentorum vsu, & assiduitate precandi meditandiq; nullo pacto recedere. quibus rebus & varias dæmonum insidias tentationesq; conatiū eos ab incæpto reuocare, vicerunt: & breui tanta coaluere cōcordia, vt quamquam è diuersis nec non insensis inter se orti nationibus, gratia tamen superante naturam, intra eosdem alti parietes, atque adeò ex vno propemodum omnes vtero in lucem editi viderentur.

## LIBRI PRIMI FINIS.

IGNA-



# IGNATIÏ VITÆ LIBER SECVNDVS.

*Aeger Hispaniam repetit.*

## CAPVT I.



INTEREA Ignatius graui morbo, partim è maximis laboribus vigiliisq; , partim etiam è Parisiensis cœli grauitate contracto; vexatusque subinde stomachi tampridem affecti doloribus acerbissimis; post multa remedia incassum adhibita, iubetur à medicis ad patrium solum & incunabula se referre; quod vnum ad inueteratas corporis ægritudines certissimum perfugium vulgò arbitrantur. Nec recusauit ille, nō tam valetudinis ratione, vel desiderio suorum adductus, quā duabus aliis maximè causis: primū, vt quibus olim in regionibus, malo publico, iuuenilis licentiæ ac vanitatis ipsemet specimen exstisset, ibidem ad spiritualem ædificationem vicissim aliqua Christianæ humilitatis atque modestiæ documēta præberet; popularesque suos & verbo & exemplo ad studium pœnitentiæ salutaris accenderet. deinde, vt, quoniam socii aliqui erant in Hispania rei familiaris tricæ; eas eodem itinere atque opera ipse expeditet; neque per eam causam illi vel auocarentur à studiis, vel recenti etiam tum vocatione, & expeditionis tam arduæ tamque laboriosæ consilio, patriæ dulcedinis ac domesticæ tentationis, qua nulla ferè periculosior est, aleam subire cogerentur. Simul etiam, è relictis olim in Hispania sociis, cogitabat, si quem in proposito constantem inueniret; secum in eandem expeditionem educere. Cæterū ne quid è suo discessu res Parisiensis caperet detrimenti, primū commilitones ad perseuerantiam ac fidem paucis adhortatus, Petrum Fabrum, & annis & vocatione antiquissimum, illis præposuit; cui interim obtemperarent, quem pa-

rentis

rentis ducerent loco: deinde tempus certum edixit iisdem appro-  
bantibus, quo tempore cuncti, rebus omnibus præter viaticum  
& necessaria scripta ex voto abdicatis, nauigaturi Hierosolymas  
Italiam peterent, sequæ iam antegressum Venetias conuenirent.  
Dicta profectio diebus est viij. Kal. Februarii, anno M. D. XXXVII.  
ineunte, qua die Apostoli Pauli conuersio beata recolitur. His ita  
constitutis, anno M. D. XXXV. per autumnus tempus ipse non si-  
ne lacrymis mutuique amoris magna significatione singulos in  
digressu complexus, cum vellet de more pedibus quâquam ægro  
corpore proficisci; coëmpto à sociis equo uti coactus est: breuiq;  
partim ex ipsa uestigatione locorumque mutatione, partim etiam  
è studiorum intermissione morbo leuatus, Pyrenæo superato Gui-  
puzcoam provinciam attingit. Eius de adventu propinqui festinè  
præmoniti ab iis qui hominem ad Aquas Augustas, quam hodie  
Baionam appellant, in transitu agnoscunt; extemplo, quoddam regni  
limes latrociniis infestus esset, armatos homines ad eum excipien-  
dum tuendumque dimiserant: atque hos primùm Ignatius in Gui-  
puzcoæ finibus, deinde etiam, quæ iam tum erat fama de sancti-  
tate viri, clericos omnes agmine composito ad oppidum Asphei-  
tiam honoris causa obuios habuit. cumque ab iis & ab ingenti  
præterea gratulantium turba deduceretur ad ædes paternas; ille,  
ut ostenderet quantum opere ab eiusmodi fastu pompaque abhorre-  
ret; ut primùm potuit, ex eo comitatu sese proripiens, ad publicam  
hospitalem domum diuertit, victumque continuò emendicare o-  
stiatim cepit; frementibus videlicet cognatis, eamque rem (ut fe-  
rè deprauata sunt Christianorum quoque iudicia, & pauci ex ani-  
mo crucem amplexantur) summi dedecoris atque ignominie lo-  
cosibi ducentibus. Deinde, quamquam inuitis iisdem, institit ple-  
bem Christianæ doctrinæ rudimentis imbuere, priuatique col-  
loquiis eos qui ad se ventitabant, è peccatorum veterino excita-  
re, festis verò diebus etiam conciones habere tanta hominum fre-  
quentia, ut cum eos templa non caperent, in agrum prodire ne-  
cessariò cogeretur, vulgoque arbores audiendi causa conscende-  
rent. Et sanè operæ fructus egregius Dei beneficio constitit. Cõ-  
plures ad virtutem ac Dei cultum à vitæ prauitate cõuersi, multæ  
sublatæ discordiæ, & odia inueterata restincta, contra aleatores  
lata publicè lex, pœnæque propositæ: institutum præterea, ut  
preces pro salute quotidie funderentur eorum omnium, quibus  
lethalis noxæ piaculo obstrictis, in singula momēta exitialis exi-  
tus immineret: itemque ut ex Ecclesiæ Romanæ consuetudine sa-  
lutationis Angelicæ signum daretur manè, meridie, & vespere.

iam



iam verò graua quædam vitia, quæ non in populum modò sed etiam in sacerdotes irreperant, magna ex parte correctæ. deniq; morbo incurabili affectis, & extrema pressis inopia, ne vel oppido errarent, vel strati passim in compitis cælum miserabili questu complerent, publico sumptu consultum. Atque hæc leges morēsque custodiendi, ne (quod ferè fit) bene cæpta propediem obsolescerent, curam & munus Loiolcia familia, placata postmodum Ignatio, sibi desumpsit. qui cum in eo xenodochio aliquândiu ita versatus esset, vt satis apparetet ipsum exemplo Christi Domini laboribus & paupertate multo magis, quàm otio & rerum affluentia delectari; ad extremum quotidianis propinquorum precibus exortatus, ne cognationi aut nihil omnino dedisse, aut etiã inimicitias palam denuntiasse videretur, in paternam domum ex hospitali se transtulit; ibique aliquot moratus dies, restituta domestica disciplina, curæ ad officium ac pietatem animatis; valentior multo quàm Lutetia discesserat, ad sociorum expedienda negotia proficisci constituit. Atque hîc nouum ecce tibi certamẽ Ignatium inter & cognatos exoritur; cum ille pauperis habitu prorsus & pedes iter facere destinasset animo: illi contrà, quoniã quidem eum apud se diutius retinere non possent, certè non nisi bene comitatum & pecunia instructum abire permitterent. Verùm certaminis denique is fuit exitus, vt Ignatius ne frustra diutius tenderet, ad viã modicum in speciem deduci se passus, breui domum & famulos & cætera cuncta remiserit, pedibusque porrò perrexerit; Gallicano equo ministris valetudinarii iam antè relicto, quem illi deinde in Ignatii memoriam, veluti sacrum & immunem ab opere, vagari in pascuis ad extremum vsque senium permisere. Ignatius igitur Nauarra primùm, deinde Castella peragrata, mandatisque recentium sociorum exhaustis, de veterum statu ac voluntate cognoscere nequaquam omisit: verùm illi partim expectationis ac moræ tædio victi, partim etiam aspero virtutis itinere fatigati, in alia ferè omnia dudum abierant. Ioannes tantùm Gallus, ne de animi salute periclitaretur, monasticæ se addixerat vitæ. Callistus ab animorum cura ad pecuniæ lucrum studio repentè conuerso, in Indiam nauigauerat, vnde aliquantopost benenummatus ingenti omnium admiratione, qui eum antea norant, Salmanticam rediit. Cazares cum Segouiam patriam petisset, mollioris vitæ commodis & domesticorum consuetudine delinitus, otio ac voluptati sese dederat. Arriaga verò, curriculum honoris & ambitionis ingressus, & è Commendatorio factus Episcopus, cum aliquandiu in eo dignitatis gradu vixisset, ad

extre-

extremum ægrotus. epota per imprudentiam veneni laguncula; (cùm duæ starent, altera salubris aquæ, altera sublimati, quod appellatur, medicamenti) miserabili genere leti defunctus est.

## VENETIAS INGENTI LABORE

CONTENDIT.

### CAPVT II.

**I**gnatius ergo cùm in Italiam properaret, & hosce quos dixi socios tam longè lateque dispersos in vnum redigendi atque ad pristina reuocandi consilia spes nulla se ostenderet; occulta Dei iudicia secum expendens, fufis pro ipsorum salutè ad superiores precibus, Valentiam venit, vbi videlicet nauem stare paratam audierat. ibi dissuadentibus multis ne se tali tempore mari committeret, quòd præter cæteras difficultates etiam nobilis archipirata Aenobarbus loca opportuna & lictorum flexus valida obsideret classe; nullis terroribus de sententia decessit Ignatius. & nauis prædones quidem effugit, veruntamè fœdissima tempestate coorta, clauo defracto, fufisque armamentis, cùm iam de salute vectores nautæque omnino desperassent, lacera & quassata fluctibus Genuensem portum ægerrimè tenuit. Atque hæc tanta matris incommoda non sanè leuius terrestris itineris discrimè excepit. Cùm enim solus ignarusque regionum Ignatius per Apennini tramites Æmiliam peteret, viam ingressus initio spatiosam, sed in arcum deinde magis magisque coeuntem; studio procedendi sensim in eas penetrauit angustias, vnde sese expedire humana ope vix posset. Primò igitur sollicitè vestigiū facere, deinde cùm neque progredi neque iam regredi tutum esset, in exilitate salebrosa & horrenda crepidine, torrente rapido minaciter superfluente, hæsit aliquantisper stupenti similis, vbi repente sese tot periculis cinctum animaduertit. Sed ad extremum fidenter implorato diuino auxilio, quod vnum reliquum esse videbatur, humi procubuit; & genibus manibusque reptando, quadrupedis instar, ac prominentia modò saxa modò à saxis enata virgulta prensando, tandem euasit labore, quos ad eam diem pettulisset, omnium maximo. Inde per immensæ altitudinis inuias rupestres ac solitudines diu errabundus, cùm ad radices montium denique deuenisset, omnia rursus offendit partim niaium tæbe partim etiam hybernis imbribus impedita. Cumque nihilominus vrgeret progrediendi necessitas, via reter-

rima

rima ( & est mollis & cretosus ager, ac semitæ per horum temporum incuriam exiguo munimento, nec vllis, vt olim, stratæ lapidibus ) cum profundo ac tenaci limo diu multumque luctatus, ad Bononiæ portas tandem aliquando peruenit. Atque hîc, ne quid deesset ad probandam æquitatem ac patientiam viri, ad cæteras misérias illud etiam ludibrium, accessit; vt in ipso vrbis introitu, è ponticulo in fossam, limo cœnoso margine lubricante, decideret, emerfusque luto deformatus ac madidus, ab iis qui tum aderant, non sine joco & faceriis ( vt sunt procacia in alienis malis hominum ingenia ) rideretur. Sed ille nimirum identidem exerceri se à Patre cœlesti prudenter intelligens, & in gratiarum actione persistens, sole siccatis vtcumque vestibus, lassitudine ac fame confectus, cùm vrbis magnam partem frustra emendicando perambulasset, in collegium Hispanicæ nationis demum exceptus, ibique dies aliquot clementer est habitus. Inde cùm itinere iam facili & certo Venetias peruenisset, exacta pecunia quam illi per trapezitas eadem Elizabetha Rosella benignè curauerat; interea dum socios è Gallia præstolatur, in varia pietatis opera ex instituto cœpit incumbere. Nec sanè frustra: siquidem complures omnium ordinum homines partim Christianæ doctrinæ præceptionibus imbuit, partim ab impura & flagitiosa vita ad castum Dei timorem studiumque virtutis eodem Deo adiuuante conuertit. Quibusdam etiam primariis viris, tum patritiis indidem tum externis, praua animi affectione ac vitio laborantibus, non sine copioso fructu, spiritualium exercitiorum expertæ virtutis medicinam adhibuit. In iis Didacum Guiam & Stephanum germanos fratres è præcipua nobilitate Cantabriæ, sibi quondam Compluti familiariter notos, ac tum Hierosolymis redeuntes, earundem commentationum beneficio tantam ad rerum diuinarum intelligentiam & humanarum contemptum adduxit, vt omnibus diuitiis & honoribus abdicatis, CHRISTI consilia omnino sequi decreuerint. Atque hos imitatus est postmodum Baccalaureus Hozius, item Hispanus, Theologiæ peritus: qui cùm ad easdem commentationes peragenda valde propensus esset, verumtamen ex quibusdam iniquorum sermonibus haberet suspectam Ignatii doctrinam ac dogmata; demum se Ignatio exercendum atque colendum ita commisit, vt multos in cubiculum, quò secessit, secum afferret libros, quibus Ignatii dicta scriptaque ad sanctorum patrum & conciliorum trutinam expenderet. Sed vbi appositas ab Ignatio

cpulas

epulas degustavit; tantum absuit, ut in iis veneni deprehenderit quidquam, ut etiam ardenti quodam rerum cœlestium amore inflammatus, mortalibus commodis nuntium sponte remiserit, atque ultro ad Ignatii voluntatem & vitæ rationes adhæserit. Ex Veneta verò nobilitate in primis eo secessu ac meditatione profecit Petrus Côtareus Zachariæ filius, is qui multo pòst, magna cum integritate ac sanctimonix laude, Paphensem Episcopatum administravit. Sed & aliorum ex Ignatii consuetudine insignis vitæ morumque mutatio est consecuta. Quæ quoniam nec ab obscuris hominibus & incolis celeberrimæ ciuitatis fiebant, breui, ut aliis locis antea, sic tum Venetiis Ignatii pietas in crimen inuidiamque vocari cœpta, non ferente diabolo, tantam sibi prædam è faucibus eripi: statimque vulgatum ab eiusdem emissariis est, Ignatium prauitatis hæreticæ semel iterumque conuictum in Hispania elapsum è custodia, in Galliam profugisse; ac proinde eius effigiem ab Hispanis Inquisitoribus ignominix causa publicè concrematam. eundem Parisiis nouas molientem res, inficiemque perniciosæ doctrinæ labe scholasticos: vbi delatum suum nomen ad sacra tribunaia odoratus fuisset, fuga præuertisse licetorum manus & consilia magistratuum. Quas criminationes Ignatius cum non modò in vulgus, iniquorum opera sparsas, verum etiam ad Legatum Apostolicum Hieronymum Verallum, qui deinde S. R. E. Cardinalis fuit, delatas inaudisset; non tam de sua, quam de Sociorum existimatione sollicitus, ultro ad Legatū adiit, & acriter institit, ut eorum criminum quæstio exerceretur. quod ita factum, & veritate comperta, honorificè à Legato est absolutus; incumbente in eius causæ cognitionem Gaspare Docto legati affecla; qui ex eo tempore Ignatium vnicè dilexit, ac sacratissimæ domui Lauretanæ deinde præpositus, in Societatem vniuersam plurima egregiæ voluntatis officia contulit.

VENETIAS AD IGNATIVM SO-  
CII VENIUNT.

CAPVT III.

**D**VM hæc in Italia gerit Ignatius, interim bello inter Christianos ingrauescente Reges, cum exercitu formidabili Cæsar per Insuabrum & Allobrogum fines in Galliam irruperat. Ea fuit sociis Ignatii causa & profectionis maturandæ, & itineris per Thuringiam, seu Lothoringiam atque Germaniam,

maniam, sanè incommodo anni tempore facièdi. Igitur pecunia rebusque omnibus, præter viaticum & scripta, in Christi Domini gratiam distributis, mense Nouèbri anno circiter post discessum Ignatii, suo quisque baculo innixi pedites viam capessunt, & quidem tanta cum alacritate ac feruore spiritus, ut ne a Iacobo quidè Laine, viribus nondum è recenti morbo recuperatis, extorqueri potuerit, quominus & pedibus ambularet ut reliqui, & inter ambulandum insuper inualida membra discrucietur hispidio in primis & horrenti cilicio. Vestitus erat omnium, vi peregrinorum & pauperum, nequaquam elaboratus, & ad modicè stià submissionemque compositus; pendebat è scapulis mantica ex corio, in qua sacra Biblia & breuiarium asseruabantur, & scripta, quæ diximus. Rosaria verò, ad catholicam fidem vel inter ipsos hæreticos profitendam, palàm gestabant è collo suspensa. Hospitium ingressi, primùm omnium, nullo adstantium respectu, nixi omnes genibus Deo gratias agebant; eundem in egressu pariter sibi propitium precabantur. Sobria & frugalis erat mensa; oratio ac meditatio non solùm in diuersorioris; verùm etiã in ipso itinere plurima; sacerdotibus, qui tres erant, sacrificantibus, cæteri quotidie cælesti reficiebântur pane, sermo nisi de rebus diuinis aut necessariis ferè nullus; in decernendo, si quid in deliberationem incideret, mira concordia; in superandis viarum difficultatibus periculisque, summa constantia & æquitas animi. Autumnales pluuias tota ferè Gallia pertulerunt; occurrere mox Alpes parè obstruèta niuib; multa fuere subinde famis, frigoris, defatigationis incòmoda subeunda; nihil se illis obiecit tam arduum aut tam extimescendũ, quod eorũ quemquã à concepta religione officioq; deduceret. Atque hæc disciplinæ pacisq; custodia, cum omnibus, per quorum fines transierant, populis bonus odor in Christo fuissent; cunctis nõ catholicis modò, sed etiã hæreticis nouum ac religiosum agmè magna cum approbatione mirantibus, ad tertium Idus Ianuariæ anni MCCCXVII. Venetias ingenti omniũ gaudio & mutua gratulatione sospites ad Ignatiũ peruenerũt. Atque vbi paululũ è longa contentiõne ac lassitudine quietis est captum, statim Hierosolymitanæ proninciæ consilia renouantur; primùm omnium, rati gratiora superis fore sua studia, si ad ea summi totius Ecclesiæ Pastoris auctoritas & consensus accederet, simul atque hyems remitteret, tunc vel maxime sæua, Romam ire constituũt; & à Pontifice maximo ius tum ad sacros ordines, titulo voluntariæ pauperratis; tum ad mansionem Hierosolymitanam; & prædicationem Euangelii,

sine ullo interdicti metu suppliciter petere. Interea Venetiis ne-  
cessarent, atque adeo ut quædam quasi rudimenta futuræ mili-  
tiæ ponerent; publicis valetudinariis inter se distributis, agrotos  
ac pauperes omni ope adiuuare institerunt: Confessionis & Eu-  
charistiæ sacramenta gratis ministrare, qui per sacerdotium po-  
terant: cæteri solari iacentes, afflictos mœrentesque spe cele-  
stium bonorum erigere, adesse animam agentibus, cunctos  
denique ad patientiam fidemque adhortari: nec modò spi-  
ritualibus officiis fungi certatim, sed ne vilissima quidem ac  
seruilia corporibus pauperum curandis defugere ministe-  
ria; sternere lectulos; euerrere sordes; purgare scaphia; cada-  
uera defunctorum ritè curata humi condere, interdum pariter no-  
ctuque omnibus præstò esse tãta cù alacritate ac diligentia; ut  
cuncti obstupescerèt, vulgatoque rumore, principes etiã viri ad  
spectaculu cõuenirent. Quibus in officiis cùm aliorum omniũ, tũ  
Xaverii præcipuè caritas ac virtus enituit. Is cùm in quendã inci-  
disset morbo Gallico misere deformatum, atque ad eius aspectũ  
exhortuisset, ut ea se infringi ac debilitari sensit caritatè in pro-  
ximum, ita repètè in semetipsum excaudit egregius Christi mi-  
les, ut manantem sanie ex ulceribus purulentis, (cuius rei vel mē-  
tionem aures delicatæ resugiant) obfirmato animo, semel iterũ-  
que nõ dubitarit exfugere; qua re nõ modò se ipsum in præsea-  
tia præclarè vicit, sed etiam in omne tẽpus propriam quandam  
atque perpetuã in elephantiacos atque vlcerosos clementiam &  
misericordiã est consecutus; quam deinde, ubicumque terrarum  
fuit, quotiescumque se dedit occasio, diligenter exercuit. Quidã  
etiam è sociorum numero, pauperè lepra toto corpore cooper-  
tum, cùm præfectus nosocomii non admitteret, in luum lectum  
accepit ipse cumque manè surrexisset, cunctis ingemiscentibus  
eadem ipse quoque morbi sceleritate correptus, postidie non si-  
ne miraculo prorsus illæsus atque intactus apparuit. Hac & alia  
eiusmodi veræ pietatis & officii documenta cùm in ea vrbe de-  
disissent, (quorum ibi grata in multos annos deinde memoria vi-  
guit) appetente iam vere, uti condixerant, Romam cuncti ferè,  
præter Ignatium, discessere. Ipse tum ad patra in Domino reti-  
nenda, tum ad expedienda quæ ad navigationem pertinerent, i-  
bidem interea substitit. Atque illi quidem eadẽ ferè disciplina,  
quam suprã diximus, iisdemque imbrum difficultatibus, iter in-  
gressi, ad superiorem parcimoniam ac frugalitatem illud etiam  
addidèrunt, ut neque ullo prorsus viatico, diuinæ tantum providen-  
tiæ bonitatisque fiducia, Romã usque contingerent, & quia tum

Cineralium seu Quadragesimæ tempus erat, quotidie, quamquã in tãtis laboribus, ritu catholico ieiunarent. Nec sanè defuit illis & exercendæ spei, & Christi Domini inopiam ac perseuerantiam aliqua saltem ex parte imitandi materies: acciditque aliquando, vt cum panis dumtaxat frustulum singuli manè sumpsissent, imbre densissimo stagnantibus latè campis, vt alicubi pectore tenuis aqua pertingeret, nullo præterea cibo, millia passuum ferme triginta nudis pedibus vno die peregerint, & quidè incredibili non modò tranquillitate animi, sed etiam hilaritate psallentes. Diuersorioris verò cum propter inopiã excluderentur, & ad publica xenodochia de more confugerent, quamuis oppidò lassī, tamen iis, quæ supra diximus, caritatis muneribusungebantur: seque ipsi domare ac vincere magis magisque nitebantur in dies. Sanè Ravennæ quidã ex iis cum hospitalis lectuli sordes ac manãtia tabe stragula nauseabundus vitasset, quæ prima deinde occasio data est suimet puniendi, nō prætermisit. In pago nescio quo pauper phthiriasi consumptus è vita migrauerat; cum in eū pagum nostri venissent, distributisque cubilibus nullum iam superesset, nisi quod phthiriaceum fouerat, Pater ille amissam nuper palmam recuperare vehementer exoptans, nudus illico per summum animi ardorem easdem subiit lodes, ibique sese identidè versans, cū ingentes animalium greges ea tota pauidet nocte, ad sudorem usque defatigatus, non leues ab se prioris fastidij ac deliciarum pœnas exegit. Denique sanctam Urbē ingressi, vt facra Apostolorum limina & præcipuæ religionis templa castè obierunt, à Petro Ortizio Hispano Cæsaris procuratore ad Pontificem maximum introducuntur. Is erat eo tēpore Paulus III. è gente Farnesia, cuius nomini plurimum utique nostra Societas debet. Consueuerat autè super mensam non fabulatores, aut mimos inducere, sed præstātes philosophos atque Theologos, & ipsemet, veritatis indagandæ atque illustrandæ causā, ponere de quo inter se disputarēt. ea erat grauisissimi senis & prudentis imi Principis oblectatio. Ad has ergo disputationes post pedū oscula Patres adhibiti, cū egregiū qua Christianæ humilitatis atq; modestiæ, qua eruditionis & ingenij specimen præbuisent, nō modò quæ volebant de sacerdotio, deque Hierosolymitana prouincia, libère atque approbātè Pōtifice impetrarūt, sed insuper pecunia ab eodè instructi & fausta cū præcedimisi sunt. Ad quam deinde pecuniā, cū è nationis maximè Hispanicæ collatione accessisset, q̃ aureorum amplius ducetorum summam expleret, socii, ne quid ex eo viatico præterquam in usum vocis nauigationis

attingerent, apud menfarios pecunia omni depofita, & Romæ victum emendicantes, admirabile dedere fpectaculum iis, qui coram Pontifice differentes illos audierant: & deinde quemadmodum venerant, fic Venetias prorsus egentes ac vacui reuerterûr.

## SACRIS INITIATUR IGNATIVS: ET DE

REBUS AB EODEM ET SOCIIS IN

Veneta ditione geflus.

### CAPVT .I.V.

**P**OST hæc, diligenti adhibita præparatione, cùm ad eiufdẽ Legati Veralli pedes perpetuæ paupertatis & caftimoniæ nuncupaffent vota, diuini amoris igne fuccenfi, mirante ac maiorem in modum approbante populo, feſe denuo ad priſtinos illos labores & aſidua pauperû ministeria retulerunt. Deinde in exitu mēſis Iunii, diuī Ioan. Baptiſtę die natali, Ignatius & reliqui laici per omnes ordinum gradus ad apicẽ ſacerdotii à Vincentio Negofantio Fanenſi, Arbenſiũ Epifcopo, euecti ſunt, tanta nõ modò ipſorum, ſed etiã ipſius Epifcopi lætitiæ & animi voluptate, vt ſeſe inter eiufmodi cæremonias nihil vnquam ſimile ſenſiſſe affirmaret. Interea Patribus neq; in eã diem vlla fuerat in Paleſtinam tranſmittendi facultas; & eo ipſo tempore, cū graue bellum ex fœdere Chriſtianorum principum Venetos inter & Solymantum Turcam exarſiſſet, ſublato repẽdẽ commercio, omnis non modò peregrinorum, ſed etiam inſitorũ nauigaio conſueuit, vt ſatis appareat, cæreſte nomen iratum gẽribus iis, quæ creditum ſibi regnũ Dei per ſummum olim ſcelus negligentiam, quæ amiſerit Apoſtolicum hunc deuotũque ſibi manipulũ in alias longẽ nationes atque prouincias, iuſto iã antè iudicio deſtinaffe. taquẽ propter eam quæ dixi cauſam, ſpe trajectiendi ſublata, quamquã voti religionẽ ſoluti videri propemodum poterant, tamen ne quis omnino ſcrupulus animis inſideret, ſinẽ anniuerſentis, vti Paſiſis antè decreuerant, prorsus exſpectare, ſequẽ interim cum Apoſtoli primitiis diuinæ maieltati libũdas omni diligentia cõparare; cum etiã poſt multam precatorem & abſtinentiũ proximis operam ex inſtituto nauare conſtitunt. Id quo liberũs atque commodũs facerent, & tantæ vrbis cèlebritate ac frequentia in finitima eiufdẽ ditionis oppida aliò atque aliò recepẽre ſoleat, ſi forte (quod tamen in præſentia vix fieri poterat) bello ſedato præter opinionem tranſitus paruiffet, & propinquo Venetias, conſecti ſimul accurrerent. Franciſcus ergo Xauerus &

Sal-



Salmeron ad mōtē Celsūm (id vico nomen, ab vrbe Parauio milibus passuum ferē quindecim) secessere: Ioannes Codurius, & Hozius, Taruissum: Claudius Iaius, & Simon Rotefigius Bassanum, oppidum agri Parauini; Paschasius & Bobadilla, Veronam; Ignacius verò, Faber, & Laines cū Vicetiam petiissent, hanc vitæ rationē iniēre: Erat extra urbē domuncula ruinosa & deserta, nullis foribus aut fenestrarum obicibus, vento cuilibet peruia, id sibi diuersorium, ne cui molestiam exhiberent, atque vt ab vrbanō strepitū remoti liberius vni Deo vacarent, memores insuper stabuli quod Regem ipsum Angelorum nostra causa nascentem olim exceperat, ynauimes delegerūt, quotidianis muneribus ita inter se distributis, vt vnus ad custodiam diuersorii & paucula victus ministeria remaneret, (qui ferme erat Ignacius, quod propter nimiam lachrymarum copiam grauer ex oculis laboraret) reliqui duo urbem ingressi, cibum in singulos dies emedicarent: quod ab ea functione superesset orii, totum id omnes cœlestium rerum contemplationi tribuerent. In hoc vitæ genere cū quadraginta iam dies non minori cœlestium donorum copia, & animorum volupstate, quam corporum vexatione & carnis incommodo perstitissent, quanto nimirum spatio temporis Christum ipsum Dominum ac magistrum, autē quā turbæ sese committeret, abstinuisse cibo & in eremo cū bestis latitasse meminerant; ad eos reuersendos Taruisio repente Codurius affuit, cuius accessu læti, cū spiritus vehementiam ex ea solitudine, assiduitate precandi, ieiuniisque conceptam diutius cohibere non possent; ad CHRISTI gloriam ex vmbra in arenam prodire; & quæ diuinitas acceperant bona, cum proximis communicare constituerunt. Nec mora: Vicetiam ingressi, descriptis inter se celeberrimis oppidi partibus, eadem omnes hora de rebus diuinis ad populum dicere incipiunt, nullo prorsus aut loci apparatu aut pōpa verborum. In triuiis plateisve, prout cuique locus obrigerat; desumpto ex aliqua fortē officina scāmno pro suggestu utebantur; populum elata voce, & in gyrum acto supra verticem pileo, ad concionem inuitabant; sermo, vt peregrinorum & hospitem, ex variis linguis ferē mistus, ac minimē proprius. Verumtamen is erat orationis impetus, aded graues ac veræ sententiæ, tanta in omni gestu atque habitu pietas, denique is ardor in oculis emicabat, vt peritissimus quisque rerum æstimator hos demum esse Christianos concionatores germanosque præcones Euangelii dictitaret: multi etiam, qui rei nouitate illecti cum cæteris initio per iocum lasciuiaque ludibundi confluxerant, prudentissimis

eorum præceptis & dicendi grauitate permoti, depõsita paulatim petulantia, longè alii atque accesserant dimissa concione recederent. Quòd si quis deinde seorsum ad Patres adiret, veritatis & officii studiosior, hunc verò humanissimè acceptum, pro ipsius ingenio priuatis institutionibus ad omnem virtutem ac religionem informabant. Illud verò præcipuè rē adiuuabat, quòd neque inanes plausus, vt diximus, fucata oratione captarent; neque inter ipsam concionem, aut vbi peroratum esset, quamquam in summa rerum omnium inopia, quidquam à circumfusa multitudine vel peterent ipsi, vel etiam vltro delatum acciperent; breuique constare caput, paupere testō ciboque cōtētos, & ab omni auaritia & vanitate abhōrrentes, non aures populi scalpere, sed vulneribus omni ratione mederi; nec suum potiùs, quàm Dei proximorumque negotiū agere. Atque haud sanè dissimilis fuit cæterorum Patrum in sua cuiusque prouincia probitas & industria; vt etiam aliqui ex magnis laboribus & incommodis extremum adierint vitæ discrimen. Neque ita multo pòst, cū, euocati ab Ignatio, vt de rebus communibus agerent, cuncti Vicetiam conuenissent; tanta animorum inclinatio ac beneuolentia populi Vicetini erga peregrinos apparuit, vt qua nuper in vrbe, tribus duntaxat, cibarii panis, ac ferè mucidi, quotidiana vix circuitione colligebatur, quod satis esset ad vitam ægerissimè tolerandam, in eadem, ipsis iam vndecim, ex voluntariis ciuium elemosynis omnia ad victū cultūque necessariā largè ac benignè suppetere. Ibidem igitur primas diuinæ maiestati hostias immolauere noui sacerdotes, vno Ignatio excepto, quippe qui ad se comparandum ampliùs adhuc tēporis sibi sumpserrat, & Romæ postea sacrificandi fecit initium ad ipsum. Præsepe & incubula Christi Domini, quæ in æde sacratissima beatæ Mariæ ad Niuēs religiosè coluntur.

## IGNATIO ROMAM APPROPINQVANTI

CHRISTVS APPARET: ET VNDE SOCIETATI IESV NOMEN INDITUM FUERIT.

### CAPVT V.

**E**T quoniam expeditioni transmarinæ præfinitū anni spatiū erat in exitu; & infestū adhuc classibus mare, quid proinde agendū esset, Patres inter se deliberā t: nec dubiū fuit, quin, vt i Luteriū vouerāt, cuncti sese ad fidei Catholicæ propagationē, & animarum

Marum auxilium, Sedis Apostolicæ cultui, & Romani Pontificis obsequio manciparent. Cuius officii procuratio (quoniam satis id esse videbatur) Ignatio & duobus primariis patribus Fabro & Laini mandata est, Romam adirent, & (quod bene verteret) CHRISTI Vicario hæc sociorum studia ac vora quàm primùm exponerent. Interea reliqui, ne conceptus è diuturna meditatione & sacrificiis feruor ac spiritus euanesceret, non modò se ipsi diligentissimè custodire, sed etià præsidii diuini fiducia proximis omni ratione opitulari decernunt. ac præcipuis vrbibus inter se descriptis, præsertim in quibus litterarum studia florere & frequentissimà iuuentutè versari cognouerant; Godurius Hoziusq; Parauini, Roterigius & Iaius Ferrariam, Xauerus & Bobadilla Bononiâ, Paschalius & Salmeron Senas profecti, eadem ferme ratione quam paulo antè Vicetiam adhibitam diximus, & priuam & publicè cū hominibus agere, eosq; è lethali flagitiorum veterno excitare, arque ad contemptum rerum mortalium & cogitationem futuri sæculi omni conatu atque artificio impellere atque adhortari ceperunt. Cumque ipsa nouitate rei omnium in se oculos atque ora vertissent, paucis mensibus, Deo aspirante, non modo id effecere, quod maxime optabant, vt magni animorum motus & insignes ad Christum conversiones existerent; sed etiam, quod minimè laborabant, vt ipsorum nomen ac fama Italiam ferè totam ingenti cum admurmuratione peruaderet. Ad Ignatius Romam duobus quos dixi comitibus rectè contendens, & ab eorum altero quotidie corpus CHRISTI religiose casteque suscipiens; MARIA virgine potissimum præside atque adiutrice, sese ad sacrum suo tempore faciendum, ac multa pro Christi nomine subeunda, dies noctesque simul interea quadam animi cura, simul inæstimabili spiritus dulcedine, & noua diuini luminis copia præparabat. Etenim ex quo primùm Hierosolymis. rediens ad litterarum studia in Christi gratiam animum adiecerat, de rerum celestium contemplatione, vt diximus, non sine magna difficultate remiserat multum, seque ipse Domini caritate, spiritali consolationi deliciisque sponere subduxerat. Sed studiorum exacto curritulo, deinceps & Venetiis, & in Vicetino secessu, & in hoc de quo dicebamus itinere, tam crebra diuinitus lumina, tam liquidæ animi voluptates, eadem scilicet Virgine fauente percepit, vt in antiquum statum illum Minoressanum (quem postea ob singularem & eximiam illius temporis in se Dei benignitatem religioso ioco primitiuam suam Ecclesiam appellare consueuerat) non solum ex integro, sed etiam cum fœnore sibi restitutus esse videretur.

tur. Sed præter cætera, quæ, quòd mortalem naturam exsuperant, verbis exsequi difficillimum est; quo die Romam accessit, res ei contigit vel ad memoriam posteritatis insignis, vel ad confirmandum in proposito Ignatium cæterosque haud mediocriter efficax. Etenim orandi causa non longè ab Vrbe templum ingresso, qualia passim imposita militari viæ cernuntur, statimque, ut sæpe solebat, abstracto a sensibus, atque alta quadam animi contemplatione defixo, clarissima in luce perspicie illi sese Deus pater ostendit, Iesu filio baiulanti crucem, & crudelissimis affecto suppliciis, præsentē Ignatiū sociosq; cōmendans, quos ille cū in fidem ac patrociniū libentissimè recepisset, ad Ignatium placido & sereno vultu conuersus, hæc ipsa effari verba dignatus est: **EGO VOBIS ROMÆ PRO PITIVS ERO.** Quo tanto tamque diuino solatio mirum in modum erectus & confirmatus Ignatius, ac socios deinde compellens: **Quid nobis, ait, Romæ futurum sit, fratres, in crucem ne iam in rotam agi nos velit Deus, ignoro. vnum scio, quidquid eueniat, Iesum Christum nobis propitium fore, ac simul totius visionis ordinem exposuit.** Quæ res non in præsentia tantum illos insolita quadam læticia & voluptate perfudit, sed etiam in posterum contra omnes difficultates atque pericula magnopere corroborauit ac muniit: atque id ipsum vel in primis fuit causa, cur Ignatius confirmatæ post modum Societati salutare potissimum Iesu nomen indiderit, quam tamen deinde verbo scriproque diuinitatem vocare solitus est, quòd reliquis, religiosorum familiis (quas item societates Iesu licet optimo iure appellare) cunctis omnium de splendore rû de antiquitate concederet.

#### IGNATIVS ROMÆ CHRISTIANÆ REI DAT

OPERAM IN CASINATI MONTANI

manu Hozii cælum inerrantem videt.

#### CAPIT. VI.

**I**Gurva tam secunda numinis voluntate tamque liberali promisso mitum in modum læti, sic tamen vt non sine mysterio Christum Dominum crucifixi maximè habitu apparuisse apud se reputarent, cum gratiarum actione ac prece, sanctam Urbem ingressi, nihil antiquius habuere, quam vt viatici nomine sibi numeratam auno priore pecuniam, quoniam quidem navigationis consilia in irritum cecidissent, prorsus ad nummum isdem a quibus acceperant, redderent; quæ, utpote sacra, in alios pictatis

visus & opera expendere. Deinde, quemadmodum antè cō-  
uenerat, suam & reliquorum operam Pontifici maximo in Apo-  
stolicis præcipuè functionibus, citra honoris titulos & dignitatis  
insignia, detulere. Neque aspernatus est pia Patrum studia Chri-  
sti Vicarius: atque in præsentia, donec eiusmodi aliqua sese offer-  
ret occasio, iussu Faber & Laines in almo Sapientiæ Gymnasio sa-  
cras litteras profiteri. quo munere dum alter in bibliis explican-  
dis, alter in scholastica Theologia, ut appellant, pari cum erudi-  
tionis ac pietatis laude perfunguntur, atque etiam sæpe coram  
ipso Pontifice de grauibus rerum diuinarum quæstionibus dispu-  
tant; interim Ignatius proximorum saluti de more operam naua-  
bat cum aliis artibus, tum verò spiritualibus præsertim exercita-  
tionibus, quippe ad curandas perturbationes admodum efficaci  
virtutisque jam pridem expertæ remedio: quibus ille per eos dies,  
præter ceteram turbam, insignes aliquot viros diligenter exco-  
luit. in iis Gasparem Contarenum Cardinalem, grauissimum Se-  
natorem, eundemque temporibus illis (quod eius varia moni-  
menta præclare testantur) ingenii & doctrinæ facili principem.  
Is Ignatii prudentia & consuetudine vsque aded captus est, tan-  
tumque eius præceptis consiliisque profecit, ut qualem dudum  
opauerat animi regendi moderandique magistrum, denique se-  
se Dei beneficio nactum esse affirmaret. idemque tradita sibi Ex-  
ercitia (quod exemplum apud hæredes hodieque asseruari perhi-  
bent) sua ipse manu perquam accuratè descripsit. Hunc imitatus  
Cæsaris procurator, (de quo supra dictum est) Petrus Ortizius  
Theologiæ doctor insignis, easdem exercitationes ad Christi Do-  
mini gloriam & suam salutem omnino experti constituit. Id quo  
liberiùs simul & fructuosius faceret, procuratione interim vica-  
riis delegata, cum paucis quotidianæ vitæ administris & Ignatio  
præceptore in montem Casinatem secessit, quo in monte anti-  
quissimum & nobilissimum cernitur sancti Benedicti cœnobium.  
Ibi, temotis arbitris, maxima diligentia dies ipsos quadraginta  
piæ meditationi ex Ignatii præscripto vacauit; idque tanto cum  
animi fructu, tantaque accessione virtutis, ut quamquam Chri-  
stianam philosophiam multo antè professus, tamen se tum demum  
verè philosophari cepisse fateretur. ac parum abfuit, quin grãdis  
iam natu vir, & Imperatoris legatus, illico mortalibus rebus ab-  
iectis magno animo sese ad laboriosum Ignatii vitæ genus adiū-  
geret. sed cum id neq; per ætatem liceret, neque per suscepta ne-  
gotia; certè quod proximum fuit, egregiè præstitit, ut & sancti-  
monix ac pietatis exemplo in posterum sui ordinis hominibus per-  
luceret,

Iuceret, & Societatem deinde nostram; quibuscumque posset rebus, perquam studiose ornaret atque defenderet. Non omittenda videtur hoc loco res memorabilis, quæ Ignatio in illa Calinatis commoratione diuinitus accidit. Dum enim pro salute Baccalauræi Hozii, quem grauius ægrotare cognorat, Domino supplicat, repente vidit in spiritu (quod ipsum ibidem D. Benedicto fertur olim in obitu Germani Episcopi contigisse) animam socii luce clarissima radiantem deducentibus Angelis in sublime ferri, atque ipsa demum cæli beatissima regna conscendere. eidemque Ignatio, paulo post; dum ad rem diuinam accedit, in ipso Missæ introitu, Sanctis omnibus ritè appellandis, lucidissimū celestium agmen subito apparuit, sic, ut in iis Hozium eximio fulgore micantem sine vlla dubitatione dignosceret. Qua ex utraque visione tantò est gaudio delibutus, ut multos dies præ dulcedine lacrymis temperare nequiverit. Huic Hozio Patauium (ut diximus) prouincia nuper obtigerat. vbi dum in officio, singulari cum industria & fide versatur, ex ipsa rei nouitate suspectus, & coniectus in carcerem ab Anrhistite Patauino, moxque ab eodem dimissus pethonorisce fuerat. cumque acrius denuo in proximorum salutem incubuisset, è magnis diurnis nocturnisque laboribus lethali morbo correptus, ex hac vita migrauerat, cum aliis miræ cuiusdā sanctimonix relictis indicis, tu verò quoddam qui ante obitum subniger fuisset, ac vultu deformior, in eiusdem demortui facie tantus repente nitor ac venustas apparuit, ut eo spectaculo Codurius cōsors prouinciæ animum exsaturare & præ lætitia fletum cohibere non posset. Huius igitur tam felici exitu maiorem in modum gauisus Ignatius, è Calinate Romam vnà cum Ortizio peracta commoratione regrediens; obuium habuit in itinere Franciscum Stratā Hispanum, præclaræ indolis iuuenē, sibi antea non ignotum: qui cum è cuiusdam principis viri familia, pertæsus aulicæ vitæ, militandi causa Neapolim peteret, vho Ignatii cōgressu atque sermone (quæ hominis erat in dicēdo vis) à sæculi stipēdiis ad Christi vexilla facili negotio traduci se passus est: ac variis deinde locis, eiusdē Ignatii missu, & Societati nostræ & rei Christianæ vniuersæ cōcionatore egregius haud mediocriter profuit. Hoc igitur auctus commilitone Romam Ignatius reuertit: ad quem deinceps aliquot etiam alii rebus gerendis idonei diuino impulsu paucis diebus adiuncti sunt.

ROMAM PATRES VNIVERSI CONVENIUNT: VETEREM plebis erudiendæ morem & frequentem vsum Confessionis & Eucharistiæ restituerunt.

## CAPVT VII.

**Q**UÆ dum ardens Christi amore diligenter agit Ignatius, interim Patres cæteri, sua quisque prouincia benè gesta, Romam (vti decreuerant) circa mediam Quadragesimam conuenère. Is fuit annus post Christum natum M. D. XXXVIII. Tecto recepti sunt à Quitino Garzonio ciue Romano, ad villam Minimorum fratrum cœnobio proximam. Ibi in summa omnes egestate precario victitantes, communi cōsilio ad rem Christianam pro viribus adiuuandam aggressi, permissuque Antistitum varia Urbis templa sortiti, concionibus primū ciuitatem ad omne officium atque virtutem vehementer accendere; deinde etiam veteri Ecclesiæ instituto plebem puerosque Christiana catechesi (quæ iamdiu obsoleuerat) vicatim erudire institerūt. Ac licet piis eorum studiis dæmon omni conatu se opponeret; tamen partim exemplo vitæ, partim assiduitate dicendi hortandique cū alia multa propediem assecuti sunt, tum verò præcipuè, vt sacræ Confessionis & Eucharistiæ frequens vsus (quo nihil est humano generi salutarius) diaboli fraude iampridem extinctus, magno vtique Christianæ Reipub. commodo in principe magistræque orbis terrarum Ecclesia reuiuisceret. ex quo deinde paulatim effectum est, iisdem scilicet adiutoribus, non solū vt in Italia, Gallia, Hispania, cæterisque Catholicis Europæ regionibus, verū etiam vt in ipsa India, atque adeò in vltimis terris, vbi paulo antè feræ dæmonum dapes & nefaria sacra viguerant, iam nunc, ingenti bonoru gaudio, per pœnitentiæ Sacramentum frequenter elutis animi sordibus, diuina passim cōuiuia celebrètur.

FALSIS CRIMINIBVS CIRCVMVENITVR  
IGNATIVS, ET ABSOLVITVR.

## CAPVT VIII.

**Q**UÆ nimirum satanas futura prælagiens, ipsis rerum initiis per se suosque satellites obuiam ire non distulit. Augustinus quidam erat ex Eremitana familia concionator; prorsus indignus eo nomine atque ordine. Is Lutheris impij scētator occultus, per ambages identidē perniciofa dogmata spergebat è pulpitō: ac miris artibus auditores à recta in Deū fide atque à Rom. Pōtifis auctoritate sensim abducere conabatur. Id autē eo fidētius, quod per eos fortē dies Pōtifex aberat, maximis de rebus,

rebus, quæ ad salutem Ecclesiæ pertinebant, in fines Galliæ Narbonensis Nicæam vsque profectus. Hanc rem odorati è Patribus quidam; ne ad perniciem animorum latius manaret; communi consilio totam ipsi cognoscere atque inuestigare non dubitant. adeum concionatorem audiendum cum cætera multitudine semel iterumque conueniunt; quæ ratio disputandi sit, qui scopus totius orationis diligenter attendunt. neq; verò peritos dogmatum, quæ per id tempus in controuersiam vocabantur, diabolici ministri fefellit astus, ac latens lupi sub ouis pelle rapacitas. Itaque satis iam comperta atque explorata re, primùm ex Euangelii præceptis priuatim ad hominem adeunt; quid ad se delatū, quid auribus ipsimet suis deinde perceperint, iis potissimum verbis exponunt, quibus non de populi modò salute sese, verùm etiam de ipsius qui populum pestifera contagione inficeret, pro Christiana caritate sollicitos esse demonstrent: roganr, hortantur, denuntiant, praua dogmata corrigat, ambigüe dicta, quæque ad contemptum Sedis Apostolicæ & Ecclesiasticarum traditionum ac rituum facillè trahi possint, ad conciliorum decreta normamque sinceræ fidei quamprimum interpreterur: utique à deprauanda Romana ciuitate atque à perturbâdo ipso veritatis fonte in posterum abstineat. Ille (qui factus hæreticorum est) homines nimirum idiotas ex habitu ratus, eorum dicta primò eleuare & eludere; deinde vbi se variis vrgeri ac premi argumētis & rationibus vidit, versante animum simul ira metuque, pauca præfatus quæ ad occultandam in præsentia improbitatem valereat; cum inanibus promissis Dei famulos ab se dimisit. Deinde vt se è timore collegit; diabolicis actus furiis, & amicorum opibus fretus, quos ille sibi multos potentioresque parauerat, ad institutam agendi consuetudinem pari scelere atque impudentia rediit. Quod vbi sensere Patres, in re tam atroci tamque periculosa nequaquam lenibus rati opus esse remediis; consiliū cepere dignum hominibus diuinæ gloriæ studiōsis, dignum sacræ Theologiæ doctoribus; ut improbi concionatoris mendacia palam & ex superiore loco suis ipsi concionibus refurarent. Id erga eum facere instituisent, bonis maiorem in modum approbantibus, cognita se Lutherianus vehementer excanduit; vocatisque ad se confectum amicis rabiem doloremque suum imperiit; etiam atque etiam obtestans, ne tantam ac tam insignem injuriam inultam esse paterentur. Illi, & eadem laborantes opinionum insania & magistri ignominia valde commoti, facta conspiratione, Ignatium & socios omni dolo per fas ac nefas euertere, nec modo fama, sed etiam, si res procedat,



procedat, vita spoliare constituunt. Primum igitur tota Vrbe licetis criminibus dissipant, Ignatium sociosque omni scelerum genere coopertos, tum in Hispania, tū in Gallia, quin etiam nuper Venetiis, falsæ religionis & probri flagitiiq̃ue dānatos; & elapso è iudicum manibus, ad corrumpendam iuuentutem specie pietatis Romam se contulisse; ibi, quod bonis artibus nequeant, id, alios criminando accusandoque, per summam injuriam quærere, ut sibi apud imperitum vulgus famam sanctitatis eruditionisque concilient. Cum, aures nacli secundas, hæc & alia id genus quàm appositissimè ad veritatis imaginè & per se ipsi & per emissarios oppido sererent; tantam in inuidiam & odium breui seruos Dei adduxerūt, ut eos multi iam quasi facinorosos ac fugitiuos horrerent; ipsorumque congressum & consuetudinem vulgò refugerent. Cūque iā res è sententia flueret, lecti successu aduersarii, præterea promissis ingentibus onerant subornantque, qui iisdem ferè nominibus, quæ sparsa in vulgus fuerant, apud Urbis Præfectum insontes accuset. Has verò partes inexpressibili scelere sibi desūpsit Michael Hispanus quidam, qui iam antè Parisiis in Ignatiū debacchatus, ac deinde singularibus ab eodem Ignatio lucrādi fratribus mirabiliter cupido prouocatus officiis, egregiam viri beneficiā (ut ferè fit) minimè vulgari perfidia atq; impietate repēdit; atq; ut Ignatiū & socios familiariter nouerat, cōfictis quā maxime ad similitudinem veri criminibus, apud Præfectum sanè magnā in suspiciōnē cunctos adduxit. Omnino res erat insigni infamia; nec modò in vrbe vulgi sermonibus terebatur, sed apud exterarum quoq; nationes atq; prouincias aduersariorū nuntiis ac litteris percrebuerat, Ignatianos cū suo capite deniq; manifestorū scelerū hæresiq; conuictos teneri: videlicet, ut quas noxii variis locis effugissent pœnas, eas iusto Dei iudicio Romæ in celeberrimo totius orbis terræ theatro persoluerent. Interea Ignatius totius machinationis nequaquā ignarus, fretusq; tū præclaro consciētiae testimonio, tū etiā Christi promissis, qui se illi Romę propitium spoponderat foro; omnes inimicorū impetus totāque belli procellam inuicto animo sustinebat. Deūmq; vnā cum sociis pro aduersariorū salute precabatur assidue tamque causæ dicendæ tempus appropinquabat; cum incidit in eius manus epistola, quā antea Michael, recentibus quibusdā Ignatii meritis delinitus, (quippe vel ferrea pectora interdū pietētia & caritate flectūtur) ad amicum pescio quem summa cum Ignatii & sociorum laude perscripserat. Ea videlicet epistola, delatoris causam, iugulauit. p̃aque ubi iudiciū aduenit dies; citatō ad tribunal Ignatio, multa in eius

in eius vitam ac mores improbè mentitus est Michael. ad quæ cum Ignatius admodum sedatè respondisset, prolata ad extremū epistola ac recitata, institit ab aduersario quærere, nunquid earū rerum meminisset? num chirographum agnosceret? Tum ille re inopinata percussus, victusque conscientia, repentè pallefcere, titubare, frigido sudore perfluere. quod vbi animaduertit Præfectus (is erat Benedictus Cōuersinus, vir prudens, & in causis cognoscendis apprimè versatus) confestim suspicatus coitionem ac dolum, data opera Michaëlem diligenter interrogat; cūque nō obscuris vestigiis ad ipsa fraudis cubilia peruenisset, seuerum calumniæ vindicem sese præbuit: ac multis verbis increpitum calumniatorem (quamquam Ignatio pro ipsius periculo deprecāte) insuper multauit exilio. Post hæc Ignatius flagitare & vrgere, vti conspirationis nefariæ principes, quæ priuatim in circulis cœtibûsque iactarant, eadem coram Præfecto palàm ac legitime exponerent, vt sibi diluendi crimina & se sociosque purgandi copia fieret. Misso igitur viatore, vadimonium obire coguntur. At illi, veteratores & callidi, & cū in foro iudiciisq; diu multūque versati, tum etiam recenti Michaëlis malo facti cautiore, vbi ad tribunal adfuerē, per summam dissimulationem se de Ignatio ac socijs & sentire quàm optimè, & ad eam diē sensisse respondent: neque vllum esse crimen, quod ipsi quidem in eorum vitam morēsq; conijciant. Atque hæc & alia eiusmodi coram iudice: rati nimirum fore, vt Ignatius præclarè secum actum existimans, quod imminens calumniæ periculum euasisset; tam elustri præsertim accepta satisfactione proinde quiesceret. At ille multa ac magna, quæ ad iuandam Ecclesiam pertinerent, mente ac cogitatione complexus; veritusque ne si quid suspicionis incommodæ, aut si qua dedecoris nota nascenti Societati adhæresceret, vel omnes in posterum ipsius conatus irritos redderet, vel certè magnum rebus gerendis impedimentū afferret, à Præfecto etiā atq; etiā postulare, ne sictæ aduersariorū palinodiæ fidē haberet: eos quippe alia tū sermonibus tum per epistolas longè latēq; vulgasse, ac quæ tunc ad tēpus accommodata, iudicii metu perterriti, dixerint. quæ nisi à magistratibus ritè cognita & quæsitā publicè coarguantur, malo videlicet publico per summum nefas hæsuram in Societate magnam infamiam. proinde iure se postulare, vt in sua dicta vitamque omnem diligenter inquirat; se suosque ad causam vsq; cognitā in vinculis habeat: ac prout re ipsa cōpererit, ita pronuntiet. Hæc igitur, & alia id genus, Ignatius. Contra, aduersarii, veriti ne si quæstio perageretur, ingenti suo pericu

periculo ac damno paterent ipsorum artes atque mendacia, per se suosque omni ope contendere ac niti, ut Præfectus ab instituta cognitione desisteret. Iamque, utpote qui plurimum opibus & gratia poterant; in suam sententiam non modò Præfectum, sed Legatum etiam, qui Vrbi pro Põtifice summo cum imperio præerat, Cardinalem Neapolitanum adduxerant. quinetiam ex ipsismet Ignatii sociis non deerant, qui, aduersariis iam à suscepta actione deterritis, & sponte cedentibus, non ultra instandum, vitandas lites, paci & quieti consulendum esse censerent. At verò Ignatius in posterum longè prospiciens, eoque iudicio non tam suam, quàm Christi Domini causam agi prudèter animaduertens; nullis neque minis neque promissis nec suasionibus de sententià deduci se passus est. cùmque omni ad eam rē conatu nō semel adhibito, propter aduersariorū gratiā atque potētiam nihil planè proficeret, nō dubitauit, cōsilio per sacrificia precēsque Deo, ad ipsiusmet Põtificis maximi fidē opemque cōfugere, qui Nicæa per eos dies, adulta iam ætate, redierat, & in Tusculano secessu valetudinis causa morabatur. Facili ergo ad principem aditu, quo die venit, admissus Ignatius, Latino sermone (quippe qui nondum satis Italicè videret) eidem ex fide retulit, quo consilio à militari vita sese ad animorum auxilium atque ad litterarum studia trātulisset: ac dum rem Christianam pro virili parte administrat, quoties, quot locis, quibuscum nominibus accusatus & absolutus fuisset. Nuper etiam ab Hierosolymitana peregrinatione bello prohibitus (quod Pontifex ipse non ignoraret) se, ceterosque eiusdem instituti laborisque socios, qui se vitamque suam ad Christianæ religionis amplificationem Sedi Apostolicæ mancipassent, cū maximè in vrbe Roma populū docere insistant, paratūque in omnē quamuis arduam atque longinquam expeditionem, eiusdem Pontificis reditum nullumque auidè præstolantur; circumuentos repentè iniquorum insidiis, & summam in inuidiā non modò in vrbe, sed etiam apud remotas nationes adductos, nequid quidem à magistratibus obtinere posse, ut iacta in suos mores vitamque crimina in cognitionem vocentur. Sibi quidem propria vtilitatis & neminis rationem (quamuis ea per se negligenda non sit) minùs antiquam esse: sed quoniam eodem iudicio & ipsorum existimatio & animarum salus agatur, (omnium enim qui ad rem publicam accedant rationes, non veritate solum, sed etiam fama niti) petere se & orare, ne grauetur pro sua sapientiā ac potestate perficere, ut Præfectus Urbis inchoatam questionem primo quoque tempore peragat, ne in Vrbe

gotius

totius æquitatis parente, contra paucorum factionem opesque nullum inopiæ ac solitudini præsidium fuisse videatur. Sub hæc audita Pontifex bono esse animo iubet Ignatium; & collaudata (quod antea fecerat) ipsius & sociorum industria & pietate, Præfecto per codicillos imperat, iudicium utrique reddat Ignatio, causam ritè cognoscat, feratque pro veritate sententiam. Et quidem hoc loco adesse mihi animis velim eos, qui Deum res humanas negligentem circa cæli cardines otiosi non minùs ineptè quàm impiè fabulantur; ex iis quippe quæ consequuta sunt, nemo sanus paternam cælestis numinis curam ac providentiã in suos non clarè perspiciat. Cùm enim tota aduersariorum actio ea maximè calumnia niteretur, Ignatium sociosque variis locis iure damnatos, ambustosque iudicii, flamma per dolum effugisse; cùmque longum & operosum esset, nemine præsertim necessaria in eam rem impendia subeunte, ex tam remotis disjunctisque provinciis rei gestæ seriem litteris consignatam testibusque firmatam ex forèsi formula petere; planè diuinitus factum est, ut quotquot in Italia, Gallia, Hispania Ignatii iudices extitissent, sub ipsum ferendæ sententiæ tempus Romam ferè omnes alius alia de causa conuenerint. Ioannes Figheroa, quondam Archiepiscopi Toletani Vicarius, is qui Compluti primùm de Ignatii fama capiteque cognorat, grauib; de causis Neapolim à Cæsare missus, in reditu còmodum Romæ subliterat. Venerat eodem è Gallia Parisiensis Inquisitor Matthæus Ori, Dominicanus, apud què Ignatius, ut suprà dictum est, semel iterùmque ab improbis fuerat accusatus. Denique in tempore Gaspar etiam Doctus à Venetiis adfuit, qui habitæ in ea vrbe in Ignatium quæstioni præfuerat. Hi omnes in iudicium adducti, aduersariorum commenta detexere, cum summa testificatione virtutis ac pietatis Ignatii. Præterea litteræ ciuitatum, apud quas Italia tota Patres aliquandiu vixerant, per idem tempus allatæ, magnū pondus ad illustranda ipsorum merita & refellendas iniquorum calumnias attulere. Iam verò Hercules quoque, secundus hoc nomine Dux Ferrariensium, qui Patribus familiariter vsus, iisdemque peccata ritu Christiano confessus, ex eorum etiam manibus corpus Domini sumpserat; libentissimè fecit non modò ut per epistolam, sed etiam ut per legatum, perspectæ ipsorum innocentie ac sanctificati debitū testimonium laudèsq; tribueret. Quibus rebus adductus Urbis Præfectus, urgente præsertim Pontificis iussu, quamquam aduersariis omni studio contrà nitentibus, denique sua sententia Ignatium & socios omni non modò culpa; sed etiam culpæ suspicionè libera-

libera-

liberavit verbis amplissimis, eiusque sententiæ, ad vindicandam insonitum famam, varias in provincias testato descripta exempla dimissa: quibus ex rebus dici vix potest quantum Patribus vbiq; honoris & existimationis accesserit. Atque hac maximè ratione diu suppressa atque occulrata veritas extulit aliquando sese, ac malicia superata, processit in mediũ: quæque machinamẽta diabolus ad teneram adhuc Societatem deformandam atque adedò præfocandam artificiosè parauerat, ea ipsa, moderante re numine, in eius maximè decus & incrementa celsere. At verò infidiatorum longè dissimilis fuit exitus. Namque administer cõsceleratæ calumpniæ Michaël, fraude patefacta (quemadmodum dicebamus) in exilium actus est: E ducibus verò (quos nominare hoc loco necesse non est) vnus paulo post iudicium gravi correptus morbo, semet acriter ac dolenter inculans, cum insigni facinoris detestatione diem obiit; alter, cum deinde manifestis hæreticarum opinionum iudiciis teneretur, maturè sibi fuga consuluit, effugiumque suam pro se iudicibus cremandam reliquit; tertius eodem nomine cõprehensus, & cognita causa perpetuo addictus carceri, ad extremum tandem morte iam imminente respuit; eidemque animam agenti quidam e Societate, ad vltimum vsque spiritum assedit, quæque illi tempori tribui solent, pietatis & caritatis officia præstitit. Porro Lutherianus ille concionator, qui totam conspirationem scelusque consularat, intra catholicorum castra per fraudem aliquandiu versatus, cum religionis ac pudicitiae simulationem vltra sustinere non posset, larua deposita, palam fidei & continentiae bellum indixit, atque ad optata hæreticorum lustra popinasque se contulit.

## IGNATIVVS ET CÆTERI PATRES DE CONSTITVENDA SOCIETATE DELIBERANT.

### CAPVT IX.

**H**AC igitur falsæ accusationis procella Ignatius sociique defuncti, primum omnium (vt æquum erat) ingentes & vniuersi communiter & singuli priuatim egere diuinæ clementiæ gratias; deinde, partim quòd aliqui subinde ad Ignatii institutũ aggregabantur, partim etiam quòd inaudierant, aliquor e suo numero varias in vrbes atque provincias iã tũ rogatu Principum a summo Pontifice destinari, visum est faciendum, vt de stabiliẽda quã maximè ad Dei gloriã salutemque animarum

Societate primo quoque tempore inter se consulerent, ad eam quippe diem, communi tantum officio ac pietate ducti, sine certis & propriis legibus ac magistratibus vixerant. Ergo precationibus, ieiuniis, & sacrificiis in eam rem quam accuratissime adhibitis, quotidianæ vitæ munera laboresque ita partiti sunt, ut diurna tempora Dei verbo, consuetisque functionibus; nocturna verò priuatis inter se colloquiis, & necessariæ consultationi darent. Prima igitur nocte quæsitum est, utrum Pontificis iussu disgressi, prout se daret occasio, suam quisque sine aliorum consensu vel respectu rem agere; an potius, quâquam corporibus locisque disuncti, animorum tamen conspiratione, & meritorum communione, ut adhuc fuerant, sic in posterum coniuncti esse deberent. Dictisque sine variatione sententiis, nullum fuit dubium, quin tam suavis tamque arcta societas, Dei prorsus munere ex tam diuersis moribus linguisque coalita, omni conatu studioque retinenda foret; tum ne qua Spiritui sancto iniuria fieret, à quo diuinitus fuerant in eam consensionem adducti; tum verò, ne concordia atque vnitatis bonum amitteretur, quo nihil est ad res magnas atque arduas moliendas, & obstantia quæque perumpenda, valentius. Cum hæc & alia multa in eam sententiam ingenti alacritate & gaudio spirituali pro se quisque dixisset, magnopere incensus ad mutuam caritatem & benevolentiam animis, cœtus ille dimittitur. Proximo deinde confesso de religione relatum est, placeret ne ad vota duo, Paupertatis Castitatisque ritè suscepta, tertium perpetuæ item Obedientiæ adiungere, & è suo corpore efigere, qui cæteris ampla cum potestate præset. In eam rem, quod maioris momenti videbatur esse, diè proferri placuit, spatiumque seorsum singulis ad deliberandum dari, atque interim instauratis precationibus & sacrificiis, diuinæ sapientiæ lumen opemque diligenter exposci. Ut igitur eius consultationis dies aduenit, omnium in vnum congruere sententiæ, quâdoquidem Christum Dominum ac magistrum sibi pro viribus imitandum cuncti susceperant, quoniam ille sese perfectum atque integrum holocaustum Deo parenti pro salute humani generis obtulisset, prorsus oportere ut ipsi quoque pro suo modulo Christum effingerent; ac quemadmodum singulorum corporis bona per voluntariam inopiam, corpus ipsum per castimoniam Deo imolatum esset; sic animus quoque ante cælestes aras per obedientiam spiritualis victima caderet, præsertim cum hoc sacrificio nullum diuinæ maiestati gratius aut suauius esse constaret. Ergo sine cōtrouersia deligendum videri, cui omnes in terris tanquā Christo parerent,

parèrent; cuius in verba iurarēt; denique cuius sibi nuntium ac voluntatem instar diuini cuiusdam oraculi ducerent. Hisce ita constitutis, deinceps quæsitum de huius ipsius potestate, vtrum certo dierum spatio definitam, an verò perpetuam esse oporteret. Perpetuam esse placuit omnibus, idque cum alias ob causas, quas commemorare hoc loco necesse non est, tum verò ut negotia grauiora, quæ ad conficiendum non modò plenæ libertatis, verum etiam longi ferè temporis indigent, leniter & ex animi sui sententia posset ad exitum sine vlla trepidatione perducere. Additum ad hæc, ut Societatis candidati, cum aliis experimentis, tum verò præcipuè spiritualibus exercitationibus, peregrinatione, & infimis publici alicuius valetudinarii ministeriis probarentur. Itemque, ut qui Societatis instituta profiterentur; ii ad tria solemnia vota, quæ nobis cum alijs dicatis Deo familiis ferè communia sunt, quattuor nominatim adiungerēt; quascunque ad fidelium vel infidelium terras Christianæ rei causa Pontifici maximo ipsos mittere placuisset, eò sine vlla tergiversatione, atque adeò sine vlla non modò mercede, sed ne viatici quidè petitione proficiscendi; ac simul, concepta verborum formula sese obstringerent, puerili ætati per catechesim erudiendæ; quòd eo remedio nullum ferme efficacius foret ad intemeratam fidem tuendam, ac prauæ religionis prohibenda contagia. Hæc igitur & alia id genus nonnulla per eos dies ab Ignatio patribusque decreta sunt: eidemque Ignatio negotium datum, ut ea in summam redacta, Pontifici maximo primò Apostolica auctoritate sancienda atque approbanda proponeret; deinde ut eadem ipse postea per otium fusiùs explicaret ordinaretque, & quàm accommodatissimas ad Societatis vocationem & spiritum leges canonèscue perscriberet.

## PATRES IN VARIA LOCA PONTIFL.

CIS IVSSV DISCEDVNT.

## CAPVT X.

**S** Væ hæc ferme decreta, Pontifex maximus aliquot operarios ab Ignatio in varias agri Ecclesiastici vineas postulauit. Id nostræ Societati fuit Apostolicæ peregrinationis exordium. Ennio Verulano, S.R.E. Cardinali per eos dies cum amplissima potestate legatio Parmensis obuenerat. Huic, Pontificis iussu, legationis comites & rerum spiritualium administri duo, Petrus Faber & Iacobus Laines, ab Ignatio dati: Senas verò in Etruriâ Paschas-

sus ad instaurandam sacri cuiusdā cœnobii disciplinam ab eodē Pontifice missus est. In Ænariam seu Inarimeam insulam, pacificationis gratia non levis momenti, Nicolaus Bobadilla; Brisiam in Cenomannos ditionis Veneræ, Claudius Iaius grauius item de cœussis abiit. Ac per idipsum tempus etiam in extremas terras primum Societati patuit aditus. Brasilicam oram, & præterea quidquid inter inaccessum olim Bonæ spei promontorium vltimosque Sinas interiacet maritimi tractus, Indo & Gange superato, Lusitani, armatis classibus, ante annos aliquot ingenti ausu & labore, æque fortiter ac feliciter aperuerant; neque Ioannē hoc nomine tertium Lusitaniæ Regem, insigni virtute ac pietate virum, vltimamque angebat cura, quam vt barbaras illas nationes à misera diuionum seruitute ad vnius veri Dei notitiam cultumque tradoceret; atque ob idipsum, quos in ea mitteret loca præcones Euangelii, & moribus & eruditione præstantes, tota Europa impendit conquirebat. Eius rei conscius Iacobus Gouea, is qui Parisiis in ipso virgarum periculo singularem Ignatii fidem virtutemque ingenti cum admiratione cognorat, procul dubio statuit, illum & socios ad Indicam expeditionem fore quàm accommodatissimos, quoniam quidem ab Hierosolymæ accessu bello impediti, quemadmodum audierat, in Italia substitissent. Neque tamen quidquam eius consilii ratus imperticendum Regi, antequam ipsius Ignatii voluntatem explorasset; pro amicitia ad illum scribit, quam libente Lusitaniæ Rege, quam spatiosus bonorum industria pietatique campus in India pateat. sibi quidem, quando illum & socios ab Hierosolymitana curatione arceat bellum; sanctissimis ipsorum studiis prouinciam in primis aptam videri. Si condigno placeat, vltro semetipsum apud Regem totius negotii fore interpretem pollicetur. Ad ea cum gratiarum actione rescriptis Ignatius, neque se neque socios esse iam sui iuris, quippe qui summo Christi Vicario semetipsi perpetuo nexu Obedientiæ mancipassent; proinde agendum esse cum Romano Pontifice; quidquid ille iussisset, id vti & sine mora facturos. Quo accepto responso Gouea, cum facili speraret a Pontifice impetrati posse præsentem Regi suæ per litteras aperit; ipsumque ex epistole Ignatii ad eum mittit cum summis illius & sociorum laudibus, etiam atque etiam suadens, vt eiusmodi virorum opera potissimum vtratur, neu tam præclaram occasionem elabi patiatur e manibus; cui similem fortasse nullam sit in posterum habiturus. Haud incassum adhibita hortatio; quippe Rex & sua sponte iam incitatus, & Gouea talis viri monitis & auctoritate permotus,



tus, confestim Petro Mascarenia, suo apud Pontificem maximū Oratori, mandat mox in Lusitaniam redituro, det operam vt quā plurimos ex Ignatii disciplina secum deducat, Euangelii causā mittendos in Indiam, eaque de re cum Ignatio quā primū agat: si res cum illo minū procedat, omni conatu cum ipso Pontifice trāsigat; vtique, ne siue tali comitatu reuertatur ad se. Hoc tam seūero mandato legatus accepto, sine cūctatione Ignatium conuenit, ac pauca præfatus (vt fit) conciliandæ beneuolentiæ; mandatum sui Regis exponit, Patresque minimum sex in missionem Iudicam postulat. Ad quem ille submissā oratione, tam honorifico Regis de se iudicio gratias cū egessit, eadē ferme quæ ad Goueam respondit: quod ab se petatur, totum id ē summi Pontificis voluntate imperioque pendere; qui tamē, si quid ego sentiam quæris, (inquit Ignatius) vnum aut alterū fortasse tibi cōcesserit, plures vero nequaquam. At ille cū nihilominus in eodem postulato peristeret, Dei fidem & hominum testans, nusquā operam collocari fructuosius posse; tum Ignatius, quasi futura præfagiens, familiari ac placido vultu: Deus, inquit, meliora, clarissime orator; quippe si ē tam exiguo numero, sex vnā dumtaxat in prouinciam demas, quantulum, quæso, reliquo terrarū orbi supererit? Neque tamen idcirco ille ab incæpto desistit; quoniam Ignatium flecti posse diffidat, ad ipsum adit Pontificē, narrat quid sibi ab Rege mandatum sit, suppliciter etiam atque etiā obsecrans, ne in tam honesta causā, tamque pia, frustrari se Regemque suum concepta peropportuni subsidii spe patiatur. Hic Pontifex, quamquam lætus ab vrbe Roma potissimū, vt par erat, peti sacri Euangelii nuntios, & insuper, tanto Regi tamque de Romana Ecclesia bene merito gratificari vehementer exoptans; tamen, vt in tali negotio, ne videlicet seruis Dei ad omne paratis obsequium abuti pro potestate videretur, (qua erat lenitate ac sapientia vir) audito legato, rem ipsam probauit, de numero ad arbitrium reiecit Ignatii. Is proinde (sanē quā ægre ferente Mascarenia, neque tamen aspernante quod dictum est) post multas in eam rem fufas ad superos preces, quemadmodum antea significauerat, duos dumtaxat glorioso muneri destinauit, Simonem Roterigium Lusitanum, & Nicolaum Bobadillam, qui cū idcirco Romam euocatus, grauiter ischiade laboraret, neque legatus Regius maturo iam reditu exspectare diutius posset; ægro Bobadillæ, sibi que vicem ereptam dolenti, Franciscus Xauerus repentē sufficitur. Erat omnino laboriosa prouincia, iterque lōginquum: & cū ferē nullā in spē reditus, tum verò in

apertum panē quotidie vitæ discrimen. Sed quæ alios ab eiusmodi consilio retardassent , ea ipsa inciramenta fuere Patribus; cum se quisque tali sorte præ cæteris beatum existimaret. Ac Simon quidem parata in Lusitaniam nauis celeriter antecessit; ac deinde Regis Lusitanie iussu procerūque rogatu, quamvis inuentus, in eadem prouincia substitit. Xauerus autem, uti delatum ad eum est, confestim exsiluit gaudio, datoque sibi tempore vix quod satis esset ad laceram attritamque tunicam resarciendam , & salutandos fratres; cum legato postera die profectus est , immortalis agens Domino gr̃as, quod se denique voti compotē effecisset. Perpetuas quippe clades pereuntium ex ignoratione Dei, in vltimis regionibus animarum, iam antè miserari, & messis potissimum Indicę magnitudinē trebris consueuerat vsurpare sermonibus. Quin etiam per quietem non semel erat sibi visus Æthiopem in humeros sustulisse vsque adedò ponderosum , ut ipsa oneris magnitudine excitaretur è somno mirè defatigatus, membrisque omnibus dolens: continuoque rem omnē Iacobo Laini patefaciebat eiusdem cubiculi socio. Hęc igitur fuere nostris hominibus Pontificie missionis initia: Patresque in varia deinceps loca profecti, maiorem in modū aucta societate, institutisque, supplementi causa, tota ferme Europa collegiis domibūve, res eas Deo duce atque adiutore gessere, quæ proprio & quidem iusto volumine ipsæ per se ad enarrandum indigeant.

## IGNATIVS PLEBI FAME PERICLI.

TANTI SVCCVRIT.

## CAPVT XI.

**N**E QVÆ verò Ignatio & cæteris, qui remanserant Romæ, negotium defuit. Erat annus à Virginis partu MDXXXVIII. insignis annonæ caritate, ac per hyemem præcipuè tanta frugum inopia, ut passim iacentes in publico pauperes, frigore fameque confecti, miserandum in modum extiraret. Quo spectaculo cōmorus Ignatius, tantæ calamitati sibi omni ope subueniendū putauit. Jamque è Garzonii villa cum suis in Urbis frequentiora loca migrauerat, laxiore sibi ab amicis domo conductâ ad circum Flaminium, in ea regione quæ sancti Angeli ad forum Piscarium hodie dicitur. In eius igitur domus ampla cœnatione scœno stragulisque dispositis, & in pauperum alimēta elemosynis vndiq; corrogatis in omnes partes dimisit, qui in id hospitium,

spitium, ut quæque periclitâtem extrema inopia inuenissent, vel inter manus, prout res ferret, vel gestatoria sella deueherent. Cû strenuè curaretur, adhibitis etiam, ubi opusesset, adiutoribus bajulisque, breui numerus decumbentium ad quadringentos ascendit. Hic verò, eodem Ignatio præside ac duce, Patrum fratrumque sese caritas ac virtus exeruit. Diluculo quotidie linteati omnes ad imperia accipienda præsto aderant. Inde ad sua quisque officia discurrere sine vlla perturbatione vel tumultu; alii recens illatos pauperes clementer exuere, & calida elutis corporum sordibus in lectulo collocare; alii assidere languentibus, eisdemque amicissimis consolari verbis. hi cibos aut domi excoquere diligenter aut aliunde missos instruere, illi fercula inferre, & longa inedia propemodum enectis pretiosos liquores instillare: hi cubilia sternere, illi scopis pauimenta purgare: denique certatim omnes munere suo ita fungi, ut præclare testarentur, in minimis illis agnoscere se Regem regum & Dominum dominantium. neque verò corpora solum egentium, sed animi quoque eadem opera curabatur. Plurimi quippe rudes, Christianæ doctrinæ præceptis probe instituti, multi à turpi quæstu fraudibusque deterriti, & quod caput est, sacra omnes confessione expiati, ac pane cœlesti longo interuallo refecti sunt. Deinde, ut aliqui cōpaluerant, succedentibus inuicem aliis, cum tegumentis ad frigus arcendum & certo pecuniæ subsidio mittebantur. Ea res per Urbem vulgata, magnâ populi beneuolentiâ cōciliauit Ignatio. atque ad eam Christianæ humilitatis caritatisque officinâ visendâ ioterdiu promiscua turba, noctu verò etiam viri principes ventitabant: ac tanta fuit exempli vis, ut quidam, cum præsentibus non suppeterent sibi nummi, depositis illico in vsus pauperum vestimentis, domum seminudi reuerterint. Alii etiam sancta æmulatione incitati, eiusdem conditionis homines, quorum non deerat passim copia, hospitio susceptos benignè curarunt. Multi præterea procures, in gloriosi operis perfectionem, Ignatio pecuniæ summam ultro detulere non leuem. Qua in re Margaritæ Austriacæ Caroli V. filia, Octauio Farnet. o nuptæ, Placētīnorū & Parmēsīū hodie duci, pietas ac beneficentia vel in primis enituit. Atque eius pecuniæ, cū Ignatius intelligeret, se vel maxima eorū qui contulerāt voluntate, partē aliquam in suas & suorum necessitates erogare posse, tamen tanta fuit religione vir, ut ne obolum quidē nisi in externorum pauperum commoda insumpserit, relatis in codicem accuratè nominibus, ut omnium prorsus ratio constaret. Atque hunc maximè in modum labor ad exactam vsque hyemem secunda

ciuitatis admurmuratione perductus. ac vere demum incuntes, frumenta partim ab iis qui suppresserant, sponte prolata; partim à magistratibus aliunde conuecta sunt. Ea re non mediocriter annona laxauit; grauique perfuncta periculo plebs, Deo adiuuante, ad solitos quæstus & opificia rediit.

## CONFIRMATVR A PONTIFICE MAXIMO SOCIETAS.

### CAPVT XII.

**I**Nterea, cum ad Ignatium studio religionis aliqui subinde se adungerent, nequaquam immemor ille, quod ad Societatem confirmandam attinebat, negotii paulo antè suscepti, quidquid à publicis occupationibus otii datum est, in eam ipsam rem diligentissimè contulit. ac primùm totius instituti formulam (fusiùs postea explicandam) ad certa capita dilucidè redegit ac breuiter. deinde nactus opportunitatem, quòd Pontifex maximus per autumnæ serias è turba negotiisq; Tibur sese receperat, eam formulam auctoritate Apostolica sancierendæ eidem Põtifici suppliciter obtulit per Gasparem Contarenum Cardinalem, de quo suprà dictum est, ob egregiam virtutem sapientiãque Principi in primis acceptum, nostriq; ordinis amicissimùm. quã ille ubi perlegit, confestim: Spiritus, inquit, Dei est hic, ac multa præterea in eam sententiam adjunxit; quare consideret recẽtem huiusce manipuli ardorem, tali tempore diuinitus excitatum, afflictis Ecclesiæ rebus non leui tum præsidio tum ornamento futurum. Verumtamen, ut in tanta re neminùs consultè quidpiam statuisse videretur, eorum negotium delegauit tribus viris è sacro Collegio Cardinalium, apud quos minimum loci forepntauit gratiæ. In iis fuit Barptolemaus Guidicionius Lucensis; vir diuini humanique iuris apprime peritus; idẽmque nouarum religionum adedò non amicus, ut de iis ad certum numerum redigendis librum etiam conscripsisse dicatur. Is, præiudicata iam causâ, collegas nequaquam propensos in Ignatium faciliè in suam sententiam adduxit; certamque propemodum confectamquerẽ consilio & auctoritate sua pænè discussit. Quod ubi sensit Ignatius, parum præsidii ratus in hominibus esse, ad opem diuinam de more confugit, ac præter ieiunia, supplicationes; cæteraque ad numen propiciandum adhiberi solita, cælestes insuper hostias eo tantum nomine per se & per amicos immolauit ad tria millia.

qua

qua procuratione, intra finem anni vertentis, cum cæterorū tum præcipuè Guidicionii ita immutata voluntas est, vt cum de multitudi-  
 ne religionum cohibenda idem quod antea omnino sentiret, huic tamen refragari se vltra negaret posse, diuino videlicet  
 monitu & occulta spiritus operatione vehementer instinctus. Ita  
 qui diu valde anxios habuerat Patres, eorumque spem variis frus-  
 trationibus propemodum extinxerat, idem vnà cum cæteris col-  
 legis repente placatus ac fauens, rem vltro suscepit, commenda-  
 uitque Pontifici, Tibure denuo commoranti; qui libentissimo a-  
 nimo & Societatem ipsam & Societati inditum nomen ritè san-  
 ctèque approbavit V. Non. Octobris, anno MDXL. idque testa-  
 tum voluit esse publicis litteris eodem die locoque datis, cum eo  
 tamen, vt in vniuersum socii ne plures sexaginta numerarentur.  
 Ea videlicet fuit nouellæ Societatis quædam quasi probatio. si-  
 quidem triennio pòst, cum variis locis atq; prouinciis Deo aspi-  
 tante constaret egregius operè fructus; ab eodem Pontifice limes  
 ille omnino sublatus est, liberumque Ignatio & successoribus re-  
 lictum, cui libet petenti Societatem dare. quod item apparet di-  
 plomate dato pridie Idus Martias, anno M. D. XLIII.

PRÆPOSITVS GENERALIS CREA-  
 TVR IGNATIVS.

CAPVT XIII.

**I**GITUR post multas difficultates approbata denique Socie-  
 tate; gratiæ primùm (vt æquum erat) actæ superis, quorum  
 benigntate res bene feliciterque vertisset; deinde, quoniam  
 in dies à Põtifice emissio Patribus imminabat; è suo corpore Præ-  
 positum Generalem (sic enim qui cunctis præset appellare pla-  
 cuerat) primo quoque tempore deligere visum est. Societatis au-  
 tem status per id tempus erat eiusmodi, Franciscus Xauerus & Si-  
 mon Roterigius in Lusitaniam erant profecti. Petrum Fabrum  
 Cæsaris legatus Ortizius ad Vormatiensē cōuentū Pontificis per-  
 missu in Germaniā adduxerat. Iacobus Laines Parmæ, Claudius  
 Iaius Brixie, Senis Paschasius agebant. In Brutios Nicolaus Bo-  
 badilla discesserat. Cum Ignatio Romæ duo dumtaxat è Patribus  
 versabantur, Salmeron & Codurius: tyrones verò qui nomen  
 dederant Societati, partim apud Ignatium erant, partim studio-  
 rum causâ ab eodem Parisios missi, necessaria ad bellum spiritua-  
 le arma caixè parabant. quidam etiam ad res domesticas compo-

nendas in Hispaniam profecti; & concionibus iam tum & collo-  
 quiis, ingenti hominum approbatione, Societatis nomen longè  
 lateque vulgauerant. Hoc Societatis statum, cum Præpositi eligen-  
 di tempus adesset, Patres, qui quidem in Italia erant, per litteras  
 moniti, quod rei Christianæ commodo facere possent, creandi  
 Præpositi causa ad Urbem accederet; sub initium Quadragesimæ  
 anni MDXLI. conuenire omnes, vno dempto Bobadilla, quem  
 in oppido Bisiniano tum maximè res gerentem abduci rursus ab  
 opere Pontifex noluit. Is & cæteri qui longius aberant, suū quis-  
 que in schedula suffragium ritè obsignatum, partim in discessu  
 reliquerant Romæ, partim deinde misere inclusum epistolis. Ac  
 primùm tridui supplicatio indicta, vetitūque inter ipsos de Præ-  
 positi electione colloquium est. deinde coniectis in vnam sche-  
 dulis, triduum insuper continuatæ preces: ac septimo denique die  
 legitimè extractis recitatisque suffragiis, Præpositus declaratur  
 Ignatius, nemine præter ipsum Ignatium discrepante: namque is  
 consultò, ne vnum nominatim ex omnibus deligendo, cæteros  
 quodammodo notasse videretur; in schedula scripserat, se ad eum  
 accedere, in quem plurima suffragia conuenirent, vno se dumtaxat  
 excepto. Igitur explorata iam numinis voluntate, ad Ignatiū  
 venerabundi, accurrunt Patres. at ille, parendi nimirum longè  
 quàm imperadi cupidior, seuero vultu iubet eos abistere, negat-  
 que se munus viribus impar suis vlla ratione subiturum: multa-  
 que serio disputat, cur alium potius quemlibet sibi sufficere debeant.  
 Sed videlicet quibus rebus putabat voluntates Patrum aliò posse  
 transferri, eæ ipsæ vel maximè studia eorum incendebant, nihil e-  
 nim ad conciliandos homines æquè valet, atque animi modera-  
 tio atque submissio. quo factum est, vt nihil eorum quæ ad mu-  
 nus detrectandum Ignatius afferebat, aliquandiu non modò ad  
 animum admitterent, sed ne ad aures quidem. Sed post multam  
 denique altercationem egre Ignatius tenuit, vt ampliùs in ter-  
 tium diem obsecratione protracta, rursus in suffragium iretur.  
 quo die cum idem prorsus omnium consensus exstaret, neque ià  
 „ locus tergiuersationi videretur esse; tum Ignatius: Quandoqui-  
 „ dem vos in me potissimum eligendo perstatis, inquit, ego autem,  
 „ meæ conscius infirmitatis, vestro iudicio salua religione assenti-  
 „ ri nequeo; reliquum est, vt huiusce controuersię arbitrum deliga-  
 „ mus eum, qui mihi à confessionibus est; quòque, vt scitis, vtor di-  
 „ uinæ voluntatis interprete. (is erat ante cõditam Societatem fra-  
 „ ter quidam Theodosius ex ordine Minorum, cœnobii quod ad  
 sancti Petri in Monte aureo, qui fuit olim Ianiculus, appellatur.)

Quod,

Quod, ne frustra diutius tenderent Patres, eo facilius concessere, quodd minimè dubitabant, quin ipsorum suffragii prerogatiuam ille quoque sua sententia comprobaturus esset. neque eos fefellit opinio. Cùm enim rem totam ad eum detulisset Ignatius, imbecillitatem suam corporis animique commemorans, dein etiam atque etiam obtestans, vt se tanto onere leuatum vellet, ille cognita re tantum abfuit vt precibus Ignatii cederet, vt etiam obiurgauerit hominem, quodd, tam explorata diuina voluntate, Spiritui sancto diutius restitisset. & simul, ne dissimulationi esset locus, vltro adiit Patres, ac de suo responso certiores fecit. Quibus rebus denique victus Ignatius, omni spe in vno Deo rei benè gerendæ reposita, dedit manus, diemque constituit x. Kal. Maii, quo die ad auxilium diuinum implorandum præcipua septem Urbis templa simul omnes obirent, & in diui Pauli potissimùm (quoniam eius maximè Apostoli vestigia sequerentur) solemni professione suæ religionis vota susciperent. Vt igitur ea dies adfuit, in eo templo ad sacellum beatæ Virginis, vbi tum Eucharistia custodiebatur, quodd sacellum ad imos gradus est aræ maximæ, sub ipsam cœlestis panis communionem, ipse primùm qui sacrificabat Ignatius, tum cæteri sua quisque vota clara voce de scripto ex Apostolici diplomatis formula nuncuparunt. deinde sumptis ex Ignatii manibus corpore Domini, post gratiarum actionem, sacratissima eius ædis loca religiose cùm adissent, circa aram maximam, sub qua Petri & Pauli Apostolorum ossa condita sunt, cuncti consistunt, stentisque præ gaudio, & suauissimè amplexantes inter se, gratulantur denuo superis, quodd cæptis adfuerint, suamque Societatem arctiori vinculo colligarint: deinde reliqua tēpla pari lætitia ac pietate circumeunt. Quibus rebus iugenti omnium consensu & cōspiratione peractis, magistratum Ignatius iniit. ac primùm omnium, ad cōstituendam domesticam disciplinam adiecit animum, quæ digna tali instituto, digna Christianæ Philosophiæ professoribus haberetur. Itaque ad cæteros prouocandos, atque ad iacienda in tyronum animis veræ humilitatis fundamenta, in sordidis culinæ ministeriis aliquandiu versatus est ipse, tanta cum alacritate ac diligentia, quasi tū primùm, ad suā ipsius emendationem, vitæ spiritualis curriculum esset ingressus, neque tamen interea grauioribus negotiis deerat, tēporibus ita distributis, vt quantum liceret, vtrique muneri satisfaceret. Accedebat adhæc summus paupertatis amor, summa in victu cultuque frugalitas: præterea in singulorum officiis exigendis erratisque puniendis admirabili missa lenitate seueritas: in subleuandis verò

omnium

omniū & animi & corporis necessitatibus, cura & vigilātia plūs quam paterna. cumque ad ea caritatis officia, prout res postulabat, opportunas insuper adhortationes & publicè & priuatim adhiberet; haud sanè difficile fuit, in animos, recentissimo tum Societatis spiritu sponte incēsos officio ac religione, eos mores eamque viuendi rationem inducere, vt (si cælestibus terrena cōparare fas est) intra illa recta parietēsq; angelorum in humanis corporibus quidam conuictus videretur esse, nullæ tum querimoniz, nullæ detractiones, nulli susurri, quibus incommodè suspiciones excitantur, & disjunguntur animi; sed acerrimum sui cuiusque depressendi submittendique certamen; in superiorum iussis excipiendis exsequendisq; alacritas ingens; mirus in communicando interpretandōque candor atq; simplicitas; oculorū ac sensuum intenta custodia; studium precationis ac solidæ virtutis ardens; quæque ex his rebus necessariò prouenit, admirabilis in magna nationum, ætatum, ingeniorum varietate cōcordia. Itaque coniectis, vt fit, omnium oculis in ordinem nouum; breui non ad nostros tantum, verum ad exteros etiam, salutaris exempli manare vtilitas cœpit. Adolescens quidā, egregiis naturæ adjuuentis, è Septentrionali plaga Romam aduenerat, non modò Lutheriana tabe infectus ipse, verum etiam mirè cupidus eiusdē lōgè latēq; vulgandæ. Is cum ex occasione sese in hominū cætus infereret, verbisq; venenatis clericorum vitam ac mores summā in inuidiam vocaret primū, deinde abductis à sacerdotum reuerentia mētibus praua dogmata sensim instillare quotidie pergeret; patefacta re, iussu magistratuum comprehenditur, qui cū & ipsi per se, & sacræ Theologiæ magistris adhibitis, illum ab opinionum insania reuocare frustra conati essent; ne quid intentatum relinquerent, ætatem & ingenium miserati, prius quā in eū lege ageretur, accersito Ignatio rem totam exponunt. quoniam ipsorum neque adhortationes neq; minæ proficiant, habeat illū aliquandiu apud se, videat etiam atque etiā vt errantem ouiculā ad Ecclesiæ caulas aliqua ratione eradat. Ille clemēter acceptū hæreticum domum adducit. neque verò sapiētes iudices frustrata spes est. siquidem adolescens ab Ignatio sociisq; amicissimè habitus; eorū dictis, factis, & institutis accuratè obseruādis paulatim affici atque immutari Dei beneficio est cœptus, & quā antea respuerat medicinam, libētius in dies accipere; ac demū perseuerantibus Patrum officiis, & diligentissima curatione, eò processit res, vt euulsis lethaliū dogmatū sibris, priorem pertinaciā gembundus agnosceret: nec antè à salutari incæpto destitit, quā volun-



voluntaria abjuratiōe detestatus errorem, ingenti bonorū tum admiratione tum gaudio, cum Ecclesia sancta in gratiam rediit. Is deinde, quærentibus viris gratibus cur qui antea tot machinis oppugnatus peruicacissimè restitisset, Ignatii denique & Patrum hospitio & consuetudine vincī se passus esset; sine cunctatione respondit, se illorum non tam disputationibus argumentisque (licet in eo quoque genere valerent plurimū) quā spectatæ sanctitatis virtutisque celsisse: quod ita apud se propè necessariò statuisset: a tam incorruptis moribus, tanta pace, atque concordia, tam bonis operibus rectam in Deum fidem abesse, nullo modo posse. Quæ res documento erit hominibus nostris; licet ad conuertendas ad Christū animas ingenii, ac doctrinæ præsidia requirantur, tamen conspecta vitæ morūque innocentia plus, multo, quā litteris aut concertationibus profici. Alius quidam filius familias, desertis liberalibus studiis, ac repudiata omni disciplina, prorsus indomitus & effrænis, cum neque à parentibus jam neque à magistris regi ullo modo posset: Ignatio traditur, cuius lenitate, itēque cæterorum Patrum præceptis atque institutis accuratissimè excultus, posita paulatim ferocia petulantiaque, cunctis admirantibus ita pudicos modestosque induit mores, ut vix minimum in illo vitium reprehenderes. Multi præterea omnium ætatum atque ordinum, quos præceptis in omnem licentiam natura cupiditasque corrumperat, Ignatii consuetudine exemplique incitati, collegere sese, atque ad bonam frugem Deo adiuuante rediere.

## GENERALIS IGNATIVS DENVŌ CATE-

CHISTAE MVNERE FVNGITVR.

## CAPVT XIV.

**P**ER eos dies nomen Societati dederat è Pontificia familia Petrus Codatius Laudensis, vir honoratus, & opulento sacerdotio præditus. Is, diuino prorsus instinctu, diuitiis & cōmodis omnibus propter Christum abdicatis, Martha munus in Societate sibi ultro depoposcit, & egregie præstitit; in alimenta Patrum (erat autem Vrbe tota notissimus, & apud Principes gratiosus) elemosynis vndique corrogandis. quæ res Ignatium & socios magna molestia liberauit; quippe quos in spirituale proximorum salutem omni studio intentos, temporariæ curæ ad eam diem valde impedierant: Eiusdem Petri opera templum, etiam proprium Societas nacta est sanctæ MARIÆ à Strata,

NON

non satis amplum illud quidem aut commodum, sed tamen in celeberrima vrbis regione, & ad Societatis functiones in primis idonea: cuius loco, dum hæc scriberemus, Alexander Farnesius Cardinalis, Pauli III. Pontificis maximi nepos, ædem nomini IESU magnificentissimam regio sumptu exstruebat. Ei templo deinde adjuncta domus est, quam hoc tempore patres incolunt, Philippi Archinti beneficio, Salassiorum Episcopi, qui tum Pontificis vires in diœcesi Urbana gerebat, viri de Societate vniuersa in primis optimè meriti. In eo igitur templo Ignatius, professionis lege, sex & quadraginta diebus Christianæ catechesi operam dedit è loco superiore, magna & assidua non modò plebis, verùm etiam præstantium virorum frequentia: prorsus, ut quidam ex optimatibus palàm gloriarentur, beatòsque se ferrent, quodd nullam omnino ex Ignatii concionibus omisissent. Agendi autem rationem sequebatur eiusmodi: Fidei præcepta, & mysteria cognitu necessaria, primùm ad vulgi caput explanabat, iterabatque, ubi opus esset, eadem sæpius: deinde opportunis digressionibus certos interim locos tractabat fusiùs, non tam ad ingenij vel doctrinæ ostentationem, quàm ad pietatem excitandam, populumque permo- uendum accommodatos. Idque tam vetis grauibùsque sententiis, tam ardenti vultu oculisque, ut diuini amoris ignem vndique spirare videretur, minimè fucata eloquentiæ vir, nec in singulas voces numerosque sollicitæ, sed ingenti animò, prout impetus tulerat, sua sensa prosequens. Itaque perorationem eius non ineptus populi plausus aut stulta facundiæ cõmendatio sequebatur, sed alta suspiria gemitusque, & anteaactæ vitæ de- testatio salutaris: ut vel defixis humi oculis, tristes ac sibi- met irati discederent, vel etiam illico sese ad sacerdotum pedes abjicerent confitendi causa, tanto cum fletu atque singultibus, ut linguam soluere aut vocem in verba formare vix possent.

## SOCIETAS AVGETVR, DISTRIBVN-

TVR PROVINCIÆ.

### CAPVT XV.

**I**NTER hæc Societas maiorem in modum crescere, subla- tisque Pontificis decreto cancellis, quos initio idem Põrtefex (ut dictum est) illi probandæ præfixerat, multi certatim ad mili-

militiam spiritualement Ignatio dare nomina. Cumque noui ordinis fama bonusque odor instituti operis manaret quotidie latius; Patres variis orbis terræ locis vehementer expetebantur. Itaque ab Romana domo, tamquam à metropoli, disunctissimas in regiones, ciuitatum Regumque inuitatu, missæ colonie; domusque vel collegia ingenti approbatione constituta: primum omnium in Lusitania, atque adeo in ipsamet India, sumptu ac munificentia Regum Lusitaniæ; tum aliorum pietate in Hispania, Gallia, Germania, Italia. sed cum aliæ pleræque nationes auidè Societatem amplexæ sunt, tum verò Sicilia & inuitauit perhonorificè, & permissu Põtificis maximi acceptam, in primis copiosè ac benignè tractauit; admittente præsertim Ioanne Vega Hispano, (qui regnum illud pro Cæsare administrabat) præstanti non minùs religione quàm prudentia viro; cuius, etiam antea, dum Romæ legatus Cæsaris ageret, plurima & maxima in Ignatium & socios egregiè cuiusdam beneuolentiæ documenta constiterant. Itaque tam latè iam fusa Societate, non modò collegiis domibûsue rectores præficere, vt antea, sed etiã Prouinciales præpositos, quos appellant, cum ampla potestate in singulas nationes describere coactus Ignatius est. Ac primum Lusitaniam præposuit Simonem Roterigium, deinde Hispaniæ Antoniũ Araozium Cantabrum, Italiæ Iacobum Lainem, Indiæ Franciscum Xauerium, Germaniæ Petrum Canisium, Galliæ Paschasium Broetium, aliisque deinceps alios. Nam vrbanam prouinciam, nisi si quando grauiori valetudine premeretur, ad extremum vsque ipse administrauit. Interea de Societatis vniuersæ progressu mirè sollicitus, à singulis Prouincialibus per litteras pensum exigere; vnicuique mandare diligentissimè quæ è re communi essent: Romæ verò, præter domesticæ disciplinæ curam, de qua dictum est, cæterasque functiones, multa & grauias quæ ad incrementum ac defensionem Catholicæ fidei pertinerent, partim cum summo Pontifice, Cardinalibus, Legatisque Principum coràm, partim etiam cum ipsis Regibus atque Principibus per epistolas interpretes agere. Accedebat ad hæc, sollicitudo ingens atque indefessus labor in subleuandis pauperum difficultatibus; orbis orbisquæ educatione ac pudicitia procuranda tuendaque, & perditis mulierculis à turpi quæstu ad frugem & continentiam traducendis.

VARIE IN IGNATIVM TEMPESTA-  
TES EXCITANTVR.

## CAPVT XVI.

**Q**VIVS ille rebus dum Christi causam agit intrepidè, multorum, vñ sit, odia simultatesque contraxit. In iis aulicus quidam (cuius nomini parcitur) eo tempore potes & gratosus, cùm abductam à se mulierculam, quam misere deperibat, & in malè nuptarum, vt appellant, cœnobio collocatam ferre non posset: sœuiore in dies concepta rabie, quam libido & amor incendebat, ita demum exarsit, vt panè furere videretur. ac primùm, facta manu, fenestras cœnobii lapidibus petere, custodes infestare, minari: deinde in Ignatium auctorem & socios in circulis cœtibusque omnia maledicta conferre, quin etiam ex occurſu probris & contumeliis eosdè incessere: denique ad eos funditus evertendos improbiſſimas in ipsorum vitam calumnias dissipare: quæ domos primùm nobilium circumlatæ, celebratæque sermonibus (quos partim prona in deterius persuasio, partim vñ sani illius artificium dolorque excitabant) ad Cardinales etiam, atque adeo ad ipsum Pontificem peruenerunt. Igitur vulgus, vt est pluma & folio leuius, quos nuper summa cum approbatione suspexerat, eosdem repente contemnere, & acerbiorè in dies odio execrari, & singulorum caput dira imprecatione defigere; prorsus vt iam non modò cum proximis agere, sed ne pedem quidem ianua tutò efferre possent. Principes verò, licet magna ex parte fictas criminationes putarent, tamen rati subesse profectò nescio quid, quod tantæ inuidiæ flammam foueret; vel immutata vel certè labefactata in Ignatium voluntate videbantur. At Ignatius, quamuis à sua suorumque consuetudine multos abduci non sine rei Christianæ iactura cerneret; tamen ratus mitigari hominis ferociam posse, primò rem dissimulare, atque adeo officiis cū improbitate certare: deinde vbi malum serpere quotidie latius, & ipsa patientia corroborari audaciam sensit; non tam priuato dolore, quàm rei publicæ detrimento permotus, ad Summum Pontificem adiit, ab eoque suppliciter impetrauit, vt criminum, quæ sibi suisque denuo objicerentur, ac re iudiciū exerceretur ab Archinto Vicario, & Francisco Michaëlio Vrbis præfecto. Ii, citatis omnibus ad quos criminum vel suspicio vel conscientia pertinebat, ac per diligètem inquisitionem calumniatoris fraude cõ-  
perta,

perta, Ignatium & socios non modò absoluerunt lata sententia, sed etiam debitis laudibus & honore verborum extulerunt, increpito valde aduersario, poenaeque proposita non leui, nisi à perulantia maledictisque desisteret, nam, ne grauius in eum animaduerteteretur, Ignatio in primis de peccatore perfectò, et, quanta antea semper, tum quoque Ignatii sanctitatem illustrauit hominum iniuria: & Deo duce virtus ac veritas, dum violatur, effulgit. Iisdem ferè insidiis postmodum appetitus Ignatius est à sacerdote, qui cum domum catechumenorum administraret, ferre non poterat in ea regenda familia maiorem à loci praesidibus Ignatii rationem haberi, quam sui. Sed miser, Ignatio silentio ac pro eodem orante, breui perfidia poenas dedit, atrocibus enim antea vitae sceleribus iusto Dei iudicio pectus, quae ad eam usque diem astute suppresserat, sacerdotio spoliatus & perpetuo carceri addictus est.

## REGIMEN FEMINARVM A SOCIETATE

DEPELLIT IGNATIUS.

### CAPVT XVIII.

**I**NTEREA Elisabetha Rosella Barcinonensis, quae Ignatii prima litterarum studia fouerat, Societatis Iesv regalia & confirmata fama commota, Romam ex Hispania consuli se, partim vt Ignatium longo intervallo reuideret, partim, etiam vt yna cum quibusdam alijs pijs feminis ad normam illius atque praescriptum ageret vitam. Atque Ignatius, quidè sospitem aduentum mulieri de se optimè meritis gratulatus est, & omnia officia derulit, quae saluo religionis instituto prestare posset: curam verò seminarum suscipere se negauit posse, plurimis grauissimisque occupationibus impeditum. At illa nihilo minus instare sanctissima verens amicitia, vt restituta postulata equitatem obtendere: denique vbi magis magisque confirmatum vidit Ignatium, ad aulicas confugit artes: atque vt erat nobili nata loco, per viros principes facile tenuit, vt Pontifex maximus Ignatio munus id ipsum, quod recusabat, iniungeret. Sed ea res magnum in Societatis commodum vertit, praeter spem: ac nostros non solum in praesens, verum etiam in posterum à tam periculosa provincia liberauit. Etenim Ignatius, Pontificis iussu ea procuratione suscepta, paucis diebus tantam difficultatem ac laborem sensit, dum querimonias mulierum audire, su-

perstitutiones euellere, inanibus & curiosis quæstionibus respondere identidem cogitur; ut parè plus ei negotii paucæ feminæ, quàm Societas vniuersa faceretur. Itaque licet Elisabethæ, pro cuius in se p̄meritis, gratificari admodum cuperet; tamen reputans apud se, quantum ex huiusmodi tricis detrimenti res publica pateretur; simul etiam cogitans fore, ut harum exemplo aliæ deinceps religiosæ mulieres virginēsve idem à Societate in posterum peterent; nequaquam ignarus quàm periculosa & suspicionibus plena sit ea consuetudo, priuati officii ratione posthabere communi vtilitati, ac totum hoc genus administrationis à Societate prohibere omni ratione constituit. Igitur adhibita (quod in omnibus grauioribus causis faciebat) præparatione diligenti, imploratoque periteratas preces & hostias cælesti præsidio, ad Pontificem accessit; verbisque supplicibus demonstrauit, ex onere sibi super imposito, quàm exiguo cum fructu quantum laboris ac molestiæ pertulisset; ea ipsa re monitum, quàm aliena sit à Societatis instituto eiusmodi præfectura, petere se & orare, ut non ab illis modo, sed ab omnibus in perpetuum seminarum collegiis gubernandis immūem Societatem esse iubeat; nō defuturos aliorum ordinum idoneos homines, qui id munus libenter & cum fide obeant: sibi quidem & suis prouinciam videri minime accommodatam, neque verò æquum esse, qui sese ad omnium gentium auxilium, sine vlla regionum aut locorum exceptione, CHRISTI Vicario mancipauerint, eorum operam & industriam, non sine graui communis rei damno, paucis regendis mulierculis implicari. Quibus rationibus ita permotus est Pontifex, ut supplicanti omnia largè ac prolixe concesserit. Itaque Societati ab eiusmodi munere vacatio in perpetuum data, eiusque vactionis auctoritas testata est trinis deinde litteris Apostolicis, quæ tempore procedente magno vsui fuere nostris hominibus ad eius generis pericula & molestias abigendas.

## HONORIBVS IN SOCIETATEM NOSTRAM

IGNATIUS ADIUTVM OBSTRVIT.

## CAPVT XVIII.

**A**TQVAM his difficultatibus perfuncta Societas, prosperū Dei beneficio cursum tenere videbatur, cū nouā furtus in eam coorta tempestas est; eo quidem grauior & periculor, quo in speciem lenior blandiorque. In iis, qui per Ger-

Mantram variis locis Domini vineam excolebant, Claudius Iaius, è primis Patribus vnus, virtutem & sanctitatem suam cum genti vniuersæ tum Romanorum Regi Fernando ita probauerat, vt eo Rex nullum prorsus ad curandas animas atque ad pastorale munus aptiorem existimaret. Is pro sua sapientia cum præclare intelligeret, regni causam cum causâ religionis ita esse cõiunctâ, vt quantum de catholica religione detraheretur, tantum de obsequio multitudinis & de imperii maiestate decederet; cõtra sæuentem eo maximè tempore Lutherianam pestem, velut vnicũ remedium, quam optimos animarum pastores & Episcopos omni diligentia conquirebat. Igitur vita functo per eos dies Tergestorum Episcopo, quæ ciuitas est Istriæ, (cui tum provinciæ, quâ dixi lues, propter vicinitatem Germaniæ, imminabat) circumspicis diligenter omnibus & personis & rebus, denique ecclesiam illâ Claudio Iaiio perspectæ sibi virtutis & doctrinæ viro tradere ac demandare constituit. Sanè, vt vulgò expectuntur huiusmodi sacerdotia, minimè timendum videbatur esse, ne delatum vltro præsertim honorè Claudius repudiaret: siquidem Tergestina cathedra cū in primis eius regionis ampla & honorifica est, tū verò (quod potissimum hodie quæri solet) vestigalibus haud sanè cõtemnendis instructa. Verumtamen Rex, ne quid inscio Claudio cum Pontifice maximo ea de re transigeret; primũ omnium licet ad ipsum Claudium dat, Tridenti per id tẽpus rei Christianæ causâ commorantem, ac nihil cogitantem minùs; quarum erat sentẽtia, Tergestinum gregẽ orbis spirituale custode, circumquaque fremẽtibus lupis, in maximo versari discrimine; dignam esse vigiliam caritate Iaii, studioq; hominum seruandorũ; petere se, vt si à Põtifice maximo id ei muneris onerisve imponatur, ne recuset subire; & populo utilẽ & sibi gratâ operã vehemẽter fore. Percussus inopinata re Iaius, primò cohortuit: non quo detestandũ quid sibi oblatũ putaret, sed quòd Episcopus, quacurrã gerit animarũ, diuinam pẽnẽ virtutẽ & omnibus numeris absolutã postulet sapienciã: qua gradus honoris est, (& quidẽ ad cõtinendam in officio multitudinẽ ferme cū splendore opibusq; cõiunctus) à spiritu humilitatis ac paupertatis, quem proficitur Societas Iesu, vehemẽter abhærreat. deinde, vt sese ex pauore collegit, fusus in preces lacrymasq; etiã atque etiã obrestatus est Deũ, vt ab se tãtũ discrimẽ auerteret; neu se primũ quasi ianitore speciosos titulos honorẽve in Societatẽ ad id tẽpus intactam inuehi sineret; tũ rescripsit ad Regẽ, multis rationibus ei suadens, vt eam honorifico iudicio decoraret alium digniorem longẽ impa-

rem suam imbecillitatem esse oneris ac demum ita conclusit epistolam, ut omillis ambagibus, quod perebatur, præcisè negaret. Quæ res iam satis incensum studium Regis multo vehementius inflammavit, quoddam ita statueret, tantam in summa virtute & eruditione modestiam nequaquam privatæ vitæ quasi tenebris delitescere, sed in editissimo fastigio, ut lucefet omnibus, collocari oportere. Ergo cum ex litteris Claudii diffideret, ullis aut precibus aut promissis flecti eius animū posse; per Pontificē ipsum, inconsulto ultra Claudio, rem conficere statuit. Ad eum igitur quam accuratissime scripsit, quanto in periculo Tergestina civitas versaretur & episcopo destituta: se quidem pro sua parte diligenter circumspexisse, quem nominaret aptum ei munerī, nec ullum inuenisse aptiorem Claudio Iasio, Societatis Iasv presbytero, cuius inoperciam doctrinamque exquisitam plurimis rebus esset expectus, sed frustra per litteras tentasse eius animū, in studio Christianæ humilitatis ita defixum, & ab honorum insignibus abmittendis usque adeo alienū, ut nisi pro potestate cogatur, nulla sit spes laborantis illius ecclesiæ tam opportuno præsidio subleuandæ: proinde suppliciter se etiā atque etiā orare & obsecrare, ut Claudius pro imperio iubeat, delata sibi gubernacula munusque sine tergiversatione recipere, quentam ut quisque de seipso minimè alia sentiat, ac proinde studiosè lateat, ita ecclesiasticis functionibus & ipso episcopatu dignissimus sit. Hæc igitur, & alia idigenus multa, ad Pontificē, & simul Didaco Lasso mandat oratori fuso, ut id ipsum & cum Pontifice, & cum quibus opus fuerit, quam diligentissime curet, prorsusque cōficiat. Eius rei fama cum per aulicos quosdam ad Ignatium pervenisset, primò haud ita sanè commotus est: nam & Claudii constantiæ & Pontificis æquitati ac sapientiæ confidebat, & eiusmodi petitiones iam antè Societas, Deo adiutore, nō semel illuserat. Veruntamen ut quid esset rei clarius cerneret, cōtinuò Bernardinum Maffeiū (qui tum erat Pontifici ab epistolis, ac postea in Cardinalium numerū cooptatus est) vitro cōvenit, ac rora de re familiariter pro amicitia sciscipitur. Ille haud sanè gravare ipsam epistolam Regis ostendit, ad Pontificē summis cum Claudii laudibus & vehementi cōtentione perscriptam; qua lecta confestim Ignatius eadem de causa ad Regis oratorem Didacum Lassum adit; qui litteras item ad se propriè datas demonstrat, & quidem magna ex parte ipsius Regis chirographo, etiam atque etiam postulantis mandantique, det operam, ut Episcopus ab se in Claudium collati primo quoque tempore auctor fiat Pontifex maximus, eiusque auctori-



auctoritatis diploma ritè cōfectum ad se transmittat. His cogni-  
 tis Ignatius, ubi tam iniquo loco rem vidit esse, perimuit; sed i-  
 ta, ut nequaquam animo caderet: ac licèt se talibus aduersariis  
 longè imparem sciret esse, tamen fiducia numinis omni ope sibi  
 contrà nitendum existimauit; atque in præsentia Didaco suade-  
 re conatur, ut ab actione rationi Societatis tam aliena desistat i-  
 pse, & simul ab ea mente Regem aliquo pacto deducat; quibus  
 verbis cùm nihil proficeret, quin potius ab homine rideretur,  
 domum regressus quam intentissimas preces & sacrificia de mo-  
 re suis indixit: deinde nactus opportunitatē, faciliēq̃ue aditum,  
 Pōtifici demonstrauit, quanto res ea damno esset futura & Socie-  
 tati nostræ priuarim, & Ecclesiæ vniuersæ communiter; nō quo  
 dignitatis gradus ac tituli ipsi per se mali atque improbandi sint,  
 quippe ad Ecclesiā regēdam & ordinum discrimina retinēda in-  
 ducti diuinitus; sed quòd & perfectos viros requirant, quales pau-  
 ci admodum omnibus sæculis exstiterint, & insuper ab huius mi-  
 nimæ Societatis instituto valde alieni esse videātur. Etenim qui-  
 bus artibus quòve spiritu excitata & conflata sit, eodē profectò  
 alendam & conseruandā esse: nōn amplitudinis & splendoris ni-  
 mirum, sed humilitatis & parcimonix. Quòd si aditus in Socie-  
 tatē honoribus pateat; multū vtique de vera caritate imminutū  
 iri, quæ nihil omnino habet in vita propositum, nisi vnius gloriæ  
 Dei; nam (vt sunt hominum ingenia) & cōplures fortasse ad hanc  
 religionē accessuros opum cupiditate magis, quàm diuini obse-  
 quii studio: & qui nuper adscripti sint, magnitudine laboris &  
 disciplinæ asperitate defatigatos, vt primum præsentis præmi-  
 cōmodum affulserit, mutato repentē cursu, nouæ spei velificatu-  
 ros: atque vt maximè in officio cuncti persistant; tamen nisi præ-  
 senti iacturæ eatur obuiam, sine dubio Societati exitialem (quod  
 Deus auerteret) exitū imminere. Id adcò vel inde faciliè perspic-  
 posse, quòd paucis illis annis, quattuor viris ex ea familia præci-  
 puis rotidem Episcopatus delati sint, quos nisi fortiter ab sese  
 Patrum virtus & constantia reieciisset, videlicet alio deinceps at-  
 que alio dilabente, breuī miseram Societatē ipsis luminibus car-  
 ruram fuisse. Atque hæc, quod priuarim ad conseruationem i-  
 psius religionis attineat. Iam, si cōmunē spectemus vtilitatē, ne-  
 mini dubium esse, quātum ex ea se detrimenti res publica perce-  
 ptura sit; nihil enim omnibus ætatibus æquè deplorandū fuisse,  
 atque in tāta messis copia tantā operarum inopiam: atque ex ea  
 ipsa paucitate, qui vnicuique agro addicti affixiq̃ue sint, lōgè  
 minus utiq; perficere, quā qui Apostolico ritu soluti ac liberi om-

nes ecclesias peruagantur, ad eamque potissimum reipublicæ Christianæ partē subleuandam accurrant, quam maxime laborare cognouerint. Præterea, ad faciendam populis fidem, & animos permouendos, nihil esse efficacius vitæ ac morum exëplo; itaque adhuc Societate (absit verbo inuidia) Ecclesiæ nō mediocriter profuisse, propterea quod minimè ab ei⁹ dictis facta dissenserint; nunc autem, si ad id fastigium extollantur Patres, quomodo fieri posse, ut apud multitudinem, insciam arcanorum, ambitionis ac leuitatis crimen effugiant? qua porro fronte, quo vultu, repētè aucti ac decorati ipsi honorem insignibus, de imitatione Christi, de fugienda gloria, de voluntario sui contemptu ac submissione verba facturi sint? Hisce aliisque causis Pontificem maximum etiam atque etiam obrestari atque obsecrare, ut quam Societatem primus auctoritate & benignitate sua confirmauerit, ornauerit, auxerit, eandē ab omni suspitione incōmoda velit esse liberam, suæque in eam beneficia tam periculoso præsertim tēpore tueatur. Audiit Ignatium Pontifex perbenignè, ut solebat; sic tamen, ut integritatē hominis admiraretur potius, quàm cōsiliū approbaret. Itaque collaudata initio ipsius fide ac probitate, sensim flexit orationē, & contra sententiā Ignatii cum alia multa disseruir, rum verò ex vterī oraculo: Cor, inquit, regis in manu Dñi; quasi diceret, in Claudio eligendo tantam Fernandi Regis contentiōnem planè diuinitus existisse; ac proinde clauorem esse numinis voluntatem, quàm ut obisti ultra oporteret. Quæ cum Ignatius grauitè ac dolèter accipere videretur; Pōtifex, quæ erat lenitate, ne Dei famulum triste ac mœrentem ab se dimitteret, ad extremū iubet illū super ea re ampliùs consultare, precesque ad Dñm fundere; se quoque idē esse facturum. Interea Didacus orator negotiorum urgebat acerrimè; itaque incētabat dies, quo die in Senatu de Tergestina ecclesia referendū erat; quæ re Ignatius cognita, confestim Cardinalium pānē omnium domos, quarum erant multæ longis intervallis inter se disiunctæ, ingenti diurno & nocturno labore circumiit, singulis eadem illa serè proponens, quæ paulo antè Pontifici maximo. Sed videlicet eorum mentes iam antè occupauerat orator. Itaque mirè obfirmatos offendit in Claudii electione approbanda; partim quòd tanti Regis voluntati fauerent; partim etiam quòd vigilēs & custodes Claudii maximè similes, tam formidoloso tempore, in Ecclesiæ propugnaculis atque speculis ipsimet collocandos putarent. Hac quoque spe deiectus Ignatius, vnum reliquum videbat esse remedium, si Fernandum ipsum Regem a suscepto consi-

consilio per litteras auocaret, quem pro ipsius pietate virtutēq; ita in se suōsque animatum uouerat, ut minimē dubitaret; quin cognita re, salutem Societatis, Tergestinarum rationibus antelaturus esset. Sed ne illa quidam ratio habebat exitum: quippe insequenti luce de Tergestina cathedra Senatus erat futurus. Ignatius igitur exclusus angustiis temporis, numquam intermissis ad Deum precibus, quasi ad extremum in rebus humanis per fugiū sese contulit ad Margaritam Austriacam Cæsaris filiam, de qua suprà dictum est, feminam per id maximē tempus gratia & opibus florentissimam. Hanc pro spiritali necessitudine, (erat enim illi à confessionibus) edoctam quanto in periculo Societas esset, in sumis precibus obsecrat, ut Societatis causam in se recipiat, & imminentem relationem auctoritate sua interposita tam diu differat, quoad Regē ipse per epistolam alloquatur, & ab eo responsum accipiat. Fecit illa quod rogabatur, & illico datis ad Pontificem codicillis, optatam dilationem impetrauit. ea demum res aliquid laxamenti dedit Ignatio: etenim spatium nactus, ad Regē scripsit litteras, deprecationis & querimoniarum plenas; illud etiam atq; etiam per Christum obsecrās, ne Societate nuper ad gloriā Dei tanto labore constatam sine causa perditum iret; nō ita de ipsius maiestate regniq; & se & socios esse meritos, ut ab eo nulla eorum existimationis, famę, salutis denique ratio habēda esset. non de fore idoneos viros, qui rem Tergestinam capessant, sineres modō sui ordinis homines, qua cepissent paupertatis & humilitatis via, ad Christi gloriam & salutem animorum sine offensione pergere. id si (ut sperabat) permitteret, sese & socios immortalī beneficio Regi obstrictos fore, precēsque pro ipsius maiestate saluteq; nūquā intermissuros. Hisce aliisq; id genus incēsis officii religione rationibus precibūque minimē restitit Rex: & quāquam inuitus, tamen suis rationibus amicorū uilitati posthabitis, quod vix fieri videbatur posse, per epistolam iussit oratorem suum ab instituta vel potius pænē cōsecla actione desistere. Quę res vulgata, & Pontificem maximum facili in Ignatii sententiā adduxit, & Ignatium ipsum ac socios affecit ingenti lætitia. Itaque & in posterum supplicationes decreta, & in præsentia solemnis hymnus in gratiarū actionē publicē persolutus est. Ac pari deinde constantia sese Ignatius idem opposuit, cū nostris hominibus pingua sacerdotia, quibusdam verò Cardinalatus etiā deferretur, ac nominatim Francisco Borgia Hispano dynastā, qui amplissimis in eo regno perfunctus honoribus, diuino instinctu post uxoris obitum rebus mortalibus valere iussis, & sponte

deposito Gandiensi Ducatu, magna hominum admiratione Societati se addixerat. Quamquam in Æthiopica legatione, quæ postmodum Lusitanæ Regis rogatu à summo Pontifice nostris injecta est, cum ad eam functionem & ecclesiasticæ dignitatis insignia & honorum tituli necessariò quærerentur, imperanti pro potestate Vicario Dei resisti non potuit. præsertim cum peritiorum æstimatores argutè conicerent, nouam hæc manum non ad opes & copias, verùm ad labores & aperta vitæ pericula destinari.

## CONFIRMATVR A IVLIO III.

## SOCIETAS.

## CAPVT XIX.

**P**OST hæc, Paulus III. Pontifex maximus, senio curisque confectus, è vita migravit, comitiâque nouo creando Pontifici in magna studiorum ac voluntatû varietate in aliquot menses extracta sunt. Quo ipso tempore cum Vrbs, vt in diuturno interregno, annonæ difficultate vehementissimè laboraret, nostrisque numero in dies auctis, extrema fames adesse videretur; Ignatius cum aliorum tum præcipuè facti Collegii Cardinalium eximiam in se suorumque benignitatem expertus est. quippe in summis occupationibus Patres augustos pia nostrorum hominum recordatio subiit: communique consilio ad eorum inopiam subleuandam non levis pecuniæ summa ex ipso Conclauis transmissa est: enixè in primis fauente atque adiuuante Rodolpho Pio Carpenfi, quem Ignatius iam antè sibi sociisque patronum ac protectorem, vt appellant, è summi Pontificis auctoritate delegerat. Ac rebus diu multumque agitatis, Pontifex denique declaratur Iulius eo nomine tertius, qui quòd in Synodo Tridentina Legatus Fabrum, Lainem, & Salmeronè Theologos Apostolicos familiariter nouerat, multaque tum ex iis tum ex aliis de Societatis instituto didicerat; Ignatio supplicanti multa in Societatis incrementum ac rem admodum liberaliter tribuit; nec enim solum prioris Pontificis de ordine nostro iudicia & acta summa ratâque voluit esse; verùm etiam eundem ordinem nouis insuper ipse testimoniis atque decretis ornauit. Cuius rei publica diplomata existant verbis amplissimis.

MAGISTRATV SESE ABDICARE  
CONATVR IGNATIVS.

## CAPVT XX.

**H**IS rebus ita peractis, cum satis in presentia communi rei consultum esse videretur, Ignatius qua erat humilitate, vigiliam suam alteri tradere, seque Generalatum omnino abdicare constituit. Igitur Patribus, quotquot communis rei commodo potuit, Romam euocatis; cum in consiliū conuenissent; ne, ut olim, sibi sortē coram dicenti reclamaretur, per epistolam disertis verbis exposuit, se, qui vitia nosset sua, & initio inuitum, atque aded coactum, Societatis gubernacula recepisse; & nunc grauiore etiam valetudine ætatēque, multo minūs idoneum esse tanto muneri; proinde pro Christi Domini sanguinem petere atque obtestari se, ut sine vllō sui respectu, communi utilitati prospiciant, & quamprimum sibi sufficiant virum & animo & corpore firmiorem. Id quo liberiūs faciatis, inquit: Ego in nomine Patris, & Filii, & Spiritus sancti, vnius Dei ac creatoris mei, depono Generalatum simpliciter & absolute, meque ab dico hoc munere, priuōque: & omnibus animæ meæ viribus obsecro tum profectos omnes, tum si quos professi adhibere ad hanc deliberationem volent, ut huic meo tam iusto desiderio faueāt, piāque oblationem libenter admittant. Hac epistola recitata, magnus animorum motus est factus, cum partim viri modestiam ac submissionē satis admirari non possent, partim etiā pro se quisque merueret, ne quis alius fortassis Ignatii volūtati assentiretur. Verum ut ad suffragia ventum est, idem planē cōsensus omnium in eo retinendo exstitit, qui olim fuerat in eligendo: & enixē petiti præcisē negatū. Denique per internuntium iussus Ignatius alia omnia cogitare: etenim se quidlibet potius, quam alium gubernatōre ipso vivēte passuros. Atque hæc cōmuniter: dimisso deinde cōtū, priuatim singuli cum eodē expostulare, quod ab incœptis desistere, quod vixdum constitutam Societatem, omniq; custodia egētem, quasi durus pater teneram adhuc filiam deferere conaretur. Pergeret porrō, & publicā rē ordinaret, legēsque perscriberet: Deū, cuius manus alligata non sit, in posterū quoque, sicut antea, pijs ipsius conatibus adfuturum. Itaque Ignatius, quāquā inuitus, & religiosæ quietis vitæque priuatæ audissimus, tamen ne minūs dicto audiēs videretur esse, Patrum auctoritati ac precibus deniq; cessit, seque ad institutum opus legum scribendarū quā

diligentissimè retulit. Ac primùm, vnius Dei gloria salutèque animorum sibi proposita, Societatem vniuersam, quo facilius administratio tota cõstaret, certas diuisit in classes: prouiditq̃, quātum ingenio & cogitatione assequi valuit, cū vt cæteris vitiis, tum verò vt ambitioni & avaritiæ, quæ duæ perniciosissimæ sunt mortalium pestes, omnino obstrueretur aditus: veræque humili-  
tati & paupertati quàm maximus & maximè diuturnus honor ab omnibus haberetur. Ad hæc, ratione præpositi Generalis creā-  
di, necnon priuatam ac publicam disciplinā, quæque alia cœtib⁹ hominum regendis vsui solent esse, præscripsit. Nec modò maio-  
ra, sed minora quoque ministeria curationisve, certis legibus ac præceptis, quàm accuratissimè persecutus est. Has deinde leges, quamquam longo tempore summaque cura elaboratas & con-  
ditas, non tamen continuò pertulit, sed per idoneos homines to-  
ta Societate promulgandas curauit, vt vsu ipso & magistra rerū experientia probaretur, satis ne ad Societatis propositum atque ad Apostolicam instituti formulam conuenirent. neque antè ra-  
tas fixasque voluit esse, quàm in proximo conuentu Patrum tota re agitata & planè perspecta, legitimè sancirentur. iisdēq̃ Patrib⁹ deinceps addēdi, moderādi, immutādi, ac demēdi, prout expedire videretur in Domino, plenū ius ac liberā potestatem reliquit.

SOCIETATI IN HISPANIA VALDE LA-  
BORANTI SUCCURRIT.

CAPVT XXL

**P**ER idem tempus Societas, videlicet ne lætiore successu in-  
tumesceret, vel ad otium ignauiamque delaberetur, variis in Europæ regionibus diuino permissu vehementer exer-  
cebatur, idque partim ab inuidis & obtreçtatoribus, partim e-  
tiam ab iis, qui temporibus ita periculosis tam insolitam concio-  
num frequētiā, tam assiduā Sacramentorū administrationē, &  
reliqua instituti nostri munera, genusque doctrinæ suspectum haberent. Quo in numero in aliis prouinciis alii, sed in Hispania vel acerrimus nostrorum insectator exstitit Ioannes Siliceus Ar-  
chiepiscopus Toletanus. Is cū à cæteris Societatis nostrę mini-  
steriis valde abhorreret; tum Exercitiorum spiritualium, quibus nostri eo tempore vel maximè in erudiēdis hominibus utebātur, nomen ipsum pati non poterat. Compluti verò, in sua diocesi, piorum ciuium liberalitate Collegium Societatis IESU repente  
excita-

excitatum, quò academia illa penè tota conflueret, ita ægre ferebat, vt de nostris è sua ditione pellendis toto animo dies noctesq; cogitaret. Sed cùm in ipsos palàm imperiũ facere vereretur, partim spectata vitæ innocentia, partim etiam virorum principum gratia, & summi (quod caput est) Pontificis auctoritatẽ subnixos; iracundiæ suæ fulmina in populares suos, familiares nostros, apertè contorquet. Ac primùm, quodd è suo clero complures nostra disciplina ac meditationibus imbutos esse cognouerat, edito minaci, iuris in Ecclesia Toletana dicundi potestate priuat sacerdotes eos, qui è nostra formula spiritualibus exercitationibus operã dedissent; deinde, præsentì anathematis pœna proposita, vetat in academia Complutensi omnino quemquam à nostris hominibus Ecclesiæ sacramenta suscipere. Quæ res, vrpote insigni infamia, varios illico rumores hominum Hispania penè tota commouit: cùm alii nostrorum acta, mores, instituta defenderent; alii contrà, non sine graui aliqua certaquẽ ratione tantum antistitem ita de Societate statuissẽ disputarent. Nostri, quamuis Dei elementia & conscientię testimoniũ freti, re tamen tam atroci tamquẽ inopinata perculsi, angebantur animo; neque tam ignominia sua, quàm Ecclesiæ damno permouebãtur, quod ex tanta hominum alienatione tantisquẽ calumniis imminere necessariò videbatur. Itaque cùm obsecrationibus, & sacrificiis, & volũtaria corporum castigatione cæleste numen de more propitiassent; per communes amicos Archiepiscopum docent, nihil ab se vel contra Ecclesiæ rem vel contra ipsius Archiepiscopi dignitatem esse commissum, cur in rebus diuinis occupari, & nihil nisi Dei gloriam & proximorum salutem ex Apostolica auctoritate quærentes, tantis iniuriis affici, præsertim in dicta causa, debuerint. Si quid secus ab inimicis ad eum delatum sit, se ad purganda crimina, atque ad omnem satisfactionem in Dòmino paratos esse; tantùm ab eo suppliciter petere, vti conceptam iram, ad causam vsque cognitam, pro sua sapientia ac pietate sustineat. Cùm ille nihil idcirco de acerbitate remitteret, satisquẽ apparet, nostri nominis odium altiùs in eius animo insedisẽ, quàm vt euelli aut mitigari vlla ratione posset; Ignatii voluntatem atquẽ consiliũ per litteras quàm primùm exquirunt. Ille, circumspicis rebus omnibus, Deumquẽ per se suosque enixè precatus, vt ea res ad ipsius gloriam, salutemquẽ animarum, bene ac feliciter eueniret; sine vlla dubitatione, si Archiepiscopus in incepto persistat, iubet nostros ad consiliũ Regiũ prouocare; litteras Apostolicas proferre; Societatis causam cum Christi causa coniunctam

iunctam æquè moderatè ac fortiter agere. ipse interea ad Pontificem adit supplex, Archiepiscopi factum exponit, summi tribunalis opem & auctoritatem implorat, sine vlla tamen grauiore querimonia vel exaggeratione verborum. Ac nostri quoque in Hispania ex Ignatii præcepto rem ad consilium deferunt, Pontificia diplomata & iura Societatis legitima ostendunt, obsequium sibi aditum ad proximos adiuuandos exposculant. Quæ cū nulla ipsorum culpa ab Archiepiscopo acta esse constaret, cum denique exitum habuit res, vt & Regii consilii decreto, & acri Pontificis obiurgatione, Archiepiscopus edicta sua reuocare, nostrosque omni molestia atque ignominia liberare coactus sit. Quæ res lætitiâ bonis omnibus attulit eo maiorem, quo magis de nostra existimatione ac fama solliciti fuerant. Atque haud ita multo post, Archiepiscopo vita functo, nostri à Toletana ciuitate benignè inuitati & in iis ipsis ædibus publicè collocati sunt, quas idem Archiepiscopus paulo antè clericis quibusdam edificauerat, vt ab iis qui diuinam prouidentiam ex rerum humanarum euentis obseruant, non sine causa animaduersum fuerit, omnes tanti Præsulis in Societatem impetus & conatus eò denique recidisse, vt cū maximè nostros, opinionis errore deceptus, ex vniuersa Hispania pulsos cuperet, tunc ipse in sua Toletana metropoli domum illis exstrueret ornaretque. Eiusmodi suis igitur Hispanienſis illius procellæ transitus. Ac pari felicitate in aliis quoque prouinciis coortæ in nos tempestates, Ignatii lenitate prudentiaque, sedatæ sunt: ac Dei beneficio vbique ferè Societas maiora in dies incrementa capiebat.

DE IULII III. OBITVS, ET DE MARCELLI  
II. IN IGNATIVM NOSTROS QVI BENEUOLEPTIA.

CAPVT XXII.

**I**NTER hæc Iulius anno Pontificatus quinto demoritur; cui Marcellus Ceruinus Politianus ingenti bonorum omnium gaudio suffectus est. quidquid enim erat spei de publicis rebus, id pænè totum eius Pontificatus annis vulgò desponderant. Ad hunc Ignatius pro veteri familiaritate cū adorandi & gratulandi causa, venisset; arctè amplexatus hominem Pontifex, & suauissimè exosculatus, multa cum eo inambulans de fidei Christianæ propagatione, deque restituenda Ecclesiastica disciplina

seriò



Teriò contulit: atq; ob id ipsum nonnullos ab eò petiit viros, quos haberet apud se consilii causa. Cæterùm in primis dilexit Iacobum Lainem, & Martinum Olaium, quorum videlicet vtriusque virtutem ac sapientiam optimè nouerat. nam de Francisco Xauerio, cuius fama rebusque gestis valde permouebatur, ià antè exorauerat, vt illum omnino Româ ex India reuocaret: quòd tanti viri videndi ruendique in eius amplexum miro quodam desiderio teneretur; quin etiam nostros, quotquot ea tempestate Romæ versabantur, ad se in palatium adduci iusserat: quòd hæc copiolas recensere, & singulos coràm quasi bonus Imperator milites veller inspicere. denique multis de nostra Societate verbis vltro citroque habitis: Tu bellatores, inquit Pontifex, confice; nos vtemur. Cùm ab eo congressu aliisque deinde colloquiis lætus admodum discessisset Ignarius, & optima spe Societatem impleisset, breui ea lætitia cunctis euanuit. siquidem Marcellus altero & vicesimò die quàm Pontifex declaratus fuerat, febri extinctus, ingenti omnium luctu Christianam rempublicam orbam ac debilitatam reliquit.

## IGNATII OBITVS.

## CAPVT. XXIII.

**S**UCCESSIT Marcello Paulus eo nomine quartus, qui cū propter nonnullas interpositas offensiones acerrimus nostri ordinis inimicus fore putaretur, hominum opinionem longè sefellit. Nam & in Ignatium ipsum, cunctis admirantibus, perhonorificum sese præbuit; & Societatem multis rebus decorauit auxitque: & nostrorum hominum opera maximis in rebus Ecclesiæ plurimum vsus est: & de fundando collegio seu academia, quam in Vrbe Ignatius magno reipublicæ Christianæ bono instituerat, seriò cogitauit. Hunc Pontificem inter & Philippum Catholicum Regem exorto graui & periculoso bello, quod breui deinde compositum est; cuncta misceri, compleri armatis Vrbs, tympanorum ac tormentorum horrifico strepitu omnia personare; pacis artibus parum admodum loci esse. Quocirca Ignatius pertæsus temporum, & Societatis rebus vtrumque compositis, contemplandi studio secessit in villam, quam non longè ab æde sanctæ Balbinæ, ad Thermas Antonianas, in vsum præcipuè Romani Collegii, amicorum benignitate nuper extruxerat. Ibi, vel tectorio noui operis malè acceptus, vel virgente iam senio, lethalem

thalem in febrem incidit; sic, ut cum eius intima vterentur præcordia, nullus in facie pallor, nulla in toto corpore signa mortis existerent. tantum insolita quædam lassitudo in membris ac motu apparebat. Itaque domum relatus, in lectulo collocatur. accersiti confestim medici bono animo jubent nostros esse. At ille cum sibi ultimum diem instare sentiret, mirantibus cæteris, misit qui à summo Pontifice sibi decedenti salutarem expiationem & indulgentiam ritu catholico precareretur. deinde cum ad multam noctem de more vigilasset, quin etiam nonnulla cum domesticis in rem Collegii transgisset; sopori se dedit: itemque qui aderant, cubitum discessere, nihil admodum periculi suspicantes: at ecce mane postridie duo è fratribus, eius vitæ quotidianæ administri, cubiculum visendi Patris causa introeunt; ad lectulum sensim accedunt, ac præter omnium opinionem vitali spiritu penè defectum offendunt. Accurritur illico ad socios, alii ad medicum aduolant: alii interea ad refocillandas vites (ut assolet) iuseculum porrigunt: quibus ille cum nihil iam opus esse dixisset, Iesum inter mortuis vocibus identidem appellans; placidissime efflauit animam hora post solis ortum prima, feria sexta, pridie Kal. Augusti, anno post Christum natum M. D. LVI. Qui verò ad Pontificem pridie sub vesperam, fuerat destinatus, quoddam nihil tale metueret, re in proximam lucem dilata, cum quod volebat, statim impetrasset libente Pontifice, & verbis amicissimis Ignatium prosequente: grauitèr deinde semet incusans, tempori non occurrit. Defuncti corpus tum inspiciendi tum exenterandi causa dissectum summam viri abstinenciam & sobrietatem liquidò comprobauit. siquidem & stomachus venterque potius inanis, & præ siticitate diuturna mirè contractus apparuit: & iecur ea ipsa de causa ita obduratum aridumque, ut penè lapidesceret. Sanè Realdus Columbus, egregius ea tempestate sector, qui aperiendo interfuit, in hepatis vena, quæ Porta dicitur, lapides tres sese inuenisse testatur in suo de Anatomia libro. ut pro miraculo non leui habitum sit, vitalibus adeò affectis, ac propemodum exustis, hominem tam diu viuere potuisse, præsertim hilari semper eodemque vultu exsequente Præpositi Generalis officia & munera. Mortuus est autè anno ætatis quinto & sexagesimo, suæ conuersionis ferme trigésimo-quinto, confirmatæ verò Societatis sexto decimo. quam ille tam exiguo temporis intervallo tam longè latèque propagatam reliquit; ut iam tum ab ipso constitutæ numerarentur prouinciæ duodecim, & in iis varia nostrorum domicilia ferè centum. Vulgata eius morte, ingens

confestim

confestim hominum concursus visendi, causa domum est factus, atque hi manus, hi pedes certatim exosculari: alia rosaria, quæ vocantur, applicare corpori, multi etiam pilei vestiumve, quibus vti consueuerat, frustulum aliquot enixè rogare: quibus tamen modestiæ gratia nihil à nostris est datum. Corpus in eodem cubiculo, vbi exspirauerat, biduo fœmæ seruatum, Sabbatho sub vesperam inclusum arcæ, post exsequias mira populi frequentia celebratas, in templo nostro ad dextrum latus arcæ maximè humatum est: ac statim præsentem opem ex Ignatii patrocinio nostri sensere. Non enim, ut multi putarant, orba tali parente Societas moriori se dedit, aut contudit: quinimo sterere animis Patres; perque omnes ordines insolita quædam suauitas spiritus & mentium vigor, ad subeundos CHRISTI causa labores, & cæptâ strenuè promouenda, peruasit.

## LIBRI SECUNDI FINIS.

IGNA:



# IGNATI VITÆ LIBER TERTIVS.

**H**ÆTENVS Ignatii toto vitæ cursu propositò, nunc præcipua quædam de ipsius factis, dictis, ac moribus, & quidē quo magis in promptu sint, per species exsequemur. Ac primū de studio præcandi meditandique, qualescūque in primis Ignatius floruit.

## DE ORANDI ASSIDVITATE, ET STVDIO FLETATIS.

### CAPVT I.



**N**ITIO conuersionis, vt antè diximus, præcandi contemplandique causa magnam sibi vim intulit, partim in rerum caducarū, quibus assueuerat, vitanda recordatione; partim etiam in scrupulorum molestiis abigendis. Procedente deinde tempore, cū magis in dies à contagione corporis, Deo adiutore, se abstraxisset, tantam eius generis facultatem adeptus est, non modò vt è cœli siderumque aspectu, quo maximè capiebatur, sed etiam vt ex intuitu floris, aut herbæ, aut leuissimæ cuiuslibet rei, confestim in Dei cogitationē amoremque suauissimè raperetur. Idque nostris hominibus cupiebat esse familiarissimum, vt in singulis creatis rebus, quoad eius fieri posset, creatoris potentiam, sapientiam, bonitatem agnoscerent. Eisdem monebat, vt contra quotidianas dæmonum insidias, ne circumuenti repente in fraudem inducerentur; vel instructo, quod alunt, agmine semper incēderent, vel certè dissipatis in varias curas & negotia viribus animi ramquam receptui canerent statim horis diei; & in semet ipsi descenderent, suæque omnia dicta, facta, cogitata, coram Deo quā diligentissimè reputarent,

pātarent, adhiberi etiam monitorem, si opus esset, vel memoriae vel etiam notitiae causa: denique omnia probe contemplari, contra id vitium maximè pugnam caperent, quo vitio se praeipue vrgeri & laborare sentirent; nec anrè desisterent, quàm Deo duce debellatum esset. Sanè ipse, quamquam se habebat semper in potestate, & ex diui Bernardi praecepto, non se rebus tradere, sed commodare consueuerat; tamèn, quia erat diligentia, in singulas horas vltro inquirebat in se: idque, propter diurnam exercitationem, nullo negotio, magisque ac magis in spiritu proficere nitebatur, diem cum die, vt supra diximus, hebdomadam cum hebdomada conferens: qui cursus ad candorem animi ac perfectionem certissimus est; neque id solum, sed etiam statis quotidie temporibus, crepto ex summis occupationibus otio, contemplationi vacabat: quàm ad rem aliquoties a domesticis clam obseruatus est, hoc maximè modo se comparans: Vt enim superiorem ascenderat adium patre, vnde liber esset prospectus ad sidera: stabat aliquantisper oculis in caelum defixis: tum prouolutus in genua, totius huiusce pulchritudinis conditorem suppliciter adorabat, deinde propter imbecillitatem, humili scabello simul atque contedisset, continuò ex oculis vberes lacrymarum riuuli profluebant; idque nullo prorsus vel singultu vel strepitu. Atque in hunc ferè modum, aequè animo & corpore immotus, excipiebat diuini luminis radios, ac Patri caelesti mirà quadam spiritus dulcedine iungebatur. Neque verò ad beatos hosce congressus tantummodo sub orationis horam componebat ille sese, verùm in perpetua quadam erat vigilia contra omnes rerum mortalium illecebras, & otiosam mentis euagatione, nec minus accuratè animum ab omni labe tuebatur, quàm qui pretiosis ornati vestibus via lutulenta coguntur incedere: intenta erat custodia sensuum, quoridiana cuiuslibet omissionis confessio, iugis recordatio beneficiorum Dei, in aliorum factis dictisque interpretandis nulla temeritas; denique summa obseruabat cura quidquid ad Christi gratiam vel tuendam vel augendam quoquo modo pertinere intelligeret. Mortalium rerum curas, ac praeipue quae ad affines cognatosve pertinerent, omnino refugit, illud Apostoli dictum reputans apud se: Nemo militans Deo implicat se negotiis secularibus. Erat ei proneptis ex fratre, virgo, quae deinde Ioanni Borgiae nupsit, hodie Philippi Regis apud Caesarem legato; de hac in matrimonio collocanda cum ad eum subinde referretur, tota ille rem semper ad cognatos reiecit, nec adduci inquam potuit, vt vel minimam eius negotii partem

H

attingeret.

attingeret. Oranti aliquando per hyemem clauso cubiculo allatas è Guipuzcoa litteras ianitor festinè reddidit; ratus gratissimas fore, quodd nimirum longo & locorum & temporum intervallo afferrentur; at ille fasciculum, vt erat ligatus, illico in ignem abiecit, re ipsa ianitorem admonēs, qui sese cælesti militiæ addixerit, huic esse mortalia negligenda. Peregrinis hominibus, conditionem ipso interprete (quod multum apud principes auctoritate valeret) in aula quærentibus, negabat sibi nisi cum summi Regis aula rem esse: ad eam si aditum optarent, daturum se operam, quantum labore ac precibus assequi posset, vt essent in intimis Regis amicis ac familiaribus; quo responso vulgato, minùs multiam in eo genere molestiam illi exhibebant. Nihil maioris momenti aggrediebatur vmquam, nisi attentè consulto ac propitiato Deo; nec vllum quamuis leue religionis obibat officium, quin eius animi ardor ex toto corporis habitu, ac præsertim ex fronte atq; oculis, emicaret; ex quo facilè existimari potest, qualem ille se in horaria precatìone psalmisq; & in sacrificio Missæ præstiterit. Sanè, cum initio sacerdotii, in medio Lateranensì templo, Christi natalitia celebraret ad Aram sacris Apostolorum Petri, Pauli, & Andree reliquiis inclytam, tanta est repentè spiritus dulcedine delibutus, vt inter diuinam rem peragendam lacrymas tenère nulla vmquam ratione potuerit. Quo tam insolito spectaculo commotus è circumfusa multitudo quidam, ac rem longè secus interpretatus, Francisco deinde Strata Ignatii administro in aurem insurrexans; Facinorosum nempe virum, inquit, sacerdotem istum tuum, & omnibus flagitiis coopertum, qui conscientiæ stimulis agitur, crimina sua toto pænè sacro defleuerit. Visionum præterea exstat libellus ac luminum, quæ illi ferme sacrificanti obuenire, quæ maximè tempore Societatis ordinabat: quas visiones ipsemet pietatis & memoriæ causâ in ephemeridem retulit. Eum libellum qui attentius legat, clarè perspiciat, qua præparatione, quo spiritu ad Sacramentum altaris ac cedere consueverit. Septem etiam Urbis templa, & religione & Pontificum indulgentiis celeberrima, certis anni temporibus diligenter & castè visibat pedes, & quidè per hyemè lacernatus, haud sine maistelo: nec vlla corporis lassitudine, aut cæteros exemplo suo destitui, aut se tantorum bonorum cõmuniõne fraudari patiebatur. Piacularia verò grana quæ dicuntur, & cæreas agni cælestis effigies, pictasque Sanctorum icunculas, & alia id genus, quæ ab impiis irridentur, ita studiosè tuebatur, & caras habebat, vt in eius scrinio post mortem nihil ferè aliqd apparuerit.

Pro Ecclesia catholica, ac nominatim pro Christianis Regibus atq; principibus. quotidie ardentem orabat: pro summo vero Pontifice numquam sine vberissimis lacrymis. Et quoniam denuo lacrymarum incidit mentio; non omittenda videtur hoc loco res memoratu digna. In ceteris ornamentis ac beneficiis, donum etiam lacrymarum Ignatius à Christo Domino acceperat, sic, ut in singulas preces illico sletus erumperet, qua consuetudine eò denique adductus est, ut propter acrimoniam humoris paulatim exesa luminis vi, aciem oculorum pene amiserit; hac ille iactura, quod ad ipsum priuatim attinebat, non sanè movebatur: quinimo triumphabat se in obsequio Christi oculos perdere. Sed quoniam id fieri sine magno communis rei detrimento non poterat; suorum præsertim accedente impulsu, precari Dominum institit, ut sibi liceret interdum à lacrymis temperare; nec frustra, si quidem ex eo tempore tantum in lacrymas ius & arbitrium obtinuit, ut earum quasi habenas, prout vellet, adduceret idem atque remitteret. Quæ res cuiuspiam fortasse veritatis fidem excedere videatur: sed nobis utique in tam recenti memoria mentendi causa non est.

## QVOD EIVS FVERIT DE PERFE-

CTIONE IVDICIUM.

### CAPVT II.

**A**licet precationi vsque ad eò dedurus esset, tamè eo studio, se vel à publica re administranda, vel à caritatis ceterarumque virtutum officiis minimè patiebatur abduci; & quamquam certum unicuique spatium temporis quotidie necessarium esse dicebat ad se colligendum, viresque diuinitus impetrandas; tamen eos nò ita laudabat, qui dulcedine solitudinis & diuinæ familiaritatis illecti, in arenam descendere, & sua primùm vitia euellere, deinde etiam proximos adiuuare negligerent; quinimo, pluribus doctus experimentis, aiebat, qui minùs in eo genere sibi temperant, eorum plerosque (nisi periti cuiuspiam ductum sequantur, vel præcipuo Dei fulcianrur auxilio) partim dæmonum illusionibus obnoxios esse, partim etià contumaces, & sibi placentes, & in sua sententia mirè obstinatos, ac peruicaces euadere: quæ peste nulla propemodùm esset hominùm cœtibus capitalior; itaq; suorum ille profectù nò tam ex còtinuata precatione, vel diurno secessu, quàm è solida virtutis officiis, ac præsertim ex mæsueta carq; animi equitate, spectabat. Cum è familiari-

bus nescio quis, fratrem præstanti religioni collaudans, ad Ignatium cum admiratione dixisset: En hominem iugiter precationi vacantem: immo verò, mutata voce, en, inquit Ignatius, hominem sibimet acriter imperantem. Alium quempiam, quod stomachosior esset natura, & subinde in amara verba prorumperet, sese fratrum consuetudini alieno tempore subtrahentem, Ignatius blandè compellans: Quin te, inquit, statucis horis in fratrum consuetudinem das? cum ille iracundiam naturæ bilemque prætenderet; Næ tu vehementer erras, ait Ignatius: etenim hæc & huiusmodi vitia non fugiendo, sed resistendo vincuntur. Denique licet præ precationis laude præcelleret ipse, ut dictum est, semper tamen spiritum, quem vocant mortificationis, spiritui speculationis antetulit; nam ut in eloquentiæ studio cum & ars & usus ipse sit necessarius, longè plus tamen a sapientibus viris vsui quam præceptioni tribuitur; sic in parandis virtutibus cum & commentatio & actio requirantur, multo plus tamen agendo & pugnando, quam speculando vel cogitando proficitur.

### DE CARITATE IPSIVS IN DEVM.

#### CAPV. III. QVINTVS.

**C**ARITATE in Deum fuit, quanta par est cum esse, qui ipsius Dei gratia rebus humanis nuntium sponte remisit; neque solum carens Dominum amabat, ut præ illo reliqua omnia nihil duceret, quæ virtutis huiusce præcipua est pars: verum inerat in amore voluptas mira: prorsus ut quantissimè pressus curis, ac molestiis fatigatus; inanius Dei recordatione, & quasi amplexu, per summam delectationem acquiesceret. CHRISTVM verò Dominum ac liberatorem videndi sicuti est, tanta flagrabat cupiditate, ut eam ipsam ob rem solui corporis vinculis vehementius in dies optaret. Itaque si quando grauiorem incidisset in morbum; cōcepta migrandi spe, abstraheretur illico a sensibus, non sine magno valetudinis detrimento; quocirca mentem a terrestribus rebus interim auocare etiam atque etiam iubebatur a medicis; & quoniam acerbissima Christi mors pro salute humani generis obita Ignatio semper obuersabatur, vicissim ille pro Christo per summos cruciatus quotidie cupiebat emori millies. Quoties verò ingesta in illum conatibus & ludibriis reputaret apud se, non modò rei atrocitate permonebatur ut multi, sed etiam accendebatur generoso quodam imitandi studio; atque in semetipsum quasi tanti sceleris

autorem



auctorem acerrimè exardescibat: ac nisi eum cohibuisset existimationis ratio propter salutem aliorum, simulata dementia, ad plebem in se concitandam, nudus onustusque cornibus, aut alio fædo corporis habitu, prodire non dubitasset in publicum, & incessantes cœno vel stercore pueros, vocesque improbas, & sputa, & omnes alias insanæ multitudinis contumelias libèrissimè per- tulisset. Sed quoniâ eiusmodi nulla se dabat occasio, certè quod erat proximum sedulò faciebat, ut immortalia Domini beneficia in se memoria coleret sempiterna, & in eiusdem vel indaganda voluntate, vel gloria quærenda, suas omnes curas cogitationes- que consumeret; cuius rei vel hoc satis magno argumento sit: Inter ipsam negotiorum molem perditas meretriculas tanto studio conabatur ab impuritate auocare, ut si qua ex iis resipisceret, seque intra pudicitia septa recipere vellet, grandis iam natu vir, & præpositus Generalis, antecedere ipsemet, ac perductoris quodammodo munere fungi, Christi causâ non erubesceret. In quo cum admoneretur à quibusdam; frustra tempus ac laborem insumi, quippe insanibiles esse eiusmodi feminas, ac hæc in præsentia pœnitentiam ostenderent, breui tamen ad ingenium redituras: Ego verò, inquit ille, cuiuslibet istarum, vnus dumtaxat noctis impedisse flagitia & iniurias in Deum, omnis operæ ac vigilantia prætium duxerim.

## DE CARITATE IN PROXIMOS.

## CAPVT IV.

**E**X hoc tam incenso in Deum amore, egregia pimirum illa caritas in homines redundabat, quos quoniam pretioso eiusdem sanguine redemptos, ac proinde carissimos illi sciebat esse, quidquid in Deum non poterat nullius egentem rei, omne id, ipsius gratia, in proximos conferebat. Ut primum de peccatorum cœno emerfit, cōfestim ad cæteros ex eodem cœno extrahendos incubuit, atque ob id ipsum (vti supra dictum est) ingenti labore & incommodo litteris operam dedit, & in Societate instituenda nihil spectauit aliud, nisi ut errantes animos ad rectum salutis iter omni ratione reduceret. Barcinone, cum in grammaticæ studio versaretur, eodemque tempore, animorum quoque salutem acerrimè procuraret, virginum quoddam collegium, cuius nomen consultò reticeo, soluta admodum disciplina corruptisque moribus, ad veterem sanctimoniam ac sobrietatem omni studio reuocare nitebatur, suadebarque illis præci-

puè frequentem vsum sacræ Confessionis & Eucharistiæ. *Quam* ad rem, temporibus illis insolitam, quo facilis eas adduceret, præire ipsemet illis palam decreuit, adhibito ad id Putalto sacerdote, quò ipse ad confessiones vtebatur, spectatæ virtutis ac sanctitatis viro. Igitur ex eius manu corpus Domini cum subinde sumpserit, feminis ex odio spectantibus; tam præclaro exemplo & assiduis hortationibus incitata, pleraque ad salutarem penitentiam officiumque traductæ sunt. Quod nefarii quidam amatores vbi sensere, aditumque sibi ad oprata flagitia magis in dies obseptum videre; in extremam efferati rabiem, Ignatium & Putaltum ex insidiis adoriti constituunt: ac die quoda è templo redeuntem utrumque fustibus ita male acceperunt, vt Putaltus paulo post è vulnerum dolore sit mortuus: Ignatius verò dies aliquot in lecto iacuerit; sed vixdum recepsit viribus, nec alterius nece nec suo malo perterritus, ad instituta caritatis officia rediit alacer; cumque eum vulgò monerent, ac per Deum obtestarentur amici, ne denuo in capitis discrimen daret sese: Quid mihi opratius, inquit ille, quam pro Christo Domino meique proximis emori? Patissis amicum à turpi cuiusdam feminæ consuetudine frustra saepe reuocare conatus, cuius ille flagitii causa vicum subinde petebat, non longè ab vrbe positum, denique egressus hominis & itinera dissimulante explorans, deterrendi eius consilium tale commentus est: Stagnum erat propter viam qua transeundum erat illi de mōte; eò mature præuertiens Ignatius, tempestate perfrigida sese nudus aquis collo tenus immergit; ibique salutes amico terendit insidias; nam vt appropinquantem aspexit, Deum precatus vt ea res vtrique feliciter eueniret, horribili repenti in aduersum intonuit voces: Quò, quò miserrime properas? non intelligis in quanto versere periculo? nōne intentum in te diuinæ iustitiæ gladium vides? Perge porro, perge nefariam istam explere libidinem. Ego me hic tamdiu tua causa macerabo, quoad caelestes iras meo malo auertam abs te. At ille subita voce percussus, atque ad Ignatii aspectum veluti deprehensus, obstupuit; dein iratusque caritatem viri, nec dubio pudore concepto, retulit pedem, & in posterum Deo adiuuante sese ab illa pestifera familiaritate continuit. Alius quidam Ignatii alumnus, præstanti vir ingenio, magnos in virtute processus effecerat, ac deinde (quæ humana fragilitas est) labore victus, da mone sollicitante, circumspiciebat fugam; quod vbi sensit Ignatius, variis ad eum retinendum hortationibus monitisque incassum adhibitis, eo denique descendit, vt pro discipuli sa-

nita.

nitate totum triduum omni cibo potuque abstineret, precēsque cum lacrymis ad superos funderet; qua pēna, tamquam remedio, languenti animo applicito, respiciuit ille, suumque errorem gemebundus agnouit, ac deinde in suscepto genere vitæ cum laude perstitit. Parisiis, ut antea dictum est, deposita pecunia fraudatus à conubernali, sic, ut ad sese alendum stipem emendicare deinde cogeretur magno studiorum detrimento, non modò iratus amico non est, verum etiam insigni beneficio rependit injuriam. Cū enim fraudator ille postea Hispaniam repetens, graui morbo ex itinere implicitus, Rhotomagi substitisset, (quæ vrbs tridui ferme iter distat Lutetia) ingrauescente valetudine paulatim ad omniū rerū inopiam est redactus, cumque ut ignotus in alieno solo spē nullam subsidii cerneret, licet præterita meminisset, ac præclare sibi esset conscius, quàm malè de Ignatio meritis fuisset; tamen tantam opinionem de eximia viri bonitate conceperat, ut non dubitauerit illum de suo casu per litteras facere certiorē, & aliquid opis ab eo suppliciter petere. Tum Ignatius, quasi hæreditas aliqua sibi obuenisset, sic alacer nulla interposita mora se in viam dat; Deum pro amici salute etiam atque etiā obsecrans: quineriā, (quod lōgè mirabilius est) ad propitiandum illi numen, iter illud totum pedibus, nullo prorsus cibo potuq; , ingenti celeritate confecit. Urbem ingressus, conquisitum hominem amicissimè inuisit, affectum semianimèque sedulo ministerio recreauit, atq; vbi morbo leuatus est, litteras ei commendatitias ad amicos in Hispaniā dedit, & mendicato ab se viarico instructum in nauem imposuit, cū ille simul pudore gaudioque confusus, dexterā Ignatii tenens, Deum superosque omnes inuocaret ad gratiam illi pro se referendam, satisque mirari non posset, senescente iā mundo, tātum caritatis exemplum in tertis existere. Per idem studiorum tempus, tamen multum de spiritali functione remiserat, numquam tamen potuit se continere, quominus eteptum ex litterariis occupationibus quotidie tempus aliquod in proximorum salute consumeret. itaque & condiscipulos ad virtutem ac pietatem ex occasione incirabat: & ex collatitia pecunia multorum subleuabat inopiam, & ægroros visendo recreandoque humanissimè solabatur. In iis cū ad quemdam adiisset, graui & contagioso vlcere laborantem, & ministrandi causa, ut sit, decumbentem subinde attrectasset: in discessu metus Ignarium subiit, ne ex eo contactu dextera pestilentiam contraxisset: quæ suspicio cū sollicitaret hominem vehementiùs, cumque ab huiusmodi caritatis officio in posterum auocaret: ille cogni-

ra fraude confestim in semetipsum exarsit: dexteramque in os identidem inferens, increpuit vltro: Qui de vna manu tam anxius es, quid vniuerso corpori facies? Atque hac fortitudine & præsentem depulit metum, & ad eadem porro exsequenda pietatis opera sese vegetum atque hilarem præstitit. Atque hanc ægrotos adiuuandi consuetudinem non modò priuatus, vbi cumque terrarum fuit, verum etiam Societati præpositus diligentissimè tenuit. Nam e nostris vt quisque in morbum inciderat, cuiuslibet esset ordinis, & exemplo acciri medicum imperabat, ac nihil prorsus omitti eorum, quæ is præscripisset, oppugneratis etiam diuenditisque, si opus esset, lancibus, stragulisque, & cætera supellectili. Sanè, cum ex laicis adiutoribus quidam sæua confisteretur febris: ad eumque resocillandum delicatiori cibo opus esset, qui quid nummolorum domi erat, denarios tres, eam vnã in rem insumi iussit. ac resistenti paulisper obsonatori, nihilque præterea pecuniæ ad cæteros alendos superesse dicenti. Atqui nos quidem, inquit ille, valemus: arido pane contenti esse poterimus. atque ita languenti coemptum obsonium est. Ipsos verò decumbentes inuisebat subinde ipsemet, conficiens vnūquemque verbis planè diuinis atque cælestibus, dabatque operam, vt omni deposita sollicitudine, superioribus esse curæ se suæque salutē, sine vlla dubitatione sentirent. Homines vel de se ipso priuatum, vel de Societate communiter bene meritos diligentissimè coluit, nullumque in eos neq; viuos neq; mortuos grati ac memoris animi officium prætermisit. quippe non modò pro ipsorum salute Dominū per se suosque præcabatur assidue: sed etia, dū viuerent, sæpe domum veniebat. salutandi causa, eosdēque adeuntes ad se, quanquam a lieuo tempore, accipiebat in primis hilariter: deq; Societatis progressu, ac rebus præsertim Indicis, quarū ipsa longinquitas habet delectationē, pergebat amicissimè facere certiores: atque etiam, cum opus esset, quibus rebus poterat, benignè adiuuabat. Hieronymo quidē Arzio, Hispano doctore, (quicū erat ei magna necessitudo) non modò grauiter ægrotanti frequens adfuit ipsemet, sed etiam fidelibus famulis destituito, probos & industrios è Societate viros ministrandi gratia submisit. Andreas Lipomanus patritius Venerus, quem Trinitatis Priorē appellabant, vir non pietate minùs quam genere nobilis, Collegio nostrorum hominū constituendō Patavii, optimū sacerdotium eiusdem vr̄bis addixerat, diuidia tantū parte vectigalium sibi quoad viueret reseruata. At verò Ignatius, ne se vinci patere-tur officio, patentibus litteris cum vltro, perpetuum sacerdotiū admi-

admi-

administratorem declaravit; neque è vestigialibus attigit quidquā, nisi quod ab ipso Priore quotannis ad paucos è nostris alendos per eleemosynam præberetur. quin etiam eius fratris filio pensionem decrevit annuam aureorum ad quadringentos: quam tamē bonus ille Prior nequaquam admisit. ac ceteros item, quorum beneficiis prouocatus esset, eximio quodam studio & obseruantia prosequutus est.

## MANSVETVDO EIVSDEM ET COMITAS.

## CAPVT V.

**A**B omni fastu & moribus imperiosis vehementer abhorruit. vestigiū in eo cōtumaciæ cerneret nullum, & quod difficillimum est, lenitatem ira cum grauitate miscebat, vt neque facilitas de auctoritate neque seueritas quidquam de suauitate detraheret. Parisiis per iocum inuitatus à nobili quodā, vellet ne iudiculis ludere; (quibus in oblonga mensa per angustum fornicem eburnea pila trajectitur) Ego verò ludam, inquit Ignatius. At enim qua sponsione, subjicit ille. qui pecunia carcas? Tū Ignatius: Hac sponsione, respondit, vt certo vtrique dierū numero tibi deseruiā: verū tamen, arbitrato tuo, si viceris tu; meo, si superior ipse discessero. Cū ea conditio placuisset; Age sanē. in certamen descenditur. cumque nihil minùs calleret Ignatius, diuinitus factum est, vt in singulos omnino trajectus victor euaderet: subinde exclamante aduersario, se merito plecti, qui Ignatium prouocasset: seque diuinum iudicium prorsus agnoscere. Peracto deinde certamine, victum victor ab inanibus cūris & occupationibus in aliquot dies abductum, è sponsione, spiritualibus exercitationibus diligenter excoluit: torpentemque situ ac deliciis animum ipsius ad salutarem Dei merum æternæque vitæ cogitationem excitauit. Veneriis Patauium pedibus cū iter haberet, domestica eaque admodum attrita lacerna ob inopiā indurus, Iacobo Laine comite; pecuarius quidam puer, qui à via non longè armenta pascebat, conspectis eminus peregrinis, ad eos repente propius aduolat: habituque forlasse nouitate per-motus, defixis procaciter in Ignatium oculis, cachinnos tollere, eidemque licentiùs caput illudere. cumque Ignatius vultu placido subsicisset, conuersus ad eum comes? Quin, ait, acceleras gradum pater, teque istius pueri petulantia subtrahis? Immo verò, inquit ille, cur puerum oblata sibi præter spem hac tanta oblectatione fraudemus? Itaque consultò etiam diutius

hæsit in iisdem vestigiis, ac se curiosius intuendum ridendumque affatim proteruo adolescentulo præbuit: plus nimirum ex hoc qualicumque sui contemptu ac ludibrio hauriens voluptatis, quàm alii ex vulgi plausu faustaque acclamatione percipiunt. Atque hunc mansuetudinis tenorem diligenter in omni vita seruauit: ac satis constat, annis ipsis triginta, quibus Christum sequutus est, neminem prorsus ab eo fuisse non modò contumeliosè tractatum, sed ne appellatum quidem acerbius. Si quid præciperet, roganti erat propior quàm iubenti. Alloquendi verò eius causa nihil erat necesse tempus opportunum, aut molles captare aditus: qualibet adiisses hora, siue corpore melius haberet siue deterius, prosperis æquè atque aduersis in rebus & accipiebat benignè, & patienter ad finem vsque sine interpellatione audiebat: ac nullum quamuis infimæ sortis hominem stare coram se, nedum aperto capite patiebatur esse, nec modò ex destinato congressu, verum etiam ex occurso fortuito, fratres ita lætis intuebatur oculis, ut vel ex hoc, insitam animo in omnes beneuolentiam satis ostenderet. Amicos præterea, tum domesticos tum externos, interdum ad prandium aut cœnam, siue, ut appellabat ipse, ad pœnitentiam inuitabat; nec repudiabat si quis ultro se offerret: quin etiam interuenientes cœnæ vel in ipso iam exitu nihilominus iubebat accumbere, & frustula panis ipse carpendo, & simulanda appetètia, conuiuium consultò extrahebat, quoad nouissimus quisque sine rubore aut sollicitudine peritium absolueret. Si quis ab eo quidpiam sibi aliusve peteret, vel dabat hilarè, verbis etiam, quod adiunt, munus exornans; vel si abnuerer, causas afferebat eiusmodi; ut ille sese contemptum nullo modo existimare posset, ac tanta ipsius erat in eo genere vel efficacia vel suauitas, ut qui ad eum legati à quopiam venerant, cum id quod volebant, minime impetrassent, Ignatii rationibus interdum trauicti pacatiusque discederent, ut ultro ipsi mutata ratione apud eos, à quibus missi fuerant, ipsius causam pertinacissimè tuerentur.

## GRAVITAS EIVSDEM, ET IN CVSTODIA

### DISCIPLINÆ SEVERITAS.

#### CAPVT VI.

**A**B hac porro comitate, quemadmodum austeritas, sic etiam leuitas omnis ab erat & ineptia. Ita enim cōpositus fuit moribus, ut neque manum neque oculum membrumve aliquod sine causa & ratione moueret, & in statu, incessu, accuba-

accubatione, sessione, decorum teneret. Iam in loquendo fuit adeo consideratus & parcus, ut nullum planè verbum nisi consulto ac meditato proferret. neque figuris vel amplificationibus utebatur, sed rei gestæ seriem & rationum momenta sine fuco exponebat. qua simplicitate plus valebat in persuadendo, quam alii calamistris & lenociniis. De se ipso, deque suis rebus, nisi necessitas cogeret, vel Dei gloria postularer, nihil dicebat umquam: ab aliorum verò factis dièsiue exquirendis, nisi ad suam curam spectarent, omnino abstinerebat. Consueverat etiam eos reprehendere, qui de soluta Ecclesiæ disciplina deque emendandis Principum moribus temere disputarent: quam tentationem se fugasse dicebat consideratione extremi iudicii, & eorum quæ tali tempore à semetipso propriè exigenda forent. quæ si pro se quisque reputaret, haud ita facilè homines in aliorum vitam inquisituros. Denique tanta inerat in eius sermone provisio, tarditasque longo usu parva, ut cum biliosus ac prætervividus esset natura, pituitosus ob id ipsum ac lentus haberetur à medicis. Atque hi mores, cum admirabili vitæ sanctitate cōiuncti, incredibile est, quantum illi cōciliarent venerationis. nam ut quisque intimus erat Ignatio, ita suspiciebat eum maximè. Ludovicum quidem Consaluum Lusitanū, qui domus Romanæ minister aliquandiu vixit, magno rerum usu, magna prudentia virum, dicere solitum accepimus: antequam cum Ignatio coram egisset, præclare sese utique de illo existimare solitum, qui tali Societati præficeret, at verò, postquam ipso familiariter usus est, Societatem magnificere cepisse, quā Deus tali præfide ac moderatore donasset. Iacobus verò Laines, qui proxim⁹ ab illo Societatis gubernacula tenuit, ceterique Patres, quamvis humanissimè cum illis Ignatius ageret, tamen eximiam viri virtutem ira reverebantur, ut bene moratos vel parenti liberos, vel magistrō discipulos, ad stare diceres. Quò si quādo, (quod tamen en perrarò fiebat) rei necessitate coactus, vultum indueret seueriorem, & aliquem increparet asperius; tanta erat vis pondusque verborum, ut contrà ne hiscere quidem auderet quisquam. idque præsertim in causa viri cuiusdam insignis apparuit; qui cum turbulentior esset, quàm ut eum diutius ferri oporteret; cumque eius animum Ignatius blandis monitis præceptisque nequicquam sanare tentasset, ad extremum oratione conuersa, diuinam testatus iustitiam, ac cœlestis iræ minas intèrans, tantum ardorem spiritus præ se tulit, ipsi ut parietes testæque non dubio motu nutare & concuti viderentur. quo terrore percussus qui aderat, illico procubètes, Dei pacè precibus ac votis expos.

exposcere. Ipse verò qui accusabatur, exanimis ad pedes Ignatii se se confestim abiecit, ac supplex confusa voce, culpæ veniam petiit, seque posthac in officio fore pollicitus est. Continebat autem in disciplina cum cæteros omnes, tum eos maximè, qui vel insigni eruditione vel generis nobilitate præstarent: quippe quorum dicta factave ad exemplum in omnes partes valeant plurimum. Orium verò, ut omnium viciorem formam ad seminariū, in primis oderat: itaque duos trêve rei familiaris adjutores, cum ad januam alieno tempore confabulantes à superiore loco aspexisset, illico iussit æternum lapidum in proximo situm in summam ædium contignationem sine cunctatione transferre, eosdè tercio post mense cum ibidem iterum oriantes animaduertisset, illam ipsam lapidum congeriem ut in eundem locum referrent, unde asportauerant, imperavit: amicè insuper admonens, nihil in Dei famulatu periculosius esse desidia. Cum quendam in tradito sibi munere valde remissum atque osecitante inuenisset, quæsiuit ex eo, cum in tali ministerio daret operam, Deo ne, an hominibus cum ille se Deo utique deseruire dixisset: Plecæria igitur, inquit Ignatius; nam in rebus humanis minùs accuratè versanti iure forsitan ignouerit quispiam; at immortalis Deo ministrari negligenter, id verò nullo pacto ferendum est. Spectaculis publicis, quamuis aliqui licitis, vel etiam sacris, adesse nostros non ita facilè permittebat. quod si qui, facta potestate, se ad ea conferrent; eos etiam atque etiam iubeat, sine vllò arrogantia seu leuitatis indicio modestiam ac submissionem tenere; cedere omnibus, & infimum semper locum (nisi aliter à circumstantibus cogereantur) eligere. Cum è Romano ab se nuper instituto Collegio adulescentes quosdam solutiùs in publico ambulantes vidisset; castigandos curauit palam, hortandòsque graui oratione, ut quem haberent insitum animis pudorem ac verecundiā, cum externo item corporis habitu præ se fererent: & quoniam Apostolo teste spectaculum facti essent omnibus, canerent etiam atque etiā; ne superuacanea locutione; curioso oculorum obtutu, aliòve incondito gestu motuue corporis, quemquam offenderent; præsertim cum eo de genere toto, multa cum preceatione lacrymisque, conscripta pulcherrima ipse præcepta paulo antè edidisset. Nihil noui moris in Societatem induci se infcio est passus: principisq; vigilanter & acriter obstitit: quippe qui exempli vim nosset, & rerum incrementa fallentia. Quosdam, qui ad vincam in iussu iusserant pila, laicum etiam saponem manus lauantem, haud impune abire permisit; sediciosos verò, & alienæ laudis obestatores;

& rerum



et rerum novarum cupidos, non diu tulit: sed omnia expertus, quæ ad reuocandam dubiam indolem, & pejore loco positam facere viderentur; si parum proficeret, ad extremum è Societate pellebat. neque per ea tempora carcerem compedisse in Societatis mores induci permisit, negans, qui vinculis constringendi forent, eosdem esse ad nostrum institutum idoneos. itaque custodia loco januam ostentare consueuerat, acciditque aliquando, ut iusta de causa complures adolescentes exauctoratos una dimiserit, atque huiusmodi ferè (quod silentio prætereundum nõ est) è Societate pulsi homines exitialem exitum sortiti sunt, satisque constat, alios inter symphoniam lasciuè saltantes repenti occidisse, alios contracta rixa interfectos, alios denique alio miserabilis lethi genere periisse. In puniendo autem id sequebatur in primis, ut noxæ responderet animaduersio, & in suo quisque vicio plecteretur: superuacanea verba silentio, ignauiam labore, honoris cupiditatem ignominia lueret; ac ferme animaduersionum Ignatii genus erat illud: circulum humi describere, ex quo noxiù se iniussu excederent: colloquiis certorum hominũ nominatim interdiceret, verberationes ad præfinitum temporis spatium injungere, & alia eiusmodi. Noxas autem leuiiores & quotidianas intelligo; cuiusmodi in homines etiam studiosos perfectionis cadunt: nam grauiores Ignatius minimè tolerasset. Solebat etiam fontibus, ad humilem mensam in triclinio accumbentibus; oburgatorem inducere, infimæ plerumque conditionis hominem; sed ingeniosum & acrem; qui cunctis audientibus vitia reorum increparer, exprobraretque religionis annos & negligentiam; idemque ceteros. carptim nec opinantes repenti perstringeret; nimirum edomandæ superbix causa, mentisque è pigritiæ veterino excitandæ. Sed qui deliquerant, priusquam ex consuetudine punirentur, quàm lenissimè operam dabat, ut suam ipsi culpam agnoscerent; atque ultro sibi met multam irrogarent: quæ tam si grauior videretur, confessione contentus; ita moderabatur, ut multum sæpe de acerbitate minueret.

#### DE EIVSDEM ANIMI SVBMISSIO, ET QVIDNAM DE VERTUTE OBEDIENTIÆ SENSERIT.

#### CAPVT VII.

**N**EBAT, suo quidem iudicio, quemquam probè intelligere, quàm vehementer in se quisque diuinæ bonitatis operationem impediat: quantæ illius beneficia & dona per cordiam

cordiam ignauiamque corrumpat. quo crimine sese accusabat in primis, atque ita de suis demissè & humiliter sentiebat, ut se mortalium omnium infimum & opis diuinæ maximè egentem putaret: sibi que cæteros omnes ad virtutem pietatemque & exemplo & incitamento fateretur esse. Priuatæ verò vitæ quanto desiderio teneretur, & initio declarauit in recusando magistratu; & deinde, cum ut redigeretur in ordinem, aliûsque sibi succederet, omni ope contendit. quod tamen consequutus non est; tamen obedientiæ studium, quibuscunque rebus potuit, semper ostendit: Romano quidem Pontifici, cuius in verba præcipuo Sacramento iurauerat, ita erat præstò, ut ad ipsius nutum sese paratum exhiberet confecta iam ætate, vnius baculi adminiculo, pedibus quocumque opus esset peregre proficisci, vel etiam nauigium ascendere planè exarmatum, seque, eodem Pontifice iubente, mari vtriusque sine vlla dubitatione committere. Quem ipsius animum vir quidam primarius cum haud satis probaret, & in eiusmodi re consilium prudentiamque requireret; prudentiam quidem, non obedientis, verum imperantis esse, respondit Ignatius. Et sanè cum in Societate nostra virtutem hanc cæteris omnibus anteferreret; tum nihil huic laudi tam contrarium dicebat esse, quam in superiorum iussis & consilio examinando moram, vel potius arrogantiam. negabatque obedientis nomine dignum haberi oportere, qui legitimo superiori non cum voluntate iudicium quoque submitteret. Id enim deum esse Deo gratissimum holocaustum, cum omnes animi vires, ac præsertim intelligètia & mēs, quæ summū in homine obtinent locum, in obsequium Christi coguntur: qui verò inuiti ac dissentientes, actu exteriori dūtaxat, iussu præpositorum exsequerentur; hos inter vilissima mancipia vel pecudes potius numerandos aiebat. Exstat eius epistola ad socios Lusitanos in hanc sententiam scripta, (qua nihil ego quidē in eo genere vidi subtilius) quam qui accuratè perlegerit, facillè intelliget, quàm iure Ignatius tantum huic vni mentis & rationis obsequio tribuendū putarit. Quin etiam in sermone quotidiano sæpissime usurpare consueuerat; qui ad superioris nutū, volūtaris propensionem solummodo, nō etiā iudicii consensionē accommodarent; eos altero tantū pede intra religionis septa versari. Neque verò eiusmodi præcepta verbis tantū explicabat ille, sed; quantum ei res & persona concederet, etiam factis. Medico quidem, quoties ægrotaret, ita se dicto audientem præbebat, ut eius monita pro oraculis duceret, & quodammodo prudentiam penitus exuisset, & omnem suæ salutis curam

curam & sollicitudinem in eundem projecisse videretur. Cū sto-  
 nacho grauíssimè laboraret aliquando, ex nimio videlicet hepa-  
 tis calore, vt suprà diximus; adhibitus medicus, quo domus eo tē-  
 pore utebatur adolescente nec peritissimo, frigidæ corporis con-  
 stitutioni causam illico tribuit. nec mora, quidquid excogitare  
 potuit ad corpus & præcordia calefacienda, præscripsit. ac primū  
 fenestras foresque cubiculi, ne quid afflaret aurē, obserari diligē-  
 ter iussit; deinde languentem multa sub veste continere sese; po-  
 stremò quàm calidissimo cibatu & exiguo mero, sed quàm auste-  
 rissimo refici. quæ omnia Ignatius licet sibi, non leuibus argu-  
 mentis, minimè accommodata sentiret, ac medicum ipsum nec  
 litteratissimum neque exercitatissimum sciret esse; tamen ne cū  
 extremo quidem vitæ periculo contra eius edicta nihil vīquam  
 effatus est. Æstas erat summa: calores vt in vrbe maximi: ingenti  
 stromatum pondere premebatur Ignatius: manabat ē membris  
 omnibus tanta sudoris copia, vt culcitæ ac vestes maderent; ac  
 nihilominus ex præcepto se intra calida fomenta cohibebat æ-  
 grotus; ardebat siti, nihil omnino poscebat: discruciabatur dolo-  
 ribus acerbissimis, nullam edebat vocem; linquebatur animo in-  
 terdum, neque tamen significabat; denique peruersa curatione  
 eò adductus est, vt cū vltimum sibi discriminē adesse intelligeret,  
 Societatis administratione Patribus delegata, aditu cubiculi do-  
 mesticos prohiberet omnes, vno excepto valetudinarii curatores:  
 atque id demum exstitit signum, desperata iam valetudine, se ad  
 vitæ exitum comparantis. Itaque Patres in re tam subita consiliū  
 habito, cū non deessent, qui medici præsertim junioris placita  
 reprehenderent; Alexandrum Petronium, ætate prouecta virum,  
 & medicæ artis laude præstantem, exemplo acciri iubent. Is vt  
 inspexit Ignatium, genusque & ordinem adhibitæ medicinæ co-  
 gnouit; per summam indignationem vociferatur, hominem ca-  
 lore necatum esse: pandi confestim fenestras & ostia, leuari stra-  
 gulis lectum, frigidæ haustus affatim dari æstuanti imperat: quæ  
 res prius medici inscitiam planè coarguit; siquidem refrigerato  
 hepate, ventriculi tormina quicquēre, & obedientiæ meritis Pater  
 auctus, pristinam insuper valetudinem breui recepit. Rursus, cū  
 ieiunia cineralia seu *Quadragesimam* quamuis affecto corpus-  
 culo perseueranter nihilominus obseruasset; ipsa denique feria  
 quarta sanctioris hebdomadæ febris correptus est, nec dubitauit  
 idē Alexāder, quin totum id ex imbecillitate nimia proueniret;  
 quocirca pulli gallinacci esum ad vespēram illi præscripsit, abiit-  
 que admodum incertus animi, vtrum Ignatius tali tēpore iussa  
 facturus

facturus esset. redit deinde postridie, quæritque sollicitus, num se refecerit pullo. cum annuisset Ignatius: Fatebor, inquit Alexâder, ingenuè id quod res est. Complures non custodita solemnî abstinentia nihilominus hoc triduo in morbum incidere. quibus ego cum accersitus, carniûm cibarum indixerim, vix ægreque ab his impetraui ut obtemperatêt; propterea quod per hos dies carniibus vesci nimis graue piaculum ducerent: tu contra, peracto iam pænè curriculo, ad ipsas metas meo monitu nō reculasti desistere; hoc ego, Pater, satis mirari non possum. Ad ea Ignatius serena fronte, quæ animi tranquillitatem indicaret: Atqui obediendum est, inquit, nec plura in eam sententiam effatus est. quo responso mirificè delectatus Alexâder, & sanctitatē viri magis magisque suspiciens, totā rei gestæ seriē ipsemēt mihi deinde narrauit. Atq; ad sapientem hanc sanctamq; stulticiam cœcæ, ut ipse appellabat, obedientiæ; suos, ut essent ad subita ac seria promp-  
tiores, interdum fictis etiā in rebus erudiebat. Sacerdos quidam, edito iam signo, paratûs ad sacrificium, & calicem tenens, cū ē vestiatio pedem efferret, per nuntium ab Ignatio, qui totā rē ē propinquo obseruabat, repentē iubetur, sacro deposito ornatu, palliû sumere prodeûdi causa. Paruit ille sine tergiversatione, ac palliatus Patri confestim apparuit. Tum Ignatius quærit ex homine, sit ne ægre passus, in procinctu iam ad immoladû subito se juberi sacra deponere vestimenta, remque diuinam omittere? Cû ille se ne tantûlum quidem esse commotûm affirmaret: Atqui me, scito (inquit Ignatius) non quo te in præsentia opus habeam, sed periclitandî rui obsequiû gratia id fecisse de industria: & sic habeto; plus te sacrificio deferendo esse meritum, quā si id ipsû, ut destinaueras, illico peregisses: nā & si altaris mysterium tanti apud Deum est, quanti profectò est: tamen, ut scriptum legimus, melior est obedientia quā victimæ. Quendam etiam, cû maximè confessionem nobilis cuiusdam exciperet, consultò vocari ad se iussit. cû ille se peracto mysterio mox affuturum dixisset: accersit eum denuo: at ipse nihilominus cōfidentis rogatu hæsit paululum. ac venienti demû Ignatius: Ita ne verò iterum, inquit, euocandus es? Et grauioribus verbis accipit hominē: non quo illius tum quidem opera egeret: sed obseruantiam & agilitatem expetiri voluerat. Sic enim aiebāt: cupere se, quemadmodum cæteræ Deo dicatæ familiæ, ex iussu tuo aliæ paupertatem, aliæ silentiû, aliæ psalmodiam, aliæ deniq; aliud præcipuo studio colerent: sic in Societate nihil haberi prius aut potius alacritatē amorēque parendi: & maximè propriû in signe  
nostro.

nostrorum hominum esse Obedienciam, quippe quæ diuo Gregorio teste, virtus vna ceteras omnes animo virtutes inferat, inferatque custodiat. Hisce ergo artibus, & huiusmodi, subinde alumnos exercere consuevit: vt ad quamlibet Præfecti vocem aut significationem parati, vel inchoatum apicem in scribendo relinquerent: seque expeditos, vbi opus esset, illico sisterent.

## PAUPERTAS EIVS ET CASTIMONIA.

## CAPVT VIII.

**V**OLUNTARIAM paupertatem (quam ille religionis murum appellabat) ad extremum vique constantissime coluit; nec modo ipse proprium habuit nihil, sed ne alios quidem, quamuis genere nobiles, ac deliciis olim assuetos, quidquam habere permisit. quin etiam quemquam in professa domo apud Germanicum Romanumve Collegium nisi admodum raro & iusta de causa prohibuit vscii: quo nimirum, si opus esset, iurare verius posset, nihil omnino ad ipsam domum ex Collegiorum fructibus peruenisse. Pauperem autem spiritu cum sibi denique aiebat videri, qui erga ea quibus vteretur, sic esset affectus animo, vt instar statue cuiusdam videretur esse, quæ nullo pacto resistit recusare, quominus omni quauis pretioso amictu & ornatu confestim exuatur. Castitatis verò laudem Dei beneficio tantam adeptus est, vt ex quo die sese in beatæ Virginis fidem ac patrocinium contulit voto nullam, vt initio dictum est, deinde, quamuis præferuidus natura, carnis tyrannidem senserit. Porro in Societate nobilissimam hanc virtutem tanto studio custodiri volebat, vt nihil omnino neque in dictis neque in factis lasciuiæ aut petulans appareret: ac quoad fieri posset, nostri cælestem vitam in terris agerent, ab omni corporis contagione sejuncti. Quia etiam in scholis Terentiū explicari, (ni perpurgatus esset) quamquam optimum Latinitatis auctorem & Romanæ comœdiæ principem, veruit nominatim, quod cum videlicet parum verecundum ac parum pudicum arbitraretur. Noluit igitur ea lectione puerorum animos imbui, ne plus moribus noceret, quam prodesset ingeniis; ex quo facile existimari potest, in cæteris rebus quam accedens & vigilans custos pudicitie fuerit.

## ÆQVITAS ANIMI, ET CONSTAN-

TIA EIVSDEM.

## CAPVT IX.

**A**DVERSUS ea quæ videntur acerba, & contra omnes varietates quæ in vita versantur, animo fuit semper ita præfenti, vnuquam vel à statu naturæ vel à religiosi dignitate discederet. Romæ cum apud nobiles quosdam, ut solebat, de rebus diuinis familiaritèr ageret, instituto iam sermone, trepidus ab domo nuntius ei repente in aurem insuffurat, litteras in domesticam suppellectilem à creditoribus immixtas, cuncta miscere & cussere, vix ab eis impetratam sustineret tantisper, dum ipse tota de re ceteris fieret. His auditis Ignatius: Bene habet, inquit, & inchoatam disputationem admirabili tranquillitate animi absoluit. Querentibus deinde amicis quid subitæ rei accidisset: Noster, inquit, æconomus, ad necessariam ædificationem arte alieno contracto, in præsentia soluendo non est; impatientes moræ creditores ad auferenda pignora ministerium forense miserunt; ii petere dicuntur omnia; sed morēs nō mouet; nam strata si abstulerint, humi pro nostra paupertate cubabimus; vnu vereor, ne inter tumultum, commentarii de religione pereant, magna curâ & labore confecti: hos ego sanè velim saluos; cetera negligo. Tum ii qui aderant, Patris patientiam admirati, facilius indignum exclamant; domum nostram aduolant; prædesque pro Ignatio facti, satellitum proteruitatē magno cūritio cohibent; neque ea res cuiquam amicorū fraudi fuit: siquidem aureis ducentis ab Hispano doctore, cuius modò meminimus, Hieronymo Arrio, & quidem quid accidisset ignaro, postera die submissis, nullo ipsorum incommodo res alienum est persolutum. Suscepta negotia in finem usque persequenter urgebat; neque verò, quos sibi locios expeditionum assumpserat, torpere patiebatur. Vbi de necessarium iter vel quid aliud grauioris momenti destinasset, diem certam, præsertim si postularer occasio, nulla vi repestans aut alia quauis difficultate deterrebat, quominus ad constitutum tempus cogitata perficeret. In adeundis principibus viris, quod ille necessariū & sæpe faciebat, cunctas aulae molestias, & indignitatem, & aulicorum contumaciam deliciasque vorabat alacritate mirabili; acciditque aliquando, ut aditu exclusus, commodam admissionem horas ipsas quatuordecim ieiunus obsederit. Si quid, re bene perspecta, consiliariis etiā

ad.

adhūbitis, decreuisset, hanc ita facile se ab eo deduci patiebatur. Ad Ecclesiasticam disciplinam pro sua parte adiuuandam statuerat, ne quis ex aliis ordinibus, quamuis eruditione, aut eloquentia, aut alia qualibet laude clarus, in Societatem admitteretur: quineciam si quis per imprudentiam irrepserat, qui vel diē vnū in alienis castris fuisset, contrā nitentibus interdum adueniē propinquis, amicisq̃ue graciosis, remittebat ad pristina signa, vel si minūs parēret, certē ē Societate pellebat: ne ceteri nimirum ordines de nobis conqueri possent, aut Societas quasi quoddā per-  
fugium desertoribus esse putaretur. Neque minorem animi fortitudinem præstitit in iis tuendis, quos, probato ipsorum spiritu & vocatione, in Societatem adscripsisset, quorum constantia cū à patentibus (vt sit) per amplissimos etiam viros acerrimè interdū oppugnaretur; Ignatius, vbi opus fuit, corā summo, ipso Pō-  
tificē, suorum causā contra opes & gratiam, diuino fretus auxilio, sine vlla dubitatione metāve, non solum defendit, sed etiā obtrinit. Itaque principes etiam viros Iulius III. Pontifex maximus festiuè ad monebat, ne cum Ignatio contenderent; vtrique nū-  
vellent ē certamine victi discedere. Cū lege cauisset ne quis ē nostris vel exequiarum, vel sacrificii, vel cuiuspiam omnino mi-  
nisterii nomine pecuniam aut elemosinam vllam acciperet, ne-  
dum cogeretur eam ipse legem diligenter sanctēq̃ue in omni vita seruauit: neque commisit vnquam, vt fidem suam, in rebus præ-  
sertim sacris, temere obligaret: vel (quod vitandum est maximè) specie pieratis quædam facere videretur, quo in genere illud in-  
signe memorant: Grauitè agrotabat ætate iam deuexa, idē Hieronymus Artzus; ad hunc, visendi causa (fuit enim in colen-  
dis amicitiis diligentissimus) cū venisset Ignatius, hominēq̃ue benigno & spiritali alloquio recreare conatus esset: ille de  
furura vita sollicitus, aureos ducentos ad piacularia sacra pro se  
facienda sudario inuolutos institit Ignatio obtrudere; quos cū  
obsecrato animo reieciisset Pater, quoddā diceret se alieno pericu-  
lo doctum, ab huiusmodi conuentis iam pridem abstinere, neque  
plus oneris velle suscipere, quā quantum præstare cū fide pos-  
set: admiratus ille sanctimoniam & integritatem viri, eam ipsam  
summam paulo post ad eundem sine vlla conditione transmiſit.  
Tum Ignatius sponte complures hostias ad expianda amici pec-  
cata decreuit: neque in officii & caritatis, certamine vinci se ab  
laico passus est. Pacem & concordiam (quoad officium & Dei glo-  
ria pateretur) non modò cū suis, verū etiam cū alienis omni cura  
studioq̃; retinuit semper; & cauit ne, aut per se aut per suos, factū

dictōve quemquam offenderet. Cū Martinus Olavius, qui collegio Romano annos aliquot magna cum laude præsuit, excellenti vir ingenio doctrinaque, theses aliquot de more proposuisset, in quibus erat caput de Immaculato, ut appellant, Conceptu beatæ Virginis; licet ea de re Ignatius pro sua egregia in Deum & Virginem pietate minimè dubitaret, tamen ne Fratres Dominicani, qui ad disputationē inuitabantur, id ægre ferrent, seque nominatim prouocari putarent, (cōtrariā enim sententiam auctore D. Thoma tuerentur eorum plerique) eam thesē induci tollique omnino imperauit. Anno Christi nati M. D. LIII. cū Societas in Hispania, Deo adiuuante, maiorem in modum cresceret; grātia in nostros crimina repente conficta ab iniquis, & Exercitiorum spiritualium præcipuè liber in suspicionem apud sacros Inquisitores magno apparatu artificioque vocatus est; quonūntio Romam allato, multi auctores Ignatio fuere, ut se suosque omni ope tueretur; accusatorum calumnias & improbitatē in tantō præsertim suæ existimationis ac famæ periculo redargueret. At ille, conscientia testimonio ac Dei bonitate subnixus, nihil extimuit, remque rotam sine vllō tumultu magistratibus cognoscendam reliquit, quorū opera & veritas breui patuit omnibus, & ex eo tempore Societas in iisdem provinciis feliciores in dies habuit progressus. Nec minor anno insequente in nostros, qui in Gallia versabantur, procella defæuit. Siquidem graui ab aliquot illustribus Theologiae doctoribus decreto proposito, usque adeo lacerata ac tantam in inuidiā adducta Societas est, ut eam nō modò profanum vulgus, verū etiam concionatores ipsi quotidianis probris & conuitiis è superiore loco proscinderent. Ei decreto criminibusque scripto refutandis cū se aliquot è nostris Ignatio paratos offerrent; ac res indigna minimeque toleranda cunctis videretur esse; verbis ex Euangelio desumptis Ignatius: Pacē, inquit do vobis: pacē meam relinquo vobis: neque certamen cum aduersariis vllō pacto suscipi est passus, quod diceret, proculdubio fore, ut ipsa dies & nostrorum innocentia satis probaret, & inimicorū cogitationes & consilia frangeret: id quod nō ita multo post Dei beneficio est factum: nam & accusatio tota breui consenuit, & ipsis criminationibus illustrata Societas radices in iis regionibus egit altiores. Admirabilem verò facilitatem, vel potius animi altitudinem, Romæ ostendit. Pater in acerboissimis vicini cuiusdam iniuriis perferendis; namque is, ut nostros in proximam sibi domū immigrasse cognouit; cū Ignatium locis que, ut alii multi, sine causa pessimè odisset; una re valde



valde lætatus est, quod vendendi suas ædes, quippe nostris valde opportunas, & conficiendæ pecuniæ præclaram sibi occasionem oblatam putaret. Ergo, ut peregrinum ad condiciones quamlibet iniquas cogeret, variis artibus patientiam hominis exercere cōstituit: ac primū in atrii cuiusdam interjacentis, quod finibus nostris contineri constabat, possessionem impudentèr inuasit: neque tamen Ignatius eam rem iudicio persecutus est. In id atrium deinde pavones & alia demisit altilia; quæ obuersis in eam partem cubiculis nostris molestissimo clangore diu noctuq; obstrepent: nequaquam exposulauit Ignatius; eidem, triclinii parietes in eam partem luminis causa perforare volenti, per summam contumeliam restitit ille: nihilominus quieuit Pater, atque ob id ipsum cæco aliquot annos triclinio est vsus. Cū hæc maxime ageret vicinus, vltro Ignatium ac socios tota Vrbe institit criminari, bipedumque nequissimos & cupidissimos dicere, qui in alieno solo, non contenti malè parua ingenti pecunia, domibusque per falsam religionē occupatis, possessiones in dies continuare, seque ipsum patriis ædibus pænè per vim exturbare cōtenderent. Quæ res cū delatæ ad Ignatium essent, non modò sedato animo tulit, ut cætera, sed etiam ex eo die Dominum deprecari pro aduersario cæpit ardentius. Denique cū ille diuturna importunitate nostros ad quamlibet iniquum pretiū perduxisset, & piorum subsidiiis domus tandem esset cōempta, ita ex ea migravit, ut, quasi mox æquanda solo esset, sic omnia inde feramenta, fores, fenestrarum obices, atque aded elaborati lapidis quidquid potuit, secum asportauerit; neque tamen grauius ea de re questus Ignatius est, neque tali homini, aut vlli omnino mortalium, vllō vmquam nomine licē intendit. Neque verò ab hominibus tantū, sed etiam ab ipsis pænè temporibus, inuictum animū præstitit; siquidem nulla vmquam vel domestica inopia vel publica annonæ caritate adduci potuit, ut cōtra Christi consilium de crastino sollicitus esset; aut, qui nomē Societati profiterentur, modò ad institutum idonei forent, eos, quamquā ingenti pressus familia, repudlaret. Atque hoc eo magis homines mirabantur, quod illo ipso tempore viri locupletes ac principes, inopiæ metu, multos è domesticis cōuictoribus non sine rubore dimitterent. Itaque cū ex Ignatio quidā è familiaribus pro amicicia sciscitaretur, quid ita aliū diuites & pecuniosi in tantis annonæ difficultatibus familiā sumptusque minuerent, contrā ipse nullis vestigalibus, nullo certo seditu fultus, eandem augeret? Non satis attendis, inquit ille, quæ sit vis ac natura virtutis

illius, quam in Theologicis virtutibus secundam Apostolus numerat; cui, certis & exploratis in rebus, locus esse qui potest? Spes enim, ut idem ait, quæ videtur, non est spes: nam quod quis videt, quid sperat? Neque verò timendum esse, ne qui aves cali pascit, & agri lilia splendidissimo vestit ornatu, quæ neque serunt, neq. nect, neque in horrea cōgregant; idē suis operarius, in Ecclesiæ vinea nullo stipendio laborantibus, necessaria ad exigendā vitā alimēta deesse patiatur. Quod ille videlicet cum iam inde ab ipsa cōversione multis documentis præclare didicisset; tum verò post suscepta Societatis gubernacula magis magisque experiebatur in dies; quo in genere, ne sim longior, nonnulla subnectam: Cum in sumptus quotidianos aliquando esset opus præsentis pecuniæ; atque ad nescio quid cōmendum Ioan. Crucius rei domesticæ curatōr exisset; incerta etiam tum luce quidam ei repente sacculum auro plenum obtulit, ac nihil effatus, illico sese ē cōspectu proripuit. Ioannes verò, quæ erat simplicitate, ut auri speciem vidit, illusionem ac prastigias diaboli suspicatus, in proximam ad beatæ Mariæ supra Minervam sese recipiens, divinam opē suppliciter imploravit; domum deinde regressus, pecuniā inspectā & formā & materia probam repperit; Deique clementiā ac benignitatem admirans, in ea quæ destinaverat, sine cuiusquam damno vel molestia insumpsit. Idem, cum in magnis rei familiaris angustis Deo superisque in Laterano supplicasset; in reditu ad Colossæum theatrum illi subito vir quidam ignotus ante oēs ceptum in manum dedit, ac statim apparere desit. Quare Ioannes non tā lætitia quàm horrore persusus, pecuniā demum attulit. Ignatius verò grātiās quidem egit Domino, sed talibus iam pridē assuetus, nihil rei novitate commotus est. Rursus nostris pecuniæ inopia laborantibus, quidam ē Patribus dum nescio quid exquirat in arcula tomento scrutisque vilissimis plena; nihil minus opinanti venit in manus chartaceū inuolucrum aureis repletum ita nitidis atque micantibus, ac si tum primum ex officina prodirent; quo tam insperato subsidio præter egestati peropportune subuectum est. Quodam die sub vespere, cum domi panes, vinum, ligna penitus defecissent; post diei manē; præter omnium expectatōnē; a nobili matrona vehes lignis onusta submittitur; ea ligna dū in cella vinaria, ut sit, cōdit ianitor, ianuam domus patente reliquit imprudēs recordatus deinde; cum ad occludendū accurrisset, repente modius aliquot frumenti & vini cados in ipso vestibulo reperit; neque adhibita quantavis diligentia unquam resecire potuit, quis eā dona misisset. Hæc igitur &

alia

alia eiusmodi subinde accidebant, quæ, politico supercilio rem estimanti, friuola cuiuspiam fortasse videantur; sed certè & paternam in famulos, Dei providentiam satis declarant; & Ignatii securitatem atque fiduciam ab omni stultitiæ vel temeritatis infamia vindicant.

## EIVSDEM RATIO GVBERNANDI.

## CAPVT X.

**I**N consilio capiendo, & rebus gerendis, cum Deum semper, ut dictum est, accurata supplicatione consulere, tum verò (quod mirum forrasse cuiuspiam videatur) non pietatis gustu, sed rationis ductum præcipue sequebatur: ut non ratione spiritus dulcedo præiret, sed dulcedinem ratio. Hoc enim aiebat vno maximè belluis homines antecellere, quòd hi ratione vrantur, illæ nequaquam. Idem ad exsequenda consilia, quoad fas esset, omnes artes & humana præsidia sic adhibebat, quasi omnem spem in iis repositam haberet; rursus ita Deum orabat, & ex eo pendebat vno, ac si nihil omnino in rebus humanis: opus aut per fugi collocaret; atque hoc pacto (quod longè optimum ac perfectissimum est) prudentiam cum pietate iungebat; ipsa quæ negotia, tanquam onera paribus examinata ponderibus, quamuis difficili ac lubrico itinere, ad optatos plerumque exitus perducebat. Ad consultandum autem illud observabat in primis, ut in quaque re semper eius rei peritissimos adhiberet; quæ communicatione ac lenitate nimirum assequebatur, ut & rationes iniret optimas, neque in arte sua se quisquam ab eo vel prætetitum, vel contemptum, iure conqueri posset. Ac cæteris etiam in rebus videbat etiam, atque etiam, ut vniuscuiusque dignitatis, ætatis, ac meriti ratio haberetur. Petronius erat Pisautensis, qui ante aliquot annos mortuus est; egregia pietate & virtute presbyter; is, cum tres minores natu germanos fratres ad Societatem suis adhortationibus perduxisset; eum semper Ignatius adolescentulis loco parentis ac prædis voluit esse: neque de iis grauius quidquam, nisi ex illius auctoritate ac sententia, statui passus est. Ad officia vel negotia, quæ per se obire non posset, cum viris principibus transigenda, viros eligebat, rerum usu ac dicendi copia præditos; atque iis ita vel scripto vel verbis in data dabat, ut liberum iis omnino relinqueret, ac cum in rem præsentem venissent, suo ipsorum arbitratu cuncta ex re & ex tempore moderari.

Idemque sub vesperam ad se redeunti cuiquam ex iis, cum rei gestæ rationem ab eo reposceret, primùm omnium: Satin' (aiebat) ex animi tui sententiâ quæ liberalitas hominis & ipsi caviæ proderat multum, & tuorum illi mirè deuinciebat animos: & eisdem ad exequenda negotia perquam alacres promptosque reddebat. Anno post Christum natum MDLIII. cum ad res in Lusitania componendas Michaelem Turrianum legaret, haud ita pridem in Societatem admissum, licet ei varias præceptiones ac monita ediderit configata litteris; tamen cum probe nosset fidem ac prudentiâ viri, non modò permisit, vt, cum in prouinciâ peruenisset, suo arbitratu cõsilia rebus apraret; sed etiâ permulta ei dedit folia pura, suo munita chirographo, quibus ille, prout opus esset, quidquid videretur, inscriberet; ac deinde obliuatas epistolas, cuicumque expediret, ipsius nomine redderet. atque hanc consuetudinẽ laxè cum procuratoribus ac nuntiis agendi semper magno cum emolumento retinuit. Quin etiâ præfectis inferioribus minimè malignè suum cuique ius ac potestatẽ imperire cõsueuerat: cauebatque diligenter, ne, quæ per eos agenda forent, vsurparet ipse; vel ea re quidquã omnino apud subiectos de illorũ auctoritate vel existimatione minueret. Verum tamen iis ita laxabat habenas, vt easdẽ adduceret quoties vellet; nec non in eorum instituta moresque & administrandi genus dissimulante inquireret. Exstat epistola ipsius ad Præpositum prouinciæ Lusitanie, in hanc sententiâ scripta; cuius mihi partem hoc loco inserere visum est: Neque verò Prouincialis aut Generalis Præpositi officiũ est, inquit, minuta quæque, ac temporaria præferim; in administrando sectari: sed cum ad personæ dignitatẽ honestius, rû ad tranquillitatẽ animi tutius est, ea præfectis inferioribus delegare, & rei cõfectæ rationẽ ab eis deinde reperere. Eisdem in meo fungendo munere id ipsũ sequor: atque huiusce consilii maiorẽ in dies fructũ capio, quippe eũ & labore & sollicitudine leuari me magnopere sentiam: ac tibi quoq; valde sum auctor, vt curas & cogitationes tuas desigas in commodis & salubre potissimũ vniuersæ prouinciæ: & in rebus quidẽ singulis ordinandis ac disponendis, cũ opus est, & ipse veriere, & hominum suo iudicio peritorũ sententiâ exquiras; cæterũ ab illis rebus per te curandis transgendisq; vt plurimũ abstineas; sed instar excelsi cuiusdam montis, orbes tibi subiacentos æquabiliter & cum grauitate ciere pergas: à quibus deinde, vt à proximis causis, propria cuiusque effecta proueniant: quod si feceris, & plura; & magis tuo muneri convenientia, sine tumultu ac trepidatione confeceris.

ris. Præterea illud est in hac ratione commodi, quòd si quid in a-  
gendo peccetur, eius peccati præstat in tuis administris, quàm in-  
te, relidere culpam: ac multo magis decet, quidquid ipsi delique-  
rint, corrigi abs te, quàm si tu eriaueris, (quod perfacile est singu-  
la curiosius persequent) te ab inferioribus emendari. Quod reli-  
quum est, nobis Dominus IESVS CHRISTVS ad ipsius voluntatem  
& clarè intelligendam & ritè exsequendam pro sua benignitate  
lumen ac vires impertiat. Romæ xi. Kalend. Ianuarias M D L i j.  
Hanc igitur Societatis gubernanda regulam instinctu planè di-  
uino tenebat Ignatius, eamque in omnes partes plurimu aiebat  
valere. Primum, quòd inferiores præfecti, quo plus credi tibi, &  
quo liberalius tractari se vident, eo libentiùs, ne videlicet huma-  
nitate vincantur, vltro ipsi cum superiore communicent deinde,  
quòd multo acriùs ac studiosùs versentur in opere: nam vt quis-  
que maximè suum habet negotium, ita summam in eius procu-  
ratione vigilantiam præstat. accedit, vt maior sit in dispiciendo  
ac statuendo claritas, maius auxilium Dei; quippe sicut in rebus  
communibus cum vniuersali præposito nomen cælestis præcipuo  
favore conspirat, sic idem proprii cuiusque præfecti muneribus  
suo quodam ac peculiari munere assistit. quorum si facultas &  
auctoritas à superioribus nimis arctè circûscribatur, & quæ per  
hosce tractanda sunt illi suscipiant, primum ipsa diffidentia o-  
diola est, & vt in alienis quodammodo rebus, continuo languet  
industria. deinde per eam cupiditatem & ambitionem, pecu-  
liaris ille, de quo dictum est, diuinæ gratiæ quasi concursus a-  
mittitur: præterea, cum ad rem bene gerendam & facultas &  
scientia necessariò requirantur, scientia plerumque inest ei, qui  
rem ipsam ex officio tractat, habetque subiectam oculis; huic si  
minuatur ius, & superior ipse, causa non æquè bene cognita, rei  
transigendæ se immisceat: ingenti prorsus malo potestas à cogni-  
tione scilungitur: arque hinc nimirum in omni cætu suspiciones,  
discordiæ, rixæ, cum rectores & curatores non contenti suo mu-  
nere, alter in alterius partes inuadunt: perque summam confu-  
sionem tollitur discrimen officiorum, & ordo ille, quo nihil est  
in hac rerum vniuersitate præstantius. Ad hæc ubi is, qui destina-  
tus est quòpiam, certis alligatur præceptis, rarum est vt quidquã  
è sententia possit efficere. magna enim consilii pars est in tempo-  
re, & nouis quotidie casibus interdum ipsa negotiorum species  
immutatur: quibus in rebus dum religione occupatus animus  
hæret, dum fluctuat apud se, dum cogitur ad absentes referre: in-  
terim, irreparabili sæpe damno videlicet, occasionis præteruolat

opportunitas. Quæ cum præclare Ignatius nosset, cum suis adiutoribus procuratoribusve; nisi si res aliter postularer, ea quam dixi facilitate vtebatur. Itaque & in magnis & arduis plerumque actionibus voto respondebat euentus; & tanta erat ipso regente concordia, is ordinum consensus, ut societas tota vno eodemque spiritu ductuque agi videretur. Benevolentiam & caritatem suorum erga se non solum affabilitate, mansuetudine, cæterisque virtutibus, verum etiam industria quadam alebat: cauebatque diligentissimè, ne quid admitteret, cur eorum quispiam ab illo se minus vel diligi vel probari putaret; quod in creando primum Generali Præposito seruauit, ut dictum est; ac deinde retinuit in sufficiendo sibi, cum ægrotaret, Vicario Generali: nec non in eligendis, qui Marcello Pontifici maximo, ut item supra dictum est, Pontificis ipsius iussu, in Palatio adfuerent; quam nominationem ad ipsotum Patrum consilium reiecit; ne certos ipse appellando, cæteros ad eiusmodi munere minus idoneos iudicasse videretur. Præterea, si quid pro imperio asperius exsequendum esset; eius inuidiam ad inferiores administratos rejicere solitus est, ipsis videlicet non inuitis; communemque patentem pie ac religiose tueribus. Qui hominibus cum potestate præsumt, hos cum aliæ fraudes & mala circumstant, tum illud in primis, de quo sanctus Bernardus ad Eugenium: Est item vitium, inquit, cuius si te immunem sentis, inter omnes qui cathedras ascenderunt, sedebis me iudice solitarius, quia veraciter singulariterque leuasti te supra te, iuxta Prophetam: Facilitas credulitatis hæc est, cuius callidissimæ vulpeculæ, magnorum neminem comperi satis cauisse versutias. Ab hoc igitur scopulo, sicut a cæteris, magnopere Ignatius declinabat: quippe satis ad omnem animaduersionem ipsa varietate suorum temporum eruditus; ac de latoribus ita vnâ aurem præbere consueuerat, ut semper alterâ reo reseruaret absenti. Quin etiam accusatoris ipsius, inter dicendum, gestus, oculos, vultusque omnes attentè obseruabat: crebrisque ac minutis interrogationibus, veritatis eliciendæ gratia, fatigabat hominè: totam deinde rem, si opus esset, per se & per idoneos viros omnibus vestigiis indagabat leniter ac sine tumultu: cauebatque non modò ne quemquam damnaret indicta causâ, verum etiam ut ne quid omnino præiudicati ad causæ cognitionem afferret. Illud etiam, in rebus præsertim grauioribus, obseruabat interdum, ut accusatorè iuberet sua manu scribere, quæ deferret: primum quòd hominum naturam pronam esse ad maledicendum intelligeret, & stylum quàm linguam longè facilius contineri: tum etiam,

ut si quoddam mendacium, ut sit, tempore procedente existisset, id ipso delatoris chirographo teneri & coargui posset: atque hoc temperamento fiebat, ut neque si quid gravius accidisset, ignoraret Ignatius, neque innocentes per calumniam aut per facticnē circumveniri vel opprimi sineret. Idem omnes reipublice partes vigilantiter curabat, neque committebat (in quo graviter à magistratibus serè peccatur) ut dum vnam amplecteretur, defereret alteram. Verùm tamen præcipua quadam fuit observatione in hominibus ad Societatem adscribendis, quam ille semper tanti momenti ducebat esse, ut eum alioquin è custodia corporis euolare quàm primùm optaret, hanc vnam ob causam in aliquot annos propagati sibi vitæ spatia cuperet; quoad nimirum tyrocinii formula ac disciplina ad Societatis usum & insitutum probè constituta foret. Tyrones autem ille non à naturali quadam bonitate, vel potius tarditate; sed à vigore magis ingenii, & rerum gerendarum adiumentis, legebat: negabatque, qui ad populi negotia factus non esset, eundem esse ad ministeria Societatis idoneum. Quod si quis bardum quempià eo nomine obruderet, quoddam ipsum utique è sæculi naufragio diceret euasurum; nihilominus recusabat Ignatius, neminem affirmans è Societate IESU dicendū esse, qui ad suam vnius, non etiam ad aliorum salutem, & acriter & scienter posset incumbere. Quos autem ad probationem admiserat, eorum spiritum dabat operam ut quàm plurimis experimentis cognosceret penitus: neque illos tantum ad suauē quendam sensum pietatis (quo imperiti omnia metiuntur) sed ad veritas ac solidas virtutes erudiebat: ac præsertim (quod sæpe iam diximus) ut ad nullius rei quamuis ceteroqui laudabilis amorem tamquam ad scopulum adherescerent, sed ab omni alia cupiditate vel etiam propensione soluti ac liberi, ex vno tantum superiorum nutu ac voluntate penderent: neque assuescerent abditos eorum sensus exquirere, vel imperitia sciscitari, vel quem, quibusve de causis, iudeni aut supra ceteros tollerēt, aut etiam infra suo arbitratu deprimerent: sed illis omne iudicium & consilium à superis datum, sibi simplicitatis & obsequii gloriam esse reliquā putarent: essentque proinde ad omnia quamuis ardua & absurda & subita paratissimi. Omnes omnium querimonias perbenigne audiebat, ac solabatur verbis humanissimis. atque etiam diligenter curabat, ut salua religionis disciplina, & Præfectorū dignitate, unicuique satisfaceret. Neque verò minori vigilantia & severitate Præfectos ipsos quàm reliquos omnes in officio cōtinebat; quin etiam tanto plura maioraque ab illis, quàm ab his, exigere solitus

blitus est, quanto superiores inferioribus, gradus & virtutum insignibus, antecellunt. Idem, in respondendo agendoque, simplicitatem ita cum cautione coniunxit, ut satis appareret, alteram alteri non modò impedimento non esse, verum etiam ornamento atque præsidio. Suspensa, vel ambigua, vel obscura verba, perplexum de industria incertumque sermonem; vti barbaras artes, & subdola mendacii tegumenta, fideique ac societatis humanæ perniciem, semper est detestatus: ac suo monstravit exemplo veritatis cultor eximius, quantum inter prudentiam & calliditatem intersit.

## EIVSDEM RATIO PROXIMOS AD-

IVVANDI.

## CAPVT XI.

**M**IRÆ fuit solertiæ in sollicitandis mortalibus, & à diaboli servitute ad Christi Domini obsequium traducendis. ac quibus artibus dæmon ad animarum perniciem vititur, easdem ipse (quoad liceret, ac fas esset) ad hominum salutem ac beneficium transferebat. Voluntates ac naturas eorum, quibuscum ageret, festinè odorari; ambitiosis splendida, avaris vtilia, voluptuosis iucunda proponere; & suo, quod aiunt, hamo vel esca quemque piscari. Iam in congressu, maximè Principum, id observabat in primis, ut sermonis initia illis daret, extrema reservaret sibi: cauebatque ne de rebus etiam divinis ineptè vel ad satietatem ac fastidium ageret. Tristem verò & horridam sapientiam (utique postquam in lucem hominum prodiret) semper vitavit: cumque philosophiæ nomen ipsum intelligeret, etiam si modestè tractetur, tamen satis odiosum esse per se; nihil in habitu suo, vel in genere vitæ, ratū aut notabile conspici voluit: ac semper sese, quibus rebus honestè ac religiosè potuit, ad cōmunem consuetudinem accommodavit; neque commisit, ut quod ipse non faceret, id in aliis reprehendere putaretur: prorsus ut, eius mores prima fronte vel eminus intuenti, unus aliquis è populo videretur esse: verum quo propius illum inspiceres, quo diutius ac familiarius uterere: eo magis præstantiam virtutesque viri, tanquam odorem ex affricu, sentiret. atque id ipsum est causa, cur nostris nullam in vestitu ornatūve religionis iniunxerit notam: sed quo facilius in hominum cœtus & consuetudinem irreperēt, ac tempestivis colloquiis unumquemque adiuvaret; ubicumque gentiam



gentium versarentur, quam modestissimo eius gentis habitu iussit incedere: neque vllum dare signum animi à sensu communi vel ab humanitate abhorrentis. Idem valde vituperabat moderatores animarum eos, qui vel una eademque via, ac ferme quam ipsi tenuissent, ceteros etiam ad studium virtutis conarentur adducere, vel, dumtaxat si quis ad pietatem esset sua spòte propensus, formandum regendumque susciperent: sed ipse nimirum vel ferros & barbaros homines non dubitabat aggredi, sic, ut à singulis quod dabatur acciperet: & quos ad consilia Christi prouehere non posset, certè ad præcepta sensum allicere nitebatur. atque ut bonus agricola non tantum rectas & fructuosas arbores, sed etià deprauatas neque ita fertiles colit: easque vel adminiculis erigit, vel circumcidendo castigat, vel sub aliena latentibus umbra cælum appetit, vel telluris vitio laborantibus mutat locum: sic ille, rerum difficultate nequaquã exterritus, dispiciebat in primis quod ingenium qua ratione tractandum esset; iisdemque sæpe morbis, pro varietate naturæ, non diuersas modò, sed etiam contrarias inter se medicinas adhibere consueuerat. Quod si quem, omnia expertus, tamen è cæno peccatorum extrahere nequiuisset; non ideo contrahebat animum, vel se angori dabat, quasi oleum & operam perdidisset: sed conscientix & officii fructu contentus, acquiescebat in alto Prouidentix diuinæ consilio. De spirituum discretionem, (quam ille scientiam habuit maximam) deque moderandis affectibus, multa præcepit egregiè: quæ quoniam exstant scripta, (quemadmodum initio diximus) nihil est quod à nobis hoc loco ingerantur.

## VITA EIUS QUOTIDIANA ET DO-

## MESTICA.

## CAPVT XII.

**S**OCIETATI Præpositus, deuera iam ætate; viuendi priuatim hanc ferme normam tenebat. Manè, ut primum cui-gilasset, certum tempus dabat precationi & contemplationi bonorum cœlestium: deinde, si sacrificandum illi esset, (quod munus, propter summam animi attentionem, & corporis imbecillitatem, sæpe intermittere cogebatur) sacro, sub vespèram pri-die, ad Urbis consuetudinem ordinato, & accuratè præcognito, rem diuinam faciebat: quæ recitanda forent, vel in priuato sacello, nemine præter administrum adstante, contra morem Hispanicem

dictōve quemquam offenderet. Cū Martinus Olavius, qui collegio Romano annos aliquot magna cum laude præfuit, excellenti vir ingenio doctrinæque, theses aliquot de more proposuisset, in quibus erat caput de Immaculato, ut appellant, Conceptu beatæ Virginis; licet ea de re Ignatius pro sua egregia in Deum & Virginem pietate minimè dubitaret, tamen ne Fratres Dominicani, qui ad disputationē inuitabantur, id ægre ferrent, seque nominari prouocari putarent, (cōtrariā enim sententiam auctore D. Thoma tuerentur eorum plerique) eam thesē induci tollique omnino imperauit. Anno Christi nati M. D. LIII. cū Societas in Hispania, Deo adiuuante, maiorem in modum cresceret, grāuia in nostros crimina repente conficta ab iniquis, & Exercitiorum spiritualium præcipuè liber in suspicionem apud factos Inquisitores magno apparatu artificioque vocatus est; quo nuntio Romam allato, multi auctores Ignatio fuere, ut se suofque omni ope tueretur; accusatorum calumnias & improbitatē in tanto præsertim suæ existimationis ac famæ periculo redargueret. At ille, conscientie testimonio ac Dei bonitate subnixus, nihil extimuit, remque totam sine vllō tumultu magistratibus cognoscendam reliquit, quorū opera & veritas breui patuit omnibus, & ex eo tempore Societas in iisdem provinciis feliciora in dies habuit progressus. Nec minor anno insequente in nostros, qui in Gallia versabantur, procella defæuit. Siquidem graui ab aliquot illustribus Theologiæ doctoribus decreto proposito, usque adeo lacerata ac tantam in inuidiā adducta Societas est, ut eam nō modò profanum vulgus, verum etiam concionatores ipsi quotidianis probris & conuictis è superiore loco proscinderent. Ei decreto criminibusque scripto resurandis cū se aliquot è nostris Ignatio paratos offerrent; ac res indigna minimeque toleranda cunctis videretur esse; verbis ex Euangelio desumptis Ignatius: Pacē, inquit do vobis: pacē meam relinquo vobis; neque certamen cum aduersariis vllō pacto suscipi est passus, quod diceret, proculdubio fore, ut ipsa dies & nostrorum innocentia satis probaret, & inimicorū cogitationes & consilia frangeret: id quod nō ita multo pōst Dei beneficio est factum: nam & accusatio tota breui consenuit, & ipsis criminationibus illustrata Societas radices in iis regionibus egit altiores. Admirabilem verò facilitatem, vel potius animi altitudinem, Romæ ostendit. Pater in acerbo illius vicini cuiusdam iniuriis perferendis; namque is, ut noster in proximam sibi domū immigrasse cognouit; cū Ignatium locosque, ut alii multi, sine causa pessimè odisset; vnare valde

valde lætatus est, quòd vendendi suas ædes, quippe nostris valde opportunas, & conficiendæ pecuniæ præclaram sibi occasionem oblatam putaret. Ergo, vt peregrinum ad condiciones quamlibet iniquas cogeret, variis artibus patientiam hominis exercere cõstituit: ac primùm in atrii cuiusdam interjacentis, quod finibus nostris contineri constabat, possessionem impudenter inuasit: neque tamen Ignatius eam rem iudicio persecutus est. In id atriũ deinde pauones & alia demisit altilia; quæ obuersis in eam partem cubiculis nostris molestissimo clangore diu noctuq; obstreperent: nequaquam exposculauit Ignatius; eidem, triclinii parietes in eam partem luminis caussa perforare volenti, per summam contumeliam restitit ille: nihilominus quieuit Pater, atque ob id ipsum cæco aliquot annos triclinio est vsus. Cũ hæc maxime ageret vicinus, vltro Ignatium ac socios tota Vrbe institit criminari, bipedumque nequissimos & cupidissimos dicere, qui in alieno solo, non contenti malè parua ingenti pecunia, domibusque per falsam religionẽ occupatis, possessiones in dies continuare, seq̃ue ipsum patriis ædibus pænè per vim exturbare cõtenderent. Quæ res cùm delatæ ad Ignatium essent, non modò sedato animo tulit, vt cætera, sed etiam ex eo die Dominum deprecari pro aduersario cæpit ardentius. Denique cùm ille diuturna importunitate nostros ad quamlibet iniquum pretiũ perduxisset, & piorum subsidiis domus tandem esset coëmpra, ita ex ea migravit, vt, quasi mox æquanda solo esset, hæc omnia inde feramenta, fores, fenestrarum obices, atque adedò elaborati lapidis quidquid potuit, secum asportauerit; neque tamen grauius ea de re questus Ignatius est, neque tali homini, aut vlli omnino mortalium, vllò vñquam nomine litẽ intendit. Neque verò ab hominibus tantum, sed etiam ab ipsis pænè temporibus, inuictum animũ præstitit; siquidem nulla vñquam vel domestica inopia vel publica annonæ caritate adduci potuit, vt cõtra Christi consilium de crastino sollicitus esset; aut, qui nomẽ Societati profiterentur, modò ad institutum idonei forent, eos, quamquã ingenti pressus familia, repudlaret. Atque hoc eo magis homines mirabantur, quòd illo ipso tempore viri locupletes ac principes, inopiæ metu, multos è domesticis cõtactoribus non sine rubore dimitterent. Itaque cùm ex Ignatio quidã è familiaribus pro amicitia sciscitaretur, quid ita alii diuites & pecuniosi in tantis annonæ difficultatibus familiã sumptusque minuerent, contrà ipse nullis vestigalibus, nullo certo reditu fultus, eandem auget? Non satis attendis, inquit ille, quæ sit vis ac natura virtutis illius,

illius, quam in Theologicis virtutibus secundam. Apostolus numerat; cui, ceteris & exploratis in rebus, locus esse qui potest. Spes enim, ut idem ait, quæ videtur, id est spes, nam quod quis videt, quid sperat? Neque verò timendum esse, ne qui aves cali pascit, & agri lilia splendidissimo vestit ornatu, quæ neque ferunt, neq. nêr, neque in horrea cōgregant; idē suis operariis, in Ecclesiæ vinea nullo stipendio laborantibus, necessaria ad exigendā virā alimēta deesse patiatur. Quod ille videlicet cū iam inde ab ipsa cōversione multis documentis præclare didicisset; tum verò post suscepta Societatis gubernacula magis magisque experiebatur in dies; quo in genere, ne sim longior, nonnulla subnectam: Cū in sumptus quotidianos aliquando esset opus præsentis pecuniæ; atque ad nescio quid cōmendum Ioan. Crucius rei domesticæ curator exisset, incerta etiam tum luce quidam ei repente succulum auto plenum obtulit, ac nihil cessans, illico sese è conspectu proripuit. Ioannes verò, quæ erat simplicitate, ut auti speciem vidit, illusionem ac prastigias diaboli suspicatus, in proximam ad beatæ Mariæ supra Minervam sese recipiens, divinam opē suppliciter imploravit; domum deinde regressus, pecuniā inspectā & formā & materia probam repperit, Deique clementiā ac benignitatem admirans, in ea quæ destinaverat, sine cuiusquam damno vel molestia insumpsit. Idem, cū in magnis rei familiaris angustis Deo superisque in Laterano supplicasset; in reditu ad Colossæum theatrum illi subito vir quidam igrōtus aut eōs centum in manum dedit, ac statim apparere desiit. Quare Ioannes nō tā lætitia quā horrore perfusus, pecuniā demum attulit. Ignatius verò grātiās quidem egit Domino, sed talibus iam pridē assuetus, nihil rei novitate commotus est. Rursus nostris pecuniæ inopia laborantibus, quidam è Patribus dum nescio quid exquirat in arcula tomento scrutisque vilissimis plena; nihil minus opinanti venit in manus chartaceū involutum aureis repletum ita nificidis atque micantibus, ac si tum primum ex officina prodirent: quorū insperato subsidio præsentī egestati peropportunè subueñtum est. Quodam die sub vesperam, cū domi panēs, vinum, ligna penitus defecissent, postridie manē, præter omniū expectationē, a nobili matrona vehes lignis onusta submittitur; ea ligna dū in cella vinaria, ut sit, cōditianitor, ianuam domus patentē reliquit imprudēs: recordatus deinde, cū ad occludendū accurrisset, repente modius aliquot frumenti & vinados in ipso vestibulo reperit: neque adhibita quantavis diligētia unquam rescire potuit, quis eā dona misisset. Hæc igitur &

alia

alia eiusmodi subinde accidebant, quæ politico supercilio rem quæstimanti, friuola cuiuspiam fortasse videantur; sed ceteræ & paternam in famulos, Dei providentiam satis declarant; & Ignatii securitatem atque fiduciam ab omni stultitiæ vel temeritatis infamia vindicant.

## EIVSDEM RATIO GYBERNANDI.

## CAPVT X.

**I**N consilio capiendo, & rebus gerendis, cum Deum semper, ut dictum est, accurata supplicatione consuleret, cum verò (quod mirum fortasse cuiuspiam videatur) non pietatis gressu, sed rationis ductum præcipuè sequebatur: ut non ratione spiritus dulcedo præiret, sed dulcedinem ratio. Hoc enim aiebat vno maximè bellis homines antecellere, quòd hi ratione utantur, illa nequaquam. Idem ad exsequenda consilia, quoad fas esset, omnes artes & humana præsidia sic adhibebat, quasi omnem spem in iis repositam haberet; rursus ita Deum orabat, & ex eo pendebat vno, ac si nihil omnino in rebus humanis opus aut per fugi collocaret; atque hoc pacto (quod longè optimum ac perfectissimum est) prudentiam cum pietate iungebat; ipsa quæ negotia, tanquam onera paribus examinata ponderibus, quamuis difficili ac lubrico itinere, ad optatos plerumque exitus perducebat. Ad consultandum autem illud observabat in primis, ut in quaque re semper eius rei peritissimos adhereret; quæ communicatione ac lenitate nimirum assequebatur, ut & rationes iniret optimas, neque in arte sua se quisquam ab eo vel prætetitum, vel contemptum, iure conqueri posset. Ac cæteris etiam in rebus videbat etiam, ut vniuscuiusque dignitatis, ætatis, ac meriti ratio haberetur. Petronius erat Pisautensis, qui ante aliquot annos mortuus est; egregia pietate & virtute presbyter; is, cum tres minores natu germanos fratres ad Societatem suam adhortationibus perduxisset, eum semper Ignatius adolescentulis loco parentis ac præsidis voluit esse: neque de iis grauius quidquam, nisi ex illius auctoritate ac sententia, statui passus est. Ad officia vel negotia, quæ per se obire non posset, cum viris principibus transigenda, viros eligebat, rerum usu ac dicendi copia præditos; atque iis ita vel scripto vel verbis indata dabat, ut liberum iis omnino relinqueret, cum in rem præsentem venissent, suo ipsorum arbitratu cuncta ex re & ex tempore moderari.

Idemque sub vesperam ad se redeunti cuiusdam ex iis, cum rei gestæ rationem ab eo repõceret, primùm omnium: Satin' (aiebat) ex animi tui sententiâ quæ liberalitas hominis & ipsi causæ proderat multum, & tuorum illi mirè deuinciebat animos; & eisdem ad exequenda negotia perquam alacres promptosque reddebat. Anno post Christum natum MDLIII. cum ad res in Lusitania componendâs Michælem Turrianum legaret, haud ita pridem in Societatem admissum, licet ei varias præceptiones ac monita ediderit configata litteris; tamen cum probe nosset fidem ac prudentiâ viri, non modò permisit, vt, cum in prouinciâ peruenisset, suo arbitratu cõsilia rebus apraret; sed etiâ permulta ei dedit folia pura, suo munita chirographo, quibus ille, prout opus esset, quidquid videretur, inscriberet; ac deinde obliuatas epistolâs, cuiuscumque expediret, ipsius nomine redderet. atque hanc consuetudinẽ laxè cum procuratoribus ac nuntiis agendi semper magno cum emolumento retinuit. Quin etiâ præfectis inferioribus minimè malignè suum cuique ius ac potestatẽ impertire cõsueuerat: cauebatque diligenter, ne, quæ per eos agenda forent, vsurparet ipse; vel eâ re quidquâ omnino apud subiectos de illorũ auctoritate vel existimatione minueret. Verumtamen iis ita laxabat habenas, vt easdẽ adduceret quoties vellet; nec non in eorum instituta moresque & administrandi genus dissimulanter inquireret. Exstat epistola ipsius ad Præpositum prouinciæ Lusitanie, in hanc sententiâ scripta; cuius mihi partem hoc loco inferere visum est: Neque verò Prouincialis aut Generalis Præpositi officiũ est; inquit, minuta quæque; ac temporaria præsertim; in administrando sectari: sed cum ad personæ dignitatẽ honoris, tũ ad tranquillitatẽ animi tutius est, ea præfectis inferioribus delegare, & rei cõflectæ rationẽ ab eis deinde reperere. Equidem in me fungendo munere id ipsũ sequor: atque huiusce consilii maiorẽ in dies fructũ capio, quippe eũ & labore & sollicitudine leuari me magnopere sentiam; ac tibi quoque valde sum auctor, vt curas & cogitationes tuas defigas in commodis & salubre potissimũ vniuersæ prouinciæ: & in rebus quidẽ singulis ordinandis ac disponendis, cũ opus est, & ipse veriere, & hominum tuo iudicio peritorũ sententiâ exquiras; ceterũ ab iisdẽ rebus per te curandis transigendisque vt plurimũ abstineas, sed instar excelsum cuiusdam montis, orbis tibi subiunctos æquabiliter & cum grauitate cernere pergas: à quibus deinde, vt à proximis causis, propria cuiusque effecta proueniant: quod si feceris, & plura; & magis tuo muneri cõuenientiâ, sine tumultu ac trepidatione conseceris.

ris. Præterea illud est in hac ratione commodi, quòd si quid in a-  
 gendo peccetur, eius peccati præstat in tuis administris, quàm in-  
 te, residere culpam: ac multo magis decet, quidquid ipsi celi que-  
 rint, corrigi abs te, quàm si tu eriaueris, (quod perfacile est singu-  
 la curiosius persequenti) te ab inferioribus emendari. Quod reli-  
 quum est, nobis Dominus IESVS CHRISTVS ad ipsius voluntatem  
 & clarè intelligendam & ritè exsequendam pro sua benignitate  
 lumen ac vires impertiat. Romæ XI. Kalend. Ianuarias MDLII.  
 Hanc igitur Societatis gubernanda regulam instinctu planè di-  
 vino tenebat Ignatius, eamque in omnes partes plurimu aiebat  
 valere. Primum, quòd inferiores præfecti, quo plus credi sibi, &  
 quo liberalius tractari se vident, eo libentius, ne videlicet huma-  
 nitate vincantur, ultro ipsi cum superiore communicent deinde,  
 quòd multo acrius ac studiosius versentur in opere: nam ut quis-  
 que maximè suum habet negotium, ita summam in eius procu-  
 ratione vigilantiam præstat. accedit, ut maior sit in dispiciendo  
 ac statuendo claritas, maius auxilium Dei, quippe sicut in rebus  
 communibus cum vniuersali præposito numen cæleste præcipuo  
 favore conspirat, sic idem propriis cuiusque præfecti muneribus  
 suo quodam ac peculiari munere assistit. quorum si facultas &  
 auctoritas à superioribus nimis arctè circūscribatur, & quæ per  
 hosce tractanda sunt illi suscipiant, primum ipsa diffidentia o-  
 diosa est, & ut in alienis quodammodo rebus, continuò languescit  
 industria: deinde per eam cupiditatem & ambitionem, pecu-  
 liaris ille, de quo dictum est, diuinæ gratiæ quasi concursus a-  
 mittitur: præterea, cum ad rem bene gerendam & facultas &  
 scientia necessario requirantur, scientia plerumque inest ei, qui  
 rem ipsam ex officio tractat, habetque subiectam oculis; huic si  
 minuaturs ius, & superior ipse, causa non æquè bene cognita, rei  
 transigendæ se immisceat: ingenti prorsus malo potestas à cogni-  
 tione seijungitur: atque hinc nimirum in omni cœtu suspiciones,  
 discordiæ, rixæ, cum rectores & curatores non contenti suo mu-  
 nere, alter in alterius partes inuadunt: perque summam confu-  
 sionem tollitur discrimen officiorum, & ordo ille, quo nihil est  
 in hac rerum vniuersitate præstantius. Ad hæc ubi is, qui destina-  
 tus est quòpiam, certis alligatur præceptis, rarum est ut quidquā  
 à sententia possit efficere. magna enim consilii pars est in tempo-  
 re, & nonis quotidie casibus interdum ipsa negotiorum species  
 immutatur: quibus in rebus dum religione occupatus animus  
 hæret, dom fluctuat apud se, dum cogitur ad absentes referre: in-  
 terim, irreparabili sæpe damno videlicet, occasionis præteruolat

opportunitas. Quæ cum præclare Ignatius nosset, cum suis adiutoribus procuratoribusve, nisi si res aliter postularer, ea quam dixi facilitate utebatur. Itaque & in magnis & arduis plerumque actionibus voto respondebat eventus; & tanta erat ipso regente concordia, is ordinum consensus, ut societas tota uno eodemque spiritu ductuque agi videretur. Benevolentiam & caritatem suorum erga se non solum affabilitate, mansuetudine, cæterisque virtutibus, verum etiam industria quadam alebat: cauebatque diligentissime, ne quid admitteret, cur eorum quispiam ab illo se minus vel diligi vel probari putaret; quod in creando primum Generali Præposito seruauit, ut dictum est; ac deinde retinuit in sufficiendo sibi, cum ægrotaret, Vicario Generali: nec non in eligendis, qui Marcello Pontifici maximo, ut item supra dictum est, Pontificis ipsius iussu, in Palatio adstiterent. Equam nominationem ad ipsorum Patrum consilium reiecit: ne certos ipse appellando, cæteros ad eiusmodi munere minus idoneos iudicasse videretur. Præterea, si quid pro imperio asperius exsequendum esset; eius inuidiam ad inferiores administratos rejicere solitus est, ipsis videlicet non inuitis; communemque parentem pie ac religiose tuentibus. Qui hominibus cum potestate præfunt, hos cum aliæ fraudes & mala circumstant, tum illud in primis, de quo sanctus Bernardus ad Eugenium: Est item vitium, inquit; cuius si te immunem sentis, inter omnes qui cathedras ascenderunt, sedebis me iudice solitarius, quia veraciter singulariterque leuasti te supra te, iuxta Prophetam: Facilitas credulitatis hæc est, cuius callidissima vulpeculæ, magnorum neminem comperi satis cauisse versutias. Ab hoc igitur seopulo, sicut a cæteris, magnopere Ignatius declinabat: quippe satis ad omnem animaduersionem ipsa varietate suorum temporum eruditus; ac de latoribus ita vnâ aurem præbere consueuerat, ut semper alterâ reo reseruaret absenti. Quin etiam accusatoris ipsius, interdicens, gestus, oculos, vultusque omnes attentè obseruabat: crebrisque ac minutis interrogationibus, veritatis eliciendæ gratia, fatigabat hominē: totam deinde rem, si opus esset, per se & per idoneos viros omnibus vestigiis indagabat leniter ac sine tumultu: cauebatque non modo ne quemquam damnaret indicta causâ, verum etiam ut ne quid omnino præiudicati ad causæ cognitionem afferret. Illud etiam, in rebus præsertim grauioribus, obseruabat interdum, ut accusatorē iuberet sua manu scribere, quæ deferret: primum quod hominum naturam pronam esse ad maledicendum intelligeret, & stylum quàm linguam longè facilius contineri. tum etiam,



ut si quoddam mendacium, ut sit, tempore procedente existisset, id ipso delatoris chirographo teneri & coargui posset. atque hoc temperamento fiebat, ut neque si quid gravius accidisset, ignoraret Ignatius, neque innocentes per calumniam aut per facticnē circumveniri vel opprimi sineret. Idem omnes reipublicæ partes vigilantenter curabat, neque committebat (in quo graviter à magistratibus serè peccatur) ut dum unam amplecteretur, desereret alteram. Verùm tamen præcipua quadam fuit observatione in hominibus ad Societatem adscribendis, quam ille semper tantum momenti ducebat esse, ut eum alioquin è custodia corporis euolare quam primum optaret, hanc unam ob causam in aliquot annos propagari sibi vitæ spatia cuperet; quoad nimirum tyrocinii formula ac disciplina ad Societatis usum & institutum probè constituta foret. Tyrones autem ille non à naturali quadam bonitate, vel potius tarditate; sed à vigore magis ingenii, & rerum gerendarum adiumentis, legebat: negabatque, qui ad populi negotia factus non esset, eundem esse ad ministeria Societatis idoneum. Quod si quis bardum quempiam eo nomine obruderet, quoddam utique è sæculi naufragio diceret euasurum; nihilominus recusabat Ignatius, neminem affirmans è Societate lē s v dicendū esse, qui ad suam unius, non etiam ad aliorum salutem, & acriter & scienter posset incumbere. Quos autem ad probationem admiserat, eorum spiritum dabat operam ut quam plurimum experientis cognosceret penitus: neque illos tantum ad suavē quendam sensum pietatis (quo imperiti omnia meriuntur) sed ad veritas ac solidas virtutes erudiebat: ac præsertim (quod sæpe iam diximus) ut ad nullius rei quamvis ceteroqui laudabilis amorem tamquam ad scopulum adherescerent, sed ab omni alia cupiditate vel etiam propensione soluti ac liberi, ex uno tantum superiorum nutu ac voluntate penderent: neque assuescerent aditos eorum sensus exquirere, vel imperitia sciscitari; vel quem, quibusve de causis, iidem aut supra ceteros tollerēt, aut etiam infra suo arbitratu deprimerent: sed illis omne iudicium & consilium à superis datum, sibi simplicitatis & obsequii gloriam esse relicta putarent: essentque proinde ad omnia quamvis ardua & absurda & subita paratissimi. Omnes omnium querimoniae perbenigne audiebat, ac solabatur verbis humanissimis. atque etiam diligenter curabat, ut salua religionis disciplina, & Præfectorū dignitate, unicuique satisfaceret. Neque verò minori vigilantia & severitate Præfectos ipsos quam reliquos omnes in officio cōtinebat; quin etiam tanto plura maioraque ab illis, quā ab his, exigere solitus

solitus est, quanto superiores inferioribus, gradus & virtutem insignibus, antecellunt. Idem, in respōdendo agendoque, simplicitatem ita cum cautione coniunxit, ut satis appareret, alteram alteri non modò impedimento non esse, verum etiam ornamento atque præsidio. Suspensa, vel ambigua, vel obscura verba, perplexum de industria incertumque sermonem; uti barbaras artes, & subdola mendacii tegumenta, fideique ac societatis humanæ perniciem, semper est detestatus: ac suo monstravit exemplo veritatis cultor eximius, quantum inter prudentiam & calliditatem interfuit.

## EIVSDEM RATIO PROXIMOS AD-

IVVANDI.

## CAPVT · XI.

**M**IRA fuit solertiæ in sollicitandis mortalibus, & à diaboli servitute ad Christi Domini obsequium traducendis, ac quibus artibus dæmon ad animarum perniciem utitur, easdem ipse (quoad liceret, ac fas esset) ad hominum salutem ac beneficium transferebat. Voluntates ac naturas eorum, quibuscum ageret, festinè odorari; ambiciosi splendida, avaris utilia, voluptuosis iucunda proponere; & suo, quod aiunt, hamo vel esca quemque piscari. Iam in congressu, maximè Principum, id observabat in primis, ut sermonis initia illis daret, extrema referuaret sibi: cauebatque ne de rebus etiam divinis ineptè vel ad satietatem ac fastidium ageret. Tristem verò & horridam sapientiam (utique postquam in lucem hominum prodiiit) semper vitavit: cumque philosophiæ nomen ipsum intelligeret, etiam si modestè tractetur, tamen satis odiosum esse per se; nihil in habitu suo, vel in genere vitæ, rarū aut notabile conspici voluit: ac semper sese, quibus rebus honestè ac religiose potuit, ad cōmunem consuetudinem accommodavit; neque commisit, ut quod ipse non faceret, id in aliis reprehēdere putaretur: prorsus ut, eius mores prima fronte vel eminus intuenti, vnus aliquis è populo videretur esse: verum quo propius illum inspiceres, quo diutius ac familiarius vterere: eo magis præstantiam virtutesque viri, tanquam odorem ex affricu, sentirex. atque id ipsum est causæ, cur nostris nullam in vestitu ornatuue religionis iniunxerit notam: sed quo facilius in hominum cœtus & consuetudinem irreperēt, ac tempestivis colloquiis vnumquemque adiuuaret; vbi cumque gentium

gentium versarentur, quam modestissimo: eius gentis habitu iustitiam incedere: neque vilum dare signum animi à sensu communi vel ab humanitate abhorrentis. Idem valde vituperabat moderatores animarum eos, qui vel una: eademque via, ac ferme quam ipsi tenuissent, ceteros etiam ad studium virtutis conarentur adducere; vel, dumtaxat si quis ad pietatem esset sua sponte propensus, formandum regendumque susciperent: sed ipse nimirum vel ferros & barbaros homines non dubitabat aggredi, sic, ut à singulis quod dabatur acciperet: & quos ad consilia Christi prouehere non posset, certè ad præcepta sensum allicere nitebatur. atque ut bonus agricola non tantum rectas & fructuosas arbores, sed etià deprauatas neque ira fertiles colit: easque vel adminiculis erigit, vel circumcidendo castigat, vel sub aliena latentibus umbra cælum aperit, vel telluris vitio laborantibus mutat locum: sic ille, rerum difficultate nequaquam exterritus, dispiciebat in primis quod ingenium qua ratione tractandum esset; iisdemque sæpe morbis, pro varietate naturæ, non diuersas modò, sed etiam contrarias inter se medicinas adhibere consueuerat. Quod si quem, omnia expertus, tamen è cæno peccatorum extrahere nequiuisset; non ideo contrahebat animum, vel se angori dabat, quasi oleum & operam perdidisset: sed conscientix & officii fructu contentus, acquiescebat in alto Providentiæ diuinæ consilio. De spirituum discretionem, (quam ille scientiam habuit maximam) deque moderandis affectibus, multa præcepit egregiè: quæ quoniam exstant scripta, (quem admodum initio diximus) nihil est quod à nobis hoc loco ingerantur.

## VITA EIUS QUOTIDIANA ET DO-

## MESTICA.

## CAPVT XII.

**S**OCIETATI Præpositus, de uera iam ætate; viuendi priuatim hanc ferme normam tenebat. Manè, ut primum euigilasset, certum tempus dabat precationi & contemplationi bonorum cælestium: deinde, si sacrificandum illi esset, (quod munus, propter summam animi attentionem, & corporis imbecillitatem, sæpe intermittere cogebatur) sacro, sub uesperam pridie, ad Urbis consuetudinem ordinato, & accuratè præcognito, rem diuinam faciebat: quæ recitanda forent, vel in priuato sacello, nemine præter administrum adstante, contra morem Hispanicæ

nientem elata pronuntians voce. usque adeo Ecclesiæ Romanæ ritus omnes & ceremonias adamauerat. A psallendo quamquam inuitus abstinebat, quod ei propter vim lacrymarum, & frequentem ecstasim, qua corpus mirè affligebatur, eiusmodi officio summus Pontifex nominatim interdixerat. A sacro, si cuius negotii causa prodeundum esset, comite vno prodibat: si minùs, admittendis audiendisque vel domesticis vel externis operam dabat, serena parique semper, ut diximus, fronte: minimè suspiciosus ille quidem aut timidus; attamen apprime circumspectus ac prouidus; ut illi non facile quisquam posset imponere. Actiones autem omnes è diui Basilii præcepto condebatur tacitæ precationis sale: seque ipsum, ut dictum est, excutiebat subinde, ne quid labis ex quotidiano mortalium rerum usu contraheret. A prandio, post gratiarum actionem, remissionis causâ, de rebus haud ita seriis molestisve sermones habebat iucundos; qui tamen, ut plurimum, ad agendi & gubernandi scientiam facerent. Inde vel actibus publicis, vel subscriptioni lectionique epistolarum, tempus dabat; ac multa etiam, prout res exigeret, sua manu exarabat ipse. tum, si hora suppeteret, suorum acta recognoscebat. à cœna verò insequentis diei negotia disponebat; accersitisque administris vel procuratoribus, sua cuique separatim dabat mandata; deinde cū eo, quem sibi à secretis elegerat, per otium agebat: eo demisso, ad multam noctem solus inambulabat innixus baculo, maiorem in modum attētus meditansque apud se: postremò, quod supererat temporis, necessariè tribuebat quieti: id erat spatium horarum circiter quattuor. Cubiculo vsus est per angustum ac tenebricosum: cuius formam nec successores quidem adhuc religionis, ut puto, causa mutarunt: cibi potusque fuit adeò parcus, ut gustatū funditus perdidisse videretur: nisi si quando pauculis vesceretur castaneis, quibus patrio more puer olim assueuerat. nulli vnquam ferculo, quamuis famelicus ac ieiunus, arrisit: nullum edulii vel condimenti genus cuiquam indixit: nihil vnquam inter edendū est questus: licet per adiutorum inscitiam incuriamve cibariam, glè costa conditaque: vinum etiam fugiens aut acidum præberetur. nihil deniq; sibi propriè apponi voluit vnquam: & grauitèr administrum aliquando punit, quod vix racemum vni sibi præter cæteros attulisset, quæ sanè peritus rerum æstimator haud ita leuia duxerit, si hominis vel ætatem ipsam, cui multa dantur, vel infirmitatem valetudinis plura imperantē, vel denique summam inter suos potestatem & licentiam, ut ita dicam, suo arbitratu viuendi, consideret. Munditias in victu cultuque dilexit  
sed faci-

sed faciles, & nequaquam exquisitas; cuiusmodi & viatorem & Christi famulum decent: placuitque ei semper, ad alliciēdos præsertim homines, vt dictum est, non incompta frugalitas. Ac de Ignatio quidem (quod me non fugit) alia id genus multa narrantur: verū singula persequi necesse non est, tantū ad viri mores virtutemque intelligendam hæc pauca libauimus.

## PIETATIS OPERA PVBLICE PER EVM

## INSTITVTA.

## CAPVT XIII.

**I**NTER ipsam Societatis administrationem, cui potissimum inscriuebat, non exiguam partem curarum aliis quoque rebus impertiit, atque iis maximè, quæ ad salutem & commodum populi, atque ad splendorem ac dignitatem sanctæ Romanæ Ecclesiæ pertinerent. De curandis ægrotis, & pœnitentiæ sacramēto, Innocentii tertii Papæ lex est: Aegrotos, nisi peccata ritè confessos, à prima inspectione medici, nève adeunto, nève curanto. Ea lex cum ipsa desuetudine propemodum antiquata esset, perfecit Ignatius vt salutaris illa consuetudo longo intervallo renouaretur; visendi tamen spatio in alteram vsque vicem extracto: qua moderatione videlicet, simul & publicæ existimationi, & singulorum animis corporibusque consultum est. Mulierculas à maritis cum pudicitie capitisve periculo dissidentes, matronis ditioribus in officio continendas ac sustentandas diuidere consueuerat: sed cum cresceret numerus, ne cui grauior esset impensa, locum iisdem recipiendis alendisque publicè parare cōstituit; suumque consilium impertiit primoribus ciuitatis. quibus rem ita probantibus, vt nemo tamen se profiteri vellet tam gloriosi operis principem, hanc rationem Ignatius iniit rei ad exitum perducendæ: Ex area templi nostri Petrus Codatius procurator lapides ingentes effoderat, cuiusmodi multi ruinis veteribus continentur. hos igitur lapides in magna rei familiaris inopia vendi, & summam ex iis confici aureorum centum Ignatius imperauit: eam pecuniam cum ad opus inchoandum primus in medio posuisset, tantū reliquis ardorem iniecit, (insita mortalibus natura properè sequendi quæ inchoare piguit) vt ex voluntaria collatione institutum sit cœnobium, quo eius generis feminae sese reciperent; ibique securè tamdiu delitescerēt, quoad compositis controuersis in gratiam cum maritis redirent: atque

idcirco cœnobium (vt supra diximus) Malè nuptiarum vulgò appellatum est. Ad eius autem loci custodiam atque administrationem Ignatius priorum hominum sodalitatem adhibuit, prudenti sanè consilio. Etenim in communem vtilitatem intentus, ne vno dumtaxat munere implicitus teneretur, vt quodque opus absoluerat, confestim eius operis procuratore certis atque idoneis hominibus demandata, ipse animum & cogitationem ad alia deinceps atque alia transferebat. Parthenonem etiam sanctæ Catharinæ, cui à Funariis vel à Rosa cognomen est, Ignatius idem instituit. quo in Parthenone puellæ forma eleganti, quarum pudicitia periclitaretur ob angustias rei familiaris, magna præsectorum diligentia conquisitæ, interdum etiam pro potestate, si res exigar, è complexu parentum abreptæ, hodie ad centum & quinquaginta sub claustris, & sanctimonialium feminarum disciplina, magno labore & impensa educantur; eademque, simul atque maturum est, vel perpetuæ religioni & castitati sponte se consecrant; vel idoneis viris dantur nuptus, dote à loci præsidibus persoluta. Non minus laudabile quod sequitur. Cùm plurimi bonæ interdum indolis pueri & puellæ, vt in Vrbe plena peregrinis & aduentis, destituti vel orbi parentibus, miserandum in modum per plateas & cœpita seminudi & egentes errarent; vtriusque sexus & commodis & saluti, eodem Ignatio suadente, prouisum est. Itaque ex eo tempore duabus in ædibus, hoc est sanctæ Mariæ in Aquiro, & sanctorum quattuor Coronatorum, masculi seorsum ac feminæ; & gratis aluntur; & rudimentis Christianæ fidei, ac partim litteris partim etiam necessariis ad vsum reipublicæ artibus atque opificiis imbuuntur. Vtriusque autem sexus est hac tēpestare numerus capitum ampliùs ducentorum; quorum illi præter domesticas exercitationes, ad funera quoque prosequenda psallentes & candidati procedunt; hæ, vbi adoleuerint, vel maritantur, vel in sacratarum virginum collegia sese conferunt. Quin etiam, quod olim in patria sua perfecerat, id ipsum Romæ quoque molitus est: vt vlcerosi ac mendici per cœpita misere quiritantes, vnum in locu incoacti, publica impensa ex censu & collationibus alerentur. eamque rem ingenti ciuitatis approbatione ad exitum perduxisset, ni pauci potentes nescio quo spiritu impulsī, huic tam præclaræ actioni obstitissent. Ad hæc, è quisquiliis Hebræorum si cuiquam Euangelii lumen affulserat, hunc hospitio confestim acceptum Ignatius pro sua tenuitate liberaliter ac benignè tractabat, quoad Christianis præceptionibus eruditus baptismatis fonte renasceret. neque à procurandis neophyto-

rum commodis antè destitit, quàm ex auctoritate summi Pontificis ædes paratæ sunt, quas Catechumenorum appellant: quibus in ædibus hodie masculos seorsum ac feminas, cum aliorum tum præcipuè Gregorii XIII. Pontificis maximi munificentia, largè sustentat. atque etiam (quod expressius caritatis argumentum est) baptizati ex eo loco non antè mittuntur, quàm aut litterarum præstatio, quas interim edöcentur, aut artis cuiuspiã, necessaria sibi in reliquam vitam adiumenta parauerint. quo pietatis officio multi ex eadem secta petmõti, magno bonorum gaudio, sese quotannis ad Christum adiungunt. Illud verò optimu, quòd ad Catholicæ fidei reliquias in Septentrionali plaga fouendas augendasque, auctore atque adiutore in primis Ioanne Morono Cardinali amplissimo, Seminarium clericorum in Vrbe condidit, dato negotio nostris hominibus, qui conquistos bonæ indolis adolescentes Romam ex iisdem regionibus mitterent. atque id Seminarium, siue collegium Germanicum, vt appellant, acerbissimis deinde tempestatibus, ingenti labore ac persecrantia turatus Ignatius est; præstantissimis è tota Societate doctoribus ad eam iuuentutem & litteris & moribus instituendam adhibitis. quod opus & Ecclesiæ Romanæ ornamento & Germaniæ magno adiumento & fuisse & esse hodie vel maxime constar, cum in eius pænè collapsi instaurationem & amplificationem idem Gregorius XIII. pro sua præcipua in eas nationes clementia & voluntate vehementer incubuit. Nec Germanicæ modò, sed cæterarum quoque gentium pueros & adolescentes Ignatius, piis ac liberalibus disciplinis imbuendos, (quam vnã expeditissimam emendandi generis humani rationem ducebat esse) per se suosque admonitu planè diuino suscepit: atque ob id ipsum gymnasia, quibus æquè infimi ac summi gratis erudirentur, non Romæ solùm, sed etiam toto pænè terrarum orbe constituit, summa adhibita cura, vt ne quid professores nostri, quauis acutum & plausibile, afferrent peregrini vel noui dogmatis, nedum ab orthodoxa fide aberreris, verùm in singulis quæstionibus celeberrima quæque & probatissima doctorum placita sequerentur.

## QVÆDAM DE IGNATIO MIRA.

## CAPVT XIV.

**P**RÆTER eā quæ superioribus libris Ignatio diuinitus accidisse retulimus, nō pauca de eodem admirabilia prædicantur: quorum aliqua nobis hoc loco exponere visum est. Recenti cōuersione, Hierosolymam petens, dum Barcinone transmissionem exspectat, interea diuinam rem, sacras conciones, & alia religionis officia quā accuratissimè obire non destitit. Accidit autem aliquando, vt cū in templo verbum Dei audiret; conspicata hominem femina princeps, peregrini habitu fœci plebis immixtum, videre sibi visa sit eius caput ac faciem eximio quodam fulgore splendentem, idque tanta sua cū animi voluptate, vt quāquā inuita ac repugnans modestiæ causa, tamen ab eō aspectu oculos nulla ratione posset auertere. Igitur concione dimissa, nihil ei fuit antiquius, quā vt mariti permisso peregrinū per idoneos homines oppidō conquestum hospitio acciperet; quidom ingressus, percunctantibus illis, quis aut cuius esset, peregrinari se Hierosolymam dixit, neque de se ipso verbum vltiā addidit: verūenim vero sermonem de rebus diuinis instituēs, omnes, qui aderant, cælesti quodam solatio lētitiāque perfudit. Qua re vehementius etiam permoti, operam dedere, vt nobilis quidam vir, ipsorum propinquus, in Italiā traiecturus, vnā cū Ignatio conscenderet, rati, nauigium vtique tali vectore perire non posse, neque eos fefellit opinio: siquidem alia nauis, cū eodem ferè tempore vela fecisset, nō longe à portu vi tempestatis absorpta est; at verò qua Ignatius vehebatur, celerissimo cursu Caietam incolumis tenuit; post reuersionē verò, dum Barcinone, vt initio dictum est, Grammaticæ rudimentis operam dat, res accidit ad viri sanctitatem illustrandam haud leuis momenti. In partecia beatæ MARIÆ, cui à Mari cognomē est, ad plateam Lullianā, Lyssani duo fratres de patrimonio diutius litigauerant. Ac denique à iudicibus lata sententia, is qui causa ceciderat, præ nimio dolore ad vltimam desperationem redactus, impulsu dæmonis è cubiculi trabe laqueo se suspendit: ea re cognita vicini ad tetrū illud spectaculum confluunt, mirantes hominis facinus, miserantes insaniam. Id simulatque Ignatius audiuit, confestim aduolat, pendentem ex infelici rigillo rectem præcidit, hominem vel cadauer potius collocari iubet



in lectulo; deinde seorsum nixus genibus pro salute ipsius Deum orare non sine lacrymis institit. Res mira; deprecante Ignatio, cunctis qui aderant in lectulum obuerfis, & expectatione suspensis; miser ille repente sustulit oculos, vocisque usum eatenus duntaxat recepit, quoad vocato celeriter in id sacerdoti peccata ritè confessus, ac demum expiatus, animà è Tartari faucibus ereptà Domino reddidit; cuius rei fama totam urbem sineq; illòs magna cum ornatum admiratione peruasit; & supersunt hodie, qui meminerint: à quibus ego id ipsum Barcinone diligenter quaesivi. Ac multo pòst, Romæ, constituta iam Societate, aliud nò minus mirum Ignatio contigit. Cum Alexando Petronio, cuius antè meminimus, & medico & philosopho insigni, magnum usum amicitiamque contraxerat. Adeum ægrotū aliquando vicissim ipse visendi causa cum adisset, quamquam alieno tum tempore, tamen pro familiaritate a domesticis introductus, oclulis fenestris in lectulo quiescentem inuenit: & ex tenebris ratus hominem sopori sese dedisse, suspensò vestigio tacitus adrepens, puluino sentinam sedit, ac nihilo minus Alexander è somno excitatus, & repente Felicitatem uxorem inclamans: Quis nouus hic splendor, quæ tanta, inquit, lux cubiculum cõplet? At illa simpliciter, id quod erat, vnum Ignatiū introisse respondit. Tum Alexander, homo grauis & prudens, non dubio argumento viri sanctitatem interpretatus, ex eo die Ignatiū, tamquam humano fastigio celliorem, magis magisque suspexit: totamque deinde rem ipse mihi aliisq; serè exposuit. Parisiis, Michaël quidam Hispanus, quem Romæ deinde falsæ criminationis ministrū in Patres fuisse diximus, impatienter ferens patronū suū Franciscum Xaueriū è medio honorum cursu ad studium humilitatis Christianę traductum fuisse, ira percitus, Ignatiū, utpote eius rei auctorem, interficere omnino constituit: cumque in hospitium ipsius ultro inuasisset, strictoq; ià gladio scalas furibundus ascēderet, diuina repente voce perterritus: Quò tendis infelix: retulit gradū, totāque rē cōscientia victus postmodū ipse confessus est. Anno à virginis partu M.D.LIV. Rodulphi Pii Cardinalis opera, Societatis collegium ad Lauretānam ædē institutum est; acciditque, vt domus nostris ad habitādū attributa, lemurū terroribus & faunorū ludibriis admodum esset infesta; cumque, noctu præsertim, modò hi modò illi, detractis è cubiculi stragulis, vel insolito quodā cachinnò excitati per cæcas tenebras trepidarent; ad eam pestem auertent tam multa nequicquam experti, denique per epistolam ad sacrificia & preces Ignatii, tamquam ad sacram

anchoram communi consensu confugiunt. Ille re cognita, Deū  
 attēte precatus, rescripsit sociis, bono essent animo, Diuino præ-  
 sidio freti, (quod in tali re fecerat ipse non semel) dēmonum ter-  
 riculamenta nihili ducerent. Mirum dictu, recitatis litteris, om-  
 nes confestim ea molestia spectrisque non modò in præsens, ve-  
 rùm etiā in posterum liberati sunt. Cū Ignatii defuncti cor-  
 pus exequiarum causa iacēret in feretro, Bernardina quēdā Ro-  
 mana, filiam strumis iamdiu laborantē, quam arte nulla me-  
 dici sanare valuerant, ad osculandas mortui manus admouere  
 vehementer optabat, certam ex eo contactu, filię valetudinem  
 sibi pollicita: sed cū præ turba, impetu sæpe capto, puella num-  
 quam ad feretrum accedere potuisset, denique mater, quippe  
 quam filię caritas valentiorē audacioremque reddebat, non  
 antè destitit, quā ex Ignatii vestimentis frustulum adepta est, id  
 frustulum virginis collo simul atque alligatū, velut præsentī nu-  
 minis ope, morbus euauit: cuius miraculi rumor cunctis, vt par  
 est, admirantibus longè lateque manauit. Ac ne prophetiæ qui-  
 dem insigni dono caruisse putandus Ignatius est, siquidem ali-  
 qua partim abdita aperuit, partim longè à cōspectu remota mō-  
 strauit, partim etiā multo pōst futura sine villo errore prædixit.  
 In iis Batcinone Ignatium maximè coluere, ac præcipuum ex e-  
 ius consuetudine & monitis fructum vtilitatemque cepere, vi-  
 dua quædam fuit nomine Agnes, è Paschala familia. hæc cū  
 cetera caritate Ignatium adiuuit, eiusque sustentauit inopiam,  
 eum Parisios proficiscentem ad vsque templum S. Andræ tria  
 millia ab vrbe passuum officii causa profecuta est vnā cum Ioan-  
 ne filio, optima spe summæ virtutis ac pietatis adolescētulo. Hūc  
 in digressu cū oscularetur Ignatius, ei que præcepta in reliquā  
 vitam paterna daret: Cur, inquit ille, cū alii abs te exultī, cui-  
 que monitis incitati, vel CHRISTI consilia sint sequuti, vel certè  
 in virtute magnos progressus effecerint, me vnum, parens opti-  
 me, rudem informemque destituis? quid misero mihi te absente  
 futurum est? Atqui bono animo esto, fili, respondit Ignatius, ne-  
 quaquam tibi decrit exercendæ patientiæ de que Deus bene me-  
 rendi materies. namque vbi adoleueris, vxorem duces, multisque  
 incommotis afflictaberis, quæ te solui deliciis & in auxilio diui-  
 no implorando torpere minimè patientur. Neque absuit dicto  
 fides; siquidem post aliquot annos ille contracto matrimonio  
 multos suscepit liberos; cumque haud ita diues esset, debitorum  
 fraude, quibus non exiguam pecuniæ summam crediderat, rei fa-  
 miliaris naufragium fecit, hodieque confecta iā ætate senex seq̃  
 fami-

familiamque suam quotidianis laboribus ægre sustentat. Eius deinde Agnetis mortem, Barcinone sanctissimè obitam, Romæ Dei monitu præfensit Ignatius, ut litteræ Antonii Araozii, qui morienti viduæ affuerat, nihil ei super illa re noui postmodum attulerint. Quidam haud ita pridem in Societate versatus, cum ex imposito sibi munere tanta molestia afficeretur, ut somnū capere vix posset, ac de repetendo sæculo cogitaret; Ignatius rem diuinitus odoratus, adolescentem nocte intempesta è lectulo vocari ad se iussit, alioqui fratrum necessitatibus mirum in modum parere solitus. Is cum animo valde perturbato venisset, ficta persona quæsiuit ex eodè Ignatius, si quis hac vel illa tentatione sollicitaretur, quidnam ei cōsiliū daturus esset? ac per eam sermocinationem omnes illi obstupescenti sensum eius animi recessus ac latebras patefecit simul, & perturbaciones admirabili dexteritate sedauit; eodemque charitatis officio erga alios quoque multos pari perspicacitate perfunctus est, qui cum suos morbos propter inscitiam aperire non possent, vltro iis ipse ante medicinam & genus ægritudinis & causas detegebat. Viceriæ, Fabri & Lainæ comitibus, dum ex voto finem anni vertentis expectat, cæteris item Patribus ob id ipsum Veneta dititione dispersis, repente affertur, Simonem Roterigium, Bassani, grauissima febris correptum, in extremo versari vitæ discrimine; quo nuntio percussus, Ignatius, licet ipse quoque febricula teneretur, tamè illico surgit, ac Iacobi Lainis, qui grauius laborabat, cura piis hominibus demandata, sequente Fabro se pedes in viam dat, eodemque die passuum octodecim ferè millia confecit ea quidem celeritate, ut præcedentem vix Faber consequi posset. Cumque ex itinere, de Simone sollicitus, orandi causa paullulum è semita diuertisset, supplicatione peracta, sensit auditas preces; atque ad Fabrum rediens, pro certo affirmauit, Simonem è morbo euasurum; ad quem ut venit, arctè complexus hominem, læta omnia sperare & certam sanitatem expectare iussit. Nec sanè frustra: quandoquidem Simon paulo post, contra omnium opinionem, pristinæ valetudini redditus est: atque id beneficium hodieque secundum Deum Ignatio sese acceptum referre testatur. Haud longè à Bassani mœnibus loco edito templū cernitur beati Martyris Viti, ex quo in subiectam conuallem despectus est cum cætero cultu visendam, tum crebris aquarum è Medoaco amne deriuationibus. Id templū eo tempore tuebatur solitarius quidam, Antonius nomine, vir doctrinarum expertus & idiota quidem ille, verum tamen scærus & grauis, & ipso totius corporis atque oris habitu venerabilis; ac pro-

# 152. IGNATII VITÆ LIBER TERTIVS.

Paulo I. I. I. Pontifice maximo, cum inter bellicos tumultus vir quidam princeps, qui nuper est mortuus, Collegii Germanici tutelam ac patrocinium, oneris & impendii gravitate defatigatus, abjicere cogitaret, idemque auctor esset Ignatio, ut, ne in re iam desperata ac pænè collapsa diutius operam & ojeum perderet, sanè fortiter Ignatius illi respondit: Faceret ipse quod vellet: se quidem, quoad viveret, eam procuracionem numquam esse depositurum; neque verò dubitare se, quin tam praeclarè inchoatū opus diuina providentia conservatura esset; ac data aliquando Pastorem, qui non modò necessarius, verum etiam copiosis ad victum cultumque vestigalibus id Collegium instrueret. Per eadem ferè tempora vir quidam pecuniosus, templi nostri miseratus angustias, ad eam nobis ædificare voluit laxiorem; sed cum is descriptionem quandam suam sequeretur, cum dignitate quidē illam & elegantia, verum tamen ad religionis nostræ usus parum idoneam, Ignatius piam viri voluntatem, utique accepit, egitque, ut debuit, gratias; rem verò ipsam animo fidenti reiecit, quòd sibi compertum esse diceret, non defuturum olim, qui templum nostris muneribus, accommodatum exstrueret. Quarum duarum præfensionum alteram Gregorius XIII. Pontificis maximi summa; ut dictum est, pietas atque benignitas, alteram Alexandri Farnesii Cardinalis amplissimi eximia religio & regia planè magnificentia comprobavit. Alia atem de Ignatio miranda narrantur; quæ quia mihi haud satis explorata sunt, necesse non habui adscribere, præsertim quòd clarorum hominum sanctitas non tã signis atque miraculis, quàm caritate in Deum & viciniorum caritate continetur.

## IN IGNATII VITAM CAPI-

### TVM INDEX.

#### LIBRI PRIMI.

<b>O</b> RTVS Ignatii & educatio. Cap. I.	
Conversio eius ad Christum. Cap. II.	
Ad Montē serratū religionis causa profisciscitur. Cap. III.	10.
Acta eius in Montē serrato. Cap. IV.	15.
Ardores eiusdem in studio continentie. Cap. V.	16.
Molestia scrupulorum & tentationum eiusdem. Cap. VI.	17.
Ignatius profectus in spiritum. Cap. VII.	21.
De studio collato ad proximos adiuuandos. Cap. VIII.	21.

Egra-



# INDEX IN IGNAT. LOIOLÆ VITAM.

Egravi morbo periclitatur. Cap. IX.	24.
De inanis gloria vitio superato. Cap. X.	25.
De profectioe Hierosolymitana. Cap. XI.	26.
Navigat in Italiam. Cap. XII.	27.
Navigat in Palaſtinam. Cap. XIII.	30.
Palaſtina leca <u>ſancta</u> perluſtrat. Cap. XIV.	32.
In Hiſpaniam redit. Cap. XV.	34.
Barcinone ad ſtudia litterarum aggreditur. Cap. XVI.	38.
Eiuſdem commoratio Complutenſis. Cap. XVII.	41.
Luſetiam proſciſcitur. Cap. XVIII.	42.
Extrema inopia incommoda ſuperat. Cap. XIX.	49.
Parſe propter CHRISTVM exercetur. Cap. XX.	51.
De ſociis ad Ignatium adiunctis. Cap. XXI.	54.

## LIBRI SECVNDI.

<b>A</b> GER Hiſpaniam repetit. Cap. I.	59.
Venetiis ingenti labore conſendit. Cap. II.	62.
Venetiis ad Ignatium ſocii veniunt. Cap. III.	64.
Sacris ii iatur Ignatius: & de rebus ab eo dem & ſociis in Veneta diſtione geſtis. Cap. IV.	68.
Ignatio Romam appropinquanti <u>CHRISTVS</u> apparet: & unde <u>Sodetari</u> ES VNomen indiium fuerit. Cap. V.	70.
Ignatius Romę Chriſtiana rei dat operam: in Caſinati monte animam Hoſiicalum intrantem videt. Cap. VI.	72.
Romam Patres uniuerſi conueniunt: veterem plebis erudienda moram & frequentem vſum Confeſſionis & Euchariſtia reſtituunt. Cap. VII.	75.
Falsis criminibus circumuonitur Ignatius, & abſoluitur. Cap. VIII.	75.
Ignatius & ceteri Patres de conſuetudine Societate deliberant. Ca. IX.	81.
Patres in varia leca Pontificis inſſu diſcedunt. Cap. X.	83.
Ignatius plebi fame periclitanti ſuccurrit. Cap. XI.	86.
Confirmatur à Pontifice maximo Societas. Cap. XII.	88.
Propoſitus Generalis creatur Ignatius. Cap. XIII.	89.
Generalis Ignatius denuo Catechiſta munere fungitur. Cap. XIV.	93.
Societas augetur, diſtribuntur prouincia. Cap. XV.	94.
Varia in Ignatium tempeſtates excitantur. Cap. XVI.	96.
Regimen ſeminarum à Societate depellit Ignatius. Cap. XVII.	97.
Honoribus in Societate noſtrā Ignatius adiutroſtruit. Ca. XVIII.	98.
Confirmatur à Iulio III. Societas. Cap. XIX.	104.
Magiſtratu ſeſe abdicare conatur Ignatius. Cap. XX.	105.
Societas in Hiſpania valde laboranti ſuccurrit. Cap. XXI.	106.
De Iulio III. obitu, & de Marcellis II. in Ignatium noſtroſq; benenolenſia. Cap. XXII.	108.

nienſem elata pronuntians voce. uſque adeo Eccleſiæ Romanæ ritus omnes & cæremonias adamauerat. A pſallendo quamquã inuicis abſtinebat, quod ei propter vim lacrymarum, & frequentem ecſtaſim, qua corpus mirè affligebatur, eiufmodi officio ſummus Pontifex nominatim interdixerat. A ſacro, ſi cuius negotii cauſa prodeandum eſſet, comite vno prodibat: ſi minùs, admittendis audiendiſque vel domeſticis vel externis operam dabat, ſerena parique ſemper, vt diximus, fronte: minimè ſuſpicioſus ille quidem aut timidus; attamen apprime circumſpectus ac prouidus; vt illi non facilè quiſquam poſſet imponere. Actiones autem omnes è diui Baſilii præcepto conſuebat tacitæ precationis ſale: ſequè ipſum, vt dictum eſt, excutiebat ſubinde, ne quid labis ex quotidiano mortalium rerum uſu contraheret. A prandio, poſt gratiarum actionem, remiſſionis cauſa, de rebus haud ita ſeriis moleſtiſve ſermones habebat iucundos; qui tamen, vt plurimum, ad agendi & gubernandi ſcientiam facerent. Inde vel actibus publicis, vel ſubſcriptioni lectionique epistoſularum, tempus dabat; ac multa etiam, prout res exigeret, ſua manu exarabat ipſe ſum, ſi hora ſuppeteret, ſuorum acta recognoſcebat. à cæna verò inſequentis diei negotia disponebat; accerſiſque adminiſtris vel procuratoribus, ſua cuique ſeparatim dabat mandata; deinde cū eo, quem ſibi à ſecretis elegerat, per otium agebat: eo demiſſo, ad multam noctem ſolus inambulabat innixus baculo, maiorem in modum attētus meditantſque apud ſe: poſtremò, quod ſupererat temporis, neceſſariæ tribuebat quieti: id erat ſpatium horarum circiter quattuor. Cubiculo uſus eſt per anguſto ac tenebricoſo: cuius formam nec ſucceſſores quidem adhuc religionis, vt puto, cauſa mutarunt: cibi potuſque fuit adeò parcus, vt guſtatū funditus perdiſſe videretur: niſi ſi quando pauculis veſceretur caſtaneis, quibus patrio more puer olim aſſueuerat. nulli vnquam ferculo, quamuis famelicus ac ieiunus, atriſit: nullum edulii vel condimenti genus cuiquam indixit: nihil vñquam inter edendū eſt queſtus: licet per adiutorum inſciām inſuriāmve cibariam glè coſta conditaque: vinum etiam fugiens aut acidum præberetur. nihil deniq; ſibi propriè apponi voluit vñquam: & grauitèr adminiſtrum aliquando puniit, quod vix tacemum vñ ſibi præter cæteros attuliſſet, quæ ſanè petitus rerum æſtimator haud ita leuia duxerit, ſi hominis vel ætatem ipſam, cui multa dantur, vel infirmitatem valetudinis plura imperantē, vel denique ſummam inter ſuos poteſtatem & licentiam, vt ita dicam, ſuo arbitratu viuendi, conſideret. Munditias in victu cultuque dilexit ſed faci-

sed faciles, & nequaquam exquisitas; cuiusmodi & viatorem & Christi famulum decent: placuitque ei semper, ad alliciendos præsertim homines, ut dictum est, non incompta frugalitas. Ac de Ignatio quidem (quod me non fugit) alia id genus multa narrantur: verum singula persequi necesse non est, tantum ad viri mores virtutemque intelligendam hæc pauca libauimus.

## PIETATIS OPERA PVBLICE PER EVM

## INSTITVTA.

## CAPVT XIII.

**I**NTER ipsam Societatis administrationem, cui potissimum inserviebat, non exiguam partem curarum aliis quoque rebus impertiit, atque iis maximè, quæ ad salutem & commodum populi, atque ad splendorem ac dignitatem sanctæ Romanæ Ecclesiæ pertinerent. De curandis ægrotis, & pœnitentiæ sacramento, Innocentii tertii Papæ lex est: Aegrotos, nisi peccata ritè confessos, à prima inspectione medici, nève adeunto, nève curant. Ea lex cum ipsa desuetudine propemodum antiquata esset, perfecit Ignatius ut salutaris illa consuetudo longo intervallo renovaretur, visendi tamen spatio in alteram vsque vicem extractor: qua moderatione videlicet, simul & publicæ existimationi, & singulorum animis corporibusque consultum est. Mulierculas à maritis cum pudicitia capitisve periculo dissidentes, matronis diutius in officio continendas ac sustentandas diuidere consueverat: sed cum cresceret numerus, ne cui grauior esset impensa, locum iisdem recipiendis alendisque publicè parare cõstituit, suumque consilium impertiit primoribus ciuitatis. quibus rem ita probantibus, ut nemo tamen se profiteri vellet tam gloriosi operis principem, hanc rationem Ignatius iniit rei ad exitum perducendæ: Ex area templi nostri Petrus Codarius procurator lapides ingentes effoderat, cuiusmodi multi ruinis veteribus continentur. hos igitur lapides in magna rei familiaris inopia vendi, & summam ex iis confici aureorum centum Ignatius imperauit: eam pecuniam cum ad opus inchoandum primus in medio posuisset, tantum reliquis ardorem iniecit, (insita mortalibus natura properè sequendi quæ inchoare piguit) ut ex voluntaria collatione institutum sit cœnobium, quo eius generis feminae sese reciperent; ibique securè tamdiu delitescerēt, quoad compositis controuersis in gratiam cum maritis redirent: atque

idcirco.

idcirco cœnobium (vt supra diximus) Malè nupratum vulgò appellatum est. Ad eius autem loci custodiam atque administrationem Ignatius priorum hominum sodalitatē adhibuit, prudenti sanè consilio. Etenim in communem vtilitatem intentus, ne vno dumtaxat munere implicitus teneretur, vt quodque opus absoluerat, confestim eius operis procuratione certis atque idoneis hominibus demandata, ipse animum & cogitationem ad alia deinceps atque alia transferebat. Parthenonem etiam sanctæ Catharinæ, cui à Funariis vel à Rosa cognomen est, Ignatius idem instituit. quo in Parthenone puellæ forma eleganti, quarum pudicitia periclitaretur ob angustias rei familiaris, magna præceptorum diligentia conquistæ, interdum etiam pro potestate, si res exigat, è complexu parentum abreptæ, hodie ad centum & quinquaginta sub claustris, & sanctimonialium feminarum disciplina, magno labore & impensa educantur; eadēque, simul atque maturum est, vel perpetuæ religioni & castitati ipsonē se consecrant; vel idoneis viris dantur nupti, dote a loci præsidibus persoluta. Non minus laudabile quod sequitur. Cùm plurimi bonæ interdum indolis pueri & puellæ, vt in Vrbe plena peregrinis & aduenis, destituti vel orbi parentibus, miserandum in modum per plateas & cœpita seminudi & egentes errarent, vtriusque sexus & commodis & saluti, eodem Ignatio suadente, pronisum est. Itaque ex eo tempore duabus in ædibus, hoc est sanctæ Mariæ in Aquito, & sanctorum quatuor Coronatorum, masculi seorsum ac feminæ, & gratis aluntur, & rudimentis Christianæ fidei, ac partim litteris partim etiam necessariis ad vsum rei publicæ artibus atque opificiis imbuuntur. Vtriusque autem sexus est hac tēpestate numerus capitum ampliùs ducentorum; quorum illi præter domesticas exercitationes, ad funera quoque prosequenda psallentes & candidati procedunt; hæ, vbi adoleuerint, vel maritantur, vel in sacratarum virginum collegia sese conferunt. Quin etiam, quod olim in patria sua perfecerat, id ipsum Romæ quoque molitus est: vt vlcerosi ac mendici per cœpita misere quiritantes, vnum in locu ne coacti, publica impensa ex censu & collationibus alerentur. eamque rem ingenti ciuitatis approbatione ad exitum perduxisset, ni pauci potentes nescio quo spiritu impulsī. huic tam præclaræ actioni obstitissent. Ad hæc, è quisquiliis Hebræorum si cuiuspiam Euangelii lumen affluerat, hunc hospitio confestim acceptum Ignatius pro sua tenuitate liberaliter ac benignè tractabat, quoad Christianis præceptionibus eruditus baptismatis fonte renascēretur. neque à procurandis neophytorum

rum



rum commodis antè destitit, quam ex auctoritate summi Pontificis ædes paratæ sunt, quas Catechumenorum appellant: quibus in ædibus hodie masculos seorsum ac feminas, cum aliorum tum præcipuè Gregorii XII Pontificis maximi munificentia, largè sustentat. atque etiam (quod expressius caritatis argumentum est) baptizati ex eo loco non antè mittuntur, quàm aut litterarum præstidio, quas interim edocentur, aut artis cuiuspià, necessaria sibi in reliquam vitam adiumenta parauerint. quo pietatis officio multi ex eadem secta permoti, magno bonorum gaudio, sese quotannis ad Christum adiungunt. Illud verò optimu, quòd ad Catholicæ fidei reliquias in Septentrionali plaga fouendas augendasque, auctore atque adiutore in primis Ioanne Morono Cardinali amplissimo, Seminarium clericorum in Vrbe condidit, dato negotio nostris hominibus, qui conquestos bonæ indolis adolescentes Romam ex iisdem regionibus mitterent. atque id Seminarium, siue collegiũ Germanicum, vt appellant, acerbissimis deinde tempestatibus, ingenti labore ac persecutione tutatus Ignatius est; præstantissimè è tota Societate doctoribus ad eam iuuentutem & litteris & moribus instituendam adhibitis. quod opus & Ecclesiæ Romanæ ornamẽto & Germaniæ magno adiumento & fuisse & esse hodie vel maximè constat, cum in eius pænè collapsi instauratiõem & amplificationem idem Gregorius XIII. pro sua præcipua in eas nationes clementia & voluntate vehementer incubuit. Nec Germanicæ modò, sed cæterarum quoque gentium pueros & adolescentes Ignatius, piis ac liberalibus disciplinis imbuendos, (quam vnã expeditissimam emendandi generis humani rationem ducebat esse) per se suosque admonitu planè diuino suscepit: atque ob id ipsum gymnasia, quibus æquè infimi ac summi grãtis erudirentur, non Romæ solũ, sed etiam toto pænè terrarũ orbe constituit, summa adhibita cura, vt ne quid professores nostri, quãuis acutum & plausibile, afferrent peregrini vel noui dogmatis, nedum ab orthodoxa fide abhorrẽtis, verũ in singulis quæstionibus celeberrima quæque & probatissima doctorum placita sequerentur.

## QVÆDAM DE IGNATIO MIRA.

## CAPVT XIV.

**P**RÆTER eā quæ superioribus libris Ignatio diuinitus accidisse retulimus, nō pauca de eodem admirabilia prædicantur; quorum aliqua nobis hoc loco exponere visum est. Recentī cōuersione, Hierosolymam petens, dum Barcinone transmissionē exspectat, inter eā diuinam rem, sacras conciones, & alia religionis officia quā accuratissimē obire non destitit. Accidit autem aliquando, vt cū in templo verbum Dei audiret; conspicata hominem femina princeps, peregrini habitu fœci plebis immixtum, videre sibi visa sit eius caput ac faciem eximio quodam fulgore splendentem, idque tanta sua cū animi voluptate, vt quāquam inuita ac repugnans modestiæ causa, tamen ab eo aspectu oculos nulla ratione posset auertere. Igitur concione dimissa, nihil ei fuit antiquius, quā vt mariti permissu peregrinū per idoneos homines oppidū conquestum hospitio acciperet; quidomū ingressus, percurrentibus illis, quis aut cuias esset, peregrinari se Hierosolymam dixit, neque de se ipso verbum vltiā addidit: verum enim vero sermonem de rebus diuinis institūēs, omnes, qui aderant, cælesti quodam solatio lētitiæque perfudit. Qua re vehementius etiam permoti, operam dedere, vt nobilis quidam vir, ipsorum propinquus, in Italiā traiecturus, vnā cū Ignatio conscenderet, rati, nauigium vtrique tali vectore perire non posse; neque eos fefellit opinio: siquidem alia nauis, cū eodem ferē tempore vela fecisset, nō longē à portu vi tempestatis absorpta est; at verō qua Ignatius vehebatur, celerissimo cursu Caietam incolumis tenuit; post reuersionē verō, dum Barcinone, vt initio dictum est, Grammaticæ rudimentis operam dat, res accidit ad viri sanctitatem illustrandam haud leuis momenti. In partecia beatæ MARIÆ, cui à Mari cognomē est, ad plateam Lullianā, Lysani duo fratres de patrimonio diutius litigauerant. Ac denique à iudicibus lata sententia, is qui causa ceciderat, præ nimio dolore ad vltimā desperationem redactus, impulsu dæmonis è cubitoli trabe haqueo se suspendit: ea re cognita vicini ad tetrum illud spectaculum confluunt, mirantes hominis facinus, miserantes insaniam. Id simulatque Ignatius audiuit, confestim aduolat, pendentem ex infelici rigillō rēstem præcidit, hominem vel cadauer potius collocari iubet

in lectulo; deinde seorsum nixus genibus pro salute ipsius Deum orare non sine lacrymis instituit. Res mira; deprecante Ignatio, cunctis qui aderant in lectulum obuersis, & expectatione suspensis; miser ille repente sustulit oculos, vocisque usum eatenus duntaxat recepit, quoad vocato celeriter in id sacerdoti peccata ritè confessus, ac demum exspiratus, animà è Tartari faucibus ereptà Domino reddidit; cuius rei fama totam urbem finesq; illòs magnà cum omnium admiratione peruasit; & supersunt hodie, qui meminerint: à quibus ego id ipsum Barcinone diligenter quæsiui. Ac multo pòt, Romæ, constituta iam Societate, aliud nò minus mirum Ignatio contigit. Cum Alexando Petronio, cuius antè meminimus, & medico & philosopho insigni, magnum usum amicitiamque contraxerat. Ad eum ægrotò aliquando vicissim ipse visendi causa cum adisset, quamquam alieno tum tempore, tamen pro familiaritate à domesticis introductus, occlusis fenestris in lectulo quiescentem inuenit: & ex tenebris ratus hominem sopori sese dedisse, suspensò vestigio tacitus adrepens, puluino sensim asedit; ac nihilo minus Alexander è somno excitatus, & repenè Felicitatem uxorem inelamans: *Quis nouus hic splendor, quæ tanta, inquit, lux cubiculum cõplet? At illa simpliciter, id quod erat, vnum Ignatiū introisse respondit.* Tum Alexander, homo grauis & prudens, non dubio argumento viri sanctitatem interpretatus, ex eo die Ignatiū, tamquam humano fastigio celsiorem, magis magisque suspexit: totamque deinde rem ipse mihi aliisq; serò exposuit. Patissis, Michaël quidam Hispanus, quem Romæ deinde falsæ criminationis ministrū in Patres fuisse diximus, impatienter ferens patronū suū Franciscum Xaueriū è medio honorum cursu ad studium humilitatis Christianę traductum fuisse, ira percitus, Ignatiū, vt pòre eius rei auctorem, interficere omnino constituit: cumque in hospitium ipsius vltro inuasisset, strictoq; ià gladio scalas furibundus ascēderet, diuina repenè voce perterritus: *Quò tendis infelix: retulit gradū, totaque re cõscientia victus postmodū ipse confessus est.* Anno à virginis partu M.D.LIV. Rodulphi Pii Cardinalis opera, Societatis collegium ad Lautetiam adē institutum est; acciditque, vt domus nostris ad habitadū attributa, lemurū terroribus & faunorum ludibriis admodum esset infesta, cumque, noctu præsertim, modò hi modò illi, detractis è cubiculi stragulis, vel insolito quodā cachinno excitari per cæcas tenebras trepidarent; ad eam pestem auertent iam multa nequicquam experti, denique per epistolam ad sacrificia & preces Ignatii, tamquam ad sacram

anchoram communi consensu confugiunt. Ille re cognita, Deū attēre precatus, rescripsit sociis, bono essent animo, Diuino præsidio freri, (quod in tali re fecerat ipse non semel) demonum ter-  
 riculamenta nihili ducerent. Mirum dictū, recitatis litteris, om-  
 nes confestim ea molestia spectrisque non modò in præsens, ve-  
 rùm etiā in posterum liberati sunt. Cū Ignatii defuncti cor-  
 pus exequiarum causa iacēret in feretro, Bernardina quēdā Ro-  
 mana, filiam strumis iamdiu laborantē, quam arre nulla me-  
 dici sanare valuerant, ad osculandas mortui manus admouere  
 vehementer optabat, certam ex eo contractū, filix valetudinem  
 sibi pollicita: sed cū præ turba, impetu sæpe capto, puella num-  
 quam ad feretrum accedere potuisset, denique mater, quippe  
 quam filix caritas valentiorē audacioreque reddebat, non  
 anrē destitit, quā ex Ignatii vestimentis frustulum adepra est, id  
 frustulum virginis collo simul atque alligatū, velut præsentī nu-  
 minis ope, morbus euauit: cuius miraculi rumor cunctis, vt par  
 est, admirantibus longē lateque manauit. Ac ne prophetix qui-  
 dem insigni dono caruisse purandus Ignatius est, siquidem ali-  
 qua partim abdita aperuit, partim longē à cōspectu remota mō-  
 strauit, partim etiā multo pōst futura sine vllō errore prædixit.  
 In iis Barcinone Ignatium maximē coluere, ac præcipuum ex e-  
 ius consuetudine & monitis fructum vtilitatemque cepere, vi-  
 dua quædam fuit nomine Agnes, è Paschala familia. hæc cū  
 cætera caritate Ignatium adiuuit, eiusque sustentauit inopiam,  
 tū Parisios proficiscentem ad vsque templum S. Andreæ tria  
 millia ab vrbe passuum officii causa profecuta est vnā cum Ioan-  
 ne filio, optima spe summæ virtutis ac pietatis adolescētulo. Hūc  
 in digressu cū oscularetur Ignatius, ei que præcepta in reliquā  
 vitam paterna daret: Cur, inquit ille, cū alii abs te exulti, tuis-  
 que monitis incitari, vel CHRISTI consilia sint sequuti, vel certē  
 in virtute magnos progressus effecerint, me vnum, parens opri-  
 me, rudem informemque destituis? quid misero mihi te absente  
 futurum est? Atqui bono animo esto, fili, respondit Ignatius, ne-  
 quaquam tibi deerit exercendæ patientiæ de que Deo bene me-  
 rendi materies. namque vbi adoleueris, vxorem duces, multisque  
 in cōmodis afflictaberis, quæ te solui deliciis & in auxilio diui-  
 no implorando torpere minimē patientur. Neque absuit dicto  
 fides; siquidem post aliquot annos ille contracto matrimonio  
 multos suscepit liberos; cumque haud ita diues esset, debitorum  
 fraude, quibus non exiguam pecuniæ summam crediderat, rei fa-  
 miliaris naufragium fecit, hodieque confecta iā ætate senex seq̃  
 fami-

familiamque suam quotidianis laboribus ægre sustētat. Eius deinde Agneris mortem, Barcinone sanctissimè obitam, Romæ Dei monitu præsensit Ignatius, ut litteræ Antonii Araozii, qui moriēti viduæ affuerat, nihil ei super illa re noui postmodū attulerint. Quidam haud ita pridem in Societate versatus, cum ex imposito sibi munere tanta molestia afficeretur, ut somnū capere vix posset, ac de repetendo sæculo cogitaret; Ignatius rem diuinitus odoratus, adulescentem nocte intempesta è lectulo vocari ad se iussit, aliqui fratrum necessitatibus mirum in modum parere solitus. Is cum animo valde perturbato venisset, ficta persona quæ fuit ex eodē Ignatius, si quis hac vel illa tentatione sollicitaretur, quidnam ei cōsiliū daturus esset? ac per eam sermocinationem omnes illi obstupescenti sensum eius animi recessus ac latebras patefecit simul, & perturbationes admirabili dexteritate sedauit; eodemque charitatis officio erga alios quoque multos pari perspicacitate perfunctus est, qui cum suis morbos propter inscitiam aperire non possent, vltro iis ipse ante medicinam & genus ægritudinis & causas detegebat. Viceriæ, Fabriq. & Lainæ comitibus, dum ex voto finem anni vertentis expectat, cæteris item Patribus ob id ipsum Venera ditione dispersis, repente affertur, Simonem Rorerigium, Bassani, grauissima febri correptum, in extremo versari vitæ discrimine; quo nuntio percutsus Ignatius, licet ipse quoque febriçula teneretur, tamē illico surgit, ac Iacobi Lainis, qui grauius laborabat, cura piis hominibus demandata, sequente Fabro se pedes in viam dat, eodemque die passuum octodecim ferè millia confecit ea quidem celeritate, ut præcedentem vix Faber consequi posset. Cumque ex itinere, de Simone sollicitus, orandi causa paullulum è sēmita diuertisset, supplicatione peracta, sensit auditas preces: atque ad Fabrum rediens, pro certo affirmavit, Simonē è morbo euasurum; ad quem ut venit, arctè complexus hominē, læta omnia sperare & certam sanitatē expectare iussit. Nec sanè frustra: quandoquidem Simon paulo post, contra omnium opinionem, pristinæ valetudini redditus est: atque id beneficium hodieque secundum Deum Ignatio sese acceptum referre testatur. Haud longè à Bassani, mœnibus loco edito tēplū cernitur beati Martyris Viti, ex quo in subiectam conuallem despectus est cum cætero cultu visendam, rum crebris aquarum è Medoaco amne deriuationibus. Id tēplū eo tēpore tuebatur solitarius quidā, Antonius nomine, vir doctrinarum expertus & idiora quidem ille, verum tamen scærus & grauis, & ipso totius corporis atque oris habitu venerabilis; ac pro-

inde apud illas gentes magna virtutis & sanctitatis opinione. Ignarium nihil insigne præ se ferentem, elato supercilio (ut ipse postea fatebatur) contemere apud se capit, ac parum facere; quoad intentius aliquando supplicanti demonstrare dignatus est Dominus, qui vir & quantus esset Ignatius, quamque multorum adiumento & salutis diuina providentia destinatus; ex quo suam ille temeritatem dolenter accusans, Ignarium studiosè deinceps colere atque observare instituit. Per eosdem fortè dies quidam ex Ignatii sociis, partim anachoretæ consuetudine partim etiam ipsius loci amœnitate captus, ita cogitare cœpit apud se; Hem, Ignatii comites, vixatis tanto labore, tanta rerum omnium difficultate corporibus, de animorum insuper salute periclitamur: raro, quàm ex-tulimus domo, mentem spiritumque referimus: nimium pulveris sordiumque campestri hoc opere exercitatione colligimus; ac cæteris quidem maior forsan gratiæ divinæ fiducia, plus virium fuerit ad obuia quæque superanda: mihi verò meæ infirmitatis præclare conscio nonne conducatur, procul negotiis tumultibusque cælestem in terris vitam una cum hoc sancto eremi cultore transigere? & abiectis multiplicibus curis uni Deo vacare? Hæc apud se identidem reputanti occurrebant ex altera parte Ignatii caritas, dulcedo sociorum, cepta communia, datæ dexteræ, & deserendi nefas. Einsmodi cogitationum æstibus cum aliquândiu fluctuasset; denique consultandi causa ad anachoretam ipsum adire constituit; sed nequaquam cessit illi res è sententia; qui pervixdum extrâ oppidum extulerat pedem, cum ei uni spectrum est obiectum, armatus vir, trucibus oculis, stricto gladio minitans. Exterritus primò ea species hominè: dein imperu capto cum nihilominus pergeret; iratus ille ac furens in obuium irruere visus. Tum verò peregrinus haud dubie terga dat, ac sine respectu in oppidum auolat, mirantibus incolis quòd tam effusè fugientem aspicerent, nemine persequente. At ille a præcipiti cursu non antè destitit, quam in ipsius Ignatii diuersorium sese cum insana trepidatione coniecit. Cui renidens Pater (toram quippe re Deo reuelante cognorat) Siccine titubas? inquit: Modicæ fidei, quare dubitasti? Qua ille interrogatione, & in præsentia valde cōpunctus, & in posterum, ne ab instituto deficeret, magnoque e confirmatus est. Cū Ioan. Codurjus, è primis Patribus vnus, è graui morbo in vltimū vitæ periculum esset adductus: ad re diuinā pro socii salute faciendam Ignatius ad sancti Petri in Monte aureo petiit: cutus & loci & Apostoli, ut supra diximus, præcipua quadam religione tenebatur; cum ad medium ferè peruenisset pontem Ianiculensem,

qui

qui Sixti pons hodie dicitur, sublatis intentisq; repente in cælū oculis, retulit pedē attonito similis; ac deinde cōuersus ad comitem (is erat Baptista Viola Parmensis, ex quo hæc ipsa cognoui) Domum redeamus, inquit: Codurius noster migravit e corpore. Creditus est Ignatius ex illo stupore, & siderum intuitu, & repentina reuerfione, vt olim Hozii, sic tum Codurii animā vidisse cælum intrantē: licet iustis fortasse de causis de hoc cetera uerit, quod iustas item ob causas de illo non reticuerat; nā & id ipsum alius aspexisse ferebatur, & ex horarum ratione cōpertum est, eo ipso temporis momento Codurium exspirasse: & alioquin non fuit, cur amicissimi viri cognito excessu domum extemplo reuerteretur, vel ad piaculare sacrum eius causa de morte faciendū rectā pergere omitteret. Id autē accidit anno post Virginis partum M D XLI. quarto Kalēd. Septemb. Eodem fere loco deinde quiddam aliud accidit non ab simile. Cum Stephanus Baroëlius Nouocomensis, qui uiuit adhuc, periculoso morbo implicitus teneretur, & cunctis de illius uita sollicitis, Ignatius pro viri ualitudine in eadem illa quam diximus æde sancti Petri in Monte aureo perlitasset; in reditu comitē lato vultu compellās (is fuit Petrus Ribadeneria Toleranūs, qui hæc ipsa madauit litteris) non motiturum ex eo quidem morbo Stephanum constanter asseuerauit; nec vana fuit prædictio: siquidem haud ita multo post ægrotus non sine magna omnium admiratione conualuit. Cum Patruū nostris ad gymnasiū, & reliqua Societatis munerā, sanctæ Mariæ Magdalena templum & eius templi uestigialia tribuisset Andreas Lipomanus egregia pietate uir, cuius meritiorem antea fecimus; de adeunda loci possessione graue certamen a nobilissimis uiris iniectū est. Venetiis tū Laines & Salmerō Societatis causam agebant; ii ad cōperficiendam omni cōatu nequicquam adhibito, cum aduersariorum potentia valde premerentur, ac panē ab incepto desistere decreuissent; postremo (quod vnum reliquum videbatur esse perfugium) per litteras totam rem Ignatio commendant. Ille, cum quinq; circiter feria litteras accepisset, postridie (qui dies erat natalis Deiparae Virginis) re diuina peracta, respondit CHRISTI causam ne desererent; eodem adiuantē, voti cōpotēs fore, nec vana fuere promissa: quippe, re in Senatu diu multumq; agitata, denique possessio nostris adiudicata est cunctis ferme suffragiis: atque a peritis rerum æstimatoribus non leue miraculum est habitum, in eiusmodi ciuitate, a duobus ignotis & peregrinis hominibus, clarissimorum ciuiū opes & gratiam superatam fuisse.

## 152. IGNATII VITÆ LIBER TERTIVS.

Paulo I. I. Pontifice maximo, cum inter bellicos, tumultus vit  
quidam princeps, qui nuper est mortuus, Collegii Germanici tu-  
telam ac patrocinium, oneris & impendii gravitate defatigatus,  
abjicere cogitaret, idemque auctor esset Ignatio, ut, ne in re iam  
desperata ac pæne collapsa diutius operam & oleum perderet,  
sanè fortiter Ignatius illi respondit: Faceret ipse quod veller: se  
quidem, quoad viveret, eam procurationem numquam esse de-  
positurum; neque verò dubitare se, quin tam præclare inchoatū  
opus diuina providentia conseruatura esset; ac data aliquan-  
do Pastorem, qui non modò necessarius, verum etiam copiosis ad  
victum cultumque vestigalibus, id Collegium instrueret. Per ea-  
dem ferè tempora vir quidam pecuniosus, templi nostri misera-  
tus angustias, ædem nobis ædificare voluit laxiorem; sed cum is  
descriptionem quandam suam sequeretur, cum dignitate quidē  
illam & elegantia, verumtamen ad religionis nostræ vsus parum  
idoneam, Ignatius piæ viri voluntatem, utique accepit, egitque,  
ut debuit, gratias: rem verò ipsam animo fidenti reiecit, quòd sibi  
compertum esse diceret, non desuturum olim, qui templum no-  
stris muneribus, accomodatū exstrueret. Quarum duarum  
præfensionum alteram Gregorii XII. Pontificis maximi summa;  
ut dictum est, pietas atque benignitas, alteram Alexandri Erne-  
stii, Cardinalis amplissimi, eximia religio & regia planè magnifi-  
centia comprobauit. Aliam de Ignatio miranda narratur:  
quæ quia mihi haud satis explorata sunt, necesse non habui ad-  
scribere, præsertim quòd clarorum hominum sanctitas non tã  
signis atque miraculis, quam caritate in Deum & viciniorum  
tia continetur.

## IN IGNATII VITAM CAPIT- TVM INDEX.

### LIBRI PRIMI.

<b>O</b> RTVS Ignatii & educatio. Cap. I.	
Conuersio eius ad Christum. Cap. II.	
Ad Monteferratū religionis causa proficiscitur. Cap. III.	10.
Atta eius in Monteferrato. Cap. IV.	15.
Ardores eiusdem in studio continentia. Cap. V.	16.
Molestia scrupulorum & orientationum eiusdem. Cap. VI.	17.
Ignatium profectus in spiritum. Cap. VII.	21.
De studio collato ad próximos adiuuandos. Cap. VIII.	23.

Egra-



# INDEX IN IGNAT. LOIOLÆ VITAM.

Egravis morbo periclitatur. Cap. IX.	24.
De inanis gloria vitio superato. Cap. X.	25.
De profectiōe Hierosolymitana. Cap. XI.	26.
Navigat in Italiam. Cap. XII.	27.
Navigat in Palestinam. Cap. XIII.	30.
Palästina leca sancta perlustrat. Cap. XIV.	32.
In Hispaniam redit. Cap. XV.	34.
Barcinone ad studia litterarum aggreditur. Cap. XVI.	38.
Eiusdem commemoratio Complutensis. Cap. XVII.	41.
Lusitiam proficiscitur. Cap. XVIII.	48.
Extrema inopia incommoda superat. Cap. XIX.	49.
Artē propter CHRISTVM exercetur. Cap. XX.	51.
De sociis ad Ignatium adiunctis. Cap. XXI.	54.

## LIBRI SECUNDI.

<b>A</b> GER Hispaniam repetit. Cap. I.	59.
Venetias ingenti labore contendit. Cap. II.	62.
Venetias ad Ignatium socii veniunt. Cap. III.	64.
Sacerdos iuratur Ignatius: & de rebus ab eo dem & sociis in Veneta dis- tione gestis. Cap. IV.	68.
Ignatio Romam appropinquanti CHRISTVS apparēt: & unde So- cietati ESU nomen inditum fuerit. Cap. V.	70.
Ignatius Romæ Christiana rei dat operam: in Casinati monte animam Horticulturali mirantem videt. Cap. VI.	72.
Romæ Patres universi conveniunt: veterem plebis erudienda morem & frequentem usum Confessionis & Eucharistiæ restituant. Cap. VII.	75.
Falsis criminibus circumvenitur Ignatius, & absolvitur. Cap. VIII.	75.
Ignatius & ceteri Patres de constituenda Societate deliberant. Ca. IX.	81.
Patres in varia leca Pontificis iussu discedunt. Cap. X.	83.
Ignatius plebi fame periclitanti succurrit. Cap. XI.	86.
Confirmatur à Pontifice maximo Societas. Cap. XII.	88.
Propositus Generalis creatur Ignatius. Cap. XIII.	89.
Generalis Ignatius denuo Catechista munere fungitur. Cap. XIV.	93.
Societas augetur, distribuuntur provincie. Cap. XV.	94.
Varia in Ignatium tempestates excitantur. Cap. XVI.	96.
Regimen seminarum à Societate depellit Ignatius. Cap. XVII.	97.
Honoribus in Societate nostrā Ignatius aditus obstruit. Ca. XVIII.	98.
Confirmatur à Iulio III. Societas. Cap. XIX.	104.
Magistratus sese abdicare conatur Ignatius. Cap. XX.	105.
Societas in Hispania valde laboranti succurrit. Cap. XXI.	106.
De Iulio III. obitu, & de Marcello II. in Ignatium nostrum benevolen- tia. Cap. XXII.	108.

# INDEX IN

Ignatij obitus. Cap. XXIII.

109.

## LIBRI TERTII.

<b>D</b> ivorandi assiduitate, & studio pietatis. Cap. I.	112.
Quod eius fuerit de perfectione iudicium. Cap. II.	115.
De caritate ipsius in Deum. Cap. III.	116.
De caritate in proximos. Cap. IV.	117.
Mansuetudo eiusdem & comitas. Cap. V.	121.
Gravitas eiusdem, & in custodia discipline severitas. Cap. VI.	122.
Eiusdem animi submissio, & quid de Virtute obedientia sejerit. Cap. VII.	125.
Paupertas eius & testimonia. Cap. VIII.	129.
Aequitas animi, & constantia eiusdem. Cap. IX.	130.
Eiusdem ratio gubernandi. Cap. X.	135.
Eiusdem ratio proximis adiuuandi. Cap. XI.	140.
Vita eius quotidiana & domestica. Cap. XII.	141.
Pietatis opera publice per eum instituta. Cap. XIII.	143.
Quadam de Ignatio mira. Cap. XIV.	146.
Eiusdem forma, & statuta & portus. Cap. XV.	153.

# IN EANDEM RERVM MEMORABILIVM INDEX.



**A**DDICARE sese. Alfonsus Fonseca, Toletanus  
magistratu conatur Ignatij. 105  
Abstinētia & sobrietas eiusdem.  
17. 19.

Accusatoribus qua obseruatione aures præbere consue-  
rit Ignatius. 138.  
Adrianus VI. Pont. Max. 28.  
Ægrotorū curātorum lex. 143.  
Ænobarbus Archipirata. 62.  
Agni celestis cærea effigies. 114.  
Alexandri Cardin. Farnesii pietas & magnificētia. 94. 152.  
Alexāder Petronius medicę artis laude præstantissimus. 147.

Alfonsus Fonseca, Toletanus Archiepiscopus. 44.  
Alfonsus Salmeron Toletanus, Ignatii socius. 56. ad mortem Celsum secedit. 69.  
Ambitio & auaritia, dux perniciosissimę mortaliū pestes. 105.  
Andreas Foxius, cognomento Asparorus. 7.  
Andreas Gritus, Venetorum Dux. 31.  
Andreas Lipomanus, vir pietate & genere nobilis. 120. 151.  
Animorū curatio difficilis. 24.  
Antonius Araozius Hispaniæ præponitur. 93. eius litteræ. 149.

Apo.

# IGNAT. LOIOLE VITAM.

- Apostolorum limina & præcipua religionis templa nostri Carcerem in Societatem indu-
- Romæ obeunt. 67. ci nunquam permisit Ignatius. 115.
- Arbensis Epif. Ignatium ad sacerdotium euehit. 68. Caritas Ignatii in Deum. 116.
- Ardebalus Ignatii præceptor. Castitatis laude insignis Ignatius. 129.
- Artiaga se ad Ignatii institutū aggregat. 40. eius mors. 61. Castitatis virtutem in Societate magno studio custodiri voluit Ignatius. 129.
- B. Aiona, olim Aquæ Augustæ. Catechesi Christianæ operam dat Ignatius. 94.
- Baptista Viola Parmen. 151. Catechumenorum ædes, curate Ignatio, paratæ. 145.
- Barcinone studia litterarum Ignatius aggreditur. 38 117. Cazeres Segouiensis Ignatii socius. 40. in patriam reuertitur. 61.
- Barptolemaus Guidicionius Card. 88. Christus tentationum iussimus arbiter. 18.
- Bassanum, oppidum agri Patavini. 69. Christi patientiæ studiosus Ignatius. 36.
- Bellum inter Gallos & Hispanos. 7. inter Venetos & Turcas. 68. inter Paulum IV. & Regem Philippum. 109. Circus Flaminius Romæ. 86.
- Benedictus Conuersinus, vrbis Romanæ gubernator. 78. Claudius Iaius Gebennensis Ignatii socius. 56. Bassanū secedit. 69. Brixiam abit. 84.
- Bernardina quædam Romana filiam admodum Ignatii defuncti feretro sanat. 148. Tergestinorum Episcopatū rejicit 99. & seq.
- Bernardinus Maffei Card. Collegium Montis acuti Parisiis. 49.
100. Collegium S. Barbaræ Parisiis. 50.
- Bertramus Loiola 5. Collegium Hispanicæ nationis Bononiæ. 63.
- Bisuntinum oppidum 90. Collegium Germanicum Romanæ. 145. 152.
- Bononiam Ignatius peruenit. 63. Collegium Lauretanum. 147.
- Bononiam veniunt Xauerus & Bobadilla. 71. Compluti artium curriculum inquit Ignatius. 41.
- Brixiam mittitur Claudius Iaius. C. 84. Concionantur Patavii Codurius Hoziusq; Ferrariæ Roterigius & Iaius, Bononiæ Xauc-
- Callistus se ad Ignatii ductum aggregat. 40.

# INDEX IN

- Xaverius & Bobadilla**, Senis  
**Paschasius & Salmeron** 71.  
**Vicetiz Ignatius, Faber, &**  
**Laines.** 69.  
**Concordia** nihil valentius ad  
 res arduas moliendas. 82.  
**Confessio** totius anteaetz vitæ  
 Ignatii 15. iterum iterumque  
 ab eodem repetitur 19. quo-  
 tidianæ cuiuslibet omisso-  
 nis. 112.  
**Confessio generalis P. Fabri.** 55.  
 & aliorum sociorum Igna-  
 tii. 57.  
**Confessionis frequens vsus** ab  
 Ignatio & sociis Romæ resti-  
 tutus. 75. commendatur ab  
 Ignatio Barcinone. 118.  
**Crucē** pauci ex animo ample-  
 xantur. 60.  
**D.**  
**Dæmon** Ignatium ab ince-  
 pro reuocare conatur.  
 18. Ignatio difficultates re-  
 præsentat ibid. & se. Ignatiū  
 à litterarum studio remoue-  
 re nititur. 39.  
**Detractiones & susurri** animos  
 disungunt. 92.  
**Didacus Guis** Cantaber. 63.  
**Didacus Lassus** Ferdinandi Re-  
 gis orator. 100.  
**Dignitatis gradus perfectos vi-**  
 ros requirunt 101. à Societa-  
 tis instituto valde alieni ibi.  
**Discretio spirituum**, consum-  
 mata sapientiæ virtus. 11.  
**Doctrinæ Christianæ præceptis**  
 plebem imbuunt Ignatius. 40.  
 60. 63. 75. 87.  
**Doctrinam Christianam pro-**  
 fessi tradere debent. 82.  
**Dominicani fratres** Salmanti-  
 cæ Ignatii doctrinam expē-  
 dunt. 45.  
**Domus professorum** egestati Romæ  
 mirabiliter subuenitur. 130.  
 134.  
**E.**  
**Ecclesia primitiua** Ignatii  
 quæ. 71.  
**Ecclesia Rom.** princeps magi-  
 straque orbis terrarum. 73.  
**Eleemosyna** Ignatii in paupe-  
 res. 35.  
**Eleemosynis** vndique conqui-  
 sitis alios subleuat Ignatius.  
 41.  
**Elisabetha Rosella** Ignatium  
 victu benignè alit. 39. pecu-  
 nia eundem iuuat. 63. Romā  
 venit. 97.  
**Emendicat victū** Ignatius Gō-  
 pluti. 41. Guipuzcoz. 60. &  
 socii Romæ. 68. 75.  
**Erasmi libros** abjicit Ignatius,  
 & in Societate legi vetat.  
 40.  
**Eucharistiam** octauo quoque  
 die sumit Ignatius. 49. idem  
 quotidie. 71.  
**Eucharistiæ frequens vsus** Ro-  
 mæ ab Ignatio & sociis re-  
 stitutus. 75. commendatur ab  
 Ignatio Barcinone. 118.  
**Examen cōscientiæ** bis quoti-  
 die habetur ab Ignatio. 49.  
 item in singulas horas. 137.  
 142.  
**Examen cōscientiæ** P. Fabri.  
 55.  
**Exemplo vitæ ac morum** nihil  
 efficacius

# IGNAT. LOIOLÆ VITAM.

- efficacius ad animos permo-  
uendos. 102.
- E**xercitiorum spiritualium li-  
ber ab Ignatio conscriptus.  
112. Rom. Pontifice compro-  
batus. 24. Salmanticæ exa-  
minatur. 46. à sacro Inquisi-  
tore Parisiis receptus. 52. ite  
in Hispania. 132.
- E**xercitiis spiritualibus perpo-  
latur Faber. 55. Xauerius. 56.  
& alii socii Ignatii. 57. item  
multi Venetiis. 63. & seq. Ro-  
mæ. 73. Nouitii probandi.  
83.
- F.**
- F**eminarum regimen à So-  
cietate depellitur. 97.
- F**eminarum consuetudo peri-  
culosa. 98.
- F**erdinandus Rex Rom. 99.
- F**errariam venit Ignatius. 35.  
Roterigius & Iaius. 71.
- F**iduciæ diuinæ innixus Igna-  
tius. 27. 29. 39. 62.
- a**d Fossam Clodiam Ignatius  
peruenit. 29.
- F**ranciscanæ familiæ fratres  
Hierosolymis. 32. & seq.
- F**ranciscus Borgia Gandiensiū  
dux Societati se addicit. 103.
- F**ranciscus Mendoza. 46.
- F**ranciscus Michaëlius, vrbs  
præfectus. 96.
- F**ranciscus Strata Ignatio se ad-  
iungit. 74. 114.
- F**ranciscus Xauerius Cantaber  
Ignatii socius. 56. 66. pri-  
mus in Iaponiorum terras  
Euangelium intulit. 56. Bo-  
neoniam proficiscitur. 71. ad
- montem Celsum secedit.  
69. in Lusitaniam tendit. 89.  
in Indiam mittitur. 85. Indig  
Prouincialis. 95. in Sinarum  
aditu obit. 56.
- F**rancisci Xauerij per somnū  
visio. 86.
- F**rias, Vicarius Salmanticensis  
Episcopi. 46.
- G.**
- G**aspar Contarenus Card.  
73. 88.
- G**aspar Doctus pro Ignatio &  
sociis. 80.
- G**enuam proficiscitur Igna-  
tius. 36.
- G**eorgius Nauerus, insignis  
doctor. 43.
- G**ermanicum Collegium in vr-  
be institutum. 145.
- G**iennium vrbs Bæticæ. 43.
- G**rammaticæ rudimenta discit  
Ignatius. 39. eadem Parisiis  
reperit. 49.
- G**rana piaculatia. 114.
- G**reg. XIII. Pont. Max. 145. 152.
- G**uipuzcoa prouincia. 562.
- H.**
- H**æreticorum fastus. 76.
- H**æretici ab Ignatio cum  
Rom. Eccl. in gratiam resti-  
tuti. 55.
- H**ercules II. Dux Ferrar. Igna-  
tii & sociorum innocentiae  
testimonium tribuit. 80.
- H**ieronymo Arzio ægrotanti  
frequens adest Ignatius. 120.
- H**ieronymi Arzii liberalitas.  
130. 131.
- H**ieronymus Verallus Legatus  
Apostolicus Venetiis. 64.
- H**iero-

# INDEX IN

**Hierosolymitana profectio ab Ignatio decernitur.** 26. à Paulo .II. impetratur. 67.  
**Hierosolymam venit Ignatius.** 32.  
**Honoribus in Societatem aditus obstruitur.** 98.  
**Hortatur homines Ignatius ad odium peccatorum, amorēque probitatis.** 45.60.  
**Hospitium S. Iacobi Parisiis.** 50. ad Hospitalem domum diuertit Ignatius. 41.60.  
**Hozius Hispanus Venetiis Ignatio iungitur.** 63. Taruiſium ſecedit. 69. Patauium proficiſcitur 71. eius mortui animam cælos penetrantem vider Ignatius. 74.  
**Humilitas Chriſtiana virtutū parens.** 16.  
**Humilitatis ſpiritū proſtitur Societas.** 99.

## I

**Iacobus Gouea Luſitanus.** 52.84.  
**Iacobus Laines Ignatii ſocius.** 56. Romæ ſacras litteras proſtitur 74. cum Petro Fabro Parmam contendit. 83. Italiæ prouincialis. 95.  
**Ieiunium P. Fabri 55. F. Xauerii 56. & aliorum Ignatii ſociorum.** 57.  
**Ieſu nomen vnde Societati inditum.** 72  
**Ignatius etiam ante conuerſionem ab omni impietate atque auaritia alienus.** 6. in Pompeionēſi obſidione vulneratus 8. grauiter ægrotat.

24 vrbane munditiæ appri-me deditus. 9. lectione libro-rū ſpiritualium conuerſus. 9. ad Montemferratum pro-ficiſcitur. 12. ſingulis nocti-bus ſe acerrimè verberat 13. ſingulis diebus ter ſe ſe flagel-lis cædit 17. Mariæ virginis ſe voto caſtitaris obſtringit. 13. in Maurum quendam irrita-tus. ibid. & ſeq. de peregrina-tione Hierosolymitana ſoli-citus. 14 26. quo anno mili-tiæ Chriſtianæ nomen dede-rat. 15. exceſſu quodā raptus. 12. magnam rerum ſpiritu-a-liū peritiā naſtus. 23. cū in-terdū ab aliis ad prandiū in-uitatus accederet. 24. inanē gloriam ſuperat. 25. à diuina prouidentia pendens. 27. in Italiam nauigat 27. Ro-mam ingreditur. 28. Adriani VI pedes exoſculatur. ibid. Venetias ire parat. 29. à co-mitibus deſtitutus. ibid. Ve-netias perductus. ibi. nauigat in Palæſtinā. 30. Palæſtinæ lo-ca ſ perluſtrat. 32. in Hispa-niā redit. 34. ab Hispanis mi-litibus cōtumelia affectus. 36. & ſc. artiū curriculū in it Cō-plut. 41. in carcerē cōjicitur 43 46 Salmanticæ examina-tur 45. extremam inopiam ſuperat 49. Philoſophiæ ſtu-dia aggreditur Pariſiis. 50. ſa-eram Theologiā amplecti-tur. 51. variè Chriſtum exer-cetur ibid. & ſeq. ad ſacrum Inquiſitorem Pariſiis defer-tur

# IGNAT. LOIOLÆ VITAM.

tur 52. ab eodem Inquisitore absolutur ibid. virgarum periculo liberatus 53. multos à turpi vita conuertit 55. æger Hispaniam repetit 59. Venetias contendit 62. sacris initiatur. 68. plebi Romæ periclitanti succurrit. 86. & seq. in culinæ ministeriis versatur 91. Generalatu se abdica re conatur 9. prophetiæ dono præditus 148.

Ignatii ortus & educatio. 5. acta in Monteferrato 15. Minoræ. 17. in Guipuzcoa 60. Venetiis. 63. Vicetiæ. 69. Romæ. 72. & sequent. animi altitudo 39. submissio 125. & seq. æquitas 42. & seq. ardor in studio penitentiae 16. caritas in Deū 116. in proximos 153. & seq. castimonia 132. & seq. cautio in negotiis gerendis 6. constantia 10. cōuersio ad Christum 2. & seq. Confessarius Dominicanus Salmanticæ 4. alter ex ordine Minorū Romæ 90. clementia & lenitas 91. fiducia in Deo 63. forma & statura 151. gtauitas & in custodia disciplinæ seueritas 121. & f. gubernandi ratio 155. mansuetudo & comitas 121. maturitas ac dexteritas in tractandis hominū ingenis 6. Opera. liber Exercitiorum 11. libellus de rebus CHRISTI & sanctorum præclare gestis 12. liber de Trinitate 22. epi-

stola ad socios Lusitanos de Obedientia. 126. epistola ad Præpositum provincie Lusitanie 136. commentarii de religione 130. carmina Hispanica de B. Petri laudibus 9. scripta de spirituum discretionē, & de moderandis affectibus 141. paupertas 129. persecutio Lutetiæ 52. Romæ 76. & seq. pietatis studium. 112. profectus in spiritu 21. & seq. ratio proximos adiuuandi 140. scrupuli 17. & sequē. sermo de contemptu rerum humanarum 46. studium ad proximos iuuandos 23. 41. 44. 55. virtutes 91. & seq. vita quotidiana & domestica 141. & seq.

Ignatio nocte vigilanti Maria virgo vnā cum paruulo Iesu sese palam ostendit 11. eidem Romam appropinquanti Christus apparet. 72. Ignatium socii omnes vt parentem diligunt ac reuerentur. 58.

Inanis gloriæ vitium superat Ignatius. 25.

Indica expeditio nostrorū studiis apta. 84.

Innocentii III. Papæ lex de curandis ægrotis. 143.

Ioannes Borgia Philippi Regis legatus. 113.

Ioannes Codurias Ignatii socius 56. Patauium proficiscitur 71. Taruisium secedit 69. graui morbo laborat 150.

Ioannes Cruceius, rei domesti-

# INDEX IN

- ex curator 134. Mariæ virginis patrocinium. 39. 57.  
 Ioannes Figheroa Vicarius Archiepiscopi Tolet. 42. 80. Mariæ virginis ad Niues, ædes Romæ. 70.  
 Ioannes Gallus Ignatii socius 40. monasticæ ac vitæ addi- S. Mariæ à Strata templum. 93.  
 cit 61. in Mariæ virginis honorē sab-  
 bata obseruat Ignatius. 43.  
 Ioannes Moronus Card. 145. Martinus Garzia Ignatii fra-  
 Ioannes III. Lusitanix Rex 56. ter. 12.  
 Ioannis Tertii Lusitanix Regis 84. Martinus Luther hæresiarcha. 15.  
 curæ. 51. Martinus Olavius excellenti  
 Ioannes Penna Ignatii in phi- vir ingenio. 109. 132.  
 losophia præceptor Matthæus Ori, Dominicanus. 52.  
 Ioannes Siliceus Tolertanus Ar- Medicis valde dicto obediens  
 chiepiscopus, nostrorum in- Ignatius. 126. & seq.  
 sectator. 106. Mendicitas maximum affert  
 Ioannes Vega Hispanus. 95. detrimentum studiis. 49.  
 Iulius III. Pont. Max. Societa- Meretriculas ab impuritate a-  
 tæ cõfirmat 104. ei<sup>9</sup> mors. 108. uocat Ignatius. 117.  
 L. Michaël quidam Hispanus. 147.  
 Oiolarum familia. 5. Michaël Hispanus Romæ no-  
 Ludit tridiculis Ignatius. stros accusat. 22. & seq. idem  
 121. exilio multatur. 78. 81.  
 Ludouicus Consalius domus Michaël Turrianus in Lusita-  
 Romanæ minister. 123. niam destinatur. 136.  
 Lusitani Brasileam & Indicam Minorella oppidū, hodie Man-  
 orām aperiunt. 84. resa. 16.  
 Lutetiam proficiscitur Igna- Mira de Ignatio. 146. & seq.  
 tius. 48. Millæ sacrificium Ignatii socii  
 Lutetix Parisiorum descriptio. Vicetix primum faciunt. 70.  
 52. Ignatius autem postea Ro-  
 M. mæ. ibid. 141.  
 Magnates in Hispania qui Missionis Pontificiæ exordium  
 vocentur. 6. nostris. 83.  
 Malè nuptiarum cœnobium ab Modestiam scholasticis nostris  
 Ignatio institutum. 144. commendat Ignatius. 124.  
 Marcelli II. Pont. electio atque Monserratus. 14. & seq.  
 obitus. 108. & seq. Mons aureus Romæ. 151.  
 Margarita Austriaca, Octauii Mons  
 Farnesii vxor. 87. 103.  
 Matia Virgo Ignatio noctu ap-  
 paret. 11.



# IGNAT. LOIOLÆ VITAM.

Mons Casinas.	73.	Obedientiæ præclarum exem-	
Mons Celsus, vicus agri Para-		plum.	128.
uini.	69.	Oliuetus mons.	33. & seq.
Mons Martyrum extra Lute-		Orationi multum temporis tri-	
tiam.	57.	buit Ignatius.	38.
Montis acuti Collegium Pari-		Orandi assiduitas in Ignatiô.	
siis.	49.	112. & seq.	
Mores novos in Societate in-		Ortium, vt omnium vitiorum	
ducinon est passus Ignatius.		fomitê, detestatur Ignatius.	

124.

Morrificationis spiritus specu-  
lationis spiritui antefertur.

116.

Muliebris sexus ad pietatē pro-  
pensus.

42.

N.

**N**egligentem in quodā mi-  
nisterio quendā arguit  
Ignatius.

114.

Neophytorū ædes Romæ.

145.

Nicolaus Bobadilla Palentinus  
Ignatii socius.

56.

Veronam  
proficiscitur.

69.

Ænariam  
insulam petit.

84.

in Brutios  
discedit.

89.

in Indiam desti-  
natus impeditus ischiade.

85.

Novitii Societatis quibus ex-  
ercitationibus probandi.

83.

Novitios quosnam legere sole-  
ret Ignatius.

139.

O.

**O**bediēs apprime magistra-  
tibus Ignatius.

42.

sum-  
mo Pontifici.

126.

Obedientiæ sacrificio nullum  
Deo suavius est.

81.

Obedientiæ nexu nostri Chri-  
sti Vicario mancipati.

84.

Obedientiæ virtutem cæteris  
omnibus antefert Ignatius.

126.

P.

**P**alæstinæ loca sancta perli-  
strat.

32.

Parisi in D. Dionysii Areopa-  
gitæ tutela sunt.

57.

Parthenonem S. Catharinæ à  
Funariis instituit Ignatius.

144.

Paschasius Broetus, Ignatii so-  
cius.

56.

Veronam tendit.

69.

Senas.

83.

Galliæ provincia-  
lis.

95.

Parauium ingreditur Ignatius.

29.

Pauli III. Pont. Max. laudes.

67.

Paulus IV. Pont. Max.

102.

in D. Pauli æde, extra urbē, no-  
stri solēni professione suæ re-  
ligionis vota suscipiunt.

91.

Paupertas voluntaria religio-  
nis murus est.

129.

Paupertatis spiritum proficetur  
Societas.

99.

Paupertatis amor summus in  
Ignatio.

91.

Peregrinatione probandi no-  
uitii.

83.

Peregrinationis initium Socie-  
tati.

81.

Perfectionis studium.

114.

Peruigilium armorum quid.

15.

L

Petro-

# INDEX IN

- Petronius** Pifaurensis tres germanos fratres ad Societatem perducit. 135.
- Petrus** Apostolus Ignatio sanitatem affert. 9.
- Petrus** Canisius Germanicæ Provincialis. 95.
- Petrus** Codatius Laudensis nomen dat Societati. 93. Procurator domus professor Romæ. 143.
- Petrus** Contarenius nobilis Venetus. 64.
- Petrus** Faber Allobrox Ignatiū prim<sup>o</sup> sequitur. 55. aliis sociis præponitur ab Ignatio. 59. Theologiam Romæ proficitur. 73. in Germaniam ducitur. 89.
- Petrus** Faber & Laines, rerum Spiritualium administri, Ennio Verulano Card. dati. 83.
- Petrus** Mascarenias, Regis Lusitanie orator. 85.
- Petrus** Ortizius, Cæsaris Legatus, Ignatiū & socios ad Pontificem maximum introducit. 67. Petrum Fabrum in Germaniam ducit. 89. exercitiis spiritualib<sup>us</sup> ab Ignatio eruditur. 73.
- Petrus** Ribadeneria Toletanus. 151.
- Philippus** Archintus, Salassiorum Episcopus. 94. 96.
- Pietatis** opera publicè per Ignatiū instituta. 142.
- Pontifici** Romano suam operam defert Ignatius. 72.
- Præposit<sup>us</sup>** Generalis creatur 90.
- Principum** Hispanorū filii qui nam in patrimonio succedant. 5.
- Q.**
- Q**uæstorum sacra tribunalis. 55.
- Q**uærimonia suorum perbenigne audit Ignatius. 136.
- Quitinus** Garzonius Romæ Ignatium & socios testis recipit. 75.
- R.**
- R**auennæ quid acciderit cuiusdam ex Ignatii sociis. 67.
- Realdus** Columbus egregius Anatomie magister. 110.
- Regulas** perscribit Ignatius. 82.
- Rodolphus** Pius Carpensis Card. Societatis protector. 104. 147.
- Roma** vrbs, totius æquitatis parens. 80.
- Romam** ingreditur Ignatius 28. 74.
- Romam** Patres vniuersi conueniunt. 75.
- Romæ** Faber & Laines sacras litteras profitentur. 73.
- Romæ** Confessionis & Eucharistie frequens vsus est restitutus. 75.
- S.**
- S**almanticam ad sua profectura quædam migrat Ignatius. 44.
- Salmanticæ** in carcerem conijcitur. 46.
- Scrupulorum** molestiis agitur. 17.
- Seminarium** clericorum in vrbe conditum. 145.
- Senas** proficiscuntur Paschasius & Salmeron. 71.
- Septem** Vrbis templa Ignatius &

# IGNAT. LOIOLÆ VITAM.

- & Socii obeunt. 91.114  
 Sequana fluius. 50.  
 Simon Roterigius Lusitanus Ignatii socius. 56. Bassanum secedit. 69. in Indiam destinatus. 83. in Lusitaniam proficiscitur. 89 item Ferrariam. 71. Lusitaniæ prouincialis. 95. Bassani grauissima febre correptus. 149.  
 Sinæ ultimi. 84.  
 Sobrietas moderata animum vegetat. 25.  
 Socii priores Ignatii. 40. inconstantes. 61.  
 Socii posteriores Parisiis ad Ignatium adiuncti. 55. & seq. Romæ fictis criminibus circumueniuntur, & absoluntur. 76. & seq. 78. & seq.  
 Socii & Ignatius de constituenda Societate deliberant. 81. & seq.  
 Socii in varia loca Pōtificis missi discedunt. 83.  
 Societas I. a s. v. vnde dicta 72. minima ab Ignatio vocatur. ibid. cōfirmatur à Paulo III. Pont. Maximo. 89. itē à Iulio III. 104. augetur, & distribuuntur prouinciæ 94. & seq. humilitatis & paupertatis spiritum proficitur. 99. quibus artibus conseruanda. 101. variis locis exercetur. 106. & seq.  
 Societatis dignitati in posterū prouidet Ignatius. 79.  
 Spectaculis publicis adesse nostros nō facillè permittit. 124  
 Stephanus Baroëlius Nouocomenſis, 151.  
 Stephanus Guia Cantaber. 63.  
 Submissio plurimum valet ad conciliandos homines. 90.  
 Sudarium sacrum, in oppido Giennio celebratum. 43.  
 T.  
 Taruſium secedunt Codurius & Hozius. 69.  
 Tentatur à dēmonē variis artibus Ignatius. 17. & seq.  
 Tentatione patriæ ac domesticorum nulla ferè periculosior. 59.  
 Terētium in scholis nostris explicari vetat Ignatius. 129.  
 Theodosius, frater ex ordine Minorum, à confessionibus Ignatio Romæ. 90.  
 Theologiam sacram Ignatius Parisiis aggreditur. 51.  
 Timore humano agitur Ignatius. 37.  
 de Trinitate liber Ignatii. 22.  
 Trinitatis mysterium Ignatio diuinitus innotescit. ibid.  
 V.  
 V. Aletudinarij publici ministeriis probandi nouitii 83.  
 Venetias Ignatius perducitur 29. redit. 35.  
 Venetiarum descriptio. 29.  
 Verba suspensa & ambigua, vti subdola mendacii tegumenta, semper est detestatus Ignatius. 142.  
 Veronam contendunt Paschasius & Bobadilla. 69.  
 Vicetiam Ignatii socii conueniunt. 69.  
 Vicetiam petunt Ignatius, Faber,

# 353 INDEX IN IGNAT. LOIOL. VITAM.

ber, & Laines.	69.	Vorum Ignatii perpetuæ casti-
Vicetorum liberalitas erga	70.	tatis & paupertatis nuncupa-
Ignatium & socios.	70.	tum Venetiis.
Vigilia immoderata vires fran-	25.	68.
git.	25.	Votis tribus solemnibus quar-
Vincentius Negofantius Fanē-	68.	tum addunt nostri.
fis.	68.	83.
Virtutis pulchritudo & vitii		Vota suæ religionis nostri in Pe-
foeditas explicatur ab Igna-		tri & Pauli solemnī professio-
tio.	45.	ne suscipiunt.
Visionibus diuinis illustratur		91.
Ignatius. 22. & seq.		Vulgus pluma & folio leuius.
Voto se obstringunt Ignatius &	57. 68. 91.	96.
socii.	57.	X.
Votum idem renouant.	57.	X Enodochium publicū di-
		uertit Ignatius.
		41. 60.
		Xenodochii ministeriis probā-
		di nouitii.
		83.

## INDICVM FINIS.

### EIVSDEM FORMA, ET STATVRA. CORPORIS.

#### CAPVT XV.

**S**TATVRA fuit modica, & grato & pleno dignitatis aspectu, colore inter album & aqulū; exporrecta lataque fronte, viuacibus oculis, oblongo & incuruo naso, quam vel in primis certam prudentiæ notam metoposcopi existimant. claudicauit nonnihil è vulnere olim in propugnatione Pompelonensis arcis accepto, sed citra vllam deformitatem; vt nemo ferè nisi curiosus animaduertteret. Effigies circumfertur illius, non admodū ad viuū, vt familiares affirmant, siquidem ex mortui demū facie, gypso imaginem expresseste plāstæ; quoniam ipse, dum viveret, neque pingi se neq; fingi permisit, omnibus in rebus humanæ gloriæ contemptor egregius; ac dignus profectò. cuius vitæ sanctimoniam præstantissimæque virtutes, pia posteritas, tanti parentis memor, in omne tempus imitetur & celebret.

#### FINIS.